

UTL AT DOWNSVIEW



D RANGE BAY SHLF POS ITEM C
39 11 05 06 05 010 5

JN
9711
H38
v.11


Haydar, 'Alī, ibn Eṣmā
Dürer ül-hükkām serḥ-i
mecellet ül-aḥkām

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

3333/11

8F/21



﴿ الجزء الحادى عشر ﴾

من

درر الاحكام شرح مجلد الاحكام

Haydar, 'ALT شرح ibn Emin

﴿ كتاب الوكالة ﴾


Dürer ul-hütkäm serh-i
mecellet اثر ul-ahkām
خواجہ امین افندی زادہ

علی حیدر

محکمہ تمیز اعضا سندن و مکتب حقوق و ملکیت شاہانہ مجلہ معلی



مؤلفك زیرده کی مهر ذاتیسیله مهور اولیان نسخہ لڑ ساخته
و متجاسری مسؤلدر



استانبول

شرکت صہنیہ مطبعہ سی — باب عالی جادہ سندہ نومبر ۹۶

۱۳۱۹

JN
9711
H38
v.11

بِسْمِ اللَّهِ الرَّحْمَنِ الرَّحِيمِ

الحمد لله الجليل حسبنا الله ونعم الوكيل وهو اولى الجليل



(وکالت حقیقہ اولیوب پر مقدمہ ایلہ اوج بابی مشتملدر.)
وکالتک مشروعتی کتاب ، سنت ، اجماع امت ومعقول ایلہ
نابت اولمشدر :

کتاب : اصحاب کہفدن حکایہ طریقہ لہ ذکر بویوریلان
« فابشوا احسبکم بورقکم ہذہ الی المدینۃ » آیت جلیہ لہ سی
بولمشدرہ زیرا بوندہ کی بعث بطریق الوکالہ درہ وشرع من قبلنا
شرع لنا اذا قصہ اللہ تعالی ورسولہ من غیر انکار ولم یظہر لسخہ
والورق ہی الفضة المضروبة .

سنت سنیہ : فعلی الرسولدن عبارتدرہ شویلہ کہ رسول اکرم
صلی اللہ تعالی علیہ وسلم حکیم بن حزامی قربان صاتون آلمسی
ایچون توکیل بویورمشدرہ .

وکالتک جوازندہ اجماع امت منعقد اولمشدر تکملہ رد مختارہ
معقول : انسان بمضا امورینہ مباشرتدن عاجز قالاجفندن
غیرینسی توکیلہ محتاج اولور جوہرہ « ۱۷ » مادہ یہ باق .

مثلا وکالت غیر مشروع وهرکس امورینی بالذات ایضایہ
عجبور اولسہ مسافۃ سفر بعید بر محلہ بولنان مدیونسندن حقہ
استیفا ایچون داین محل مذکورہ بالذات کیتمسی لازم کلیرکہ بو

تقدیرده استیفا آیایه جکی حقندن فضله مصارف سفر به وقوع بولور.
انسان مدنی الطابع خلق ایدلمکله معاشنده تعاضد و تناصره
محتاج اولوب وکالت دخی بو قبیله ندر.
وکالت، واولک فتح وکسر یله توکیلاک اسمیدر تکمله رد مختار.

﴿ مقدمه ﴾

﴿ بعض اصطلاحات فقهیه بیاننده در. ﴾

— ماده ۱۴۴۹ —

(وکالت) لغة حفظ معاشنده در. بنابرین بر کیمسه دیگر
کسنه یه مالده سنی وکیل ایتدم دیوبده او مالده نه کی تصرفانه
وکیل ایتدیکنی ذکر ایتمز ایسه او کسنه آنجق او مالی محافظه
ایده بیلیر. یوقسه آنده بشقه درلو تصرف ایلیمه من درو. نته کیم
بر کیمسه دیگر کسنه یه « سن هر شیده وکیل مسک » دیدکده
او کسنه یه محافظه خصوصی تفویض ایدلمش اولور بحر.

شرعا (بر کیمسه) کندینی ایچون تصرف ایتک جائز
و کندیسنگ اهایت نفسی ایله اصل تصرفه نظراً تصرفه مالک
و مقتدر بولندینی و معاملاتدن بولنان معلوم (ایشی) یعنی
تصرفی — حق تصرف کندیسنده دخی قالمق اوزره —
(بشقه سنه تفویض ایتک و اول ایشده آنی کندی یرینه اقامه
ایلیمکدر). یعنی بر تصرفه بر کیمسه اهل تصرفه نظراً اهلیت
نفسی ایله — هر نه قدر عروض نهی سببیه او تصرفی یا مق

ممنوع اولسه بيله — آنی يامغه مقتدر اوله، او تصرفی اجرا
ایچون بشقه سنی وکیل ایده بیلیر .

ایضاح القیود والسبب

۱ کندیس ایچون تصرف ایتک جائز الح: مثلا برکیمسه
کندی مالی بالذات بیعه مقتدر اولدینی کی بونی صاتمغه
دیگری توکیله دخی مقتدر در. نته کیم برکیمسه صغیر ولدینک
مالی دیگر کسنه یه قیمت حقیقه سیله صاتمغه بیله جکی کی مذکور
مالی صاتمق اوزره دیگری دخی وکیل ایده بیلیر . یعنی ولی
وروی صغیرک یا معتوهک مالنده کندیلرینک بالذات تصرف
ایتماری جائز اولدینی خصوصاً دره غیر یسنی دخی توکیل ایتسی جائز در
تنقیح و طحطاوی . فقط بو صورتده وکیل موکل بی هنوز
یامدن صغیر بالغ اولدقده آرتق وکیلک وکالی قالماز واقعات.
اما بر تصرفک برکیمسه، آنی بالذات یامغه مقتدر اولیه
اول تصرفی یامق اوزره بشقه سنی وکیل ایده من . شویله که
. مثلا بر صبی میز، مالی آخره هبه ایتکه مقتدر اولدینی کی
آن هبه ایتکه بر بالی توکیله دخی مقتدر دکدر . ۸۵۹ و
۹۶۷ ماده لره باق.

۲ اهلیت نفسی : بو تعبیر ایله وکیل خارج قالیر . یعنی
وکیل حسب الوکاله مأمور اولدینی امورده تصرفه مقتدر
اولدینی حالده بو تصرفی یامق اوزره دیگر کسنه یه توکیل
ایده میله جکی (۱۶۶۶) ماده ده تصریح اوانغله بونک تعریفدن

اخراجی ایچون بو قید علاوه ایدلمشدر . ایمدی بو مسئله ده وکیل تصرفه مقتدر ایسه ده بوکا اقتداری اهلیت نفسی ايله اولیوب بلکه موکلنک تفویضه مبنی بولنشدر جوهره بایضاح ،
۳ اصل تصرفه نظراً ؛ عوارضدن قطع النظر : موکل ،
نهی شرعیدن طولایی او تصرفی یاغنه مقتدر اولسه بيله بوعدم اقتدار عروض نهی سببيله اولوب موکل اصل تصرفه نظراً اوایشی یاغنه مقتدر عداوانه رقی مذکور تصرف ایچون دیگرینی توکیلله مقتدر اولور . شویله که مثلاً بر مسلم بیع خنزیره نهی عارض سببيله مقتدر دکل ایکن آنی بیع اتمک اوزره بر غیر مسامی عندالامام وکیل ایده بیلیر مجمع الانهر .

۴ معاملاتدن بولنان : بو تعبیر ايله استیفاء قصاصه توکیل خارج قالیر . شویله که ولی القتل کندیسای ایچون ثابت اولان حق قصاصی استیفا ایده بیلیر ایسه ده کندیسای غائب ایکن استیفاء قصاص ایچون دیگرینی توکیل ایده من جوهره بنغیر وایضاح ،
نته کیم « ۱۴۵۹ » ماده شرحنده توضیح اولنور .

• حق تصرف کندیسنده دخی قالمق اوزره : بو قید ايله تعریفدن ایصاء خارج قالیر . زیرا ایصاده ولایت تصرف موصیده قالمق اوزره وصی به انتقال ایدوب حال بوکه وکالتنه حق تصرف وکیل ایچون ثابت اولدینی کی موکلدن دخی زائل اولیوب تصرفه اقتدار آنده دخی باقی قالیر قهستانی .
مثلاً زید « بنم وفاتمدن صوکره عمرو وصیم اولسون ،

اولاد صغارمك و تركه مك امورنخ تسويه ايتسون» ديسه عمروك
حق تصرفي زيدك فوتندن وزيد ايچون حق تصرف قالدقندن
صوكره ثابت اولوب اما زيد عمروي معلوم مانى صاتمغه وكيل
ايتسه حق تصرف عمروايچون ثابت اولدينى كي زيد ايچون دخی
ثابت اولوب ايکيسيده آنى بيعه مقتدردر .

۶ بشقه سنه: بو تعبير دلالت ايدرکه وكيل بشقه سى ايچون
عامل اولمق لازمدر. بو صورتده وكيل، نه وقت کندي نفسى
ايچون عامل اولور ايسه وکالت باطل اولور. مثلاً بر کيمسه
مديونى آنک ذمتنده کی آلاجهنى قبضه توکیل ايسه بو وکالت
باطلدر. ۱۴۵۹» ماده شرحه باقى. فقط بو قاعده دن بر مسئله
مستثنادر: شويله که داین مديونى نفسى ابرايه توکیل ايتسه
محیح اولور. وقبل الابرء عزل دخی ایده بياير تکمله رد مختار
۱۴۵۹» ماده شرحه باقى.

(اول کيمسه يه) كاف مشدده نك كسريله (موکل ويرينه
اقامه ايلديكى کيسنه يه وكيل و اول ايشه) كاف مشدده نك
فنجيله (موکل به دنيلير.)

وكيل، فعليل وزننده اولوب موکل اليه الامر يعنى امر
کنديسنه تفويض اولسان کيمسه ديمکدر. فقط وکیلک فاعل
معناسنه اولمى جانظ معناسنه اولدينى تقدیرده در. حسبنا الله
ونعم الوکیل کی. ومنه الوکیل فى اسماء الله تعالى. يعنى وكيل
مفعول معناسنه اولور ايسه بو ماده ده تعريف اولسان کيسنه

اولوب اما فاعل معناسنه اولدینی تقدیرده حافظ دیمک اولور .
وکیل مفرده، جمعه، مذکره ومؤنثه اطلاق اولور قهستانی
و بحر و مجمع الانهر بایضاح . یعنی فاعیل، مفعول معناسنه اولماغه
برابر موصوفی ذکر اولور ایسه مذکر ومؤنث و مؤنث و جموع
مساوی اوله رق رجل جریح و امرأة جریح یعنی مجروح
و مجروحه دنیلیر . اما موصوفی ذکر اولماز ایسه بونلرده مساوی
اولوب مؤنثی مذکردن تا ایله تفریق اولور مراح و مشرحه .

ماده ۱۴۵۰

(رسالت، برکیمسه، تصرفده) اذویت و (دخی اولمق سزین
بر کسنه نك سوزینی دیکره تبلیغ ایتمکدر) . یعنی رسالت ،
نقل عبارته تمیز دیکره مرسلک سوزینی مرسل الیه ایصاله
موضوعدر (اول کیمسه ره رسول و او کسنه ره) اسم فاعل
صیغه سیله (مرسل و دیگرینه) اسم مفعول صیغه سیله (مرسل الیه
دنیلیر) درر و ولوالجیه .

الحاصل ، وکیل عقده مباشرت ایدن و رسول عقده
مباشرتی تبلیغ ایلان کیمسه در . و شرطه الاضافة الی مرسله
بان يقول ان مرسلی يقول بعث منك ونحوه تکمله رد مختار .
مثلا برکیمسه دیکر کسنه ره «شومالی فلان شخصه بو قدر
غروشه صاتم وار آکا خبر ویره دیوبده او کسنه دخی شخص
مرقومه واروب «فلان کیمسه شوپله برمانی شو قدر غروشه
سکا صاندیغنی سوپلیدی یعنی صاتم دیدی» دیدکده او کسنه

رسول یعنی مرسلک بو سوزنی مرسل الیه موصلی اولوب
یوقسه وکیل بالیبع دکدر .

وکیل، عقدی موکانه مضاف قیلمق مجبوریتنده اولیوب
دیلسه نفسه مضاف قیلارکه بو حالد وکالت حکمی جاری
و دیلسه موکانه مضاف قیلارکه بو تقدیرده حکم رسالت
عرعی اولور .

اما رسول عقدی مرسلنه مضاف قیلمق مجبوریتنده دره
والیه الاشارة بقوله تعالى «یا ایها الرسول بلغ» وقوله «وما انت
علیهم بوكیل» انی الوکالة و اثبت الرسالة بحر بایضاح . ۱۴۵۴
ماده مثالری رسالتک مثالری اولدینی کی ۱۴۵۵ ماده شرحنده
«اما برکیمسه خدمتکارینه الخ عبارده سی رسالتک مثالیدر»
و کالتله رسالت بیننده کی فرقلر

ایمدی وکالت ایله رسالت آره سنده بش وجهله فرق واردور:
وجه اول، من حیث الماهية فرقدرکه سالف البیان ایکی
ماده ده ذکر اولندی .

وجه ثانی، وکالتده حقوق عقد وکیلله راجع ایکن رسالتده
حقوق عقد رسولله عائد اولیوب تماماً مرسلله عائد اولور .
«۱۴۶۱ و ۱۴۶۲» ماده لره باق .

وجه ثالث، ۱۵۴۳ ماده ده بیان اولندی بی اوزره وکیلک
عزلی عزل اولندیغنه علمنک لحقوقیله تمام اولوب اما رسولک
عزلینده آنک علمنک لحقوق شرط دکدر . نته کیم مذکور ماده

شرحنده ایضاح اولنور.

وجه رابع، رسالته رسولك عقدی موکلی بولنان مرسلنه
مضاف قلمسی لازم اولوب اما وکالتده وکیل غیر اوله رق
دیلمسه موکله دیلمسه نفسه مضاف قیلار تکمله رد مختار
فی الودیعة بزیاده.

وجه خامس، وکالت اکثریا الفاظ وکالت ایله عقد ایدیلوب
اما رسالت، اکثریا الفاظ رسالت ایله عقد اولنور رد مختار.

﴿ باب اول ﴾

(وکالتک رکن) ی (و) رکن توکیلک (تقسیمی بیاننده در.)

ماده ۱۴۵۱

(توکیلک رکنی) عقود سائر نک ارکانی کبی (ایجاب
وقبولدر.) قبول ولوکه حکما اولسون . سکوت کبی بحر.
ایجاب وقبول ایکی وجهله اولور:

وجه اول، هرایکیدسیده صراحة اولمقدرد. (شویله که موکل
شو خصوصه) بو خصوص موکل بهدن عبارتدرکه بوده
۱۴۵۹ و ۱۴۶۸ ماده لرده ذکر اولنور (سنی وکیل ایتدم
دیوبده وکیل دخی قبول ایتدم دیسه یاخود قبولی مشعر) قبول
ایتدم سوزندن (بشقه بر سوز سویلسه وکالت) غیر لازم و
ایجاب وقبولک ایکیسیده صراحة اوله رق (منعقد اولور.)

ایضاح القيود

۱ شوخصوصه : بوعباره ايله موكل بهك معلوم اولسي لازم اولديغنه اشارت اوليور . موكل به اولان تصرف معلوم اولينجه وكيلى ايجون يالكز تصرفانك اذناسى ثابت اولوركه اوده حفظدن عبارتدر . « ۱۴۴۹ » ماده شرحه باقى .

۲ سنى : بوتعبير - يعنى ايجاب وكالتك مخاطبه و مشافهه ايله ذكري - احترازي دكلدر . چونكه عقد وكالت - مشافهه ايله صحيح اولدني كې مكاتبه و رسالت ايله دخی صحيح اولور . « ۶۹ » ماده به باقى .

مكاتبه به مثال : بر كيمسه بر غائب بر خصوصه تو كيلي ايلديكنه دائر آكا مضمون و مرسوم مكتوب كوندروب او دخی وكالت قبول ايتسه وكالت منعقد اولور هاشم اقروى .

رسالته مثال : بر كيمسه ديكر بر شخصه « بومالى فلان كسنيه كوتورده صائسون » ويا « سن فلان كسنيه كيتده بنم نزدنده بولان شويله بر مالى صائسون » ديسه ده او دخی او كسنيه بوخبرى بعد التبليغ اوده صائسه وكالت و بيع صحيح اولور . نته كيم بر كيمسه غائب بر شخصى بر خصوصه تو كيلي ايدوبده خبر وكالت بر كسنيه آكا ابلاغ اوده قبول ايتسه وكالت منعقد اولور . مخبر كرك عادل يا مستورا حال اولسون و كرك غير عادل اولسون . كرك خود بخود خبر ورسون و كرك طرف آمردن رساله خبر ورسون . و غائب مرقوم بوخبرى كرك تصديق و كرك تكذيب

ایستون . احوال مذکورہ نك كليسنده او كسنه وکیل
اولور ہندیہ .

۳ توکیل ایتدم ... سوز : أَلْفَاظ وکالت : توکیل ، اذن ،
تفویض ، امر « مثلاً فلان ایشی یاپ » ، رضا ، مشیت ، ارادت ،
وصایت ، تسلط کبی سوزلردر ، شمدی بو الفاظ اسمی
تفصیل ایدہ لم :

برنجیسی ؛ توکیل ، بونك ایضاحی بومادہ مذکوردر .
ایکنجیسی ؛ اذن ، بونك ایضاحی مادہ آتیہ مذکوردر .
اوچنجیسی ؛ تفویض ، مثلاً مالک مستغلات ، دیگر کسنہ
مستغلاتک امرینی سکا تفویض ایتدم دیدکہ مالک مرقوم ،
مستغلاتی دیگر شخصہ ایجار ایتش اولنجه اوکسنہ اجرتی طلب
واخذ ایدہ بیلیر . نتہ کیم برکیسه دیگر کسنہ دواب و مالککم
امرینی سکا تفویض ایتدم دیدکہ اوکسنہ دواب و مالکی حفظ
ورعی و تعالیف و اتفاق ایدہ بیلیر بحر .

دردنجیسی ؛ امر ، برکیسه دیگر کسنہ یه فلان ایشمی یاب
مثلاً خانہ می سات دیسه اوکسنہ یی وکیل ایتش اولور بحر .
نتہ کیم برکیسه دیگر کسنہ یه شو آتی صاتون آل دیوبده پاره سفی
ویرسه و نیم ایچون آل قیدینی علاوہ ایتسه بیلہ اوکسنہ یی توکیل
ایتش اولور ، امریک توکیل اولسی مسئلہ سی « ۱۴۵۵ » مادہ
ایضاح اولنہ جقدر .

بشنجیسی ؛ رضا ، برکیسه دیگر کسنہ یه شو آتی صاتمفلک

راضی یم دیسه توکیل بالیج اولور .
آلتنجیمی؛ مشیت، برکیمسه دیگر کسنه یه شو خانهمی
صائمقلغکی دیلرم دیسه توکیل اولور .

یدنجیمی؛ ارادت، برکیمسه دیگر بنه شو خانهمی صائمقلغکی
اراده ایدرم دیدکده توکیل اولور جوهره .

سکزنجیمی؛ وصایت، برکیمسه دیگر بنه فلان خانهمی بیعه
حیاتمه سنی وصی ایتدم دیسه توکیل اولور. بخلاف انت وصی
فقط خایه . « ۳ » ماده به و شرحنه باقی .

طوقوزنجیمی؛ تسلیط، برکیمسه دیگر کسنه یه سنی فلان
مالی صائمغه تسلیط ایتدم دیسه آنی توکیل ایتمش اولور
تکمله رد مختار .

۴ غیر لازم : وکالت عقد لازم دکلدر . چونکه وکالت
تبرع اولوب تبرعاً ایتسه لزوم یوقدر. عدم لزوم اوزرینه
اوج مسئله تفرع ایدر :

۱ مسئله — وکالته خیار شرط داخل اولماز در مختار.
« ۳۰۰ » ماده قیلمده کی شرحه باقی . حتی موکل بر مالی بیعه
اوج کون مخیر اولوق شرطیله برنی وکیل ایتسه وکالت صحیح
و شرط باطل اولور رد مختار و هندیه .

۲ مسئله — یالکیز وکالت دعوی و اثبات اولنه رق بونکله
مقصودا حکم صحیح اولماز . شویله که برکیمسه دیگر کسنه دن
بنی فلان خصوصه وکیل ایتدی دیه دعوی ومدعی علیه انکار

ایتمکله اثبات مدعا برله حکم اولنه میه جنی کبی بریکمه سه محکمه یه
بالمراجعہ بن فلان غائبک فلان خصوصنه وکیلیم دیه ادعا واثبات
ایده جک اولسه قبول ایدلمز .

وکالتله بروجہ بالا مقصودا حکم صحیح اولماز ایسه ده مثلا
برغیرم مواجهه سنده آلا جق ادعا کبی دعوی صحیحه ضمنتده
وکالت ایله حکم صحیحدره . « ۵۴ » ماده یه باقی . شویله که بریکمه سه
دیگر کسمنه دن « بوکسمنه نک فلان شخصه اون آلتون بورجی
وارددر بن او شخص طرفندن قبضه و دعویه وکیلیم دیوبده
اوکسمنه دخی بورجی اقرار و وکالتی انکار ایسه مدعی وکالتی
اثبات ایدنجیه حاکم مدعینک غائب طرفندن وکیل اولدیغنه
ومبالغ مدعا بهی اعطا ایتمسه حکم ایدر درر بایضاح . « ۱۵۱۶ »
ماده شرحنه باقی .

۳ مسئله — موکل وکیانی دیلدیکی وقت عزل ایده ییله جکی
کبی وکیل دخی ایستدیکی زمان استعفا ایده بیلیر .
استثنا

بعض مسائله وکالت لازم اولور که بونلر دخی « ۱۵۲۱ »
ماده شرحنده ایضاح ایدیله جکدر بحر .

وجه ثانی، ایجاب صراحة و قبول دلالة اولور . شویله که
(كذلك) موکلک بروجہ مشروح ایجابی اوزرینه (وکیل
برشی سویلمیوبده) موکل به اولان (اول خصوصک اجراسنه
تثبت ایسه دلالة وکالتی قبول ایتمش اولمغله تصرف صحیح اولور)

یعنی سکوتی قبوله دایلدرد . ۶۷۵ ماده یه باقی ابوالسعود .
 بناء علیه وکیل موکل بهی ایضا ایتدکدن صوکره موکل ،
 توکیلنه نادم اولسه فائده ویرمز . بومسه ۱۴۵۹ ماده
 شرحنده ایضاح قیلانه جقدر .

نته کیم برکیمسه دیگر کسمسه به بومالی صاتمقلغکی آرزو
 ایدیورم یا ایستیورم، دیوبده وکیل دخی اول خصوصت اجراسنه
 تثبث ایتسه وکائی قبول ایتمش اولغله تصرفی صحیح اولور هندیه .
 فقط لفظاً وکذا دلالة اولان قبول، مجلس ایجابله تعید
 ایدرمی؟ یعنی برکیمسه دیگر بنه سنی فلان مالی صاتمغه وکیل
 ایتدم دیوبده اوده او مجلسده سکوت ایدره دیگر مجلسده
 صراحة قبول ایتسه یاخود بشقه موضعهده صاتمغه تثبث ایتسه
 صحیح اولورمی؟ و قبول الوکیل ایس بشرط لصحة الوكالة استحصانا
 ولكن اذا رد الوکیل الوكالة ترد . سکوت الوکیل قبول ویرتد
 برده تکمله رد مختار .

(اما بعد الايجاب وکیل) ایجابی (رد ایتسه ایجابک
 حکمی قلماز) و آندن صوکره قبول ایتسه بیله وکالت منعقد
 اولماز . بیعهده اولدینی کی . ۱۸۳۳ ماده یه باقی . مکرکه ایجاب
 و قبول تجدید ایدیله .

(بناء علیه موکل بوخصوصه سنی وکیل ایتدم دیوبده
 وکیل اوله حق کسمسه قبول ایتم دیه رد ایلدیکندن صوکره
 موکل بهک اجراسنه مباشرت ایتسه تصرفی) موکلی ایچون

(صحیح) و نافذ (اولماز) ده تصرف مذکور بعضاً فضولی و بعضاً دخی وکیل اوزرینه نافذ اولوره شویله که موکل به بیع مال اولنجه بو بیع فضولی اولور.

مثلاً موکل به ، موکلک مالنی بیع اولقله وکیل بو وجهله ایجابی رد ایتدکن صوکره اولمالی بیع ایسه بیع مذکور فضولی اولور. « ۹۶ و ۳۶۸ » ماده لره باقی.

موکل به معین یا غیر معین بر مالک آنسی ایسه آلمان مال وکیلک اولوب یوقسه موکل ایچون آلمش و « ۱۴۸۵ » ماده نلک حکمی بوراده جاری بولنش اولماز. نه کیم بو اشترا موکلنک اجازتنه دخی موقوف اولماز. بیع ، موقوف ایکن شرانک موقوف اولماسی اسبابی « ۱۴۵۳ » ماده شرحنده ایضاح اولنور.

موکل به ، قبض دین اولنجه وکیل اوله جق کیمسه وکالتی رد ایتدکن صوکره دخی قبض ایسه مدیون دیندن بری اولماز بحر. « ۱۱۱۳ » ماده شرحنده کی « ۱۵ » مسئله به باقی.

ماده ۱۴۵۲

(اذن و اجازت توکیلدر .) یعنی لفظ وکالت ایله ماده آنفده بیان اولندینی اوزره عقد وکالت اولنجه کی اذن و اجازت لفظ لریله دخی عقد وکالت اولنجه بیلیر . شویله که بر کیمسه دیگر کیمسه یه فلان ماللی صائمه سکا اذن ویردم دیدکه او کیمسه یی آنی بیعه توکیل ایتش اولنجه کی فلان ماللی

صائمہ سکا اجازت ویردم دیسه اوکسنہ نی اومانی بیعہ توکیل
ایتمش اولور ہندیہ و بحر و رد مختار . نتہ کم برکیمسہ دیگر
کسنہ یہ صانون آلوب هنوز ید بایمده بولنان قصراغمی قبضہ
سکا اذن ویردم دیسه آنی قبضہ توکیل ایتمش اولوب حتی اول
قصراغی قبضہ حتی اولدینی کی بعدالنوکیل تولید ایتدیکی
یاوروی دخی قبضہ صلاحیتی واردر . اما قبل النوکیل تولید
ایتدیکی یاوروی قبضہ صلاحیتی یوقدر . نمر بستانده دخی حکم
منوال مشروح اوزرہ در تکملہ عن الکافی .

— ماده ۱۴۵۳ —

(اجازت لاحقہ) یعنی عقود موقوفہ یہ لاحق اولان
اجازت (وکالت سابقہ حکمنده در .) بو قاعده بیع و اجارہ
وہبہ کی عقود جاریدرکہ بروجہ آنی تفصیل اولنور :

۱ — بیع

(مثلا برکیمسہ فضولی) اولہرق (آخرک مالی صائدقده)
بیع مذکور ۳۶۸۰ ماده حکمنجہ موقوفا منعقد اولور . ۹۶۰
مادیہ باق . بو صورتہ اول کیمسہ یاخود دیگر بر آدم بوندن
صوکرہ (مال صاحبہ خبر و بروب او دخی) بویی ۳۷۸۰
مادہدہ کی شروط موجود بولندینی حالہ (مجیز اولسہ اولجہ
آنی) بیعہ (وکیل ایتمش کی اولور .) دہ بیع مذکور
صحیح و نافذ اولور علی افندی . حتی بوندن صوکرہ فضولی
موقوف ، مشتری نی نمن میعدن ابرا یا نمن میعک بمضدینی

آندن حظ ايشه صحيح و مجيزه ضامن اولور هنديه .
 شرحا اشارت اولنديني اوزره اجازت ، عقود موقوفه يه
 لاحق اولوب يوقسه عقود مفسوخه يه يا خود عقود نافذه يه
 لاحق اولماز .

ايمدي اجازتك عقود مفسوخه يه لاحق اولميه جفته مسائل
 آتیه تفرع ايدر . شويله كه :

اولا ، مال صاحبي بيع فضولي يي فسخ ايتدكن صوكره
 مجيز اولسه اجازت صحيح و بيع مفسوخ صحت منقلب اولماز
 جامع الفصولين .

ثانياً ، بر كيمسه ديكر كسنهك مالي فضولي اوله رق
 شخص آخره ايجار ايتدكن صوكره مال صاحبي شو عقدي
 مجيز اولم ديه فسخ اجاره ايدوب بمده عقد مذكوري مجيز
 اولسه جائز اولماز هنديه .

ثالثاً ، مستأجر ك وفاتيله اجاره منفسخ اولمشيكن مال
 صاحبي مأجورده مقيم بولان متوفاك شربكندن اجرت آلسه
 اجاره مفسوخه يي مجيز اولمش اولماز . « ۵۱ » ماده يه باق .

و اجازتك عقود نافذه يه لاحق اولميه جفته مسائل آتیه
 تفرع ايدر . شويله كه :

اولا ، بر كيمسه ديكر كسنيه بو مالي شوقدر خروشه
 بكا فلان شخص ايچون سات ديوبده اوده صاندم واول كيمسه
 دخی قبول ايتدم ديسده اول كيمسه شخص صرقومك اصريني

یعنی اومالی اشترايه کندیسه نی وکیل ایتدیکنی انکار و بو انکارینی شخص مرقوم دخی تصدیق ایلدکن صوکره اول شخص اجازت ویردم دیسه معتبر اولماز بحر .

ثانیاً ، برکیمسه دیگر کمنه نك امر و توکیلی اولیه رق او کمنه ایچون عقدی نفعنه بالاضافه بر مال صانون آلسه اومال اول کیمسه نك اولور . حتی او کمنه مجیز اولسه و بلکه اول کیمسه حین اشترايه او کمنه ایچون آلدیفنه اشهاد ایاسه بیله مشترا او کمنه نك اولماز . لکن بوندن صوکره مشتری میعی او کمنه یه تسلیم ونمی اخذ ایتسه بو معامله تعاطی طریقله بیع جدید اولور رد مختار .

فقط مشتری فضولینك عقد شراسته اوج احتمال واردر :
احتمال اول ، مشتری فضولی عقد شرایی مشتراله بولنان غیره اضافه ایلمه سیدرکه غیره اضافت ، وجوه آتیه دن بریله اولور :

برنجیسی — بایع بو مالی فلان ایچون شوقدر غروشه صاندم و مشتری دخی اول فلان ایچون اشترا ایتدم یاخود قبول ایتدم دیمسی .

ایکنجیسی — بایع بومالی فلانه شوقدر غروشه صاندم و مشتری فضولی دخی آنک ایچون قبول ایتدم دیمسی بحر .
اوچنجیسی — مشتری فضولی بایعه ، بو مالی شوقدر غروشه فلانه سات دیوب بایع دخی آکا صاندم و مشتری فضولی

اول فلان ایچون صانون آلدیم دیعی، ۱۷۲۰ء مادہ شرحہ باقی۔
ایمدی فضولی طرفندن وجوه مذکورہ دن بریلہ عقد
شرا، غیر بولنان مشترالہ اضافہ ایدلکده شرا مذکور
مشترالہک قبولہ موقوفاً منعقد اولور۔ قبول ایدرسہ مشترالہ
اوزرینہ بیع لازم نافذ وعہدہ بیع مشترالہ عائددر۔ فضولی
عقدہ عائد اولماز۔ قبول ایتمز ایسہ بیع منفسخ اولوب یوقسہ
عقد شرا فضولی اوزرینہ نافذ اولماز۔ زیرا شرائک موقوف
قالماسی نفاذ بولاینبی تقدیردر؛ بو مسئلہدہ ایسہ عقد
عقدہ مضاف قیلمدیغندن عاقد اوزرینہ نافذ اولماز رد مختار
فی الفضولی۔

احتمال ثانی، مشتری فضولی عقد شرایی نفسنہ اضافہ
ایلمسیدر۔ نفسنہ اضافہ دخی وجوه آتیہ ایله اولور :
برنجیسی؛ فضولی، بو مالی شوقدر غروشه سندن صانون
آلدیم دیوب بایعک دخی صاندم دیعی۔
ایکنجیسی؛ مشتری فضولی، بو مالی فلان اجنبی ایچون
شوقدر غروشه سندن آلدیم دیوب بایعک دخی صاندم دیعی۔
دلت المسئلة علی ان یعنی لفلان لیس اضافه الی فلان والا کان
عقد فضولی لان قوله لفلان یحتمل ان یکون لشفاعة فلان
تکملة رد مختار۔

اوچنجیسی؛ بایع، فضولی به بو مالی شوقدرہ سکا فلان
اجنبی ایچون صاندم دیوب مشتری فضولینک دخی قبول ایتدم

دیسے۔ لانہ اضیف العقد الی المشتري ظاهرا و قوله لاجل
فلان یحمل لاجل شفاعته اور ضاه.

در دنجیسی؛ مشتری فضولی بایه بو مالی شو قدر غروشه
بکا صات دیوبده بایک دخی صاندم ومشتريک قبول ایتمدم
دیسے .

ایمدی فضولی ، وجوه مذکورہ دن بریلہ شرایی نفسہ
اضافت ایتمدکده اشبو شرا مشتری فضولی اوزرینه نافذ اولوب
مشتري مرقوم شرایی قلبیلہ باشقه سی ایچون نیت و حتی قبل
الشراء باشقه سی ایچون اولدیغی اشهاد ایتمسه بیلہ مشتری
مرقومه عائد اولور ؛ غیرک اجازتنه موقوف اولماز . لانہ اذا لم
یکن وکیلا بالشراء وقع الملك له فلا اعتبار بالاجازة بعد ذلك
لانها انما تلحق الموقوف لا النافذ رد مختار فی الفضولی و بحر
وعلى انندی بزیاده .

احتمال ثالث ، بایع مشتری به صائمش ایکن مشتری عقدی
غیره بالااضافه قبول ایللمسی یاخود بایع عقدی یعنی ایجابی غیره
اضافله انشا ایلدیکی حالده مشتری فضولی نفسنه اضافله قبول
ایتمسیدر . بو صورتده عقد باطل اولور . شویله که مثلا بایع بو
مالی شو قدر غروشه سکا صاندم دیمشیکن مشتری فلان ایچون
آلدم دیسه عقد باطل اوله جفی آبی مشتری بو مالی شو قدر
غروشه سندن آلدیم دیدیکی حالده بایع فلان ایچون صاندم
دیسه بیع باطل اولور رد مختار . ۱۶۷۵ ه ماده شرحنه باقی .

۴ — اجاره

مجله نك ۴۴۷ ماده سنده ذكر اولنديني اوزره اجاره
فضولى مال صاحبنك اجازتنه موقوف و مجيز اولور ايسه جائز
و بو اجازت وكالت سابقه حكمنده اولور . مجيز اولماز ايسه
منفسخ اولور .

۳ — هبه

مجله نك ۸۵۷ ماده سنده بيان ايدلديكي وجهه بر كيمنسه
ديكر كمنسه نك مالني برينه هبه ايتسه مال صاحبنك اجازتنه
موقوف اولوب مجيز اولور ايسه نافذ و بو اجازت وكالت سابقه
حكمنده اولور . مجيز اولماز ايسه منفسخ اولور .

۴ — قبض دين

بر كيمنسه نك ديكر كمنسه ذمتنده كي اون آلاون آلاجنفي
شخص ثالث فضولا قبض ايتدكدن صوكره مقبوض ، فضولى
قابض يدنده عينا موجود ايكن داي ، قبضى مجيز اولسه جائز
و وكالت سابقه حكمنده اولور .

اجازتك هم أقواله همده

أفعاله حرقى

اجازت ، بوجه بالا أقواله لاحق اولديني كهي أفعاله دخي
لاحق اولاجنفي عماديه ده ذكر اولنمشدر . بو صورتده بر كيمنسه
بورجنفي دايينه ديكر كمنسه يديله بالارسال او كمنسه دايينه خبر
ويرديكنده دايين دخي راضى اولوب فقط هنوز آلاجنفي او

کسینه نك يندن اُخذ ايتدن آنكله شوبله بر مال كنديسي ايجون
آليويرلسني امر ايتكله مأمور آليويرمدن مبالغ مقبوض اول
مأمورك ينده تلف اولسه داین اوزرينه تلف اولور . زیرا
او کسینه نك قبضه انتهاء اذن ابتداء اذن کبیرد . بونده کوریلورکه
اجازت قبض اولان فعله لاحق اولدی .

نته کیم ترزی روبه يي افساد ایدوب صاحبي فسادى بیله .
رك اخذ و تلبس ایتسه آرتق ترزی به تضمین ایتدیردمن .
ایشته افساد ثوب فعل اولدینی حایده آکا اجازت لاحق اولدی .
استثنا — فقط بو افسالدن اتلاف فعلی مستثنا اولوب
اتلافه اجازت لاحق اولماز . بناءً علیه برکیمسه دیگر کسینه نك
مالی تعدیا اتلاف ایتدکن صوکره مال صاحبي اتلافه راضی
یا اتلافی مجیز اولدم دیسه اجازت حکمی اولیوب مال صاحبي
متلفه تضمین ایتدیره بیلیرکه « ۹۱۳ » ماده شرحنده بوکا دائر
بعض مسائل ذکر ایدلمشیدی .

شوقدرکه ملقطك لقطه يي تصديق ایتسیله اتلافی استثنای
مذكورك مستثنای اولوب بو اتلافه اجازت لاحق اولور .
« ۷۷۰ » ماده شرحنه باقی رد مختار .

❦ ۱۴۵۴ ❦ ماده

(رسالت ، وکالت قبیلندن دکلر) یعنی وکالت ورسالت
ایکیسی برشی اولیوب « ۱۴۵۰ » ماده شرحنده بیان اولدینی
اوزره بیلرند و جوه خیمه ایله فرقی واردر . بوفرقلردن بریسی

وسالنده رسولك عقدی مرسلنه مضاف قیلمسی لازم اوله رق
نفسنه مضاف قیلمسه مرسله حقنده نافذ اولماز ایکن وکالنده
مقدك موکله مضاف قیلمسی لازم اولیوب نفسنده موکننده
مضاف قیله بیلیر ردیحار. نته کیم «۱۴۶۰» مادهده ایضاح اولنوره
(مثلا بریکمسه یه صراف آقچه اقراض ایده جک اولوبده
اودخی آقچه یی کتورمک اوزره خدمتکاری) صرافه
(کوندرسه خدمتکار اول کیمسه نك رسولیدر. یوقسه
استقراضه وکیلی دکلدور.) حق «۱۴۵۹» ماده شرحنده بیان
اولنه جفی اوزره استقراضه وکالت جائز دکل ایکن بوجیهله
رسالت جائز اولور. بوصورته صراف، مذکور پاره یی اول
رسوله ویردم ورسول دخی آلام مستقرضه تسلیم ایتدم دیدیکی
حاله مستقرض، خدمتکارینک صرافدن پاره یی آلیقنی اقرار
ایدنجه کنایسنه تسلیم ایدلمسه دخی مستقرض اوزرینه ضمان
لازم کلوب اما خدمتکارینک صرافدن پاره یی آلیقنی مستقرض
انکار ایتدکده مجرد صراف ورسولک بوسوزلری ایله مستقرض
اوزرینه برشی لازم گلز. زیرا صراف مدعی اولوب مدعینک
دعوی مجرد سبیل برشی ثابت اولماز. «۷۶» ماده یه باقی.
رسولک سوزیله دخی برشی ثابت اولدی. زیرا رسولک سوزی
اقرار اولوب اقرار ایسه حجت قاصره در. «۷۸» ماده یه باقی.
بروجه بالا مستقرض اوزرینه برشی لازم کلیه جکی کبی رسولک
اوزرینه دخی برشی لازم گلز. چونکه رسول امین اولوب

امینك سوزی برائت ذمتی حقنده مع الیمین قبول ایدیلیر. هر نه قدر
غیره « غیر بونده مستقرضدره ایجاب ضمان حقنده سوزی قبول
ایدیلمز ایسه ده . نته کیم مدیون، کندی رسولیله بورجی داینه
کوندردیکی صورتده رسول ایصال دینی ادعا و داین آلاجهنك
کندیسنه وصولی انکار ایتدکده بورسولك سوزی برائت ذمتی
حقنده قبول ایدیلیر ایسه ده بونکله داینك استیفای حق ایلدیکی
ثابت اولماز تعلیقات ابن عابدین علی البحر و کفوی . « ۱۷۷۴ »
ماده یه باقی .

فقط مجله نك شو مثالنك ظاهری شودر که اول کیمسه ایله
صراف بیننده قرض، اولجه عقد ایدلمش و خدمتکار مقروضك
بالقبض مستقرضه ایصالنه مأمور اولمشدر. بناء علیه ظاهر مثال
استقراضه رسالت اولیوب بلکه قبض قرض ایچون مستقرضه
و کائنندن عبارت اولمقله استقراضه رسالت، دیگر مثال ایله بروجه
آتی تصویر اولنور؛ شویله که : بر کیمسه خدمتکارینه فلان
صرافه کیتده بنم ایچون بیک غروش استقراض ایله دیه
خدمتکارینی صرافه بالارسال خدمتکار صرافه واردیفنده فلان
کیمسه سندن بیک غروش قرض ایستیور دیه عقدی موکله بالااضافه
عقد قرض ایتدکده خدمتکار آرده رسول اولوب و کیلی دکلدر.
و مقروض اول کیمسه نك ملیکی اولور طحطاوی و فیضیه .
(کذلک بر کیمسه نك بر آت اشترا ایتك اوزره جانبازه
کوندردیکی شخص اول جانبازه فلان کیمسه سندن فلان آنی

صانوں اَلْمَقِ اِستِیور دِیسی اوزرینہ جانباز دخی شوقدر غروشه
اولمق اوزره بونی آکا صاندم وار آکا سویله و آتی تسلیم ایله
دیه رک اول شخصه ویروب اودخی منوال مشروح اوزره اول
کیمسه یه آتی تسلیم و اودخی همان اول مجلسده (قبول ایتدکده
اول کیمسه ایله جانباز بپننده بیع منعقد اوله رق اول شخص
آرده مجرد بر رسول و واسطه اولور . یوقسه) عقد بیعه
(وکیل اولماز .) کلیات ابی البقاء . حتی جانبازک آتک ثمنی
اول کیمسه دن طلب ایتسی لازم کلوب یوقسه او شخصدن
ایستیه من . ۱۶۶۲۵ ماده به باق فیضیه .

(و کذلک بر کیمسه قصابه بنم بازاره کیدوب کلان فلان
خدمتکاریمه بنم ایچون یومیه شوقدر قیه ات ویر دیوب اودخی
بووجهله ویرسه اول خدمتکار افندیسنک رسولی اولور .)
یوقسه (وکیل دیمک اولماز .) حتی قصابک آتک پاره سنی اول
کیمسه دن آلسی لازم کلیر ؛ خدمتکاردن ایستیه من .

فقط قصاب ، خدمتکاره دانی سکا صاندم پاره سنی ویره
و خدمتکار دانی سندن افندم طرفندن بالرساله آلم یعنی عقدی
افندیمه مضاف قیلدم یوقسه نفسه مضاف قیلدم بناء علیه
ثمنی بندن لازم گلزه دیه اختلاف ایلد کلرنده سوز عقدی کندی
نفسه نه مضاف قیلمدیغنه یمینله خدمتکار کدر . زیرا خدمتکار
عقدک نفسه نه اضافتی ولزوم ثمنی منکر در . اما ایکسیده اقامه
پنه ایتد کلرنده قصابک پنه سی ترجیح اولنور . ۸۵ و ۷۶

ماده لره باقی تنقیح و تکمله رد مختار . « ۱۴۶۲ » ماده شرحه
دخی مراجعت اولنه .

— ۱۴۵۵ — ماده

(امر) ده اوج صورت واردر: صورت اولی، امر (بمضا
وکالت و) صورت ثانیه امر (بمضا رسالت) و صورت
ثالثه امر بمضا مشورت (قبیلندن اولور) تکمله رد مختار .
صورت اولینک ایضاحی: امرده مأمورک فعلی آمرطرقندن
بطریق انیابه اولمسی افاده ایدر سوز بولندقدمه امر وکالت اولور.
مأمور ایچون خدمتی مقابلنده اجرت شرط ایدلک یاخود
مأموره پاره و یروب بونکله شویله بر مالی بنم ایچون آل و یا
شویله بر مالی آل « یعنی بنم ایچون دییمه رک » یاخود کندی مالنه
اشارت برله بومالی صات دیملک کبی. زیرا شرط اجرت انابه یه
دلالت ایدر بحر ورد مختار .

(مثلاً بر کیمسه نك) خدمتکارینه بیک غروش و یروب
بونکله شویله مال آل دیه وقوع بولان (امر بیه خدمتکاری
بر تاجردن) عقدی نفسه بالا ضافه اولیه بر (مال اشترا ایلد کده)
او خدمتکار (اول کیمسه نك شرایه و کیلی) و بوضو رتده حقوق
عقد مرقوم خدمتکاره طائد (اولور) یوقسه آمر « آل دیملدن
متصدم کندک ایچون آل دیملک دکل ایدی بناء عایه اومالی بن
قبول ایتم پاره می ایسترم » دیه من .

صورت ثانیه ، رسالتک ایضاحی: (اما اول کیمسه

بر تاجر ايله) بر مالی (بازارلق ایدوبده) یعنی فیثائی بالتعین فقط هنوز عقد بیع ایتمدن او (مالی) تاجر مرقومدن صاتون (آلوب کتورمک اوزره خدمتکاری کوندرسه) ده خدمتکار دخی و مرسلم فلان ، بومالی شوقدر غروشه سندن آلم دیدی و تاجر دخی همان اول مجلسده «بنده آکا صادم» دیسه خدمتکار (افندیمنک) شرایه (رسولی) و همده قبض مبیعه و کیلی (دیمنک) اولوب یوقسه) شرایه (و کیلی اولماز.) مثلاًک برنجی فقره سی عقد بیعه و کالنه دائر اولدینی حالده شو ایکنجی فقره سی بحسب الظاهر قبض مبیعه و کالنه دائر اولوب فقره اولی ايله متناسب اولماقلا محله نلک مثلاًنک شو فقره اخیره سی بعض قیودک ضمیمه تأویل ایدلمشدر . بوصورته حسن مقابله ایچون فقره اخیره مثالیه سویله اولمیدر : « اما بر کیمسه خدمتکارینه بن فلان شخصدن معلوم آتی شوقدر غروشه آلم وار آکا سویله دیمنکله اودخی اول شخصه خیر و یروب شخص مذکورده همان صادم دیدکده بیع اول کیمسه ايله اوشخص پیننده منعقد و خدمتکار اول کیمسه نلک شرایه رسولی اولور کلیات ابی البقاء .

صورت ثانیه ، مشورتک ایضا حی : بر کیمسه دیگر

کسنه یه « بیات غروشه بر آت آل » یاخود « شونی بیک غروشه آل » دیسه بو سوز مشورت و نصیحت و خیر و منفعت دلالت یوللو سویلتمش عد اولنور . بناء علیه او کسنه آتی صاتون آلدقده کندینه عائد اولوب یوقسه آصری بولمان

اول کیمسه نك ملكی اولماز. مکرکه آمر: المقاتلک اجرثی اولمق
اوزره سکا شو قدر غروش اعطا ایدیم دیمش اوله. اول حالده
اجرت، انا بهیه دلالت ایدم چکندن امر، وکالت اولور. نته کیم
آنفا ایضاح اولندی بھر.

❦ ۱۴۵۶ ❦ ماده

(رکن توکیل) ده درت صورت واردر. شویله که :

صورت اولی، رکن مذکور (بعضا مطلق اولور. یعنی
بر شرطه معلق یا بروقنه مضاف یا خود برقید ایله مقید اولماز.)
فلان خانه بی صائمفه سنی وکیل ایتدم دیمک کبی. ایشته بومالدکی
رکن توکیل، معلق اولمدانی کبی مضاف و مقید دخی دکدر.
(و) صورت ثانیه؛ رکن مذکور (بعضا شرطه معلق اولور.)

زیرا وکالتک شرطه تعلیق صحیحهدر. ۸۲۵ ماده شرحنه باق.
(مثلا) بر کیمسه دیگر کسنه یه (فلان تاجر بورایه کلیر
ایسه بنم شو آنمی صائمق اوزره سنی وکیل ایتدم دیوبده او)
کسنه (دخی قبرل ایتسه وکالت او تاجرک) اورایه (کلیمه
معلق اولدق منعقد اولور. و) بناء علیه (اول تاجر) اورایه
(کلیر ایسه وکیل دخی او مالی صاته بیلیر). زیرا ۸۲۵ ماده
موجبنجه شرطک ثبوتی عنندنه آکا معلق اولان شیئک ثبوتی
لازم اولور. (والا) یعنی اول تاجر اورایه کلز ایسه وکیل
اول مالی (صانه ماز). زیرا تعلیق، معلقک حکمه سبب اولسندن
منع ایدر. بالفرض موکل شو آنمی صائمفه سنی وکیل ایتدم دیدکده

بو کلام فی الحال تحقق وکالت و وکیلک همان آنی بیه صلاحیت
سبب ایکن فلان تاجر بورایه کلیر ایسه شو آنی صانغه سنی
وکیل ایتم دیدکده یعنی تعلیق، فی الحال وکالت سبب اولمقدن
مانع اوله رق وکالتک ثبوتی شرطک وجودینه یعنی تاجرک
کلمینه تأخیر ایدرده شرط موجود اولدقده کلام مذکور وکالت
سبب اولور رد مختار. نته کیم مدیون، داینه بر مالی ترهین
و تسلیم ایلدیکنده فلان وقتیه قدر ادای دین ایدمهز ایسه
رهنی صانده بدلندن استیفای دین ایله دیه داینی توکیل ایتدکده
داین او وقت کلام دین رهنی صانسه صحیح اولماز بهجه.
۷۶۰۵ مادهیه و شرحه دخی باقی.

تعلیق وکالت و وکالت دوریه — ایضا احاطه سالفه دن
آ کلاشلما دیکه وکالتک شرطه تعایق جائز اولوب بوکا دائر
تفصیلات ۸۲۵ ماده شرحده بیان ایلدیشیدی.

وکالت دوریه دخی بو قیلدندر. شویله که بر کیسه دیکر
کلمینه سنی نه وقت عزل ایدر ایسه وکیل اولق اوزره بو
مالی بیه وکیل ایتم دیدکده او کلمینه وکیل اولوب موکل
آنو عزل ایتدکجه وکالت تجدد ایدر رد مختار. ایمدی بو وکالت
دوریه دنیللمسنگ سبی شو تجدد در. بو تقدیرده موکلک
وکیلانی عزل ایدم بیللمسی غیر ممکن ایدوکی آ کلاشلما ایدر.
زیرا بو وکالتدن عزلک امکانی ۱۵۲۱ ماده شرحده ذکر
اولنه حقدور.

(و) صورت ناله؛ رکن توکیلی (بعضا بر وقته مضاف

اولور) زیرا وکالتک زمان آتی به اضافتی قابل اولان عقوددن ایدوکی ۸۲۵، ماده شرحنده ایضاح ایدلمشیدی .

تعلیق وکالت ایله اضافه وکالت آره سنده فرق واردر . شوبله که ایجاب مضاف، فی الحال وکالتک انعقادینه سبب اوله رق اضافه فی الحال وکالت منعقد اولور ایسه ده حکم وکالت مضاف ایله اولان وقته تأخر ایدر . ایجاب معاقه کلنجه آنده کی تعلیق فی الحال حکمه سبب اولمغه مانع و بناء علیه تعلیقده وکالت فی الحال غیر منعقد اولوب انعقاد وکالت ، شرطک وجودینه معلق اولور رد مختار .

لیکن کرک معلق و کرک مضاف اولسون وکیلک فی الحال ایضای وکالت ایتیمی غیر صحیح اولدیفنه کوره فرق مذکور اوزرینه نه کی احکام تفرع ایدر ؟ دنیه بیلیر میکه مضافا وکیل ایدن کیسه قبل حلول الوقت هیچ بر کیسه ، وکیل بولمادیغنه یمین ایتسه یمیننده کاذب و معلقا توکیل ایدن کیسه قبل وجود الشرط کسنه وکیل بولمادیغنه یمین ایلسه یمیننده صادق اولور ؟

فقط « اون کونه قدر وکیل سئ » عبارته سنده اضافه و تقید اولمادیغندن بر کیسه دیکر کسنه یه اون کونه قدر وکیل سئ دیسه او کسنه بو اون کون ایچنده وکیل اوله جفی کی اون کون صو کره دخی وکیل اولوب بو وکالت مضافه دکلدر رد مختار .

(مثلاً) بر کیمسه دیگر گسنه یه (نیشان آینه بنم) شو (حیوانلری صائمغه سنی وکیل ایتدم دیوده او) گسنه (دخی قبول ایتمه شهر نیشان حولنده) صائمق اوزره فی الحال (وکیل اولوب همان اولوقت یاخود آندن صوکره) بونجه اشارت اولنیورکه اول وقت صائمغه وکیل اوله جنی کبی آندن صوکره دخی وکیل اولمش اولور بحر. هر نه قدر بعض فنها بو وکیل آندن صوکره صائمسی جائز اولمیدینی تصحیح ایلمش ایسه ده «نور العین» و «بزازیه» نیشانلری ذکر ی تعجیل ایچون اولوب یوقسه توقیت وکالت ایچون اولمیدینی «الاذا دل علیه دلیل» بیان ایله آندن صوکره دخی صائمق جائز اولدینی سویلمش و مجله دخی بو قوی اختیار ایلمشدر تکمله (اول حیوانلری بالوکاله صاته بیلیر. اما نیشانندن اول) مذکور حیوانلری (صاته ماز) زیرا آنفا ذکر اولمیدینی اوزره ایجاب مضاف ایله فی الحال وکالت منعقد اولور ایسه ده حکمی، مضاف الیه اولان وقته قدر تأخر ایدر رد مختار.

نته کیم بر کیمسه بو مالی یارین سات دیه توکیل ایتدگده وکیل آنی بوکون و بوکون سات دیه توکیل ایتدگده یارین صاته میه جنی کبی هندیه.

(و) صورت رابعه؛ رکن توکیل (بعضا بر قید) مفید (ایله مقید اولور.) زیرا وکالت، زمان و مکان ایله قابل تقییددر. لکن قریباً ایضاح اولنه جنی اوزره قید، مفید اولور ایسه آنجه تقیید حاصل اولور. اما مفید اولماز ایسه تقیید

حاصل اولماز . نته کیم مثال آتیدن دخی مستفاد اولور . و ایس من التقیید بعه الی وقت کذا لان ذلک تهوین علیه وعدم النصیق فی البیع لامنعاله بعد المدة تکمله .

تقیید ایکی نوعدر : نوع اول ، صراحة تقییددر . مثال آئیده اولدینی کبی . نوع ثانی ، دلالة یعنی موکلک حالنک دلالة ایله تقیید در . نته کیم ۱۴۷۸ مادهده تفصیلی اولنور .

و کالنده اصل اولان خصوص و تقییددر . بناءً علیه موکلک تعیینی خصوصنده اختلاف ایتمه سوز موکلکدر . شویله که مثلاً وکیل نسیتة صادقدن صوکره موکل نقدا صائمقه اصرا یتشمدم دیدیکی حالده وکیل اطلاق ایتمک دیسه سوز آمرکدر . نته کیم موکل بیک فروشه صائمقه امر ایتمدیکم حالده بش بوزه صائمشمک و وکیل اطلاق ایتمک دیسه سوز موکلکدر لان الامر یتفاد من جهته تکمله رد مختار .

بو صورت رابعه بش ضابطه ایله ایضاح اولنور :

ضابطه اولی ، موکلک ذکر ایتمدیک قیدک آکا هر صورتله فائده لی بولنمیدر . بو تقدیرده وکیلک مذکور قیده رعایت ایتمی لازم کایر . موکل ، مذکور قیدک خلافنه حرکتدن وکیلنی کرک نهی ایتمسون و کرک ایتسون . بو ضابطه یه متفرع مسائل :

۱ مسئله — (مثلاً) موکل (شو سافتمی بیک فروشه صائمقه سنی وکیل ایتمدم دیسه وکیلک و کالنی آنی بیک فروشدن

آشاعی به صائمق ایله مقید اولور. حتی وکیل آندن نقصاننه صانه ماز. صانارسه بیع موقوف اولور. «۱۴۹۵» مادهیه باقی.
 ۲ مسئله — وکالت بالشرای بر قید ایله نقید اولندقدن
 وکیل آکا بخالف ایده من. ایدر ایسه شراسی موکل
 حقندن نافذ اولیوب آلدینی مال کندینک اولور. «۱۴۷۹»
 مادهیه باقی.

۳ مسئله — موکل «بکارجبه لک چوخه آل» دیوبده وکیلک
 آلدینی چوخه دن جبه چیقمهسه شراسی موکل حقندن نافذ اولیوب
 اول چوخه وکیله عائد اولور. «۱۴۸۱» مادهیه باقی.

۴ مسئله — وکیل بالبیع صراحة یا دلالة بروجیه پشین
 صائمق وکیل اولسه ویره سییه صانه ماز. «۱۴۹۸» مادهیه باقی.
 قال بعه وبع بالنقد يجوز للوكيل ان يبيع بالسهنة عند الامام
 الاعظم تکمله.

۵ مسئله — موکل رهن یا کفیل ایله سات دیدکده وکیل
 بلا رهن ولا کفیل صانه ماز. «۱۵۰۱» مادهیه باقی.

۶ مسئله — موکل خیار شرط ایله سات دیدکده خیار
 شرط سنر صائمق دیمسه بیله وکیل بلا خیار صانه ماز. صانارسه
 بیع فضولی اولور. فان شرط الخیار نافع من کل وجه لانه لا یریل
 ملکه للحال فیجب علی الوکیل مراعاته تکمله رد مختار.

۷ مسئله — موکل بومالی فلان کیمسهیه سات دیدکده
 وکیل باشقه سنه صانه ماز هندیه. زیرا موکلک تعیین ایتدیکی

مشتري، ملی اولمق کبی موکل ایچون فاندلی اولابیلیر. لان المقصود الثمن وانما رضى بكونه في ذمة من ساء لان الناس ينفاتون في ملائمة الذمم فلا يجوز بيعه من غير من ساء تکمله اذا قال لو کیله بعه وبعه خالد جازله ان بعه من غیره ویحمل علی المشوره تکملة .
 ۸ مسئله — موکل بومالی بنم ایچون شوقدر کون خیار شرط ایله سات، دیمش ایکن وکیل کندی ایچون خیار ایله صانه ماز اقروی .

۹ مسئله — موکل وفلان مدیونده کی آلاجمی شامده قبض ایت، دیدکده وکیل آنی بصره ده قبض ایده من خایه .
 وعلی افندی .

۱۰ مسئله — موکل بومالی اسنانبولده سات دیمش ایکن وکیل باشقه مملکته برای بیع نقل ایدوبده یولده تلف اولسه ضامن اولور بهجه . بومسئله نك تفصیلی شودر که حمل ومؤنته محتاج اولان شیئی بیعه بر بلده ده وکیل اولان کیمسسه آنجق کندیسیمله موکلنک بولندی بیله ده بیع ایده بیلیر . برای بیع باشقه بلده یه نقل ایدوبده ضایع اولسه ضامن اولور. اما اولشی حمل ومؤنته محتاج دکل ایسه بلده توکیل ، بیع ایچون تعین ایتمیوب دیگر بلده ده دخی بیع ایده بیلیر . فقط موکل بلده یی بالتعین مثلا استانبولده سات دیمش ایسه بشقه بلده ده صانه ماز .
 برای بیع اورایه نقل ایدرکن تلف اولسه ضامن اولور اقری .
 ۱۱ مسئله — موکل، فلان مالی بنم ایچون بش یوزغوشه

آل دیسه وکیل آنی زیاده به آلاماز. آیر ایسه کنه دینک اولور. ۱۴۵۳ ماده شرحنه بانی. بو صورتده آمرایله مأمور تسمیه قدر تمند بالاختلاف مثلاً آمر بش یوز غروشه اشترايه وکیل ایتشیدم و مأمور بیک غروشه اشترايه مأمور ایتشیدک دیدکلرنده سوز مع یمینه آمر کدر. زیرا بو خصوص جهت آمردن مستفاد اولور. و بو حالده مال مشترک مأموره قالیر. چونکه مأمور آمرینه مخالفت ایتشدر. و ایکسیده اقامه بینه ایتدکلرنده وکیلک بینه سی ترجیح اولنور. ۱۷۶۲ ماده به باقی بحر.

۱۲ مسئله — موکل، بلا قبض الثمن بیعدن وکیلنی نهی ایتدکده وکیل، اولانن میببی مشتریدن قبض ایتدکن صوکره سندن قبض ایتدیکم شو قدر غروش مقابلنده بومالی صاندم دیه صائمی لازم کلیر بحر. قبل قبض الثمن بیع ایتسه جائز اولماز تکمله رد مختار.

ضابطه ثانیه، موکلک ذکر ایتدیکی قیدک آکا اصلاً فائده سی بولنماسیدر. وکیلک بوکجه قیده رعایت ایتمی لازم کلر. موکل، او قیدک خلافنه حر کتدن وکیلنی کرک نهی ایتسون، کرک ایتسون. بوکا متفرع بعض مسائل:

۱ مسئله — موکل بومالی یوز غروشه صات دیدیکی حالده زیاده به صاتم دیمش اولسه بیلر وکیل آنی یوز غروشدن زیاده به صانه بیلیر.

۲ مسئله — موکل بومالی سات فقط فلان یا شهود حاضر اولقسزین ثمنی قبض ایتمه دیه نهی ایتسه وکیل، فلان یا شهود حاضر اولمدن مبعك پاره سنی قبض ایده بیلیر هندیه .

سوآل لکن نونده موکله فائده واردر. شویله که وکیل قبض ثمنی انکار ایتدکده موکل حین قبضده حضورخی امرایتدیکی شهود ايله اثبات ایده بیلیر؛ تأمل.

۳ مسئله — موکل بومالی یوز غروشه ویره سی به سات دیدکده پشین ساتمه دیه نهی ایتسه بیله وکیل آنی یوز غروشه یادها زیاده به پشین صانه بیلیر . لان هذا شرط غیر مفید لان البیع بانسنة یضره وبالقد ینفعه فحینئذ یجب علیه مراعاة تکمله رد مختار .

اما یوز غروشه برسنه ویره سی به سات دیمنش ایکن وکیل آنی ایکی یوز غروشه برسنه و برآی مدتله ویره سی به صانسه صحیح اولماز هندیه . ضابطه اولایه باق، فقط ویره سی به صانسه وکیل اولان کیسه پشین ساتدقده بونک حکمی « ۱۴۹۸ » ماده شرحنده کله جکدر .

۴ مسئله — موکل بومالی یوز غروشه سات ثمنی مقابلنده رهن یا کفیل آله دیدکده وکیلی، بعد البیع ثمنی مقابلنده معتبر رهن یا کفیل آله صحیح اولور . و رهن تلف اولارق دین ساقط اولدقده وکیله ضمان لازم کلیوب خساری موکله عائد

اولور . ۹۱۰ ، ماده یه باق درمخار وتكملة صرة الفتاوى فى اول
الوكالة .

رهن آلامقه تلف ايله سقوط دين لازم كلامك فائده سى
يوقيدر ؟ تأمل . وصح اخذ الوكيل بالبيع رهنا لانه اصل
فى حقوق العقد ولهذا لو حجرة الموكل عن اخذ الرهن لا ينفذ
حجره تكمله رد مختار .

ضابطة ثالثة ، موكلك ذكر ايتديكى قيدك آكا من وجهه
فائده لى ومن وجه آخر فائده سن اولميدر . بوصورته موكل ،
او قيدك خلافه حر كتن و كلى اكر نهى ايدرايسه و كلك
او قيده رعايت ايتدى لازم واكر نهى ايتزايسه رعايت ايلمى
غير لازم ومخالفتى جائز اولور . لانه متى اكده بالنفى دل على ارادة
وجوده لان ادخال حرف التأكيد والتأيد فى الكلام يدل على
زيادة المبالغة فى ارادة الحال تكمله رد مختار .

بوکا متفرع مسائل :

۱ مسئله — موكل بومالى فلان شهر ك فلان چارشوسنده
يا محضر شهوده صات ديد كده وكيل مذکور شهرده او چارشويه
مساوى ديكر چارشوده يا شهود محضر نده اوليه رقى صانه بيلير .
اما فلان چارشوده صات باشقه يرد صاتمه يا شهود محضر نده
صات شهود سن صاتمه ديه او قيدك خلافه حر كتن اكر نهى
ايدرسه وكيل بشقه چارشوده يا شهود سن صانه ماز . زيرا شهود

عدول وحاضر اولور ایسه فائده ویرر ایسه ده غیر عدول یا غائب اولور ایسه فائده ویرمز . بناءً علیه من وجه فائده لی ومن وجه فائده سزدر اقروی ورد مختار . الذی فی المقدسی عن الحائیه بعه بشهود فباع بغیر شهود لم یجز تکمله رد مختار .

۲ مسئله — مدیون وکیلنه ، فلانہ بورجی آکا شهود محضرنده ویر شهود سز ویرمه دیمش ایکن بالمشهود ویرسه ده داین انکار ویمین ایسه ضامن اولور ، فقط بوقدرده وکیل شهود ایله ویردم دیدکده شهود ایله ویردیکنه تحایف اولنور . یمین ایدرسه ضمان لازم کلز بحر .

۳ مسئله — موکل فلان ذمتنده کی اون آلتون الاجفی جمیعاً قبض ایت متفرقا قبض ایتمه دیه امر ویروب وکیل طقوز آلتونی قبض ایتسه قبض مذکور آمر اوزرینه جائز اولماز . و آمر الاجفناک کایسنی مدیوندن ایتسه دیه بیلیر تنوبر . الخالفته له فلم یصر وکیلا در مختار . ولواستوفی جمیعہ بعد فلو هلك هلك علیه الخالفته ویرجع الامر علی الغریم تکمله رد مختار . فلو قبض شیئا دون شیء لم یبرأ الغریم من شیء تکمله عن جامع الفصولین .

۴ مسئله — موکل ، فلان نزدنده کی و دیه می جمیعاً قبض ایت متفرقا قبض ایتمه دیمش ایکن وکیل یا کلز بعض و دیه می قبض ایتسه قبض ، جائز اولماز . شوقدرکه مقبوض اولک تلفندن اول باقیسنی دخی قبض ایتسه موکل اوزرینه جائز اولور . « ۲۴ » ماده یه باق . لکن علی الاطلاق قبض و دیه یه مأمور اولان کیسه

بعض وديعه ني قبض ايده بيلير تكمله رد مختار و رد مختار .

۵ مسئله — لا اشترا لا بمرنة فلان فاشترى بانفراذه يضمن لان فلانا قديكون احرف بالطيب من الزيف والردى وبلا اسعار فهو مفيد من وجه تكمله رد مختار .

۶ مسئله — ۱۵۱۵۵ ماده در. و تمام التفاريغ في النار خانيه في اواخر الفصل الحادي عشر .

ضابطه رابعه ، و كليك مخالفتي من حيث المجلس اولور ايسه اصلا جائز و تصرفي موكلي اوزرينه نافذ اولماز . ولو كه مأتى به ، مأمور بهدن انفع اوله . ۱۴۷۰۵ ماده يه باقى . شويله كه موكل ، بومالى يوز عدد سيم مجيديه مقابلنده صات ديديكي حالده و كيل ، اون سكر عدد يوزلك آتونه صاتسه بيع ، موكل اوزرينه نافذ اولماز .

قال اشترى بهنده الدراهم و اشارالى دنانير كان و كيلا بالدنانير حتى لو اشترى بالدراهم كان مشتريا لنفسه تكمله رد مختار . اذا خالف فى الدنانير بدراهم فيمتها كالدنانير يصح للموكل تكمله رد مختار .

ضابطه خامسه ، و كليك مخالفتي من حيث القدر يا خود من حيث الوصف اولور ايسه نظر اولنور . مأتى به ، مأمور بهدن انفع ايسه تصرف واقع ، آمر اوزرينه نافذ اولور . و مأتى به ، مأمور بهدن اضرايسه نافذ اولماز . شويله كه موكل يوز مجيديه

مقابلنده بیع ایلہ امر ایستدیکي حالده وکیل یوز بش عدد سیم
مجیدیه مقابلنده صائسه صحیح و نافذ اولور . اما سکسان عدد
سیم مجیدیه ایلہ صائسه نافذ اولماز کفوی .

موکل به اعتباریله تقسیم وکالت

وکالت عامه و خاصه — وکالت رکن توکیلک اطلاق و تعلیق
و تقییدی اعتباریله بر وجه بالا اقسام ثلاثیه منقسم اولدینی کی
موکل به اعتباریله دخی ایکی قسمه تقسیم اولنور:

قسم اول، وکالت عامه در . وکالت عامه «امریک جائز اولان
هر امریعه سفی توکیل ایلدم» یا «وکالت عامه مطلقه ایله سفی وکیل
ایتمدم» دیمک کی عمومی مشعر برسوز ایلہ توکیل ایتمکدر . اما
«سن هرايشمده یا آز چوق هر شیمه وکیل مسک» دیسه بو وکالت،
وکالت عامه اولوب بو وجهله توکیل ایدیلان کیمسه آنجق
موکلنک مالنی محافظه ایده بیلیر . بشقه شینه وکیل اولمش اولماز .
« ۱۴۴۹ » ماده شرحنه باق طحطاوی و هندیه .

وکالت عامه نك حکمی: وکالت عامه ایلہ وکیل اولان کیمسه
معاوضاته و مرة بعد اخری تصرفانه مقتدر اولوب اما تبرعاتی
موکلی علیهنه نافذ دکلدر . وعلیه الفتوی بحر و تکمله رد مختار .
شویله که وکالت عامه ایلہ وکیل اولان کیمسه موکلنک مالنی بیع
و حفظ و الایجنی قبض و دینی تأدی ایتسی و موکلی ایچون مال
صانون آلسی کی معاوضاتی و موکلی علیهنه حضور حاکمه ویا

غیریده اقرار ایلمسی « ولایتخص بمجلس القاضی لان ذلک فی
الوکیل بالخصوصه لا فی العام » و موکلی طرفندن مدعی و مدعی
علیه اولسی صحیح اولور .

فقط وکالت عامه ایله وکیلک تبرعاتی و موکلنک حرره فی
تطابق عندالامام نافذ دکلدر . یعنی عوض ایله یا عوضسز
موکلنک مالنی برینه هبه یا صدقه یا وقف یا خود موکلنک آلاجهنک
کایسندن یا بمضیسندن مدیونی ابرا و موکلنک مالنی اقراض
ایلمسی موکلی علیهنه نافذ دکلدر درر و رد مختار و تکمله رد مختار .

قسم ثانی ، وکالت خاصه در . بوده « فلان خانہ فی صانون
آلغہ » یا « بوذات ایله مرافعه و مخاصمه یه وکیام سک » دیمک کبی
خصوصیتی مشعر بر سوز ایله اولور طحطاوی .

مثلا بر کیمسه دیگر کمسنه یی خانہ سی اوزرینه قائم اولغہ
و خانہ سی اجاره یه و بیعه و غلاتی قبضه وکیل ایتسه وکیل
اولان کمسنه او خانده الشای ابنیه یه و تعمیراته مقتدر اولدینی
کبی او خانه حقنده دیگر بر شخص ایله مرافعه اولغہ دخی
حتی یوقدر . فقط بر آدم اول خانه نک بر یرخی هدم ایتسه
وکیل مرقوم بو هادم ایله مخاصمه ایده بیایر . زیرا هادم ید
وکیلده بولنان شئی استهلاك ایتشدور . نته کیم مستأجر اجاره یی
یا اجرتی انکار ایتسه وکیل خصم اولارق بونلری اثبات
ایده بیلیر بحر .

خطبه باب اول

۱

دکن وکالت

ایجاب و قبول در

آلایط وکالت: توکیل ۱۴۵۹ هـ؛ تفریض؛ رضا؛ مشیت؛ ارادت؛ وصایت؛ اذن؛

اجازت و اصرار در قبول کردن:

اذن و اجازت

اجازت هم قوله همیده فمله — اطلاق مستثنی در ۹۱۲ ماده — لاحق
اولور. عقود و قوفاده — عقود و فسخه و نافذ در حق احترام از انچه بودند —

اجازت لاحق و کالت سابقه حکم شده در

بعضاً رسالت اولور: بر کیمسه خدمتکارینه دلالاک مدین آتی شوق در غرضه آلهام

کیت سوله دیسی کی

بعضاً وکالت اولور: اصاده مأمور که فعلی آتی طرفندی بطریق انبیا به اولسفی افاده

ایده بر سوز بولسی کی

بعضاً مشورت اولور

یا خود ایجاب و قبول یا صراحتاً اولور — دلالات ۱ کندیسه تقویض اولیای ایش و کلالک باشد تیره ۱۴۵۳ هـ ۱۴۵۴ هـ ۱۴۵۵ هـ

۲ و کلالک سکنو تیره

تقسیم وکالت

وکالت ۵۱ موکل به؛ ۲۵ ارکان اعتبار به تقسیم اولور:

(موکل به اعتبار به تقسیمی)

وکالت یا عامه اولور (اگر عمومی مشعر بر سوزایه توکیل ابد باشد) بر صورتده وکیل معاوضات و تصرفات مقتدر اولور.
 بهر طایفه موکلین علیمه نافذ اولور.
 یا خاصه اولور (اگر خصوصیتی مشعر بر سوزایه توکیل ابد باشد)

(ارکان اعتباریه تقسیمی)

ماده ۱۴۵۷

۱ مطالبه

وکالت

۲ مقید - تعقید

یا صراحة اولور، بر صورتده

قید موکل فائده لی ایسه — وکیلک متابعی لازمدر .
 قید موکل اصلاً فائده سی بوقه ایسه — وکیلک متابعی لازم کلر .
 قید من وجه فائده لی ومن وجه فائده سز ایسه وکیلک قید مندر کور

خلافت حو کیدل
 صراحة حو ابدلکجه

متابعی لازم کلر .

مقید بالبدنس ایسه - وکیلک اصلاً مخالفته حق یوقدر .

مقید بالقدر و یا بالوصف ایسه: خیره مخالفات ایده یایر .

شره ایده من .

یا دلالة اولور

اولا — موکل بر لک وصفی موکلک حاله موافق اولوق لازمدر ۱۴۷۸ ماده

ثانیاً: بر زمانده لازم اولای شینک اشتراسی ایچورق توکیل ابدیلا کیسه

اول شیء دیگر زمانده آلاماز (۱۴۸۴ ماده)

یا صریحاً اولور ۱۴۸۲ ماده

۳ مکات دوریه کبی

۴ مضافه

— باب ثانی —

﴿ شروط وکالت بیاننده در ﴾

وکالتده اوج شی وارد : وکیل ، موکل و موکل بهدر .
 بناءً علیه بونلره نظراً شروط وکالت ، اوج نوعدر :
 نوع اول ، موکله عائد اولوب « ۱۴۵۷ » مادهده بیان اولنیور .
 نوع ثانی ، وکیله عائد اولوب « ۱۴۵۸ » مادهده ذکر ایدیابور .
 نوع ثالث ، موکل به راجع اولوب « ۱۴۵۹ » مادهده موضوع
 بحث قبلنیور بحر .

﴿ ماده ۱۴۵۷ ﴾

(موکلك) أصل تصرفه نظراً (موکل به اولان ایشی
 یا مغه مقتدر اولسی) وکالتك جوازنده (شرطدر) زیرا
 وکیل ، ولایت تصرفی موکلدن استفاده واخذ ایتمکده و تصرفه
 موکل طرفندن مالک ارمئده اولوب بناءً علیه تصرفه مقتدر
 اولیان کیمسه نك او تصرفی غیره تملیکی ممکن دکدر .
 « أصل تصرفه نظراً » قیدینك فائده سی ایچون « ۱۴۴۹ »
 ماده شرحه مراجعت ایدملیدر .

(بناءً علیه صبی غیر ممیز ایله مجنونك) حال جنوننده بر
 کیمسه بی امورینه (نوکیلی صحیح اولماز) امور مذکورده ، کرک
 — هبه یا صدقه بی قبول کی — حقنده نفع محض اولسون و کرک

— بر مالی آخره هبه و صدقه ایتک کی — ضرر محض اولسون
و کرک — بیع کی — بین النفع والضرر دائر اولسون. کذا توکیل
ولی یا وصی کی کرک اذن ویرسون کرک ویرسون .

بو جهته صبی غیر ممیزه برینک ویره جکی هبه یی قبض
و قبوله صبی مرقوم برینی توکیل ایتسه صحیح اولیوب وکیلک
قبضی معتبر اولماز . « ۹۶۶ » ماده یه باق رد مختار و طحطاوی .
بو تقدیرده مذکور هبه یی قبض ایتک حتی « ۸۵۲ » ماده ده
محرر کسالمک اولور .

حال جنوننده ذیلدی . زیرا مجنونک افاقی ایچون وقت
معلوم و حال افاقده بولندیغی محقق بولنان بر کیسه برینی
توکیل ایتسه جائز اولور . اما حال افاقی ایچون وقت معلوم
بولنمیان مجنونک توکیل جائز اولماز هندیه . ایمدی صبی غیر ممیز
ایله مجنونک توکیل جائز اولمینگجه بولرک ولی و وصیلری حسب
الولایه والوصایه یا عقه مقتدر اولدقلری بیع و شرا و خصومت
کی خصوصات ایچون دیکرینی توکیل ایده بیلیرلر . نته کیم
« ۱۴۴۹ » ماده شرحنده بیان اولندی .

(وصی ممیز ، حقه ده) مالی آخره (هبه و صدقه)
و حرمنی تطلیق (کی) دنیاچه (ضرر محض اولان ایشلرده
والیسی اذن ویرسه بیله آخری توکیل ایده مز) مثلاً صبی ممیزه
مأذون اولسه ده اولسه ده معلوم مالی برینه هبه
و تسلیم ایتک برینی وکیل ایتسه صحیح اولماز . چونکه صبی

موقوف بالذات آنی هبه ایتیمکه مقتدر دکلدر . ۹۶۷۵ ماده نك
 فقره نایه سنه باقی . ایتیمی ولینك صغیر طرفندن واقع اولان
 بوکی تصرفاته مجیز اولمسی معتبر اولمیدنی کی بو مثللو تصرفات
 ایچون صبی میز برینی توکیل ایتدکده . ولیسنك بو توکیلی مجیز
 اولمسی دخی معتبر دکلدر . (قبول هبه و) قبول (صدقه
 کی) صبی میز حقیقده نفع محض اولان ایشلرده . ولیسنك اذنی
 اولمسه بیلله آخری توکیل ایده بیایر .) نته کیم ۹۶۷۵ ماده نك
 فقره اولیسنده ذکر اولندنی اوزره صبی میز بونلری بالذات
 یایه بیلله چکی کی .

(اما بیع و شرا) و اجاره (کی نفع ایله ضرر بیننده
 دائر و متردد اولان) یعنی بعضا زیان و بعضا دخی کار ایدیلله
 کلن (تصرفاتده اکر) اول صبی (اخذ و اعطایه مأذون
 ایسه) تصرفات مذکوره به بالذات مباشرت ایده بیلله چکی کی
 اول تصرفات ایچون (باشقه سنی دخی توکیل ایده بیلیر .)
 و اکر اخذ و اعطایه مأذون (دکل ایسه) صبی
 مأذونك آخرینی (توکیل) ایتیمی (ولیسنك) بو توکیلی
 (اجازتنه) یا او صبی به تجارتیه اذن و یرسنه (موقوفا منعقد
 اولور .) نته کیم اول صبی بو خصوصه بنفسه مباشرت ایتسه
 ولیسنك اجازتنه موقوفا منعقد اوله جنی کی . ۹۶۷۵ ماده به باقی .
 مثلا صبی میز امورینه برینی توکیل ایتدکن صوکره
 و صیسی مجیز اولسه جائز اولور . ۱۴۵۳ ماده به باقی .

لكن موكلك ناطق اولسى شرط دكادر. بناء عليه دلمزك
اشارت مهورده سيله توکيل ميجدر. «۷۰» ماده يه باقى تنقيح.

فرع

وکيل، خرىکي محرماتدن بريله سکران ايکن آصرف
ايتدکده بعض فقهايه کوره نافذ اولماز. زيرا سکرانک تصرفنده
محت ايله حکم ايدلمسى آکا زجرا اولوب موكلك ايسه بر
کونا ذنبى يوقدر. ديگر بعض فقهايه کوره وکيل سکران، بيع
وشرايه وقبضه عاقل اولنجيه بيع وشراسى جائز اولور تکمله رد مختار.

ماده ۱۴۵۸

(وکيلک عاقل و ممیز) و توکيل ايدلديکنه على لاحق
و معلوم (اولسى شرطدر.)

وکيله عائد شروط ثلاثه نك ايضاحى

۱- عاقل و ممیز: وکيل، بيعک ميبى ملکدن مخرج
و نمى ملک مدخل و شرانک نمى ملکدن مخرج و ميبى ملک
مدخل اولديغنه واقف و غبن فاحش ايله غبن يسير بينى فارق
بولمق محت و کالنده لازمدر. بوجهتله صدى غير ممیز ايله
مجنونک وکيل اولملري ميج اولماز. «۹۷۹ و ۹۶۶» ماده لره باقى.
مثلا بر کيمسه مالى بيعه بر مجنونى توکيل ايدوبده اوده
بيع ايتسه بيع مذکور باطل اولور.

عاقلک معناسى «۹۴۳» ماده و شرحنده مع السوال و الجواب

بيان و ايضاح اولتمشيدى.

اما وکیلک (بالغ) وبصیر (اولمسی شرط دکلدره) زیرا
صهی نمیزک عقلی موجود اولمق جهتیه اهل تصرفدن وعبارده سی
صحیح اولوب فقط کندیسنه موجب مضرت بولمق خوفنک
موجودیتندن طولای تصرفدن ممنوع بولمشدور. لذلک صیدنک
غیر ایچون اول غیرک رأیله تصرفه مباشرتی جائزدر تکمله.
زیرا بو تصرفده صغیره بر کونا ضرر لاحق اولماز.

(بناء علیه صهی بمنز) مأذون اولدینی تقدیرده وکیل
اوله بیله جکی کهی (مأذون اولمسه بیله) وکذا اعمی (وکیل
اوله بیلیر.) مثلاً بر کیمسه صهی بمنز محجوری بیعه یا شرایه
وکیل ایدوبده اوده بیعه یا شرایه مباشرت ایلسه جائز اولوب
آنکله معاقده ایدن کسمنه نک مخیرلکی اولماز. بو کسمنه کرک
بایع وکرک مشتری اولسون. وصیدنک محجور اولدیغنه کرک
حالم اولسون کرک اولسون هندیه.

(فقط) صهی بمنز، مأذون اولدینی تقدیرده (حقوق
عقد آکا عائد اولیوب موکنته عائد اولور.) کرک بیعه وکرک
شرایه وکیل اولسون. شرایه وکیل اولدقه کرک ثمن حال
ایله وکرک ثمن مؤجل ایله شرایه وکیل اولسون. حاکم یا امینی
محجورک مالنی بیع ایتدکده عهده بیع کندیسنه عائد اولیوب
اول محجوره عائد اولدینی کهی. « ۹۹۹ » ماده شرحه باقی.
نته کیم « ۷۶۱ » ماده شرحنده بیان اولدینی اوزره حاکم رهنی
صاندقه حقوق عقد حاکمه عائد اولیوب راهنه عائد اولور.

ایمندی صبی میز غیر مأذون ، حسب الوکاله بر عقدی
اجرا استدکدن سوکره بالغ اولسه بیله حقوق عقد آکا عائد
اولوب ینه موکله راجع اولور شرنبلالی و بحر و هندیه .
زیرا حقوق عقدک صبی به عائد اولسنه مانع اول صینک حتی
اولوب آنک حتی بلوغیله زائل اولماز بحر .

محجور بالسهفده دخی حکم بوبله در . یعنی بونک دخی
وکیل اولسی جائز و حقوق عقد موکله عائد اولور بحر
و تکمله رد مختار .

حقوق عقد ، تسلیم مبیع و قبض ثمن و مال مشترانک ثمنیه
مطالب اولق و مبیع ید مشتریدن بالا مستحقاق ضبط اولندقه
ثمنک بایعرد و اعاده سی کی خصوصاندر که « ۱۴۶۰ » ماده ده تفصیل
اولور درر زیاده .

ایشته صبی میز غیر مأذون ، وکیل اولدینی تقدیرده حقوق
عقد موکله عائد ایسه ده صبی مرقوم مثلاً بالوکاله بر مالی
صاندقدن سوکره ثمنی قبض ایسه صحیح اولور . زیرا عاقد
کندیسی و حقوق عقدده اصل اولوب حقوق عقدک آکا عدم
لزومی انتفاء جوازه دلالت ایلمز بحر .

لکن صبی میز ، مأذون و بیعه وکیل اولدینی تقدیرده کرک
ثمن حال و کرک ثمن مؤجل ایله بیعه وکیل اولسون بیعی صحیح
و حقوق عقد کندیسنه عائد اولور . و شرایه وکیل اولدینی
صورتده ثمن حال ایله شرایه وکیل اولنجه کذلک شراسی

صحیح و حقوق عقد استحسانا ینہ کندیسہ عائد اولور ایسہ ده
 ثمن مؤجل ایله شرایه وکیل اولوبده اولوجهله اشترا ایاسہ
 حقوق عقد موکله عائد اولور وکیل اولماز . زیرا بو صورت
 کفالت معناسنه در بحر وهندیه . حتی بایع ثمن مبیعی موکلدن
 مطالبه ایدر . یوقسه وکیلدن دکل طحطاوی ورد مختار .

بونقدیرده صینک محجور یا مأذون اولمسنده اختلاف
 اولنسه سوز اذنی ادعا ایده نکدر . زیرا عقدده اصل اولان
 نفاذ اولوب صینک عقدہ اقدام و مباشرتی نفاذه
 دلالت ایدر بحر . وعن ابی یوسف ان المشتري اذا لم يعلم بحال
 البایع ثم علم انه صبي محجور له خيار الفسخ تکمله رد مختار .
 تفصیلات سالفه دن آ کلاشلمدی که محله نك بو عبارده سی
 بك بمحدر .

۲- توکیل اولاندیغنه علمك لحوقی: کندیسسی توکیل ایدلایکنه
 وکیلک علمك لحوقی شرطدر .

بناءً علیه بر کیمسه مالی بیعه بر غائبی توکیل ایدوب
 هنوز علمی لاحق اولمدن غائب او مالی آخره صالحه
 بیع مذکور فضولی و موکک یا خود بعد العلم وکیلک
 اجازتنه موقوف اولور . ۱۴۵۳ء مادهیه باق رد مختار و بحر
 وهندیه . و حکمی فی البدایع فیه اختلافاً فی الزیادات انه شرط
 فی الوكالة انه لیس بشرط تکمله رد مختار .

وتوكيله علم، مشافهة اخبار وارسال مكتوب وارسال
رسول ايله ثابت اولدني كې ايكي رجل فضولينك ياخود بر رجل
عدلك اخباريله دخی حاصل اولور . نته كیم بر رجل غیر عادل،
اخبار ایدوبده وکیل آنی تصدیق ایتسه ینه علم حاصل اولور .
اما رجل غیر عادلک خبرینی وکیل تصدیق ایتسه امام اعظمه کوره
علم حاصل ووکالت ثابت اولماز . وامامینه کوره علم حاصل
ووکالت ثابت اولور تکمله رد مختار .

۳- وکیلک معلومتی: وکیلک معلوم اولسی یعنی جهالت فاحشه
ایله مجهول اولماسی دخی شرطدر .
بناء علیه وکیل مجهول اولور ایسه وکالت صحیح دکلدر .
بوجهتله داین شویله بر علامتی سکا کیم کتیریر ویا شویله بر کلامی
سکا کیم سویلر ویا پرمغنی کیم صیقار ایسه سند کی آلاجمی آکا
ویر دیه مدیوننه امر ایسه صحیح وحتی مدیون اويله بر علامتی
کتیره نه بورجنی ادا ایتسه دیندن بری اولماز رد مختار .

نته کیم مودع مستودعه شویله بر علامتی سکا کیم کتیریر
ایسه آکا و دیعه بی تسلیم ایتسه دیسه بوتوکیل صحیح اولماغله
مستودع اويله بر علامتی کتیره نه تسلیم ایتسه ضامن اولور اما
بالعکس اويله علامتی کتیره نه تسلیمدن امتناع ایدرک و دیعه یدنده تلف
اولسه ضامن اولماز . لجواز ان غیر رسول المودع یا قی بتلك
العلامة تکمله .

اما وکیلک جهالت یسهیره ایله مجهولیتی صحت وکالتنه مانع

دکدر . شویله که برکیمسه ایکی معین کسنه یه خطابا « بو آتی
بیعه بریکیزی توکیل ایتدم » دیسه جائز وهانکی بری صانارسه
بیع نافذ اولور تکمله .

وکل بعض الورثة السانا لیستوفی لهذیه من دیون مورثه علی
الناس ولا یعلم الموکل والوکیل بعض من عایهم الدیون یصح
تکمله رد مختار .

وفی الحانیه رجله قال لرجلین وکلت احد کما بشراء فرس لی
بالف درهم فاشتری احدهما ثم اشتری الآخر فان الآخر یكون
مشتريا لنفسه ولو اشتری کل واحد منهما فرسا ووقع شراؤهما
فی وقت واحد کان الفرسان للموکل تکمله رد مختار .

— ۱۴۵۹ — ماده

(برکیمسه بالذات) کندیس یاخود بحسب الولایه غیر بی
ایچون (یاه بیله جکی خصوصلرده و معاملانه دائر اولان هر حقک
ایضا واستیفاسنده باشقه سنی توکیل ایده بیلیر .) چونکه انسان
بعضا بونلره مباشرتدن عاجز قالهرق دیکرینی توکیله محتاج
اولدیفندن دفع حاجت ایچون جواز توکیله حاجت مس ایتدی .
« ۱۷ » ماده یه باقی رد مختار . نته کیم بو کتابلک اولنده بیان ایدلدی .

ایضاح القیود

۱ بالذات یاه بیله جکی الخ : بوندن مستفاد اولور که بالذات
یاهامیه جنی خصوصلرده باشقه سنی توکیل ایده من . « ۱۴۴۹ » ماده
شرحنده ایضاح اولنمشیدی .

و مذکور بالذات الخ تمیر یله وکیلک توکیلی ضابطه دن اخراج اولندی . چونکه برکیمسه وکیل اولدینی خصوصده باشقه سنی بلاذن اولعمیم توکیلی ایده من . نته کیم ۱۲۶۶ء ماده ده ذکر اولنیور . مثلاً برکیمسه بر مالک بیغه وکیل اولسه او مالی بیع ایده بیلدیکی حالدہ آنک بیغه باشقه سنی توکیل ایده مدیکی جهتله بوماده نکه طردی نقض ایدمش اولور دینله من . زیرا مقصد بالذات کندی نفسی ایچون یاپه بیله جکی دیکدره فان قلت یرد علیه انه یوکلہ باذنہ مع انه لایصدق علیه التعریف یجاب بانه اذا وکل باذن صار الوکیل الثانی وکیلاً عن الموکل الاول والموکل الاول یباشره لنفسه تکملہ در مختار .

نته کیم شرحده بحسب الولاية غیرسی ایچون دینلرک اب یاخود وصیتک مال صغیرده تصرف ایچون دیکرینی توکیله تشمیل ایدلشدیر . زیرا بونلرک مال صغیرده تصرفلری جائز اولان خصوصانده بشقه لرینی وکیل تمین ایلملری صحیحدر در مختار .
۲ خصوصلرده : خصوصات مذکوره کړک عقود دن اولسون ؛ بیع ، شرا ، اجاره ، رهن و هبه کی . و کړک عقود غیر اولسون ؛ خصومت و مرافعه کی .

ارکک قادینی وقادین ارککی توکیل ایده بیلیر غایه . ایدمی برکیمسه مالی بالذات بیع ایده بیله جکی کی آنی بیعه دیکرینی دخی توکیل ایده بیلیر . و برکیمسه بالذات خصومت ایتمک یعنی مدعی و مدعی علیه اولغہ حق اولدینی کی باشقه سنی

خصوصه توکیل ایتمه دخی حتی واردر .

۳ معاملات داتر : بوتعیر ایلہ حدود وقصاصدن احتراز اولنیور . شویله که حدود وقصاصک استیفاسنه وکالت، موکلک مجلس استیفادن غیتی حالنده جائز دکلدرد . چونکه بونلر شبهات ایلہ مندفع اولور درر وردمختار و بحر . بونک تفصیلی شودر که قصاص دعواسندن طولایی حضور حاکمه قائل ایلہ محاکمه اولمق ایچون ولی قتیلک دیگر کمنه پی وکیل ایتسی جائز ایتسه ده قصاصک اجرا اولنه جفی محله کنیدیسی حاضر اولیه رقی غیابنده قصاصک اجرا واستیفاسی ایچون دیگرینی وکیل ایتسی جائز دکلدرد . شوقدر که ولی قتیل محل قصاصده بالذات حاضر اولوبده کنیدی حضورنده قاتلی قصاصا قتل ایتک اوزره آخری توکیل ایتسی جائزدر معیار عدالت .

قصاصک ایفاسنه وکالت کمنه ده الایفاء نساج نفس الجانی و بووکالت باطلدر . ۴۶۳۲ ماده یه باقی تکمله رد مختار .

۴ ایضا واستیفاسنده : ایضا برکیمسه نیک آخره ویرمسی لازم کلان شیشی ویرمک واستیفا دخی آخرک کندینه ویرمسی ایجاب ایدن شیشی آلمقدرد . ایمدی برکیمسه دیگرینه اولان بورجی ایفایه بر شخص وکیل ایتسه جائز اولدینی کی دیگر کمنه ذمتنده کی آلاجه قضا بر شخصی وکیل ایلسه جائز اولور .

ایفانک ایضاحی — ایفا ایکی درلو اولور :

برنجیسی، اعیانده اولور . مبیعک مشترکی یه و موهونک

مهرتمنه و مأجورك مسـتأجره یا موجره و وديهـك مودعه رد
و تسليمـنه و كالت كـي .

ايكنجيسى، ديونده اولور. ايفای ثمن ميبه و بدل اجاره يه
و بدل قرضه و كالت كـي .

ايفای ديونه و كالت دخی اوچ نوعدر :

نوع اول ، موكل و كیل اولهـجق كهسنه يه سنك مالـكـدن
فلانه اولان شوقدر غـروش بورجی ویر ديمكه اولور. ايمدی
مأمور یعنی او كهسنه داین مرقومه كندی مالـدن ايفای دین
ايتـدكـده اوده « ۱۵۰۶ » ماده موجبـه آمـری بولـان مـديـونه
رجوع ايدر . بو صورته مأمور ، ايفای دین ايتـديكـنه دائر
اولان سوزنده مديون طرفـدن تصـديق اولـنديني تقـديرده
مديونك مأموره اودهـمسی لازم كلير . يوقسه مديون ، مأموره
« دايمه ايفای دین ايتـديكـی بيليرم اما بلكه داین سندن قبض
ايتـديكـی انكار برله تـكرار بـندن آير » ديه اودهـمكـدن امتـناع
ايدـهـمز . « ۷۴ » ماده يه باق . فقط مؤخرا داین حاضر اولارق
و كـلـنـدن استـيفای دین ايتـديكـی انكار ايدوبده اثبات اولنهـمـاقـله
يـمين دخی ايتـدكـدن صـوكـره موكلـدن آلاـجـفی آلسـه موكل
دخی ویرديكـی و كـلـدن آير . واولـهـه موكلـك و كـلـنی « داينه
ویردم » سوزنده تصـديق ايتـمسی مانع رجوع دكلدر . چونكه
مأمور ، ذمت آمـرده بولـان دینی مثـليه اشتـرايه و ثمنی كندی
مالـدن اعطايه و كـیل اولـمـقـله مأمورك آمـرينـه رجوع ايدـهـبـيلمـسی

مشترا بولان آمر ذمتمده کی دین کندیس ایچون سالم اوله رق
 قالدینی تقدیرده در . ۱۴۹۱ء ماده یه باقی . اما سالم اوله رق
 قالدینی صورتده حق رجوع یوقدر . مشتری کیبکه میبع
 کندیسنه سالم قالیرسه ثمن میبعک تأدیه سینه او وقت امر
 اولنوب اما میبع بالاستحقاق ضبط ایدمک یا قبل التسلیم ید
 بایعده تلف اولق کی بر صورتله مشتری یه سالم قالمینجه تأدیه
 ثمنه جبر ایدیله من بحر زیاده و تکمله ردحنا .

بو صورتده مثلاً برکیمسه فلان کسینه یه اولان اون آلتون
 بورجهی آکا ویر دیه بر شخصه امر ایدوبده مأمور ، ویردم
 دبديکنده آمر تصدیق ایتسه ده صکره داینک آلدینی اثبات
 اولنه مدینی کی یمین دخی ایدمک آمردن آله مأمور، ادا ایتدیکی
 مبلغ ایله آمرینه مراجعت ایده من تکمله .

نوع ثانی، موکل، وکیل اوله حق کسینه یه مثلاً اون آلتون
 اعطا ایدوبده بونی فلان شخصه اولان اون آلتون بورجه ویر
 دیه امر ایتمکه اولورکه بونده اوچ احتمال واردر :

احتمال اول — داین آلاجهفی وکیل ایفا یدیله آلدینی اقرار
 ایلمسیله یا شهود عادلله ایله و یا خود داینک یمندن نکول ایتسی
 ایله ثابت اولمسیدره بوقدیرده مدیون دیندن بری اوله جنی کی
 وکیل دخی بری اولوب وکیل مرقوم اوزرینه یمین لازم کلز .
 احتمال ثانی — وکیل ایفای دین ایتدیکنی ادعا و موکلی
 بولان مدیون بونی تصدیق ایتدیکی حالده داین آلدینی انکار

ایتمش ایکن داینک اخذ و قبضی بالینه اثبات اولنه مدینی کی
لدی اتکلیف داین مرقوم استیفا ایتدیکنه عین دخی ایتسیدر که
آلاجفی آلمدیغه یمیلله سوز داینکدر . « ۸ » ماده شرحنه باقی .
بوتقدیرده موکل مدیونک بورجفی داینه تأدیہ ایتسی لازم کلیر .
اما موکل یعنی مدیون مرقوم بوصورتده وکیلنه « سن او مبلانی
داینه ویرمدیکک آکلاشله بخله کیر و ایستقم » دیه من . زیرا
اماتی اهلنه ایصال ایلدیکنی ادعا ایدن هر امینک سوزی قبول
و برائت ذمتی حقنده یمیلله تصدیق اولنور . « ۱۷۷۴ » ماده یه باقی .
بوصورتده مدیونک اعتقادنجیه داین قبضی انکار برله تکرار
استیفای دین ایتسنده ظالم و کندیسی مظلوم اولوب مظلوم ایسه
آخره « وکیلنه » ظلم ایده من . « ۹۲۱ » ماده یه باقی .

تعیین شخصده اختلاف اولنسه بونک حکمی « ۱۴۶۳ »
ماده شرحنده کله جکدر .

احتمال ثالث — وکیل ، موکلندن آلدینی پاره یی داینه
ویردیکنی ادعا ایتدیکی حالدده هم مدیون همده داین طرفندن
وکیل مرقوم تکذیب ایدلسیدر . یعنی مدیون موکل وکیلنه سن
اوپاره یی داینه ویرمدک دیدیکی کی داین دخی بن آلاجفی وکیل
مرقومدن آلمد دیسیدر . بوتقدیرده « ۱۷۷۴ » ماده یه مبنی
برائت نفسی حقنده سوز مع الیمین وکیلکدر . یعنی وکیلدن اوپاره
تضمین ایتدیریلله من .

وموکلک یعنی مدیونک بورجفی داینه ویرمسی لازم کلوب

وکیلہ اعطا ایدیلان پارہ نک خساری مدیونہ یعنی موکلہ
عائد اولور .

فقط داین ایله مأمورك یعنی وکیلک ایکس-نہ-ده معا یمین
توجه ایتیموب بلکہ مدیون ، یا مأموری بولن-ان وکیلانی یاخود
داینی تصدیق ایلر . ایمدی اگر مأمورینی «داینه ویردم» ادعا-سندہ
تصدیق ایدوب داینی «قبض ایتدم» دیه انکار-نده تکذیب ایدرسه
داینک قبضی بالینه اثبات اولنه مدینی صورتده قبض ایتدیکنه
دائر داینه یمین ویریلیر . نکول ایدرسه آلاجهفی مأموردن استیفا
ایتمش اولدینی ظاهر اولوب آرتق مدیونندن تکرار طلب ایدم-نز .
واگر داینی قبض ایتدم ادعا-سندہ تصدیق و مأمورینی داینه ویردم
سوزنده تکذیب ایدرسه مأمور مبالغ مذکوری داینه دفع
و تسلیم ایلدیکنه استخلاف اولنور . یمین ایدرسه مأمور ،
«۱۷۷۴» مادهیه مبنی موکلنه قارشو مطالبه-دن بری اولور .
لکن موکلک بورجهفی داینه ویرمسی لازم کلیر . نکول ایلرایسه
مأمور ، مبالغ ماخوذی آصری بولن-ان موکلنه ضامن اولور
هندیه و بحر .

نوع ثالث ، مأمور ، ذمتنده یا یدنده کی مضمون مالدن ادای
دینه وکیل اولمسی-در . ایمدی مأمورك یدنده کی مال امانت
اولایوب مضمون اولدینی تقدیرده مأمورك آمرینه قارشو
«امر ایتدیگک یره ویردم» دیدیکنده تصدیق اولنه میوب بونی
حجت ایله اثبات ایتمی لازم کلیر .

مثلاً داین، سنده کی آلاجنمی داینم بولنان فلان شخصه ویر
 دیه مدیونسه امر ایتدکن صوکره مدیون دینم اولان بیک
 غروشی امرک وجهله اوشخصه ویردم دیه ادعا ایتدیکی حالده
 اوشخص آلام دیسه مأمور یعنی مدیون، اوشخصه ویردیکنی
 بالینه اثبات ایتکه مجبور اولوب اثبات ایتدکجه ضماندن بری
 اولماز. مکرکه آمر یعنی داین مدیونک بیک غروشی اوشخصه
 ویردیکنی تصدیق وقرار ایده. اول حالده مدیون دیندن بری
 اولور. فقط اومبلنی شخص مرقومه ویردیکی حقنده کی ادعا سنده
 داین، مدیونی تصدیق ایتسیله شخص مرقوم حقنده قبض ثابت
 اولماز. بلکه داینک قبضی بالینه اثبات اولنه مدینی نقدیده
 قبض ایتدیکنه یمیلله سوز اوشخصه کور. و اوشخص آلاجنمی
 موکلدن استیفا ایدر.

و آمر، مأمورک مبالغ مزبوری اوشخصه ویردیکنه دائر
 اولان ادعا سنده، تکذیب ایدوبده مأمور دخی اثبات ایده مامکله
 مأمور، آمرینک یمینی طلب ایده بیلیر. و آمر، مأمورک مبالغ
 مذکوری اول شخصه ویردیکنی بیلمدیکنه تحلیف اولنور.
 آمر، یمین ایدرسه مأموردن آلاجنمی آیر؛ نکول ایدرسه
 مأموردن دین ساقط اولور هندیه.

استیفانک اینضاحی — استیفایه وکالت دخی ایکی درلو
 اولور:

۱ اعیانده اولور. مبینی و مأجوری و مستعاری و مرهونی

وودیمه بی و امانات سائرہ بی و منصوبی قبضہ وکالت کہی .
 ۲ دبوندہ اولور . تمن میخی و بدل اجارہ بی و بدل منصوبی
 و بدل متانی و بدل مقروضی قبضہ و اخذہ وکالت کہی . ایدمی
 بروجه بالا وکیلہ بالقض اولان کیمسه دینی قبض ایدہ رک موکلنہ
 اعطا ایلدیکنی یاخود یدندہ تلف اولدیغنی ادعا ایتدکده باقیلیر .
 موکلی بوادعا زمانندہ برحیات ایسه ضمانی نفسندن دفع حقندہ
 وکیلک بوسوزی قبول ایدیلوب مدیون دخی بری اولور . ولوکه
 مدیون ، وکیلک اهنه شهادتی غیر جائز کساندن بولنه . « ۱۷۰۰ »
 مادهیه باقی . لکن فی حق برائۃ المدیون لافی حق الرجوع علی
 الموکل علی تقدیر الاستحقاق حتی لو استحق انسان ما اقر الوکیل
 بقبضه وضمن المستحق الوکیل فانه لا یرجع الوکیل علی موکله
 تکملہ رد مختار .

اما موکلی وفات ایتمش ایسه یالکز برائت نفسی حقندہ ینہ
 قبول ایدیلیر . زیرا هرامین که امانتی مستحقنہ ایصال ایلدیکنی
 ادعا ایدہ قولی قبول اولنور . « ۱۴۶۳ » مادهیه باقی . مستودع
 و وکیل و ناظر کہی . فقط بونک قولی موکلی بولنسان داینه
 سرایت ایدہ رک بونکله داینک دخی آلاجنی آلمش اولدیغنه حکم
 اولنہ ماز . مکرکه وکیلک حیات موکلده قبض دینی موکلک
 ورثه سنک تصدیقی یاخود ینہ ایلہ ثابت اوله .

حیات موکل ایلہ ممات آردہ سندہ واقع اختلاف احکام ایکی
 قاعده آنیہ دن نشأت ایتشدرد :

قاعده اولی، هر کیم بر امری حکایه و اخبار ایست که وقت
اخبارنده او امرک انشاء و استینافه یعنی تکرار ایجادینه مقتدر
اولیه بو حکایه سی اگر غیره ضماک ایجابی متضمن ایسه تصدیق
اولنه ماز. و اگر نفسندن ضماک دفعی متضمن ایسه تصدیق
اولنوز.

قاعده نایه، هر کیم بر امری حکایه ایست که حال حکایه سنده
استینافه مقتدر بولنه غیر اوزرینه ایجاب ضمان بولسه دخی
سوزی قبول ایدیلیر.

ایمدی قبض دینه و گیل اولان کیمسه، موکلی بر حیات
و وکالت عهد سنده باقی بولندینی زمان دینی مدیوندن آلدن
و موکله ویردم دیدکده حال حکایه سنده یا مغه مقتدر اولدینی بر
ایشی حکایه و اخبار ایلمشدر. شو جهتله که وکالت باقی بولندینندن
حال حکایه سنده دخی قبض و موکله دفع و تسلیم ایده بیلیر. ایسته
بو حکایه ده غیره یعنی موکله ایجاب ضمان و ارایکن ۱۵۸۵ ماده
شرحنه باقی سوزی قبول ایدیلکه برابر بوسه سوزی غیره یعنی
موکله دخی سرایت ایتدیرلدی. اما موکلی فوت اولمش ایسه
۱۵۲۷ ماده یه مبنی وکیل و کاتی قلمیه جنی جهتله بوندن صوکره
وکیل دینی قبض ایتدم موکله ویردم دیدکده حال حکایه سنده
یا مغه مقتدر اولدینی شیشی اخبار ایلدیکی جهتله بو اخبارک حکمی
ایکی یه تقسیم ایدلدی.

برنجیسی، وکیلک برائت نفسیدر. بو خصوصه وکیل

تصدیق اولور. زیرا وکیل ۱۴۶۳ء ماده یه مبنی امین اولوب موکک وفانیله وکالتی باطل اولمش ایسه ده امانتی باطل اولما مشدر. بناء علیه وکیل مرقوم اوزرینه مقبوضک ضمانی لازم کلز. و مدیون دخی بو وکیله مراجعت ایدمنز. زیرا داین وکیلی واسطه سیله آلاجنفی آلمش ایکن ورثه سی استیفائی بالانکار مدیوندن تکرار آلمق صورتیله ظالم ایتمش و مظلوم بولسان مدیونک غیره یعنی وکیل ظالم ایتمه که غیر مقتدر بولنمشدر. ۹۲۱ء ماده یه باقی. ایکنجیسی، غیره ایجاب ضماندر. یعنی وکیل بقبض الدین بعد موت الموکل « دخی مدیوندن بالاخذ موکل داینه تسلیم ایتدم » دیه واقع اولان حکایه سنده موکلی بولنان متوفی اوزرینه الزام ضمان واردر. شوجه ته که دیون امثالیله قضا اولنورده مدیون ایچون ذمت داینده داینک مدیونده کی مطلوبنک مثلی ثابت اوله رق بو ایکی آلاجق یکدیگرله نقاص اولور. بناء علیه وکیلک بوسوزی بعد موت الموکل موکلی علیهنه قبول ایدلیوب مدیونک ورثه سی داینه دفع و تسلیمی اثبات ایتلمز لازم کلیر واقعات المفتین و طحطاوی و انقروی و بهجه و بحر و رد مختار و خیریه فی اول الوكالة بزیاده و ایضاح.

قبض دینه وکالتله دائر بعض مسائل بوماده نک، مثالی شرحنده ذکر اولنه جقدر.

بوماده موکل بهک ضابطه سی اولوب یوقسه تعریفی دکلدور. بناء علیه برکیمسه نک بالذات باهمیه جنفی امورده « بونلر ۱۴۴۹

ماده شرحنده مرور ابتدی ، باشقه سنی توکیل ایدہ بيلمسيه
بوضابطه منتقض اولماز. زیرا قواعذك ابطالی طردك یعنی تلازم
فی الثبوتك [١] ابطاليله اولوب يوقسه عكسك یعنی تلازم
فی الانتفاءك [٢] ابطاليله دكلدر رد مختار .

مثلا هر انسان ناطق قدر قاعده سنك ابطالی ناطق بولمیان
بعض انسانی کو سترمکه اولوب يوقسه انساندن اولمیدنی حالده
ناطق اولان دیگر بعض حیوانانی کو سترمکه ابطال حاصل اولماز.
یرد علی قوالهم يوکل بكل ما يباشره بنفسه ممن يملكه انه
غير مطرد ولا منعكس مع ان الذمی يملك بيع الخمر ولا يملك توکیل
المسلم فيه والمسلم لا يملك بيع الخمر ويوکل الذمی فيه ويحجبان
الذمی وان ملک التصرف لا يملك توکیل المسلم لانه منہی عنه
والمسلم لا يملك التصرف فی الخمر لعارض النهی واما اصل التصرف
وهو البيع فلا جناز و لذلك صح توکیل الذمی بیه تکمله رد مختار.
ويرد ان الاب والجد يملكان شراء مال ولده الصغير ولا يملكان
التوکیل به تکمله رد مختار.

بوضابطه نك مسئلہ ناسی

مع ذلك بوضابطه دن اوج مسئلہ مسئلہ مستشاره:

مسئلہ اولی، مباحاتدر. یعنی مباحاتده وكالت صحیح دكلدر.

[١] الطرد ما يوجب الحكم لوجود الملة وهو التلازم فی الثبوت .

[٢] العكس هو التلازم فی الانتفاء بمعنى كلما لم يصدق الحد لم يصدق

المحدود وقبل العكس عدم الحكم لعدم الملة تعريفات سيد .

شویله که بر کیمسه احتطابه یعنی جبال مباحده اودون طوپلامغه
واحتشاشه یعنی مباح اوتلری دوشیرمکه ویردن جواهر و معادینی
چبقارمغه دیگر کسنه یی توکیل ایتسه صحیح دکلدر. حتی وکیلک
تخصیل ایتدیکی شی کندی مالی عد اولوب موکلی آندن برشی
آلاماز. « ۱۳۳۳ » ماده شرحه باق هندیه و تکمله رد مختار.
ایشته بر کیمسهنک بالذات احتطابه حتی واریکن احتطابه برینی
توکیل ایتسی جائز اولمدی.

مسئله نانیه، استقراضدر. یعنی استقراضه وکالت باطلدر.
لان البدل فيه لا يجب دینا فی ذمه المستقرض بالعقد بل بالقبض
والامر بالقبض لا یصح لانه ملک الفیر بخلاف الیبع فان حکمه
یثبت بالعقد فیقوم غیر مقامه فيه تکمله رد مختار.

ایمدی بر کیمسه استقراضه وکیل اولوبده حین استقراضده
قرضی نفسنه مضاف قیلار ایتسه بوعقد وکیلک اوزرینه نافذ
وقرض وکیلله طائد اولوب بونی موکل وکیلدن جبراً آلاماز بحر.
مثلاً بر کیمسه « فلان شخصه کیتده بنم ایچون اون آلتون اودنج
آلیور » دیه بر کسنه یی توکیل ایتکله او کسنه شخص مرقومه
واروب « بکااون آلتون قرض ویر » دیه قرضی نفسنه بالاضافه
استقراض ایتسه بومبلغ او کسنه نیک ملکی اولور. ویدنده هلاک
اولسه خسار کندینه طائد اولوب موکلنه رجوع ایدمهز.
ومبلغ مزبوری موکلنه تسلیمدن امتناع ایده بیلیر طحطاوی
وهندیه.

لكن استقراضه رسالت صحیحدره. یعنی بر کیمسه استقراضه
وکیل اولوبده اول وکیل حین استقراضده عقدی موکلفه وضاف
قیلارایسه صحیح وقرض موکلف اولور بحره. شویله که بر کیمسه
دیگر کمنه یه بیک غروش قیمتلی بر کتاب و یروب دبوکتابی فلان
شخصه کوتورده آندن بنم ایچون بیک غروش قرض آل و بو
کتابی مبالغ مذکوره قارشی رهن ویره دیه استقراضه و رهنه
او کمنه یی توکیل یعنی رسول تعیین ایتدکن صوکره او کمنه
شخص مرقومه واروب دفلان کیمسه سندن بیک غروش اودنج
ایسته یور و بوکتابی سکا رهن ایدیوره دیسه ده اوده اقراض ایسه
مبالغ مذکور اول کیمسه نك ملک و کتاب آنک طرفندن
مرهون اولور. و رهنی تخلیص ایتک اول کیمسه نك وظیفه سیدر.
یوقسه رسولک یعنی او کمنه نك وظیفه سی دکدر. فقط بالاده
ذکر اولندیفی اوزره او کمنه قرضی و کذا رهنی نفسنه بالاضافه
یعنی مثلاً او شخصه واروبده بیک غروش بکا اودنج ویر
ومقابلنده بوکتابی رهن آل دیسه و او شخص دخی بووجهله قبول
ایسه بیک غروش او کمنه نك ملک اولوب اول کیمسه آنی
او کمنه دن اخذ ایده من. و او کمنه کتابی ضامن اولور.
شویله که او کتاب ید مرتهنده هلاک اولدیغنده اول کیمسه
مخیردر: دیلرسه او کتابک قیمت حقیقیه سی او کمنه یه و دیلرسه
او شخصه تضمین ایتدیرر. او کمنه یه تضمین ایتدیرر ایسه رهن جائز
ودین ساقط اولور. و او شخصه تضمین ایتدیرر ایسه اوده

آلاجقی و کتابك قیمتی او کهنه دن آلیر . ٦٥٨١ ، ماده یه بانی
هندیه .

استقراضه رسول اولان کیمسه پاره یی مقرضدن آلدیقی
بیان و مقرض دخی تصدیق ایدوب فقط موکل یعنی
مرسل ، رسولك قبضی انکار ایتسه سوز مرسلک
اولور انقروی . مجرد رسولك قبض ایتدم دیسه یله مرسل
اوزرینه ضمان لازم گلر .

مسئله نائمه ، یعنی برکیمسه کنه دیسنه توجه ایدن
یمینی ایضا ایده بیلر ؛ فقط بویمنی اجرا ایچون باشقه سنی توکیل
ایده من . یعنی مثلا برکیمسه دیگر کهنه یه بنم طرفدن یمین ایتک
اوزره سنی وکیل ایتدم دیسه جائز اولماز . ١٧٤٥ ، ماده یه
بانی . بومسئله ده گور یامور که برکیمسه بالذات یمینی ادا ایده بیلدیکی
حاله باشقه سنی بونی ادا یه توکیل ایده من بحر .

(مثلا برکیمسه بیع و شرا) و سلم و فراغ و فقرغ و تأجیل
ثمن (و ایجار و استیجار و رهن و ارتمان و ایداع و استیداع
و هبه و اتهاپ و صاح و ابرا و اقرار و دعوی و طلب شفعه
و ایضا) ی دیون (و استیفای دیون و قبض مال) و مزارعه یه
و مساقته و رد بالعیبه و اعاریه و استعاریه و هبه دن رجوعه
و اعطای صدقیه و قبول صدقیه و اقراضه و قبض قرضه و
برکیمسه کنه یی طرفدن فلان شخصی شویله بر خصوصه
وکیل ایتک اوزره دیگر کهنه یی توکیله و نکاحه و طلاقه

و تقسیمه (دیگر بر کیمسه بی توکیل ایتسه جائز اولور .)
 حق وکیل اولان کیمسه موکل بهی ایضا ایتدکن صوکره
 موکل توکیلنه نادم اولسه فائده ویرمیوب وکیلک تصرفی
 موکلی علیهنه نافذ اولور . شویله که مثلا بر کیمسه مرافعه
 و خصومه دیگرینی توکیل ایتمکله وکیل لدی المرافعه علیهنه
 حکم لاحق اولدقدن صوکره توکیلنه نادم اولارق بو مرافعهیه
 راضی دگم بنم ایله تکرار مرافعه اولسون دیه من بهجه . نته کیم
 بر کیمسه بر خصوصه متعلق دعوا سندن بر کسنه بی ابرایه بر
 شخصی توکیل ایتمکله وکیل دخی موکلنه بالاضافه خصوص من بوردن
 او کسنه بی بعد الا برا اول کیمسه توکیلنه نادم اولوب خصوص
 من بوری او کسنه دن دعوی ایده من هاش بهجه . کذلک
 وکیل بالبیع بحسب الوکاله مالی صاندقدن صوکره موکل نادم
 اولسه بیی فیسخ ایده من بهجه . نته کیم وکیل بالاقراض ،
 اقراضنه مأمور اولدینی مبانی اقراض و مستقرضه بعد التسلیم
 مستقرض فرار ایتسه موکل مبالغ مقروضی وکیلله تضمین
 ایتدیره من تنقیح .

(نقط) فصل ثانیله دخی بیان اولنه جنی وجهله (موکل
 بهک معلوم) اولوب جهالت فاحشه ایله غیر مجهول (اولمی)
 وکالتک صحته یعنی عدم بطلاننده (لازمدر .) بناءً علیه
 موکل به جهالت فاحشه ایله مجهول اولورسه وکالت جائز اولماز .
 او رد علیه التوکیل بالعام واجیب بانه معلوم فی الجملة ولو لم یکن

معلوما گن کثرت معاملاته بطل التوکیل تکمله رد مختار . حتی
برکیمسه دیگر کسنه به اون آلتون ویروبدنه بونکله نم ایچون
برشی آل دیسه بووکات جائز دکلدرد . زیرا موکل به اولان
آله حق مال مجهولدر ولوالجیه . بو صورتده وکیل مومی الیه
عقدی نهنه بالااضافه برآت آلهسه آت وکیل مالی اولاردی
قالیر . ۱۴۵۳ ماده شرحه باق .

اما وکاتده موکل هک جهالت یسیره ایله مجهولیتی مضر
دکلدرد . شویله که برکیمسه دیگرینه بو ، یا شو ، آتمی سات
دیسه ده اوده بونلردن برینی صائسه جائز اولور . نته کیم هم
زیده همده عمروه اون آلتون بورجی بولان برکیمسه دیگر
کسنه به اون آلتون ویروبدنه بونی زیده با عمروه ویردیسه ده
اوده ایکیسندن برینه ویرسه جائز اولور تکمله رد مختار .

توکیل جائز اولان امور بالاده متنا و شرحاوتوزیدی
اولوق اوزره تعداد ایدلدیسه ده بوکا منحصر اولمدینی درکاردره .
شمعی بونلرک ایضا حنه ابندار اولنور :

بیع — ۱۴۹۴ ماده ایله مواد تالیه سنده ایضاح اولنیور .

شرا — ۱۴۶۸ ماده ایله مواد تابعه سنده تفصیل ایدیلنیور .

سلم — اسلام ایچون توکیل صحیح اولور . مثلاً برکیمسه دیگر

کسنه به یکرمی آلتون ویروبدنه بو یکرمی آلتونی یوز کیله
بندای ایچون سلم ویردیسه ده اوده ویرسه جائز اولور . اما
قبول عقد سلم ایچون وکالت جائز دکلدرد تکمله رد مختار .

فراغ و تفرع — كرك اراضی امیریه و كرك بالا جارتین
 تصرف اولنان مستغلات موقوفه نك آخره فراغه و كالت
 جائز اولور .

فراغ اراضی : وکیل بالفراغ اذن صاحب ارضه واقع
 اولان فراغی معتبر اولوب بعدالفراغ موكل نادم اولسه فراغی
 نقض ایدمهز .

وکیل بالفراغ ، اراضی بی بر کیمسه یه فراغ ایتدیگی کبی
 موكل دخی دیگر بر کسنه یه فراغ ایتدکده هانکی فراغ مقدم
 ایسه اعتبار آکادر . ایمدی موكل فراغ ایتدکدن صوکره
 وکیل فراغ ایسه وکیلک فراغی معتبر اولماز . نته کیم اولا وکیل
 و بعده موكل فراغ ایسه لر موكلک فراغی معتبر اولماز .
 هانکی فراغ مقدم اولدینی معلوم اولسه موكلک فراغی مقدم
 اعتبار اولنور .

علی الاطلاق فراغه وکیل اولان کیمسه موكلنک اراضیسی
 آزه چوغه یعنی مناسب کوردیکی بها ایله فراغ ایدمه ییلیر .
 « ۱۴۹۴ » ماده یه باقی . موكلی « بو فراغی قبول ایتیم » دیمهز .
 آنجق موكل « شوقدره فراغ ایت » دیمش ایسه وکیل آنندن
 نقصاننه فراغ ایدمهز . ایدر ایسه موكلنک اجازتنه موقوف
 اولور . « ۱۴۹۵ » ماده یه باقی . نته کیم مجاناً دخی فراغ ایدمهز .
 ایدر ایسه موكلی طوتمیوب طاپوی مثل ایله آخره ویره ییلیر .
 وکیل بالفراغ ایکی شخص ایکن یالکیز بریسی فراغ ایسه

معتبر اولماز. ۱۴۶۵ء ماده یه باقی .

وکیل بالفراغ ، موکلنک اراضیسنی کندی شخصنه وایهنده
شهادتتری جائز اولمایانلره « ۱۷۰۰ ماده یه باقی » فراغ ایده من .
مکرکه دکرندن زیاده یه فراغ ایده یاخود موکل « دیلدیکک
کیمسه یه فراغ ایت » دیمش اوله . او حالده ایهنده شهادتی
جائز اولمایانلره فراغ ایده بیلیر . اما کندی شخصنه یننه فراغ
ایده من . زیرا عقدک ایکی طرفنه شخص واحد تولی ایلیم من .
علی الاطلاق فراغه وکیل اولان کیمسه موکلنک اراضیسنی
پشین آچه ایله یاخود بین الناس معروف اولان مدت ایله
ویره سی یه فراغ ایده بیلیر . اما صرف وعادته مخالف مدت طویله
مثلا یکر می سنه مدت ایله ویره سی یه فراغ ایده میه جکی کبی
صراحت یادلالة پشین پاره ایله فراغه وکیل اولسه وکیل ، آنی
ویره سی یه فراغ ایلیم من .

وکیل بالفراغ ، بدل فراغی مفروغ لهیدن آلدینی حالده
کندی مالندن موکله ادا ایتک اوزره جبر اولنه ماز . « ۱۴۹۴
و ۱۴۹۵ و ۱۴۹۶ و ۱۴۹۷ و ۱۴۹۸ و ۱۵۰۴ » ماده لره
باقی .

وکیل بالفراغ ، بعد العزل فراغ ایتسه نافذ اولماز . آنجق
عزل اولندیغنه وکیل علمی لاحق اولسی شرطدر . بوصورته
عزله وکیل علمی لاحق اولدقدن صوکره فراغ ایتسه معتبر
اولماز . اما قبل حقوق العلم فراغ ایتسه معتبر اولور .

وکیل الفراغ ، بعد موت الموکل فراغ ایتسه معتبر اولماز .
موکلك وفاتنه كرك علمى لاحق اولسون كرك اولسون .

تفرغ اراضی : موکل طرفندن بدل تعیین اولمق سزین
تفرغ اراضی به وکیل اولان کیمسه بدل منایله وغبن یسیر ایله
تفرغ ایده بیلیر . اما غبن فاحش ایله تفرغ ایتسه موکلى حقنده
نافذ اولماز . « ۱۴۸۲ » ماده یه باق . معین بر ارضك تفرغ یا
تفرغنه وکیل اولان کیمسه ، اول ارضی کندیسى ایچون تفرغ
ایده مز . ایدر ایتسه کندیسـنك اولماز ؛ موکلك اولور . یعنی
موکل رأى صاحب ارضله اول ارضی وکیلک عهده سنده نزع
ایتدیروب کندى نامنه طایو سندینی اخذ ایده بیلیر . شو قدر که
وکیل صرقوم اول ارضی ، موکلك تعیین ایلدیکی بهادن زیاده
بها ایله تفرغ ایدرسه وکیلک عهده سنده قالاچنی کی موکل
تعیین بدل ایلدیکی صورتده غبن فاحش ایله تفرغ ایدرسه
ینه وکیلک عهده سنده قالیر . « ۱۴۸۵ » ماده یه باق شرح جدید
لقانون الاراضی .

فراغ المستغلات : وکیل بالفراغك رأى متولی ایله واقع
اولان فراغی معتبر اولوب بعدالفراغ موکل نادم اولارق فراغی
نقض ایده مز .

على الاطلاق فراغه وکیل اولان کیمسه موکلك مستغلاتی
آزه چوغه حاصلی مناسب کوردیکی بدل ایله فراغ ایده بیلیر .
موکل قبول ایتم دیه مز . آنجق موکل شو قدره فراغ ایت

دیمش ایسه وکیل آندن نقصانه فراغ ایدمه من . ایدر ایسه
موکلنك اجارتنه موقوف اولور . ۱۴۹۵ء مادهیه باق . اما آندن
زیادهیه فراغ ایدمه بیلیر .

وکیل الفراغ ، فراغنه وکیل اولدانی مستقلی نفسی ایچون
تفرغ ایدمه من . نته کیم اول مستقلی اولاد و ابون و زوجه کبی
کندی اهنه شهادتی جائز اولیان کمنه لره فراغ ایدمه من . فقط
موکل آنلردن برینه فراغ ایتک اوزره وکیل ایدر یاخود
هر کیمه دیلر سهك فراغ ایتدیه وکالتی تعمیم ایدر سه او صورتده
فراغ ایدمه بیلیر .

وکیل الفراغ ، بعد العزل فراغ ایتسه صحیح و معتبر اولماز .
فقط خبر عزله وکیلک علمی لاحق اولسی شرطدر . بناء علیه
بعد العزل و قبل العلم بالعزل فراغ ایتسه فراغی صحیح و معتبر اولور .
وکیل الفراغ ، بعد موت الموکل فراغ ایتسه معتبر اولماز .
وفات موکله وکیلک علمی کړك لاحق اولسون . کړك اولسون .

تفرغ المستغلات : موکل طرفندن بدل تعیین ایدلمکمزین
اجارتنلی بروقف عقارک تفرغنه وکیل اولان کیمسه اول عماری
بدل مثاندن زیاده فاحشه ایله زائد بر بدل مقابله سنده موکل
ایچون تفرغ ایلسه او فراغ موکل حقننده نافذ اولماز .
۱۴۸۲ء مادهیه باق .

بر کیمسه اجارتنلی معین بروقف عماری شو قدر غروش
بدل مقابله سنده تفرغه دیکرخی توکیل ایتدکن صوکره وکیل

اول عقاری اول قدر غموش بدل مقابله سنده نفسی ایچون
با اذن متولی تفرغ و نامه سند استحصالی ایلسه موکل با رأی
متولی اول عقاری وکیل عهده سندن نزع و سندینی ابطال
ایتدیروب کندی نامه سند استحصالی ایده بیلیر احکام الاوقاف،
تأجیل ثمن — ثمنك مطلقا تأجیلنه توکیل صحیحدر .
بناء علیه بو وجهله وکیل اولان کیمسه مذکور ثمنی بر آی
یاخود بر یا ایکی سینه تأجیل ایتسه امام اعظمه کوره صحیح
و اما امامینه کوره بو اطلاق متعارفه مصروف اولور بحر .
« ۴۳ » مادهیه باقی .

ایجار — علی الاطلاق ایجاره وکیل اولان کیمسه آزه
چوغه، مناسب کوردیکی بها و عروض ایله ایجار ایده بیلیر .
« ۱۴۹۴ » مادهیه باقی . اما موکل قید مفید ایله تقید ایتیش ایلسه
وکیل آکا جنسا و یا شرا مخالفت ایده من . شویله که مثلا کومش
پاره ایله ایجاره وکیل اولان کیمسه آلتون پاره ایله ایجار ایتسه
جنسا مخالفت اولارق صحیح اولدینی کی اون آلتونه ایجاره
وکیل اولان کیمسه سکنز آلتونه ایجار ایتسه شرا مخالفت
اولارق نافذ اولماز . فقط وکیل مرقوم، موکلنه خیرا مخالفت
ایده بیلیر . یعنی مثلا وکیل بالاجاره موکلک تسمیه ایلدیکي ثمندن
زیاده یعنی مثال اخبرده اون ایکی آلتون ایله ایجار ایتسه
صحیح اولور هندییه بزیاده « ۱۴۵۶ » مادهیه و شرحنه باقی .
وکیل بالاجاره کندی لهنه شهادتلی جائز اولمیانلره

« ۱۷۰۰ ماده یه باقی موکلنك مالنی ایجار ایدمه من. بیع و شراده اولدینی کی. « ۱۴۹۷ » ماده ایله شرحه باقی.

مال مشترکدن حصه شایعه نك ایجارینه وکیل اولان کیسه موکلنك حصه سنی دیگر حصه دارانك جمله سنه ایجار ایتسه صحیح اولور. « ۴۲۹ » ماده ایله شرحه باقی.

وکیل بالاجاره، مستأجری بدل ایجاردن ابرا یا بدل ایجاری مستأجره هبه ایتدکده نظر اولور. اجرت اگر عین ایتسه صحیح دکلدر. زیرا عیندن ابرا جائز اولماز. و اگر دین ایتسه - اجرت مذکوره کرک « ۴۶۸ و ۴۶۹ » ماده لر حکمنجه مستأجره لازم اولدقدن صوکره و کرک هنوز لازم اولمدن ابرا ایتسون - ابراسی صحیح اولور. فقط وکیل او اجرتك مثلی موکلنه ضامن اولور هندیه و بحر.

وکیل بالاجاره، عقدی نفسنه مضاف قیسه اثبات اجاره ایچون مستأجر ایله مخصوصه و مستأجردن اجرتی قبض و مستأجر، اجرتی وکیله اعطاءدن امتناع ایتسه وکیل بالاجاره مأجوری حبس ایدمه یلیر. طحطاوی و بحر. « ۴۶۸ و ۴۶۹ » ماده لر باقی. موکل ایله مستأجر عقد اجاره نی فسخ ایدمه یلیر. فقط بو صورتده مستأجر، ویردیکی بدل اجاره نی وکیل بالاجاره دن طلب ایدمه من. زیرا بوفسخ وکیل بالاجاره حقنده معتبر دکلدر هندیه. نه کیم مستأجر منفعتی استیفا ایتدن وکیل بالاجاره ایله مستأجر عقد اجاره نی فسخ ایلدکارنده بدل ایجارا کر موکله

هنوز تسلیم اولنماش ایسه فسخ مذکور صحیح و مستأجر بدل
ایجادن بری اولور. بدل مذکور کرک عین و کرک دین اولسون.
اگر تسلیم اولنش ایسه فسخ صحیح دکلدر. « ۱۵۰۵ » ماده یه
دخی باق هندیه و بحر .

وکیل بالاجاره، برمالی آخره ایجار و تسلیم ایتدکن صوکره
مستأجر مأجورده عیب قدیم بولندی بیانیله رد ایدوب
وکیل دخی بغیر قضاء قبول ایتسه صحیح و موکل حقنده نافذ
اولور. بو قبول، حق موکلده اجاره جدیده عید اولندی .
زیرا معقود علیه منافع ایسه مقبوض اولمديغندن وکیل بالبعه
قبل القبض ردک نظیری اولدنی کبی معقود علیه عین ایسه عینی
منافع مقامنه اقامه بالضروره نابت اولان بر حکم اولمديله
حکم مذکور موضعی تجاوز ایدمن یعنی بو مسئله ده دخی
عینی ، منافع مقامنه اقامه ایدمنیز . « ۲۲ و ۴۳ » ماده لره
و شرحنه باق بحر .

استیجار — علی الاطلاق استیجاره وکیل اولان کیمسه
آلتون و کومش پاره ایله و معین اولمان یعنی دین و ذمتده
نابت بولنان مکيلات و موزونات ایله استیجار ایده بیلیر . اما
مثلا عرصه یا معین مکيلات یا موزونات ایله استیجار ایدمن .
« ۱۴۸۳ » ماده یه باق .

وکیل بالاستیجارک موکلنک قید و شرط مفیدینه اتباع ایتسی
لازم کایر . شره مخالف ایدرسه موکل حقنده نافذ اولیوب

مأجور وکیل اوزرینه قالیر اما خیره مخالفت ایده بیلیلر .
 بو جهته وکیل بالاستیجار، موکلنک تسمیه ایتدیکی ثمن یا اقل ایله
 استیجار ایتدکده صحیح اولور . « ۱۴۷۹ » ماده یه باق .
 اما مثلاً موکل «أدرنیه قدر بینه مک اوزره اون عدد سیم مجیدیه
 مقابلنده بر آت استیجار ایت» دیمش ایکن وکیل، اون بش عدد
 سیم مجیدیه مقابلنده استیجار ایدوبده موکل بوندن خبردار اولمدن
 آت بینه رک «أدرنیه وارسه اجرت کاملاً وکیل اوزرینه لازم
 کلیر . موکل اوزرینه برشی لازم کلر هندیه زیاده .

نته کیم معین بر خانه نک ایکی یوز غروشه استیجارینه وکیل
 اولان کیمسه آنی اوچ یوز غروشه استیجار ایتش ایکن موکلنه
 ایکی یوز غروشه استیجار ایتدم دیهرک تسلیم ایتسه اجرت
 موکل اوزرینه لازم کلیر وکیل اوزرینه لازم کلیر هندیه .
 کذا موکل بر سنه لکی استیجاره توکیل ایلدیکی حالده وکیل
 ایکی سنه لکنی استیجار ایتسه ایلک بر سنه لکی موکل وایکنجی
 سنه لکی وکیل حقمنده نافذ اولور هندیه .

وکیل بالاستیجار، اجرتی هنوز آجره اعطا و آجر اجرتی
 هنوز طلب ایتماش اولسه بیله موکلندن اجرتی طلب ایده بیلیلر .
 « ۱۴۹۱ » ماده یه باق، و آجر اجرتی وکیل بالاستیجاردن ایستر .
 « ۱۴۶۱ » ماده یه باق هندیه و تنقیح .

وکیل، بدل ایجار معجل اولق اوزره استیجار و مأجوری
 قبض ایتدیکی تقدیرده - وکیل اجرتی موجره کرک کندی

ماندن و یرمش اولسون و کرک هنوز و یرمش اولسون - استیفای
اجرت ایچون مأجوری موکلندن حبس ایده بیلیر . مأجور
بویله ید و کیله محبوس ایکن مدت اجاره منقضی اولسه بدل
ایجار و کیلی اوزرینه لازم کلیر . و کیلی مذکور اجرت ایله موکلنه
رجوع ایده من . لیکن مأجورک ید و کیله قالمسی استیفای تمن
و بدل اجاره ایچون موکلک حبس ایلیمسندن ناشی اولیوب
بلکه موکلک قبضه طالب اولماسندن طولانی اولور ایسه
مأجورک اجرتی ۱۶۶۱ء ماده یه منی مره قدر و کیلی اوزرینه
لازم کلیر ایسه ده اوده موکلنه رجوع ایدر . نته کیم مأجور ،
موکلک قبضه طالب اولماسی جهتیله ید و کیله آلتی آی قالدوده
بعده قبضه طالب اولدیغنده و کیلی استیفای بدل ایچون بالجنس
آرده مدت اجاره بولنان بر سنه تمام اولسه مأجورک تمام
اجرتی و کیلی اوزرینه لازم کلیر . و کیلی دخی نصف اجرت
یعنی موکلک قبضه طالب اولماسندن ناشی یدنده قالان مدتک
اجرتی ایله موکلنه رجوع ایده بیلیر هندیه . شو قدر که مدت
اجاره زمان معین بولسه یعنی مثلا بیات اوچ یوز یکر می سکز
سنه سی محرمندن او سنه نیک ذی الحجه سی غایه سنه قدر مدت
ایچون بر خانه استیجارینه و کیلی اولسه ده اجرتی معجلا یا خود
مطلقا یعنی تعجیل و تأجیل شرطی ذکر ایدلکسزین استیجار
ایتسه همان اوخانه یی موکلنه تسام ایتکه مجبوردر . اجرتی آلتق
ایچون مأجوری یدنده حبس ایده من . ایدوده مدت اجاره

منقضى اولسه اجرت وکیل اوزرینه لازم کلیر . وکیل اجرت مذکوره ایله موکلنه رجوع ایدمهز .

اجاره فاسده ده وکیل بالاستیجاره ضمان لازم کلیوب اجر مثل مستأجر اوزرینه لازم کلیر .

آجر ، بدل ایجاری وکیلدن تأجیل یا وکیلی آندن ابرا ایتسه تأجیل وبرا وکیل حقنده صحیح اولوب وکیل او اجرت ایله موکلنه رجوع ایدمه بیلیر هندیه .

وکیل بالاستیجار ، مأجوری هنوز آجردن قبض ایتدن عقد اجاره یی آجر ایله فسخ ایدمه بیلیر . اما قبض ایتدکن صوکره - موکلنه کرک تسلیم ایتش اولسون کرک وکیلک یدنده بوانسون - موکلنک امری اولقسزین فسخ اجاره ایدمهز تنقیح وهندیه « ۱۵۴۶ » ماده یه باقی .

وکیل بالاستیجار ، بدل اجاره ایله مطالب اولوره « ۱۶۶۱ » ماده یه باقی . شویله که مثلاً بر کیمسه کندیسنه خدمت ایتک اوزره فلان شخصی استیجاره برینی بالتوکیل اوده عقدی موکلنه بلا اضافه مدت معینه ایله او شخصی استیجار و اجیر دخی مدت مذکوره ده اول کیمسه یه خدمت ایتسه اجیر اجر تنی وکیلدن طلب و وکیل دخی ویردیکی اجرت ایله موکلنه مراجعت ایدر بهجه .

وکیل بالاستیجار ، استیجار ایلدیکی خانه یی آجردن قبض ایتدن ویا قبض ایدوب فقط هنوز موکلنه تسلیم ایلمدن مأجور

اولان خانه نك بعض برلری منهدم وسكنايه مخلي احوال حادث
اولسه موكل قبولدن بالامتناع و كيله ترك ايده بياير هنديه.

رهن — مبلغ معين مقابلنده رهنه و كيل اولان كيمسه
آندن زياته يا نقصانه رهن ايده من . شويله كه بر كيمسه ديكر
كمنه يي كنديسي ايجون فلاندين بيك غروش اودنچ آلارق
آكا مقابل شو مالي رهن ايتمه مأمور ايتديكي حالده و كيل
مقرض مرقومه واروب موكل فلان كيمسه سندن بيك بش يوز
يا سكر يوز غروش اودنچ طلب و بو مالي آكا مقابل سكا
رهن ايدور ديه رك قرض و رهنی آمرينه بالاضافه استقراض
وترهين ايتسه مبلغ مستقرض و كيلك اولور. موكل آنی و كيلدن
اخذ ايده من . و موكل رهنی موجود ايسه استرداد ايدر، تلف
اولمش ايسه مخيردر : ديكرسه رهنك بالغاً مابلغ قيمتي و كيله
و ديكرسه مرتهنه تضمين ايتديرر . و كيله تضمين ايتديرر ايسه
رهن صحت منقلب اولور. ضامن اولديني شيله مرتهنه مراجعت
ايده من . و مرتهنه تضمين ايتديرر ايسه اوده ضامن اولديني شي
ودين ايله و كيله ايدر هنديه.

و كيل بالرهن، مرهونی مرتهندن قبض ايده من. « ۱۵۲۶ »
ماده يه باق .

و كيل بالرهن، رهن ايتمه غير يسي تو كيل و مرتهنی بيع
رهنه تسليط ايده من. فقط موكل « ديلديكنی ياپ » ديمش ايسه
و كيل دخی او مالي رهنه ديكری تو كيل و بعد الترهين آنی

بیله مرتهنی تسلیط ایده بیلیر هندیه .

وکیل بالرهن ، موکلک اذنی اولمق سزین رهن ایله انتفاع ایچون مرتهنه اذن ویروده اوده مثلاً رهن حیوان اولمق-له آکا پنه رک بالاستعمال تلف اولسه ضامن اولور هندیه .
رهنک یر کراسی و بکچی اجرتی کبی محافظه سی ایچون اولان مصارف مرتهنه عائد ايسه ده حیوان ايسه عانی ، چوبان اجرتی وعقار ايسه تعمیری ، سقی وتلقیچی کبی بقاسی واصلاح منافعی ایچون اولان مصارف موکله عائد اولور . ۷۲۳ و ۷۲۴ ماده لرله باق هندیه .

وکیل بالرهن ، موکلندن «عقد قرضی ورهنی سکا بالا ضافه امرک وجهله بیسک غروشی فلانندن استقراض و قبض ایده رک مالی آکا مقابل رهن ایتدکن صوکره قرض یدمده بلاتعد ولا تقصیر تلف اولدی» دیه مرتهنک تصدیقنه مقارن اولارق ادعا ایتدیکی حالدله موکل «مبلغ مذکور بنم ایچون قبض ورهن ایتدک دیسه» سوز مع الیمین موکلکدر هندیه ۷۲۵ ماده یه باق .
وکیل بالرهن ، مالی رهن ایتدیکی حالدله وکیل مرقوم ایله مرتهن عقد بیع وشرا اوزرینه سندی تنظیم و فقط بیع وشرا سندی مواضعه اولدیغنی بیان ایدوب حقیقت رهن بولندیغنی مقر ومعترف اولسه لر عقد مذکور رهن اولارق قالیر هندیه .
ارتمان — برکیمسه دیکر کسنه یه «بو مالی صات ونمی مقابلنده رهن آل» دیسه صحیح اولور . وبوجهله غلی الاطلاق

بیعه و ثمنی مقابلنده اخذ رهنه و کیل، قیمتی دینه مساوی رهن
 اخذ ایده بیلجکی گبی قیمتی غبن فاحش ایله اقل رهنی دخی
 اخذ ایده بیلیر. اما موکل رهن ثقه ایله صات دیدکده وکیل
 صاندینی مالک ثمنی مقابلنده قیمتی غبن یسیر ایله دون بر مال
 رهن آلسه صحیح ایتسه ده غبن فاحش ایله دون بر رهن آلسه
 صحیح اولماز هندیه، وکیل بالارتهان یعنی شومالی آخره صات
 و ثمنی مقابلنده رهن آل دیه مأمور ایدیلن کیمسه رهنی باند
 القبض صاحبنه رد واعانه ایتسه صحیح اولور. فقط موکلنه
 ضامن اولوب بیع حالی اوزره قالیر. نته کیم وکیل مرقوم
 رهنی ید عدله وضع ایتسه صحیح اولوب موکل آنی ید عدلن
 اخذ ایده منی هندیه.

ایداع — ایداعه وکیل، ایداعنه مأمور اولدینی مالی ایداع
 ایتدکن صوکره و دیعه یی ید مستودعدن قبضه صلاحیتی یوقدر
 «۱۵۴۶» ماده یه بانی هندیه. حتی مستودع، آنی وکیل بالایداعه
 ویرمکله آنک یدنده تلف اولسه مودع بخیردر: ایستیر وکیل،
 ایستیر مستودعه تضمین ایتدیرر هندیه.

هبه — هبه یه وکیل اولان کیمسه مالی برینه هبه و تسلیم
 ایتدکن صوکره هبه دن رجوع ایده منی. «۱۵۴۶» ماده یه باقی
 هندیه.

واهب مال موهوبی موهوب لیه تسلیم ایتمک اوزره برینی
 توکیل ایتدکده وکالت مذکوره صحیح اولور. تسلیمه وکیل

متعدد اولسه دخی یالکز بریسی تسلیم ایدہ بیلیر. شویله که واهب مال موہوبی موہوب لہہ تسلیمہ ایکی کشی بی وکیل ایتش ایکن یالکز بریسی آنی تسلیم ایتسہ صحیح اولور ہندیہ. تسلیم الموہوبہ وکیل اولان کیمسہ بونک ایچون باشقہ سنی توکیل ایتسہ جائز اولور ہندیہ.

عوض مقبوض مقابلندہ ہبہ وکیل اولان کیمسہ قیمتی مال موہوبدن دون بر عوض مقبوض مقابلندہ ہبہ ایتدگہ امام اعظمہ کورہ جائز اولور ہندیہ.

برکیمسہ شو مالی برینہ ہبہ ایتک اوزرہ ایکی کمسنہ بی توکیل و موہوب لہی دخی تعیین ایتسہ یالکز بر وکیل ہبہ و تسلیم ایدہ بیلیر. اما موہوب لہی تعیین ایتدیکی صورتہ طرفینہ کورہ یالکز بریسی ہبہ ایدہ میوب فقط امام ابی یوسفہ کورہ ینہ ہبہ ایدہ بیلیر بحر.

اتہاب — وکیل الاتہابک عقدی موکلنہ مضاف قیامسی لازمدر. یعنی مثلاً موکل فلان مالکزی گندیسنہ ہبہ ایتکزی ایستہ یور دیہ ہبہ ایتلیدر. یوقسہ شو مالکی بکا ہبہ ایت دیوبدہ اودہ ہبہ و تسلیم ایتسہ ہرنہ قدر وکیل بالاتہاب موکل ایچون نیت ایلسہ بیلہ ینہ مال موہوب وکیلک ملکی اولور ہندیہ بزیاہ.

موہوب لہ، گندیسنہ ہبہ اولنان مالک قبض و تسلیمنہ بریخی توکیل ایتسہ جائز اولور. فقط وکیل بالقبض ایکی کیمسہ

ایکن یالکز بریسی قبض ایقسه جائز دکلدر « ۱۴۶۵ » مادهیه
باق هندیه .

وکیل بقض الهیه دیکرینی توکیل ایده من . « ۱۴۶۶ » مادهیه
باق . مکرکه موکل آنی دیلدیکنی یا یغسه مأذون ایتمش بولنه .
او حالده آخرینی وکیل ایده بیلیر هندیه .

واهب هبه سندن رجوعی مراد ایتدکه مال موهوب مو-
هوب لهک وکیل یدنده بولنسه بیله واهب بو وکیل ایله مخصوصه
وبونک مواجه سنده هبه سندن رجوعی ادعا ایده من هندیه . زیرا
اتهابه وکالت رسالت اولوب حقوق عقد ایسه رسوله راجع
اولماز .

صالح — وکیل بالصاح ، بدل صلحتک جلسنه ولوکه غیره
اولسون مخالفت ایده میه جکی که قدر یا صفتده دخی شره
مخالفت ایده من . ایدر ایسه صالح واقع وکیل مرقوم اوزرینه
نافذ اولور . موکلی اوزرینه دکل .

بو جهته بیک غروش کومش پاره ایله صالح و بدل صلحه
کفیل اولمغه مأمور اولان کیمسه ایکی بیک غروش کومش
یا خود بیک غروش آلتون پاره ایله صالح اولوبده بدل صالحی
کندی مالندن ویرسه صالح مذکور کندی اوزرینه نافذ
اولور . موکلنه رجوع ایده من . « ۱۴۵۶ » ماده شرحه باقی . ینه
بو جهته وکیل مرقوم عروض یا مکیل یا موزون اوزرینه
صالح اولارق بدل صالحی کندی مالندن ویرسه صالح کندی

اوزرینه نافذ اولوب موکلنه رجوع ایده من هندیه .

ینه بوجهتله اون کیله بغدادی اوزرینه صلحه وکیل اولان کیمسه اون کیله آرپه یاخود شوقدر مبلغ اوزرینه صاح اولسه صاح ، وکیل اوزرینه نافذ اولور؛ موکل حقنده اولماز .

ینه بوجهتله اون کیله اعلا بغدادیه مدعی علیه و مدیون طرفندن صلحه وکیل اولان کیمسه دها اعلا بغدادیه صلح اولارق بدل صاحی ضامن اولسه وکیل اوزرینه جائز اولور . یوقسه موکل اوزرینه جائز اولماز هندیه . اما وکیل بالصاح موکلنک امرینه قدر یا صفتده خیره مخالفت ایده بیلیر . شویله که مدعی علیه طرفندن بیک غروشه صلحه وکیل ، آندن اقل ایله صاح اولسه موکلی حقنده نافذ اولور هندیه . داین طرفندن بر آدم و مدیون جانبندن دخی دیگر بر شخص وکیل اولارق ایکی وکیل صلح اولسه جائز اولور هندیه .

وکیل بالصاح ، برای صاح باشقهنی توکیل ایده من . « ۱۶۶۶ » مادهیه باق . ایدوبده وکیل ثانی صاح اولسه بدل صاح آمرک مالی ایسه آمر آکا مراجعت ایدر . وکیل ثانی ، بدل صاحی کندی مالندن ویرسه صلح مذکور وکیل اول اوزرینه نافذ و وکیل ثانی متبرع اولور ؟ و موکل اوله بر شی لازم گلز هندیه .

برکیمسه ایکی کشیی معا صلحه توکیل ایدنجه یالکیز بریسی کندی مالی اوزرینه صاح اولسه صلح واقع کندی

اوزرینه نافذ و اعطای بدل صلحه متبرع اولور. هندیه صلحه وکالت، خصومه وکالتی مستلزم اولماز. یعنی صلحه وکیل اولان کیمسه خصومه دخی وکیل اولمش عدا ایدلار هندیه .

بر کیمسه کندیسندن عین یا دین ادا ایدن کسسه ایله صلحه ورأیسه عمله برینی وکیل ایدوبده اوده بیسک غروشه صاحب اولسه جائز و بدل صاحب ، موکله لازم اولور . یوقسه وکیل دکل هندیه . مدعی علیه طرفندن صلحه وکیل اولان کیمسه بدل صلحه کفیل اولسه یا خود صاحبی کندی مالنه مضاف قیلسده اول وجهله بدل مذکور کندی اوزرینه لازم کله ادا ایتسه موکله رجوع ایدر . ولوکه کفالت ، بلا امرالموکل واقع اوله « ۱۵۴۳ » مادهیه دخی بانی هندیه . مدیون طرفندن صلحه وکیل اولان کیمسه موکل جانبندن بدل صلح تعیین اولمندی تقدیرده موکلنک قیماندن اولان بر عینی اوزرینه صلح اولسه صحیح و موکل مدیون مخیر اولور : دیلرسه اول عینی عینا ویرر ، و دیلرسه آنک قیمتی اعطا ایدر . موکلنک مثایاتدن بر عینی اوزرینه صلح اولسه ینه صحیح و موکل مخیر اولور : دیلرسه عینا او مثلی ویرر. دیلرسه آنک مثانی اعطا ایدر هندیه .

مدعی علیه طرفندن صلحه و بدل صلحه کفالتنه مأمور اولان کیمسه بدل مؤجل اوزرینه صلح وکفیل اولسه موکلی حقننده دخی مؤجل و بالکس بدل معجل اوزرینه

صلاح اولسه موکلی حقننده دخی معجل اولور . بو تقدیرده وکیل مدعی علیه هنوز بدلی ویرمه مش اولسه بیله بدل مذکوری موکلندن طلب ایده بیلیر هندیه .

طرف دایندن صلاحه وکیل اولان کیمسه بدل صاحی قبض ایده بیلیر هندیه .

برکیمسه صاتون آلدینی مالد عیب بولغله بایدع ایله عیبندن صلاحه برینی وکیل ایدوب وکیل مرقوم موکلنک عیبه راضی اولدیفنی اقرار ایتسه اقراری موکلی علیه نافذ اولماز هندیه .
زیرا اقرار حجت قاصره در؛ غیر علیه صحیح اولماز .

ابرا — شرح ماده صرهنده ذکر اولدیفنی وجهله برکیمسه بر خصوصه متعلق دعواسندن بر کسنه نی ابرایه بر شخصی توکیل ایتمکله اوده موکلنه اضافتله خصوص مذکور دن او کسنه نی ابرا ایتسه صحیح اولور . صوکره اول کیمسه توکیلنه نادم اولوب خصوص مزبوری او کسنه دن ادعا ایلسه مسموع اولماز هامش بهجه . داین برکیمسه ده کی آلاجهندن کندیسنی ابرایه ینه اول کیمسه نی توکیل ایتسه صحیح اولور . بو وکالت مجلسه مقصور اولماز . بناءً علیه مجلس وکالتک خارجنده دخی مدیون ، داینی طرفندن بالوکاله نفسنی ابرا ایده بیلیر رد مختار وانقروی ۱۴۴۹هـ ماده شرحنه باقی .

اقرار — اقراره توکیل دخی صحیح اولور . فقط مجرد توکیل ایله اقرار حاصل اولماز . یعنی برکیمسه ، طرفندن دیگر

کسبه ایچون شویله برشی اقراره برینی توکیل اتمسیله وکیل
هنوز اقرار اتمدن اول اقرار ایدیش اولماز. اقراره توکیلک
مناسی برکیمسه دیگر کسبه یی خصومه بالتوکیل «محا که اول
بکا مؤنت یا عارک لحوقی کوردیکنده مدعای اقرار ایت دیه
او کسبه یی امر اتمسیدر رد مختار و تکملته .

دعوی — بونک تفصیلاتی « ۱۵۱۶ » ماده ایله باشلایان
فصلده ذکر و بیان اولنیور .

طلب شفعه — بوکا دائر بعض ایضاحات « ۱۰۳۰ » ماده ده
درمیان اولمشیدی .

ایضای دیون — ایضای دیونه وکیل اولان کیمسه بالذات
ایضای دیون ایده بیله چی کی امینی واسطه سیله دخی ایضا ایده بیلیر.
اما امینی اولمیان ایله ایضا ایده من . شویله که مثلا بر کیمسه
شو اچیه یی مدیونم فلان کسبه یی ویر دیه بر شخصه اعطا
و وکیل دخی مبلغ مزبوری امینی اولمیان بر ذات ایله
ارسال ایدوب ده بعد المفارقه مذکور آچیه او ذاتک
یدنده تلف اولسه وکیله ضمان لازم اولور . فقط او ذات
وکیلک امینی اولور ایسه تضمین ایتدیره من . « ۹۱ » ماده یه باقی.
نته کیم او ذات وکیلدن قبل المفارقه او مبلغ یدنده تلف اولسه
وکیله ینه ضمان لازم کلز . « ۷۸۰ و ۱۴۶۳ » ماده لره باقی
انقروی و هامش بهجه .

موکل ، مدیوننه ویرمک اوزره ایضای دین ایچون تمین

ایلا یکی وکیلنه بش آلتون ویروبده وکیل او بش آلتونی
 نزدنده بالتوقیف مدیونه کندی مالندن باشقه بش آلتون ویرسه
 جائز اولور ولوالجه. یعنی صوکره یدنده ودیعه بولان مذکور
 بش آلتونی کندی ایچون آلیقور. فقط وکیل مرقوم
 مذکور بش آلتونی کندی حوایجینه صرفله بعد الاستهلاک
 موکلنک دینی کندی مالندن اوده سه وکیل مرقوم مذکور
 بش آلتونی ضامن وایهای دینده متبرع وموکلدن مذکور دین
 ساقط اولور تعلیقات علی البحر وتکملة رد مختار « ۱۵۰۶ » ماده
 شرحنده کی قاعده به باقی.

برکیمسه دایم فلان ویردیه برکیمسه اون آلتون ویروبده
 اوده داینه ویردم دیه ادعا و اول کیمسه ایله داین تکذیب
 ایتدکارنده ضماندن براتی حقنده سوز مأمورک یعنی اوکیمسه نکدره
 « ۱۷۷۴ » ماده به باقی. وقبض ایتدیکی حقنده سوز داینک
 اولوب داین آلاجهفی اول کیمسه دن آلیر. بو مسئله حقنده
 تفصیلات لازمه بو هنالك قبیلنده شرحا مرور ایتدی.

ولو وكل المديون وكيل الطالب بالقبض لم يصح لاستحالة
 كونه قاضيا ومقتضيا. یعنی لووكله قبض دینه علی فلان فاخر به
 المديون فوكله ببيع سلعته وایهای ثمنه الى رب الدين فباعها
 واخذ الثمن وهلك يهلك من مال المديون قالوا احد لا يصلح
 ان يكون وكيلا للمطلوب والطالب في القضاء والاقتضاء
 تکملة رد مختار.

استغای دیون — وکیل بالقضات موکلنک مدیوننه
موکلنک آلاجهفنک جلسندن اولق اوزره دینی ثابت اولسه
تقاص واقع اولور . بوتقدیرده وکیل موکلنه مدیون قالیر .
وکیل بالقض مدیونی ابرا یا دینی مدیونه هبه یا دین مقابلنده
مدیوندن رهن اخذ یا شخص آخر اوزرینه حواله ی قبول
ایده منر . فقط کفیل آلابیلیر . لکن اصلک برانتی شرط
ایده رک کفیل آلاماز ۱۶۴۸ ماده یه باقی اقروی و طحطاوی
وصرة الفتاوی و بحر . اما وکیل بالیبع ثمن میبعدن مدیونی ابرا
یا آنی مدیونه هبه ورهنی و کفیلی اخذ ایده بیلیر بحر و رد مختار
فی الشرکة .

ایمدی قبض دینه وکیل ، مدیوندن رهن آلوده یدنده
تلف اولسه موکلنک آلاجهفندن برشی ساقط اولمازده موکل
تمام آلاجهفی مدیوندن آلیر . وکیلده دخی ضمان لازم کلز بحر .
فقط دینه وکالت علی الاطلاق صحیح اولور . مدیون کرک
حاضر یا غائب یا خسته اولسون کرک اولسون . وکیل بالقض
مدیونک فوتیله منعزل اولمازایسه ده موکلک و فانیله منعزل اولور
واقعات المفتن ۱۵۴۷ ماده یه باقی .

برکیمسه کندیسنک هر حققی قبضه دیگر کیمسنه یی توکیل
ایتدکن صوکره دیگر بر شخصی دخی کندیسنک هر بر شینتی
قبضه توکیل ایدوب بوندن صوکره وکیل اول ، موکلنک
بر آلاجهفی قبض ایتسه وکیل ثانی وکیل اولدن مذکور مقبوضه

قبض ایدہ بیلیر بحر .

اما بر کیسه هر حقنی قبضه دیگر کسنه یی توکیل ایتدکن
صوکره دیگر بر شخصی دخی هر آلاجنفی قبضه وکیل ایتسه
وکیل ثانی ، وکیل اولک یدنده کی مذکور مقبوضی ، وکالت
مذکوره سنه بناء قبض ایدہ مز . زیرا وکیل اولک مقبوضی اولان
دین ، بعدالقبض عین اولوب وکیل ثانینک وکالتی ایتسه قبض
دینه در ؛ یوقسه قبض عینه دکلدر .

وکیل بقض الدین یدنده کی مقبوض هلاک اولدینغی ادعا
ایتسه تصدیق اولنور بحر . ۱۷۷۴ ، ماده یه باقی .

مستثنیات — آتی البیان اوج مسئله ده وکالت بقض الدین
جائز دکلدر ؛ شویله که :

اولا ؛ داین ، مکفول عنه ذمتنده کی آلاجنفی قبضه آنک
کفیلنی توکیل ایتسه صحیح اولماز . لئلا یصیر عاملا لنفسه ای
لان الوکیل هو الذی یعمل لغيره ولو محضنا هذه الوكالة صار
عاملا لنفسه ساعیا فی برائة ذمته فالندم الرکن فبطل فاذا قبضه
من المدين وهلك فی یده لم یهلك علی الطالب تکملة رد مختار .
فقط بو وکیل حسب الوكالة قبض ایدوبده مقبوض یدنده تلف
اولسه ضمان لازم کلز .

ثانیا ؛ داین مدیوننی آنک ذمتنده کی آلاجنفی قبضه توکیل
ایتسه صحیح اولماز . لاستحالة کونه قاضیا ومقتضیا تکمله .

ثالثا ؛ محال له محال علیه کی آلاجنفی قبضه محیلی توکیل

ایکسہ صحیح اولماز . زیرا وکیل ، غیر بی ایچون عمل ایدن
 کیمسه ایکن بو وکالی صحیح عد ایدہ جک اولسہ ق وکیل ،
 ذمتی ابرا خصوصہ ندہ نفسی ایچون عامل اولسی لازم کلہ رک
 رکن منعدم اولور . بوجہ تله وکیل بقض الدین مديون ذمتہ کی
 موکلنک آلاجه نه کفیل اولسہ کفالت صحیح و وکالت باطل
 اولور . لان الکفالة اقوى للزومها فتصاح باسجة بخلاف المکس
 وکذا کل ما صحه کفالة الوکیل بالقبض بطلت وکاته تقدمت
 کفالتہ او تأخرت جمیع الاہر و رد مختار و انقروی و تکملہ
 ۱۴۴۹۰ ، مادہ شرحہ باقی .

وکیل بقض الدین ایلہ بیعہ و قبض ثمنہ وکیل

آرہ سندہ کی فرقلر

قبض ثمنہ وکیل ، بیعہ و ثمن میبی قبضہ وکیلہ بر قاج مسئلہ ده
 مخالفدر ؛ شویله کہ :

اولا ؛ وکیل بقض الثمن مشتریہ کفیل اولسہ کفالت

صحیح اما وکیل بالبیع مشتریہ کفیل اولسہ کفالت غیر صحیحدر .

ثانیا ؛ وکیل بقض الدینک مذکور دین ایلہ مديون علیہ نه

شہادتق جائز اما وکیل بالبیعک ثمن میبیع ایلہ مشتری علیہ نه

شہادتق غیر جائزدر .

ثالثا ؛ وکیل ، بیع و ثمنی قبض ایتدکن صوکرہ میبیع

عیب ایلہ رد اولندقدہ مشتری ثمن میبی وکیلدن طلب ایدہ بیلیر .

ولو کہ وکیل ثمن مذکورى موکلنہ ویرمش بولنہ . اما وکیل

قبض الثمن بعد القبض ثمن ايله مطالبه اولنه ماز . شويله كه
بر كيمسه كندی مالنی شخص آخره بیع ایتدکن صوکره
مشتري ذمتده کی ثمن میعدن اولان آلاجنی قبضه دیگر
بر کسنه یی توکیل ایتمکه اوده قبض ایدوب بعده بیع خیار
عیب ايله بایعه رد اولنسه مشتري ثمن میخی موکلدن ایستر .
یوقسه وکیل قابضدن دکل .

رابعا ؛ وکیل بالقضك ابراسی یا حطی یا تأجیلی یا اخذ
رهفی یا قبول حواله سی صحیح دکلدر . اما وکیل بالیبعك
بو تصرفاتی صحیحدر بحر .

و کالت بالقض بینه ايله ثبوت بولمادی حالده
وکیلله تسلیم دین

وکیل بقض الدین ، مدیونه بن فلان کسنه نك سند کی
آلاجنی قبضه وکیل دیدیکی حالده مدیون وکالت مذکوره یی
تصدیق ایتسه «و یصح اثبات التوکیل بالینه مع اقرار المدیون به»
دینی وکیل مرقومه تسلیم ایتسی لازم کلیر . چونکه دیون
امثالیه قضا اولنه جنی و مدیونك وکیلله ویره چی پاره کندی
خالص حق ایدوکی جهتله مدیونك بو تصدیقی کندی علمینه
ر اقراردر تکمله رد مختار .

بو جهتله مدیون ، بورجنی وکیل مرقومه ویردکن صوکره
غائب بولنان داین حاضر اولنجه یه دکن اول مبلانی وکیل
مرقومدن استرداد ایده من ؛ و وکیل مرقومك غائب اولان

داین طرفین وکالتی بولمیدیغنی یاخود عدم وکالتی وکیلک اقرار ایلدیکنی ادعا و اثبات ایتسه بیله بو ادعا اثباتی قبول ایدیله میه چکی کبی یمین دخی تکلیف ایدرمز . لسه بیه فی نقض ما اوجبه للغائب نعم لو برهن ان الطالب جحد الوكالة واخذ منی المال تقبله .

آنحقی بوندن صوکره غائب بولسان داین کلوبده وکیلک وکالتی تصدیق ایدرسه ویتکذیب ایدرک فقط مدیون آنک وکیل اولدیغنی اثبات ایلرسه فها . اکر نه تصدیق ونه ده اثبات ایدلمز ایسه داین آنی توکیل ایتدیکنه یمین ایتدکده مدیون، بورجی داینه تکرار ویرمسه بیله امر اولنور . زیرا داین وکالتی انکار ایتکله استیفای ثابت اولماشدر . داینک قابضی توکیل ایتدیکنه داتر اولان سوزی مع الیمین قبول اولنور . وان دفع عن سکوت لیس له التحلیف الا اذا عاد الی التصدیق وان دفع عن تکذیب لیس له ان یحلفه وان عاد الی التصدیق لکنه یرجع علی الوکیل تکمله رد مختار .

مدیون ویردیکنی وکیلدن استرداد ایدر . اکر ویردیکی ید وکیلده موجود یا وکیل آنی استهلاك ایلمش ایسه . زیرا مدیونک وکیل مرقومه ویرمسند کی غرضی، برات ذمتی ایکن بو غرض حاصل اولماقله قبضی نقض ویدنده موجود اولانی استرداد ایده بیلیر . اما وکیل مرقوم یدنده کی مقبوضی تلف اولمش ایسه مدیونه تضمین ایتدیره من . زیرا مدیونک اولجه

وكانت تصديق ائتمسـيله قبضنده محق اولدقنى اعتراف ايلمش اولمغله وكيل مرقوم امين اولاجندن ضمين اولاماز . و برده دايـنك نايـا اخذ ائتمسـيله ظالم ومديون مظلوم اولوب مظلوم ايسه غيره ظلم ايده مرز . ويصدق في الهلاك عيـنه كما يصدق لوداعى دفعه لموكله لانه امين يدعى ايصال الامانة الى مستحقها . فان ادعى الوكيل هلا كه اودفعه الى الموكل حلفه على ذلك وان مات الموكل ورثه ضميمه او وهبه وهو قائم في يد الوكيل اخذه منه في الوجوه كلها ولو هالكـا ضمنه الا اذا صدقه على الوكالة تكمله رد مختار . فقط وكيل مرقوم يدنده تلف اولسه دخی آتی البيان مسائله مديونه ضامن اولور :

۱ مسئله، وكيل بقبض الدين مديونه « داین کلوبده وکالتی بالانکار تکرار سندن آلیر ايسه انك تکرار سندن اخذ ايده جيکى مباغه ضامنم » ديسه وكيل مرقوم دايـنك نايـا اخذ ايتديکى مقدارنى ضامن اولور . بان يقول انت وكيله لكن لا آمن ان تجحد الوكالة وياخذ منى نايـا فيضمن ذلك المأخوذ فيصح لاضافته لسبب الوجوب . ولو صالحه على بعض الدين عند ضمان الوكيل ونحوه يرجع على الوكيل بقدر المصالح عليه تكمله رد مختار . يوقسه وکيلک اولجه اخذ ايتديکى ضامن اولماز . زیرا مأخوذ مذکور آنلرک زعمنجه امانت اولوب ضمان امانات ايسه باطلدر . « ۶۳۱ » ماده يه وشرحنه باقى درمتمقى وجمع الانهر ودر مختار و تکمله .

۴ مسئله، وکیل قبض الدینک داین طرفندن وکیل اولدینی حقنده کی اداسنده مدیون تصدیق ایتمه رک ویرسه وکیل مرقوم آنی ضامن اولور. مدیون، کرک وکالتی تکذیب و کرک سکوت ایتسون. زیرا بورجنی مدیونک بو وکیله اعطا ایتسی داینک مجیز اولور امیدینه مبنی ایکن بوامیدی منقطع اولنجه حق رجوع ثابت اولور مجمع الانهر.

۳ مسئله، وکیل قبض الدین «دینی قبض ایتدم سنی دیندن ابرا ایتمکلم اوزره» دیه قبض ایدرسه مدیون وکیله رجوع ایدره. زیرا وکیلک بوسه وری برائت استیفا و دینک جمله سنی قبض ایلدیکنی اعتراف اولمغله داین مدیوندن تکرار آلدقه مدیون دخی وکیلک اسقاط مقابلنده اخذ ایتدیکنی اعاده ایلمس لازم کلیر. شو جهته که بو، بیع متزلنده اولارق وکیل داینک سلامتی التزام ایلمشدر تکمله رد مختار و درمقی.

مستودع، و دیه بی مودعک رسولنه ویرمسی خصوصنده دخی بوکامائک احکام جاری ایدوکی «۷۹۴» ماده شرحنده ذکر اولندی.

مدیون، بوکیمسه نک قبض دینه وکیل اولدیغنی انکار و دینی اقرار ایتدکده داین قبض دینه بوکیمسه بی توکیل ایتدیکنی بیلمدیکنه یمن ویرر. یمن ایدرسه دخی ویرمه مجبور دکلدرد. نکول ایدرسه دینی وکیله ویرمه مجبوردر. فقط امام اعظمندن روایت ایلمشدر که مدیون بو وجهله تحلیف ایدیه من. زیرا

حق تحلیف اولمق ایچون وکیلیم دیه نك خصم اولدینی ثابت اولمق
لازم ایکن عدم حجتیه منی بوجهت هنوز ثابت اولمامشدر
تکمله رد مختار .

وکیل بقض الدین مواجهه سنده مدیونك

دفع دعوی ایتسی

مدیون ، وکیل بقض الدین مواجهه سنده بورجفی داینسه
ویرمش ویا داین آنی ابرا ایلمش اولدینی ادعا ایتدکده بینه سی
بولنمسه دینی وکیلله ایضا یه مجبوردر . زیرا وکالت و دین ثابت
ایکن استقامت مجرد دعوی ایله ثابت اولمامشدر . بناء علیه مجرد
دعوی ایله حق تأخیر ایدلمز . مدیونك بوجهله بینه سی بولنمغله
موکلك استیفای دین ایلدیکنی بیلمدیکنه دار وکیلله یمین
تکلیف ایدلمز . زیرا وکیل نایب اولوب نائبه ایسه یمین توجه
ایتمز . مدیون بوجهله دینی وکیلله اعطا ایتدکدن صوکره داینه
بالمراجعه مطلوبنی آلمدیغنه یمین ویرر . یمین ایدنجه حکم علی حاله
قالیر . نکول ایدرسه ابطال اولنه رق مقبوض استرداد اولنور .
فقط مقبوض ید وکیلده ضایع اولدقن صوکره مدیون ایضایی
اثبات ایدرسه مدیون وکیلدن بر شی طلب ایده میوب موکله
مراجعت ایتسی لازم کلیر . لان ید الوکیل کیدا لموکل در مختار
ومجمع الانهر .

اما مدیونك دفعنه یعنی مثلاً ایضا یا ابرایه شاهی بولندقدده
استماع اولنور ایسه ده بونکله ایضا یا ابرا ایله حکم اولنه میوب

بلکه قبض دین خصوصی موکک حضورینه قدر موقوف قالیز
 «۱۵۲۰» ماده و شرحه باق .

وکیل قبض الدین ، موکل قبولدن امتناع ایده میه جهـ
 صورتده قبضه صلاحیتی وارد که بوده جنس حتی عین صفتده یادها
 اجود اولارق قبضدن عبارتدر . اما طرف مدیوندن موکله
 تکلیف اولندیقی تقدیرده موکک قبول ایتمه که حتی بولندیقی
 شدنی قبضه وکیلک صلاحیتی یوقدر . دینی جنس آخرایله مبادلله
 و دین مقابلنده مال اشترا ایتمک کی . مالی اشترا ایدرسه اومال
 وکیلک اولور . و موکل آلاجنقی تماماً مدیوندن ایستر علی افتدی .
 وکیل قبض الدین کلیسنیده بعضیسنیده قبض ایده بیلوب
 فقط موکل قبض بعضدن نهی ایتمسه یالکنز بعضیسنی قبض
 ایده من بحر و طحماوی .

وکیل قبض الدین ، دینی هنوز قبض ایتمه مش ایکن مجرد
 وکالی قبول ایتمکله موکل او دینی وکیلدن مطالبه ایده من
 علی افتدی .

وکیل قبض الدین ، معاً توکیل ایدلش ایکی کیسه اولنجه
 یالکنز بریسی دینی قبض ایده من . ایدرایسه مدیون دیندن بری
 اولماز . «۱۴۶۵» ماده به باق اقروی .

وکیل قبض الدین حواله یی قبول ایده من .
 بوجه تله بر کیسه دیگر کسنه ذمتنده کی بیک غروش حقی
 قبضه بر شخصی توکیل و وکیل دخی آلتی یوز غروشی بالقبض

درت یوز غموش ایله اوکسنه وکیلی برینک اوزرینه حواله و وکیل دخی موکلنک اذنی اولمق سزین حواله یی قبول ایتسه بوقبول فضولی اولور. موکل حواله یی مجبّر اولماز ایسه درت یوز غموشی اوکسنه دن استیفا ایدر فیضیه زیاده .

وکیل بقض الدین، مدیونک وفاتیه منعزل اولماز؛ بناءً علیه ترکه سندن استیفای دین ایده بیلیر .

فقط موکلک وفاتیه منعزل اولور . ولوکه وفات موکلی وکیل بیلیمسین ، ۱۵۴۷ م ماده یه باق ، شوخالده وکیل بقض الدین بعد وفات الموکل « موکلک حیاتنده دخی قبض ایدرک آکا ویرمشیدم » دیسه بلاینه تصدیق اولماز . زیرا وکیل، وقت اخبارده انشاسنه مقتدر اولمادی بی امری خبر ویردیکی جهتله اقرارنده متهم اولور واقعات المفتین و طحطاوی و انقروی و بهجه . بر آدم، هم طرف دایندن قبض دینه همده جانب مدیوندن دخی ادایه وکیل اولماز انقروی . وکل المدیون وکیل الطالب بالقض لم یصح لاستحالة كونه قاضيا ومقتضيا درمختار .

وكله بقض دینه علی فلان فاخبر به المدیون فوكله بیبع سلعته وایفاء ثمنه الى رب الدین فباعها واخذ الثمن وهلك سهلك من مال المدیون لاستحالة ان يكون قاضيا ومقتضيا فالواحد لا یصح ان يكون وکیلا للمطلوب والطالب فی القضاء والاقتضاء تکمله .

ولو امر رجل مديونه بالتصدق بما عايه صح امره تنوير
و درختار .

بر کیمسه ، دیگر شخص ذمتنده کی آلاجفی قبضه رسول
اولی اوزره بر کسنه بی کوندردکن صوکره مدیون ، « بورجی
رسوله ویردم » و رسول ده « آلم مرسله ویردم » دیه ادعا
و مرسله دخی او کسنه بک طرفندن رسول ایدوکنی و رسولک
قبضنی اقرار و فقط مطلوبنک کندیسنه و حوالی انکارایتد کده سوز
مع الین رسولک اولوب مدیون دخی دینندن بری اولور
صرة الفتاوی .

داین ، بر کسنه ده کی آلاجفی قبضه بر شخصی وکیل ایتدکن
صوکره وکیل هنوز قبض ایتدن او کسنه داینی برذاته حواله
ایتسه او شخص آرتقی او کسنه دن طلب ایده من . « ۶۹۰ » ماده یه
باق . محال علیهدن دخی ایستیه من . فقط محال علیه قبل اداء
الدین مفلس اولوب ده دین ینه عحیله یعنی او کسنه یه عودت
ایتسه وکیل ، او کسنه دن دین مذکور ی ینه قبض ایده بیلیر انقروی .
« ۱۵۲۶ » ماده شرحه باقی .

بر مدیونک ذمتنده کی آلاجفک قبضه وکیل اولان کسنه
اول دینک کفیلی بوانسان شخص آخردن مذکور دخی قبض
ایده من . کفیلک کفالتی کرک قبل الوکاله و کرک بعد الوکاله
اولسون بحر .

قبض فضولی — داین طرفندن بالوکاله اولان قبض داینک

زتنه موقوف اولور. فقط حین اجازتده مبلغ مقبوضك قائم
وجود اولسی شرطدر.

مثلا بر کیمسه دیکرینه «سنك فلان شخصه اولان
ك غروش بورجگی بکا ویر هر نه قدر بن قبضه وکیل دکل
«مده او شخص مجیز اولور» دیمسه یله او دخی ویروده
بن اول کیمسه نك قبضنه اجازت ویرسه نظر اولنور: مبلغ
خود وقت اجازتده قائم ایسه اجازت صحیح و قبض معتبر
لور. مستهلك ایسه اجازت صحیح اولیوب داین آلاجنی
یونندن ایستر بهجه، ۱۴۵۳ مادهیه باقی.

قبض مال — بر کیمسه، فلان خانه سنی واضع الیددن
ضه دیکرینی بعدالتوکیل ایکنجی بر شخصی دخی بوکا
کیل تعیین ایدوب بعده وکیل اول، آنی واضع الیددن قبض
ایسه ثانینك توکیل وکیل اولك قبضندن مؤخر ایسه وکیل
نی آنی وکیل اولدن قبض ایدمیلیر؛ مقدم ایسه قبض ایدمیز.
نها صارت مقبوضه لصاحبها بحر. ولووكله بقبض غلة ارضه
نمرتها كان له ان يقبض ذلك كل سنة ولووكله بقبض شاة فولدت
ن لاولیك ان يقبض الولد مع الام ولوكانت ولدت قبل ان یوكله
بعضها لم یكن له ان يقبض الولد وكذلك ثمرة البتان بمنزلة الولد
كماله عن الكافی.

بر کیمسه دیکر کیمسه نك یدنده کی بر عینی مثلا خانه سنی
قبضه بر شخصی وکیل ایسه صحیح اولور. مجله نك «۳۳۳»

ماده سنده کی وکالت دخی بو قبیلنددر . نته کیم قبض و دیعه یه
وقبض عاریته دخی وکالت صحیح اولور واقعات المقتین .

وکیل بقبض الامانه ، فلان کسینه نک سنده کی فلان امانتی
قبضه او کسینه بنی وکیل ابتدی دیوبده مستودع دخی تصدیق
ایسه امانتک وکیل مرقومه دفع و تسلیم ایله مستودع امر
اولنه ماز . نته کیم بر کیمسه ، و دیعه یی صاحبندن صاتون آلدیغنی
ادعا و مستودع دخی تصدیق ایسه مستودع ، آنی مدعی به
تسلیم ایله امر اولنه ماز . زیرا بو ، مال غیری اقراردر . بو
صورته بو مال ، منع مذکوردن صوکره ید مستودعه تاف
اولسه ضامن اولماز . بو مسئله نک تفصیلاتی « ۷۹۴ » ماده
شرحنده کچمشدی .

فقط بر کیمسه مستودعدن «مودع فوت و دیعه حضرا ،
ارثیا و صیة بکا قالدی» دیه ادعا ایدوبده مستودع دخی ارث یا
وصیتی تصدیق ایسه مستودع و دیعه یی اول کیمسه یه ویرمسيله
أمر اولنور . زیرا مدعی و مستودع بومال وارث یا موصی لهک
ملکی اولدیغنه اتفاق ایتمشلردر . شوقدرکه متوفاک ترکسی
مستغرق دیون ایسه مستودع بلا أمر القاضی آنی وارثه
ویردکده ضامن اولور مجمع الانهر و تکمله وردمختار .

مزارعه — معین بر تارلای علی الاطلاق مزارعة اعطایه
وکیل اولان کیمسه آنی آرپه ، بغدادی ، سیدسام ، داری و سائر
حبوباندن هر درلوسی زراعت اولنق اوزره مزارعه یه ویره بیلیر .
اما آفاچ دیکمک اوزره ویره مندییه .

بر تارلاي علی الاطلاق مزارعه یه ویرمکه وکیل اولان
 کیمسه آنی او بلده جه معروف اولان بدل مثل وغبن یسیر
 ایله مزارعه یه ویره بیلیر . تخم اکر موکلندن ایسه خارجی
 یعنی موکلک حاصلندن حصه سنی قبض ایتمک موکلک حقیدر .
 فقط تخم عاملندن ایسه خارجی قبض ایتمک وکیلک حتی اولور .
 ۱۴۶۱ء ماده یه باق .

اما غبن فاحش ایله مزارعه یه ویره من . ویرر ایسه تخم
 تارلا صاحبنک اولدینی حالد موکلنک تارلا سنی و تخم فی غاصب
 اولور . بناء علیه خارج مشروط اولدینی اوزره وکیل ایله مزارع
 بیننده تقسیم اولنور و تارلا صاحبی بوندن حصه آلاماز . بلکه
 مزارع ایله وکیلندن هانکی سندن ایستر ایسه تخم نیک مثلی
 و نقصان ارضی اکا تضمین ایتدیرر هندیه .

وکیل بالمزارعه ، موکلنک حصه حاصلندن مزارعی ابرا
 یا اول حصه یی مزارعه هیه ایده من . ایدر ایسه ابرا یا هبه سی
 صحیح اولماز هندیه .

وقت مزارعه یی بیان ایتدن بر کیمسه تارلا سنی مزارعه یه
 ویرمکه دیکرینی وکیل ایتسه برنجی سنده بردفعلک مزارعه یه
 ویره بیلیر . اما ایکنجی سنده یا ایکی دفعه لک مزارعه یه ویره
 جائز اولماز .

تخم موکلندن اولمق اوزره بر تارلاي مزارعه آلمغه وکیل
 اولان کیمسه بدل مثل یا غبن یسیر ایله مزارعه آلابیلیر .
 و تارلا صاحبی حصه سنی وکیلدن مطالبه ایدر . یوقسه موکلندن

مطالبه ایده من . اما غبن فاحش ایله آلیز ایسه جائز اولماز .
مکرکه موکل مجیز اوله . ۱۴۵۳ء مادهیه باق هندیه .

حاصلاتک ثنائی منارعه و ثانی صاحب ارضه عائد اولمق
اوزره فلان تارلائی منارعه آلمغه وکیل اولان کیمسه خارجک
ثانی موکلک ، ثنائی وکیلک اولمق اوزره منارعه آلسه موکل
حقننده نافذ اولماز هندیه .

رد بالعیب — میبعک عیب قدیم ایله ردینه وکیل اولان
کیمسه مواجهه سنده بایع ، موکلک عیبه راضی اولدیغنی ادعا
وانبات ایدرسه فها . ایده منایسه مشتری ، عیبه راضی اولمادیغنه
یمین ایدر . مشتری بوجه مشروح یمین ایتمدن اول ، بایع ،
ثمن میبعک وکیلله اعاده سیله أمر اولتماز ملتی وجمع الانهر .
اعاره — وکیل بالا عاره ، بعد الاعاره و التسليم ، معاری

مستعیردن قبض ایده من هندیه . ۱۵۲۶ء مادهیه باق .

قسمت — قسمته وکالت دخی جائز اولور . و وکیل

بالقسمه غبن فاحش ایله قسمته مالک و مقتدر اولماز بحر .

توکیل — توکیلله وکالت دخی جائز در . بو صورتده بر
کیمسه دیگر کسنه یی شویله برمالی اشترایه توکیلله زیدی مأمور
ایدوبده زید دخی او کسنه یی توکیل ایده رک اوده او مالی
صانون آلسه وکیل مأموره و مأمور دخی آمرینه ثمن مشتری
ایله رجوع ایدر . یوقسه وکیل مشتری ، أمر اوله رجوع
ایده من تکمله رد مختار قبیل باب الوکالة بالخصومة والقبض .

شروط وکالت (عقیده ۴۰)

و کالت اصل تهرئه نظراً [عند الامام بر مسأله بیع خیره غیر مسامی توکیل ابدیه بیله سی مسأله سی کجه
 ماده سی شرحی] موکل به اولای ایچی بایدیه . مقتدر اولای جواز و کالتده شرطدر . بنیاء علیه
 صی غیر تمیزک توکیل صحیح اولاز . صی تمیزک ضرر عرض اولای (هبه کچی) خصوصاً نه توکیل باطله
 نفع عرض اولای (اتیاب کچی) خصوصاً نه توکیل جائز ، نفع ایله ضرر بینده متاثر بونالک (بیع کچی)
 خصوصاً نه توکیل — ولیسنالک اجازته — موقوف اولور .

موکل ۱۳۵۷ ماده

و کالت عاقل و تمیز اولای ؛ صی غیر تمیز ایله مجزئک و کالتی باطلدر .
 توکیل ابدلکنده هائیک طوقی قبل طوق الیم بر مال صائسه عقد واقع فصولی و بنیاء علیه
 موقوف اولور .

موکل ۱۴۵۸ ماده

جهالت فاحشه دنی احتراز ایچو فندر . جهالت بسیره — بر شصتیک ایکی
 معنی کیسه به شو آدی صائغه بریکیزی توکیل ایتمدم دیسی کچی —
 مانع دکلدر .

وکیل بلوغی شرط دکلدر
 مستنادور) ، صی تمیز غیر مأذون ایسه موکلنه عائد اولور .
 (بر مسئله

موکل ۱۳۵۷ ماده

بر کسیه بالذات یا پایداری یکی خصوصیات و مهالاته دائر هر شایانک اینها و استیفا نمونده باشند سنی

توکیل ابدیه پلیر [۱]

خصوصیات = عقود — بیع و شرا — و عقود فیهی — خصوصیه توکیل — به شامه در .

ممسالات حدود و قیاس خارجدر . ولی قیاسک هل تصاصده بالذات وجودی — ترجیحاً

عقوباتی ابدیه مبنی — لازمه در .

اینها یا اعیانده اولور — میبایست مشتری به تسلیمنده وکالت کبی

۱ موکالت و کیاه و مالکندگی دینی و بره دینی کبی

یا دیونده اولور (صور ثلاثه)

۲

دینی نادیه ایت ه دینی کبی . بر صورونده آیین شخصده اختلاف اولسه سوز و کیلکدر . زیرا ه ۱۴۶۳ ماده ۵ آمندور .

۳

موکالت و کیاه و ذمکنده و یا بدکنده کی مضون مالکی ادای دین ایت ه دینی کبی . بر صورونده وکیل ادایی انبساطه مجبوردر . زیرا ذمکنده مشقویاتی اقرار ابتدکندی صوکره برائتی ادعا ایدیدور (۱ ماده شرحی)

یا آهیانده اولور — مینی قبضه وکالت کبی .
 یا دیونده اولور — مینی قبضه وکالت کبی فقط بوندل اوج مسئله مستنادور :

- ۱ — داین مکفر ل عزبه ذمتنده کی مطلوبی قبضه آنک کذیلنی توکیل ایده ماز .
- ۲ — داین مدیونی آنک ذمتنده کی مطلوبی قبضه توکیل ایده ماز .
- ۳ — حال له حال عایر ده کی مطلوبی قبضه هیلی توکیل ایده ماز .

مباحثه وکالت هیچ دکادر حال بوکه موکل بالذات یا بایر
 استقراضه وکالت باطلدر . فقط رسالت هیچدر
 عینه وکالت باطلدر .



❦ باب ثالث ❦

❦ وکالتک احکامی بیاننده اولوب آلتی فصلی مشتملدر ❦

احکام وکالت متعدددر ؛ شویله که :

اولا ، توکیلک شامل اولدینی شیده وکیل ایچون ولا تصرفک نبوتیدر . یعنی مثلا وکیل بالبیع مالی بیع ایده بیلد سوکره موکک ندامتی فایده ویرمز . بو حکم ، بوراده صرا ذکر ایدلیور ایسهده مواد آتیهدن مستفاد اولاجنی کبی ۶۵ ماده وجهله وکیلک بیعی و ۴۶۶ ماده وجهله وکیلک ایجار بو حکمه متفرع مسأللندر .

ثانیا ، وکیلک بلا اذن اوتعمیم دیکرینی توکیل ایده مه مسید بو حکم ۱۴۶۶ مادهده ذکر اولنیور .

ثالثا ، یدنده کی مالده وکیلک امین بولنمیدر . بو حکم ۱۴۶۳ مادهده ذکر اولنیور .

رابعا ، موکل بهی ایشلمکه وکیلک اجبار اولنه مامسیدر شویله که وکیل بالبیع یا قبض الدین بیعه و قبضه اجبار اولنه مامسیدر وکیل بالخصوصه مخصوصه و محاکمه دن امتناع ایتسه ب اولنه ماز در مختار .

بو حکم رابعدن بش مسئله مستثنا در :

۱ مسئله ؛ وکیل بردالعین موکک غیوبتندن صوکره ردعینه جبر اولنور . مثلا وکیل بردالودیعه آمر و موکل فایده

اولنجه رد وديعه يه اجبار اولنور. شويله كه بر كيمسه نژدمده
وديعه بولنان بو مالي مودع اولان فلان كيمسه يه رد و اعاده
ايت « ديه بر شـخصه امر ايدوبده او دخی قبول ايلدكن
صوكره آمر فائب اولسه شخص مرقوم رد وديعه يه اجبار
اولنور بحر .

۴ مسئله ؛ بيع رهنه وکیل اجبار اولنور . « ۷۶۱ »
ماده يه باق .

۳ مسئله ؛ مدعينك طلبيله مدعی علیه طرفندن خصومه
وکیل اولان كيمسه يي موكل بولنان مدعی علیه بلا رضاء
المدعی عزل ايدمه. وکیل دخی مخاصمه يه مجبوردر . « ۱۵۲۱ »
ماده يه باق .

۶ مسئله ؛ وکیل بالاجره ایضای وکالته جبر اولنور .
« ۱۵۰۴ و ۱۵۱۳ » ماده لره باق .

۵ مسئله ؛ مأمور آمره مديون اولنجه آمرك دينی ادايه
جبر اولنور . « ۱۵۱۳ » ماده يه باق درمختار و تکمله و بحر و بهجه
و فيضيه و رد مختار و صرة الفتاوی .

خامسا ، وکالت شروط فاسده ايله باطل و آنده خیار
شرط صحیح اولماز .

سادسا ، وکالتك تعلیق و اضافه سی صحیحدر . « ۱۴۵۶ »
ماده يه باق تکمله رد مختار .

﴿ فصل اول ﴾

﴿ وکالتک احکام عمومیه سی بیاننده در ﴾

ماده ۱۴۶۰

(هبه) یعنی اتّهاب و قبول صدقه (واعاره) یعنی استعاره
 (ورهن) یعنی ارّتهان و ابرا (و ایداع) یعنی استقیداع
 (و اقراض) یعنی استقرّاض (و شرکت و مضاربده و عن
 انکار صاحبده) و مثله السکوت . و اذا کان الصّاح عن انکار
 فهو فداء یمن فی حق المدعی علیه فالوکیل سفیر محض فلا ترجع
 الیه الحقوق و طلاق و نکاحده « و قبض المهر ایها لالوکیل
 تکمله » کنندیس ایچون ملک ثابت اولاجق کمنه یعنی مملک له
 جانبندن تعیین ایدیلان و کیلک (عقدی موکلنه مضاف قیلمسی
 لازمدر) یوقسه ماده آئیده کی معاملانده اولدینی کجه هم
 موکلنه همده نفسنه مضاف قیلمقده مخیر دکلدر . بووجهله عقد
 موکله مضاف قیلندقده حقوق عقد موکله عائد و وکیل سفیر
 محض اولور بحر . نته کیم ماده آئیده « بو صورتده وکیل سفیر
 محض اولور » دنیللمسندن بو مسئله آکلاشیلیر رد مختار الظرما
 حقوق الهیة و الصدقة المتعلقة بالموکل لعالمها الرجوع فی الهیة
 اما فی الصدقة فلا رجوع تکمله رد مختار بزیادة و تغییر .

شرحا اشارت اولندینی وجهله بوماده کی وکیلدن مقصود
 « من یثبت له الملك » جهتندن وکیل اولوب یوقسه مملک طرفندن

وکیل دکلدر. تعبیر دیگرله بومادهده مذکور بولانان معاملاتده
مملك لهك وکیل عقدی موکلنه مضاف قیلمسی لازم اولوب
اما مملکک وکیلنک عقدی موکلنه مضاف قیلمسی لازم دکلدر.
شویله که :

هیه — بونده مملك «واهب» طرفندن وکالت جائز اولدینی کی
مملك له «موهوب له» جانبدن دخی وکالت جائز در؛ مملکک
«واهبک» وکیل عقدی کرک نفسنه وکرک موکلنه مضاف
قیلابیلیر .

مثلا بر کیمسه زیده بر مال ویروده «بونی عمروه هیه
ایت» دیسه زید عمروه خطابا «بو مالی سکا هیه ایتدم» دیه
هیه ایده بیلیر؛ «فلان کیمسه نک ملیکی اولوب آنک طرفندن سکا
هیه ایتدم» دیمک امر لازم دکلدر. اما مملك له طرفندن وکیل،
عقد هیه بی موکلنه مضاف قیلمسی لازمدر . نفسنه بالاضافه
عقد هیه ایدرسه مال موهوب وکیل مالی اولور؛ موکلک دکل .
مثلا وکیل الاتهاب ، «بو مالی موکلم فلان سندن بالهیه
ایسته یوره دیوب واهب دخی موکله هیه ووکیله تسلیم ایتدکه
مال موهوب موکلک اولور . اما وکیل بالاتهاب «بو مالی بکا
هیه ایت» دیمکله واهب دخی آکا هیه و تسلیم و اوده قبض
ایتسه بو مال وکیلک اولور .

صدقه — من یتبتله المالك یعنی متصدق له طرفندن وکیل
اولان کیمسه «بو مالی موکلم فلان نامنه صدقه سندن آلدیم»

دیوب متصدق دخی اولوجهله تصدق و تسلم ایسه صحیح
و ملك متصدق له بولنان موكل ایچون ثابت اولور . اما وکیل
مرقوم بکا صدقه ویر دیوبده مخاطب دخی ویرسه بو مال
وکیلک ملکی اولور موكلک اولماز .

فقط هبده دخی ذکر اولندینی اوزره ملك طرفندن
اعطای صدقیه وکیل اولان کیمسه بو مالی سکا صدقه ویردم
دیه عقدی نفسنه مضاف قیلابوب موكلنه مضاف قیلمسی مجبوری
دکدر .

اعاره — ملك « معیره طرفندن وکالت جائز اولدینی کی
من یثبت له الملك یعنی ملك له و مستعیر جانیندن دخی وکالت
جائز اولوب مملکت وکیل عقدی نفسنه ده موكلنه ده مضاف
قیلابوب .

مثلا برکیمسه زیده برمال ویروبده بو مالی بطریق العاریه
عمروه ویریدیکی صورتده زید ، بو مالی سکا عاریت ویردم
دیه اعاره ایده بیلوب یوقسه اول کیمسه طرفندن بطریق الرساله
ویردیکنی سویلیمسی لازم گلر .

اما مملک لهک وکیلک عقدی موكلنه مضاف قیلمسی لازم
در، نفسنه مضاف قیلار ایسه عاریت وکیل اوزرینه ثابت
اولور .

مثلا مستعیرک وکیل مال صاحبنه بالمراجعه « بو مالی بکا
عاریت ویره دیوبده اوده ویرسه اول مال وکیله عاریت ایدیش

اولور بناء عليه موكل آنی وکیلدن طلب ایدمه من .
ایضاحات سالفه دن آکلاشیلیر که محله « اعاره » مقامنده
« استعاره » لفظی استعمال ایتلمیدی .

قرض — مملک « مقرض » طرفندن وکالت جائز اولدینی
کی مملک له « مستقرض » جابندن دخی وکالت جائز اولور .
مستقرض طرفندن وکالت رسالت معناسنده در . فقط مملک
و مقرضک وکیل عقدی نفسنه مضاف قیلسه جائز اولوب اما
مستقرضک وکیلک عقدی موکله مضاف قیلسمی لازم کلیر .
نفسنه بالاضافه استقراض ایسه مقروض وکیلک ملکی و عقد
قرض وکیلک اوزورینه نافذ اولور .

مثلا استقراضه وکیل « رسول » اولان کیمسه مقرضه
واروب شوقدر غروشی بکا اودنج ویر دیوبده مقرض دخی
ویرسه مبالغ مستقرض وکیلک مالی اولوب موکل آکا مداخله
ایده من هندیه و بحر و تکمله رد محار بزیاده و ایضاح .
وقس علیهم البواقی .

وکیل عقدی (موکله مضاف قیلماز ایسه) عقد مذکور
موکلی ایچون « صحیح اولماز » بونک سر و حکمتی شودر که
تصرفانک بعضیسی اسقاطات قیلندن اولور . بالاده مذکور
ابراء، نکاح، صلح عن انکار و صلح عن دم عهد کی . و بعضیسی
اسقاطات قیلندن اولماز . ماده آتیده بیان ایدیلن بیع و اجاره
وغیریلری کی . ایلمدی اسقاطات قیلندن اولان تصرفانده وکیل

او تصرفك حكمندين اجنبى و بونلرده حكمك سبیدن فصل
ایدلمسى غير ممکن اولوب بلکه بونلرده حكمك سبیده مقارن
اولمى لازمدر . بناءً عليه سببک بر شخصندن یعنی
وکیلدن اصالة صدورى و حكمك دیگر شخص یعنی
موکل ایچون ثبوت و وقوعى متصور اولماز . چونکه
بو تقدیرده حكمك سبیدن انفصالى لازم کلیر . كذلك وکیل
بومسائلده عقدى موکله مضاف قيلمى لازمدر؛ تا که حکم سبیده
مقارن اولسون درر . اما بیع کې اسقاطات قبیلندن اولمیان
تصرفاتده حكمك سبیدن فصلی جائزدر . بیع بالخیارده اولدینی
کې . بناءً عليه بونلرده سببک بر شخصندن صدورى و حكمك
دیگر شخصه ثبوتی جائزدر .

مثلا نکاح ، اسقاطات قبیلنددر . زیرا بضعه اصل اولان
حرمت اولوب نکاح ایسه حرمتی اسقاط ایلیمشدر . ساقط
متلاشی اولغله سببک بر شخصندن اصالة صدورى و حكمك
دیگر شخص ایچون وقوعى متصور اولمیدینه منی بوکا وکیل
اولان کیمسه - حکم ، سبیده مقارن اولمق ایچون - سفیر قیلنمشدر .
بو صورتده زوج طرفندن وکیل ، عقد نکاحی نفسه مضاف
قیلار ایسه نکاح کنديسى ایچون واقع وزوجه منکوحه وکیلک
زوجه سی اولور . قادین وکیل ایچون اگر نکاحه محل ایسه .
اما وکیل الزوجه تزویج ایتدم دیدکده یعنی مثلا زوج ،
موکلی تزویج ایتدم دیوبده وکیل الزوجه دخی بنده تزویج

ایشند دیسه صحیح اولور حتی لوکان وکیلا بالنکاح من جانها
 و اخرج الکلام مخرج الوكالة لایصیر مخالفا لاضافته الی المرأة
 معنی لان صحة النکاح بملك البضع وهو لها فیکانه قال ملکک
 بضع موکلتی تکمله رد مختار .

صالح عن انکار دخی اسقاط محضدر. آنده اصلا معاوضه
 یوقدر . « ۱۵۵۰ » ماده دن مستفاد اولدینی اوزره بو صالح
 مدعی غلبهک یمیندن و منازعه دن اسقاطی متضمن بولمیشدر .

دم عمدن صالح دخی اسقاط محض و وکیل اجنبی و سفیر
 اولغله بونده دخی عقدک موکله مضاف قیلمیسی لازمدر .

بو اقیده دخی حال بویله در ابن عابدین علی البحر بزیاده
 مجله نك صحیح اولمازه عبارته سنی موکلی ایچون صحیح اولماز ديه
 شرح ایدلدی . زیرا عقود مذکور نك بعضیلری وکیل اوزرینه
 نافذ و صحیح اولور . هبه و صدقه و استقراض و نکاح کبی .
 نتکیم فقره اولی شرحنده ذکر اولندی . و عقود مذکور نك
 بعضیلری اصلا یعنی وکیل ایچونده موکل ایچونده صحیح اولماز .
 ابراهیم . شویله که مثلا برکیمسه دیگر کیمسه ایله اولان دعاوی
 و خصوصاتدن آنی ابرایه بری توکیل ایدوب ده وکیل ابرایی
 موکلنه مضاف قیلمیوب بلکه نفیته بالااضافه ابرایله ایلسمه ابراه
 مذکور اصلا صحیح اولماز هاشمیه و اشباه .

❦ ۱۴۶۱ ❦ ماده

(بیع و شرا و اجاره) ایجار ایله استیجاردن اعمدر (وعن

۹۹۹
اقرار صلحه و كيك عقدى موكلنه مضاف قيلمى شرط
دكدر.) لذك شرايه و كالنك غيريسنده بالانفاق و شرايه
و كالنده على قول و كيك بخير اولوب ديارسه نفسنه و ايستر ايسه
موكلنه مضاف قيلار .

شرايه و كالنده اختلافك ايضاحنه ابتدار اولور؛ شويله كه:
موكل ، و كيك حين عقدنده كي مجلسده اكر حاضر اولورسه
بعض فقهايه كوره حقوق عقد موكله عائد اولور . ديكر بعض
فقهايه كوره و كيك حين عقدنده كي مجلسده موكل كرك حاضر
اولسون كرك اولسون بر فرق اولمايوب ايكي صورته دخي
حقوق عقد و كيله عائد اولور تنوير و بحر و تمليكات ابن عابدين
على البحر . ايمدى مجله حقوق عقدك و كيله عائد اولديقى
على الاطلاق ذكر ايلمسندن قول ثاني بي اختيار ايتديكي
آكلاشيلير .

بناه عليه (موكلنه مضاف قيلمى و بده نفسنه اضافته اكتفا
ايتيمى دخي صحيح اولور . و ايكي صورته دخي) يعنى و كيك
بو دوت شينه عقدى كرك موكلنه كرك نفسنه مضاف قيلسون
(ملكيت آنحق موكلنه ثابت اولور .) فقط بر قوله كوره ابتداء
يعنى طوغريدن طوغرى به تعبير ديكرله اول و كيله بعدالشبوت
آندن موكله انتقال طريقيله اوليه رقى ثابت اولور . ديكر قوله
كوره دخي ابتداء و كيك ايچون ثابت اولوب و كيلدن موكله
انتقال ايدره ايكي قوله كوره دخي و كيك كندى قريبنى صانون

آلسه آزاد اولماز. آزاد اولمامی قول اوله کوره ظاهر اولوب
قول ثانی به کوره شوندن طولاییدرکه عتیق موجب اولان
حال ملک مستقر در بحر. شو حالدہ ثمرہ اختلاف نه کی یرلرده
ظاهر اولور؟ وکیل بالوکاله صانون الدینی مال ملیکنه کچمدیکنه
یمین ایتمسه یمیننده قول اوله کوره صادق وقول ثانی به کوره
کاذب اولورمی؟

(فقط عقد اگر موکله مضاف قیلماز) ووکیل محجور
دکل ایسه (حقوق عقد) اصالة (عاقده یعنی وکیله عائد)
ووکیل اصل عقدده نائب ایسهده حقوقده اصیل و موکل
حقوق مذکوره دن اجنبی (اولور .) حین توکیلده حقوق
مذکوره نک وکیله عائدیتی شرطی کرک ذکر ایدلسون، کرک
ایدلسون ؛ وکیل کرک غائب و کرک حاضر اولسون تنویر
وقال القاضی الامام ابوالمعالی ان العهدة على الموکل لانه اذا
کان حاضرا کان کالمباشر بنفسه فعلیه العهدة تکملة رد مختار.

حق حقوق مذکوره نک وکیله عائد اولمامی شرطیله توکیل
ایدلده وکالت صحیح و شرط حکم من اولور بحر و تعلیقات
ابن عابدين علیه الوکیل اصل فی العقد بدلیل استغناء عن
اضافته الى الموکل ولو کان سفیر لما استغنی وانما جعلی نائباً
فی الحکم للضرورة کیلا یبطل مقصود الموکل ولا ضرورة فی
حق الحقوق ولان المقصد الآخر اعتمد رجوع الحق الیه

فلو لم يرجع لتضرر على تقدير كون الموكل مفلسا او ممن لا يقدر
على مطالبته تكمله رد مختار.

وكذلك حقوق عقده اصيل اولى اوزرينه آتى الذكر
ايكى مسئله نفع ايدر ؛ شويله كه :

۱ مسئله ، قاضى ، مالك بيعنه بر كسني تو كليل ايدوبده
وكيل دخى عقدى نفسه بالاضافه بعد البيع مشتري عيب
قديمدن طولاي آنى وكيله رد ايتك طلييله محاكمه
اولاجق اولسه قاضى موسى اليه بو دعواي بالاستماع وكليك
لهنه حكم ايدوبيلير بحر . حال بوكه وكيل ، اصيل اوليوبده
اصيل موكل يعنى قاضى اولاجق اولسه ايدى قاضينك حكم
مذكورى صحيح اولماز ايدى .

۲ مسئله ، وكيل باشرء لسئة اشترا ايتدكن صوكره
فوت اولسه ثمن مبيع وكيل حقنده بشينه تحول ايدوب اما
موكل حقنده اجل باقى قالير تكمله رد مختار .

وكيل فوت اولدقه حقوق عقد بعض فقهايه كوره وكليك
وصيسنه انتقال ايدر . موكله دكل . وكليك وصيمى يوق ايسه
حاكمه رفع كيفيت اولنوب حاكم آكا بروصى تعيين ايدر وبوده
حقوق عقدى ايشا ايلر كه معقول اولان دخى بودر . بعض
علمايه كوره بعد موت الوكيل موكله انتقال ايلر تكمله وطحطاوى
ورد مختار وبهجه وبحر .

شرح وكيل محجور دكل ايسه دنيلدى . زيرا « ۱۴۵۸ »

ماده ده ذکر اولندینی اوزره وکیل محجور اولدقده حقوق عقد آکا عائد اولیوب موکله عائددر درر . شویله که وکیل الیبع صبی ممیز غیر مأذون اولوبده مشتری میبده عیب قدیم بولدینی صورته آنی موکله ردایددر . یوقسه وکیل مرقومه ردایددر منبحر . وکیل الوکیلده دخی حکم بویله اولوب حقوق عقد وکیل ثانییه عائد اولور . مثلاً وکیل من غیر اذن او تعمیم بر کسنه نی توکیل ایدوبده وکیل ثانی ، وکیل اولک حصه ورنده مثلاً او مالی صالحه جائز و حقوق عقد وکیل ثانییه عائد اولور بحر .

وکیل عائد اولان حقوق ، ایکی قسمدر :

قسم اول ، وکیلک لهنده اولان حقوقدر ؛ قبض مبیع ، مطالبه ثمن مبیع ، مخاصمه فی العیب ، رجوع بثن المستحق کی . بو حقوق ایفاسی وکیلک اوزرینه واجب دکدر . زیرا وکیل متبرعدر . فقط بو حقوق ایچون وکیل موکله توکیل ایتلیدر . « ۱۵۰۴ » ماده یه باق . امثله آتیه نک بمضیسنده مجله وکیلک بو حقوقه مباشرته مجبور اولمادیغنی اشعارایدن الفاظ قولالانسی بوکا مبلیدر .

قسم ثانی ، وکیلک علینده ثابت اولان حقوقدر ؛ تسلیم مبیع ، تسلیم ثمن کی . وکیل بو حقوق ایفاسنه مجبوردر . نته کیم آنی الذکر مثلاًک برنجی فقره سی بو قسم ثانییه وایکنجی فقره سی قسم اوله عائد حقوقدن بولنمشدر تکمله رد مختار .

(و) عقد (اگر موکله مضاف قیلینیر ایسه حقوق عقد دخی موکله عائد اولور . و بو صورتده وکیل رسول کی اولور.) یعنی رسالتده «۱۶۶۲» ماده موجبجه حقوق عقد مرسله عائد اولدینی کی وکیل عقدی موکله مضاف قیلدده حقوق عقدینه موکله عائد اولور . موکله اضافه عقدك صورتلری «۱۶۵۳» ماده شرحده ذکر اولنشییدی .

بیع و اجاره و عن اقرار صلح ده وکیل عقدی نفسنه یا موکله مضاف قیلدده غیر ایسه ده آنجق شرایه وکالتده اختلاف اولمشدر . شویله که شرایه وکیل اولان یمسه عقدی نفسنه مضاف قیلدسی لازم اولوب موکله بالاضافه اشترا ایسه تنویرک بیاننه کوره نافذ اولمازه چونکه موکل ، حقوق عقدك وکیله راجع اولور صورتده عقد شرایه وکیل ایدرک حقوق عقدك کندیسنه رجوعنه راضی اولماشدر . بوسورتده وکیل ، بو شراده فضولی اولوب عقد واقع ، موکل اجازتنه موقوف اولور . لان البایع اوجب البیع للموکل و الوکیل قبل ذلك الايجاب فصار كما لو قال قبلت لفلان الموکل و اذا کان قبولا لغيره تعذر تنفیذه علیه فیتوقف بحر .

وزیلعینک بیاننه کوره نافذ اولور . چونکه وکالت بالشرا مطلق و برینسه اضافته غیر مقید اولدینی جهتله وکیل بالشراء آنی نفسنه مضاف قیلایلله چکی کی موکله دخی مضاف قیلایلیر .

مجاهد مسئله بی مطلقاً ذکر یله زیلعینک بیعتی قبول ایتدیکی
آکلاشیلور ابوالسعود.

حقوق عقد ، بیع و شراده تسلیم مبیع ، قبض ثمن ،
عند الاستحقاق ثمن ایله رجوع ، عیب ایله خصومت ، واجاره ده
بمدالاجاره و قبله دخی المدة فسخ اجاره ، قبض اجرت ،
واستيجارده اعطای اجرت کی شیلردره نته کیم ایضاحات آتیه دن
مستفاد اولور .

وکالت بالبیعه کی حقوق عقد

اولا — (مثلاً وکیل بالبیع عقدی موکله مضاف قیلمیوبده
نفسه اضافت ایله اکتفا ایدهرک) مثلاً شومالی سکا صاندم
دیهرک (موکلنک برمانی صاندقده مبیعی مشتری یه تسلیم ایتمه
مجبور اولور) و مشتری ، مبیعک کندیسنه تسلیم ایدلمسنی وکیلدن
مطالبه ایدر . موکلدن دکل . ایشته تسلیم مبیع حقوق عقددن
ووکیلله عائد اولدیفی کورلدی .

تسلیم مبیع ، مطلقاً ذکرندن منفهم اولورکه وکیل ثمن مبیعی
قبض ایتندن دخی مبیعی تسلیم ایدمیلیر . ولوکه قبل قبض الثمن
تسلیم مبیعدن موکل ، وکیلنی نهی ایتمش بولنه . بو نهی ، کرک
قبل البیع اولسون و کرک بمدالبیع اولسون عندالطرفین حکمی
یوقددر . زیرا موکلک بو نهی وکیل کندیسنه عاز اولان
برحقدن نهی اولوب بو نهیه ایسه موکلک صلاحیتی بولنماز
بحر زیادة وان سلم الوکیل المبیع قبل قبض الثمن ثم توی الثمن

على المشتري لضمان على الوكيل عند ابى حنيفة و محمد خانیه .
 علامه ابى السعود مجله نك « ۲۷۸ » ماده سنه تمسكه قبل قبض
 الثمن تسليم مبيعتن نهيك بطلانى ضعيف دريتمدر تكمله رد مختار .
 بوكا مناسب بر حكم دخی « ۱۴۵۶ » ماده شرحنده كى ضابطه
 اولايه متفرع « ۱۲۵ » مسئله ده كچم شدی .

فقط وکیل بالبيعك صايدىنى مال ذاتاً هنوز يد موكلده
 اولنجه بيع نسئه دكل ايسه موكل قبل قبض الثمن تسليم مبيعتن
 امتناع ايد بيلير . اما بيع نسئه اولنجه موكل تسليم مبيعه جبر
 اولور تكمله رد مختار .

وكيل بالبيع ، كنديسنه تسليم ايديلان مالى نسئه اولميه رق
 صايد قدن صوكره موكل او مالى وکیل مرقومدن اخذ ايله
 قبل قبض الثمن تسليم ايتماك ايستمكه وکیل ، بلا اذن
 موكلك خانه سندن بالاخذ ينده تلف اولسه باقيلير . اخذ
 مذکور بعد البيع ايسه وکیل ضمان لازم گلز . اخذ مذکور
 قبل البيع و موكلك قبضدن نهندن صوكره ايسه وکیل ضمان
 لازم گلير . و مبيع تلف اوليوب وکیل صايمش اولسه جائز
 اولور بحر .

ثانياً — (و ثمنى مشتريدن طلب و قبض ايد بيلير .) و ثمن
 مبيعى وکیل و ير مسيله مشتري اجبار اولور . حتى وکیل بالبيعك
 ثمن مبيعه مقابل الدينى سند موكل نامنه محرر اولسه يعنى مشتري
 ثمن مبيعتن طولاي موكله شوقدر غروش بورجى بولنديغى مابين

سند ویرسه دخی ینه حق قبض وکیلک اولور ؛ موکلک دکل . لانه بالکتابه لم یخرج عن کونه وکیلا . مکرکه موکل ، ثمن مذکوری مشتریدن قبض ایتدیکنی اقرار ایده . او حالده وکیل ثمنی تکرار آلاماز . زیرا حق واحد ایکی دفعه اسیتمه اولنه ماز .

ثالثاً — ثمن میبئی موکله دفع وتسلمه مشتری اجبار اولنه ماز . ومشتري ثمن میبئی موکله ویرمکدن امتناع ایده بیلیر . زیرا حقوق عقد اصالة وکیله عائد و موکل آندن اجنبیدر بحر و طحطاوی و تکمله رد مختار . حق وکیل بالبیع ، موکلنک مالنی بعد البیع ظائب اولسه موکل مشتریدن ثمن میبئی طلب ایده من رد مختار . فقط مشتری ثمن میبئی رضاسیله موکله ویرسه جائز واستحساناً دیندن بری اولور . (۱۵۰۳) ماده یه باقی . لان الثمن المتبوض حق الموکل وقد وصل الیه ولا فائدة فی الاخذ منه ثم الدفع الیه تکمله رد مختار .

رابعاً — دفع وتسليم ثمن ادعائی وکیل بالبیع مواجهه سنده اقامه اولنور . شویله که مشتری ثمن میبئی وکیل بالبیعه ویردیکنی ادعا وکیل انکار ایتدکده وکیل قبض ایتدیکنه یمین توجهه ایدر . یمیندن نکول ایدر سه قبضی ثابت و وکیل محکوم اولور . زیرا وکیل مرقوم بو نکولنده یا باذل یا مقر بولنوب علی کلا التقدرین ثمنی موکلنه ضامن اولور ابن عابدین علی البحر .

خامساً — وکیل بالبيع ذمتنه ثابت دین مقابلنده صانیدی
مالک تمنی آمدن مذکور ثمنین مشتری یی ابرا یا بر مقدار یی
حط یا هبه یا باشقہ سی یعنی املاء و مماثل و دون اوزرینه حواله
قبول و ثمن مبيع مقابلنده حقندن دون بر شیء اخذ ایلسه
عند الطرفین صحیح و وکیل ، موکلنه ضامن اولور
رد مختار و اقروی و بحر . لان حقوق العقد واجبة الى
الماقد وهذه التصرفات من حقوقه فیملکها و دفع الضرر عن
الموکل حاصل بتضمين لوکیل کل الثمن لموکل فی الحال مجمع الانهر .
خلافا لابی یوسف تکمله و رد مختار .

شوقدوکه موکل و وکیل مشتری یی معا ابرا ایتسه لر برائت
موکلک ابراسیله حاصل اولور وکیلنه رجوع ایده من بحر .
اما وکیل ، ثمنی مشتری دین قبض ایتدکن صوکره آندن
ابرا یا حط یا هبه ایده میه چکی کبی ثمن مبيع دین اولمیوبده عین
اولدینی تقدیرده وکیلک او ثمنی مشتری یه هبه ایتمی صحیح دکلدره .
۸۵۷۸ ماده یه باقی هندیه و اقروی .

سادساً — وکیل البیع ، قبل قبض الثمن ، ثمن مبیعی تأجیل
و بیعی اقله ایلیمه بیلیر . ۱۵۰۵ ماده یه باقی . اما بعد قبض الثمن
لا یملک الحط والابراء والاقله تکمله و رد مختار .

سابعاً — وکیل البیع ، ثمن مبیعه کفیل اولسه صحیح اولماز .
۶۳۰۵ ماده شرحنه باقی .

ثامناً — مشتری ثمن مبیعدن بری اولمق شرطیله ثمن مذکور

ایکه موکلی وکیل البیع اوزرینه حواله ایتسه صحیح اولماز .
فان ادبی بحکم الضمان رجح لبطالانه وبدونه لالتبرعه تکمله
رد مختار .

تاسعاً — وکیل، موکلی ثمن میبی آلیق اوزره مشتری اوزرینه
حواله ایتسه صحیح و بو حواله وکالت قبض الثمن اولور . حقیقه
حواله دکدر . لانه لاشی لاهوکل علی وکیلله . « ۶۷۳ » ماده
شرحنه باقی .

عاشراً — وکیل البیع، ثمن میبی مشتریدن قبضه موکلی توکیل
ایتسه صحیح اولور . صوکره عزل ایده بیایر . مکرره وکیلک
قبض ثمندن امتناعی و موکلک دعوائی اوزرینه حاکم موکلی
قبض ثمنه توکیلله وکیل محکوم ایدمسیله وکیل موکلی توکیل ایتمش
بولنه . احواله عزل ایده ماز . « ۱۵۰۴ » ماده شرحنه باقی
تکمله رد مختار .

احد عشر — موکل ثمن میبی قبضه وکیلک حتی اولماق
شرطیله بری بیع ماننه توکیل ایتسه وکالت صحیح و بو شرط
و نهی باطلدر .

اثنی عشر — وکیل البیع مالی صاندقدن صوکره موکلی فوت
یا مجنون اولسه وکیل مرقوم ینه ثمن میبی قبض ایده بیایر .
ثلثة عشر — وکیل بالبیع مشتری ثمن میبی چندیندن مدیون
اولدقه ثمن میبی ایله تقاس واقع و وکیل، موکلنه ضامن

اولور. لانه قضى دينه بمال الموكل وهذا عندهما قال ابو يوسف
لا تقع المقاصة بدين الوكيل وهو مبنى على جواز ابراء الوكيل بالبيع
من الثمن فندهما يجوز ابراءه فقع المقاصة وعنده لا يجوز فلا
تقع ووجه البناء ان المقاصة ابراء بموضع فيعتبر بالابراء بغير عوض.
اما مشتريه يالكز موكل مديون اولسه آنك دينيله تقاص
واقع اولاجنى كى هم موكل همده وكيل مديون اولسه موكله
دينيله تقاص واقع اولور. وان ملك المبيع فى يده قبل تسليمه
بطلت المقاصة ولا ضمان للموكل على التوكيل لانه بالهلاك انفسخ
البيع من اصله .

اربعة عشر — وكيل بالمبيع، صاتمغه وأمور اولدنى مالى كندى
داينه دنى مقابله سنده صاتمسه صحيح وديندن برى اولوب
موكلنه ضامن اولور تكمله رد مختار.

خمسة عشر — (ومال مشتريه) يعنى وكيل اليبعك بر كمنه به
بيع ايتديكى ماله بر (مستحق جبقوبده) مال مذ كوراو كمنه دن
(بعد) الدعوى والى و (الحكم ضبط اولنسه مشتري
وكيل بالبيعه رجوع ايدر. يعنى ويرديكى ثمنى آندن ايستر .)
ثمن مذ كور وكيل صرقوم ينده كرك هنوز باقى و كرك موكله
تسليم ايدش اولسون . وكيل ثمنى ميبى موكلنه تسليم ايتش
اولدنى تقديرده او ثمن ايله موكلنه رجوع ايدر بحر .

نته كىم بر كمنه ديكر كمنه نك مالى بالوكاله بر شخصه بيك
غروشيه بيع وتسليم واوشخص دنى مذ كور مالى طقوز يوز

غروشه وکیل به بیع و تسلیم ایتدکدن صوکره مذکور مال وکیلک یدندن بالاسه تحقاق ضبط اولنسه وکیل طقوز یوز غروشه له او شخصه وشخص مرقومده بیک غروشه له وکیل به وکیل دخی بیک غروشه له موکله رجوع ایدر . مراجعتک بوترتیب اوزره اولسنک فائده می اختلاف نمنده ظاهر اولور . ذکر اولنان مثاله اولدینی کی بحر ورد مختار .

سنة عشر، عیب قدیم ایله رد دخی حقوق عقد دندر . بوجهتله وکیل البیع ، موکله مالکی بعد البیع مشتری مذکور مالک عیب قدیمه مطلع اولسه وکیل بالبعه رد ایده بیلیر . یوقسه موکله رد ایده من . وکیل به رد ایتدکه مشتری نمی اگر وکیل ویرمش ایسه وکیلدن آلیر . وکیل بمن هیی موکله کرک ویرمش اولسون کرک هنوز یدنده حفظ ایتدکه بولنسون . مشتری نمی اگر موکله ویرمش ایسه « رضامیه دیمکر » موکله دن استرداد ایدر .

ینه بوجهتله مشتری عیب قدیمی ادعا و وکیل عیبی انکار ایتدیکی حالده موکل عیب قدیمی اقرار ایتسه بواقراردن برشی لازم کلز . زیرا خصومت بالعیب حقوق عقددن اولوب موکل ایسه بونده اجنبیدر بحر ورد مختار وطحطای .

بالعکس موکل عیب قدیمی انکار ایتدیکی حالده وکیل بالبیع اقرار ایتسه خیاب عیب ایله رد اولور . و وکیل بو اقراری کندی حقننده هر حالده صحیح اولور . فقط موکل

حقیقته بعض احوالده صحیح و بعض احوالده غیر صحیح دره .
 شوبله که مشتری او میبوی وکیلدن صانون آلدقندن صوکره کی
 مدته اکر او عیبک مشتری یدنده ایکن حدوثی ممکن دکل
 ایسه وکیل عیبی کرک اقرار و کرک انکار ایسون حاکم بلا
 اثبات او مالی وکیلده رد ایله حکم ایدر . بو صورتده وکیل
 دخی علی روایه موکله رد ایله . الوکیل فی هذه المسئلة لا یحتاج
 الی خصومة مع الموکل تکمله ملخصا . زیرا بو حالده مبیع ید
 موکله ایکن آنده عیبک وجودی عندالقاضی متیقن بولنمش
 اولضه حکم حاکم وکیلک اقرارینه یاخود بینیه یاخود نکوله
 مستند دکلدر بحر قال فی المواهب لورد علیه بمالا یحدث مثله
 باقرار یلزم الوکیل لزوم الموکل روایه و تکمله رد محار . واکر
 او مدته عیبک حدوثی ممکن ایسه وکیل قدم عیبی انکارایتمکله
 مشتری عیبک قدیم اولدیغنه اقامه بینیه ایدر لان الثابت بالبینة
 ثابت فی حق الکافة لان البينة حجة مطلقة متعديّة فیلزم الموکا
 کالزم الوکیل و یاخود لدی الاستحلاف وکیل نکول ایله ایسه
 حاکم او مالی وکیلده رد ایله حکم ایدر . بو حالده وکیل دخی
 موکله رد ایله . زیرا بینیه حجت مطلقة اولدینی کبی مبیعه عدم
 ممارستی جهتیه عیب ، وکیلک علانندن بعید بولندیغنه مبنی
 وکیل ، نکوله مضطردر . اما النکول فیوبذل او اقرار وکل
 منهما حقه ان لا ینفذ علی الموکل لکنه لما کان النکول مضطرا
 الیه ببعد العیب عن علمه باعتبار عدم ممارسته المبیع لزم الآخر

دفعاً للضرر عن الوكيل تكمله رد مختار.

اما وكيل بو مثللو عیبي اقرار ایدرسه حاکم وکیل وکیل رد ایل
حکم ایدر. بو صورتده وکیل موکلنه رد ایدر میوب اومال وکیل
قالیر. زیرا اقرار مذکور حق وکیلده صحیح ایدرسه ده حق
موکلده صحیح دکادر. شو جهتله که مبیع مشتری به تسلیم
ایدلکله وکیلک وکالتی منتهی اولمش و آنکی اقراری حق
موکلده غیر ملزم بولنمشدر بحر. لان الاقرار حجة قاصرة وهو
غير مضطر اليه لامكانه السكوت والنكول تكمله رد مختار.

فقط بوندن صوکره وکیل، اومالده عیب قدیم بولندی
بیانیله موکلدن دعوی ایدر بیلیر. وکیل اثبات ایدر یا تکلیف
اولنان یمیندن موکل نکول ایلر ایدر وکیل دخی موکلنه رد
ایدر. و وکیل اثبات ایدر مدیکی کبی موکل دخی یمین ایدر ایدر
مذکور مال وکیل طائد اولور بحر. فان قيل كيف يردده ويخاصم
الموكل مع ان الرد بالاقرار فسخ في حق المتعاقدين بيع جديد
في حق الموكل قلنا الرد ما حصل باقراره بل بقضاء القاضي بكره
منه فجعل فسخا ليكن استند لدليل قاصر فنعنا الفسخ عند البرهان
ولزم الوكيل عند غدمه عملا بقصور المستند وهو الاقرار
تكمله رد مختار.

مع ذلك بويله برمدتده حدوتی متصور اولان عیبي وکیل
اقرار ایدر بده فقط هنوز حکم حاکم لاحق اولندن مبیعی مشتریدن
حسن رضایله قبول واخذ ایدر ایدر آرتق وکیل اومالک معیب

اولدیفنی موکلدن ادعا ایده میوب یدنده قالیر رد مختار. زیرا
رد بالرضی حق نالنده بیع جدید اولوب موکل ایسه ثالث
ولمشدرد. اما رد بالقضاء فسخدر. چونکه حاکم ولایت
عامه سی واردر. شوقدرکه اقرار حجت قاصره اولمسه رد
بالقضاء فسخ اولمق حیثیتله وکیلک حق خصامه سی واردر؛
واقرار حجت قاصره اولمق حیثیتله موکله بالاجته لازم گلز بحر
مع تعلیقات علیه وتکمله رد مختار. ینه بو جهته وکیل البیع
وفات ایتدکن صوکره مشتری میبعده عیب قدیم بولسه وکیلک
وصیسنه یاخود وارثه رد ایدر. والا موکله رد ایلر بحر.
رد بالعیبه دائر بعض مسائل «۱۵۰۵» ماده شرحنده کله.
چکدر.

وکالت بالشرایع کی حقوق عقد

اولا — (وکیل بالشرا عقی دی بووجهله موکلنه مضاف
قیلمق سزن) مثلا بو مالی سندن شوقدر غروشه آلدن دهرک
(اشترا ایلدیکی مالی قبض ایدر. و) بایع میبی وکیل بالشرایع
تسلیم ایتکه مجبوردر. اما موکله تسلیمه جبر ایدیله من.
ثانی — (مال مشتراک ثمنی موکلندن آلمسه بیله کندی
مالندن بایعه ویرمک اوزره) وکیل (جبر اولنور.) بحر.
صوکره ثمن مذکور ایله موکلنه مراجعت ایدر. «۱۴۹۱»
ماده یه باقی. موکل، ثمنی وکیل ویرمش ایکن وکیل بایعه ویر.
میوبده استهلاک ایتسه بایع ثمن میبی استیفا ایدنجه یه قدر میبی

ی‌دنده حبس ایده بیلیر. ولو دفع الموکل بالشراء الثمن الى الوكيل فاستهلكه وهو معسر كان للبائع حبس المبيع ولا مطالبة له على الموكل فان لم ينقذ الموكل الثمن الى البائع باع القاضى المبيع بالثمن اذا رضيا والا فلا تکملة رد مختار بتغيير.

ثالثاً — بايع، وکیل بالشرايك موکلندن ثمن مبيعى مطالبه ایده مز بحر.

رابعاً — مال مشترا هنوز وکیل بالشرا ي‌دنده ايکن بر مستحق آندن دعوى (و) اثبات مدعا ایده ريك بمد الحلف ي‌دندن ضبط اوانسه وکیل بالشرا بايعنه رجوع ايله ويرديكى ثمنى آندن آليز. يوقسه موکلانه رجوع ايله ويرديكى ثمنى موکلندن طاب ایده مز رد مختار وتکملة.

خامساً — (مال مشتراده عيب قديم ظهور ايتسه رد ايجون) شرايه (وکیلک حقى اولور) بونک تفصيلاتى ۱۴۸۹ء ماده ده کليز. ايمدى وکیل بالشرايك براى عيب بايع ايله مخصوصه يه حقى وار ايسه ده بايعى عيبندن عند الطرفين ابرا ایده مز. واختلفوا فى قول ابى يوسف بحر.

سادساً — وکیل بالشرا عيبه راضى اولاييدير. بوندن صوکره موکل ديلرسه مبيعى قبول وديلرسه وکیل الزام ايدر. وکیل الزام ايتندن اول، مال مشترا يد وکیلده تلف اولدقده موکل اوزرينه تلف اولور تکملة (۱).

(۱) ابرا جائز دکل ايکن هييه رضا جائز اولور. فرقى نه در؟

سابعا — شفيع، مال مشترک هنوز يذندہ بولنان وکیل مشتری
ایله مخصوصه ایدر مالتی .

ثامنا — وکیل بالشرا وفات ایتد کدن صوکره موکل مشتری
عیب قدیم بولسه وکیلک وصیسی یاخود وارثی رد ایدر. بونلر
یوقسه موکل رد ایلر بحر و تکملة رد مختار .
اجاره ده کی حقوق عقد

اولا — وکیل بالاجاره، بو وجهله عقدی موکلنه مضاف
قیلمه قسزین ایجار ایتد کده انبات اجاره و قبض اجرتده مستأجره
خصم اولور .

ثانیا — وکیل بالاجاره دین اولان اجرتدن مستأجری
ابرا ایدہ بیلیر . بعده موکلنه ضامن اولوو . کرک قبل وجوب
التمن و کرک بعد وجوب التمن ابرا ایقسون .

ثالثا — وکیل بالاجاره قبض بدل ایچون دیکرینی توکیل
ایدہ بیلیر . ولوکه بو وکیل، وکیل بالاجاره نک عیالنده بولماسون .
مستأجر دخی بدل اجاره یی بو وکیل بالقبضه ویرسه بری اولور .
فقط مقبوض وکیل بالقبض یذندہ تلف اولسه وکیل صرقوم
یعنی وکیل بالقبض وکیل بالاجاره نک امینی دکل ایسه وکیل
بالاجاره موکلنه ضامن اولور هندیہ ۱۴۶۶ء ماده شرحنده کی
مسائل استثنائیه نک ایکنجیسنه باقی .

رابعا — وکیل بالاجاره ، بعد الاجاره وقبل مضی المدة

اجازہ فی فسخ ایتسہ صحیح اولور . اما بعد مضي المدة و بعد قبض الاجرة فسخ ایتسہ صحیح اولماز . اجرت كرك عين و كرك دين اولسون .

خامسا — وکیل بالاستیجار، عقدی نفسنه بالاضافه استیجار ایتسہ بدل ایجاری کنیدیسی و یرمکه مجبوردر . نته کیم ۱۴۵۹ء ماده شمر حنده تفصیل اولمشیدی . (اما) بیع و شرا و اجاره و عن اقرار صاحبده (وکیل، اگر عقدی موکنه مضاف قیلمش ایسه مثلا فلانک طرفندن بالوکاله صاندم یاخود فلان ایچون) بالوکاله (آدم) اما فلان ایچون بکاصات دیسه یله عقدی موکنه مضاف قیلمش اولمایه جفی (۱۴۵۳ء ماده شمر حنده ایضاح ایدلمش ایدی طحطاوی . (دیهرک عقد بیع ایللمش اولسه اول حالده آنفا بیان اولنان حقوق عقد هپ موکنه عائد اولور و بوسورنده وکیل رسول حکمنده قالیر .) زیرا بو وکالت ، رسالت اولوب ماده آتیله حکمنجه رسالتنده حقوق عقد مرسله عائد اولور . رسوله اصلا تعلق ایتمز .

مثلا وکیل البیع ، عقدی نفسنه مضاف قیلمیوبده موکنه بالاضافه بر مالی صانده موکل میبئی مشتری یه تسلیمه مجبور اولور . و موکل ثمنی مشتریدن طلب و قبض ایده بیلیر . یوقسه بونلر وکیل عائد اولماز . دیگرلری دخی بوکا مقیددر .

❦ ماده ۱۴۶۲ ❦

(رسالتده حقوق عقد مرسله عائد اولور.) رسول اگر

عقدی مرسله مضاف قیلار ایسه (رسوله اصلا تعلق ایتمز).
وکیلک عقدی موکله مضاف قیلمسی صورتنده کی وکالت دخی
رسالت قیلندن اولارق حقوق عقد موکله راجع اولاجنی
ماده آغه شرحنده ایضاح اولمش ایدی .

خلاصه ؛ رسالت ایکی صورتله اولور :

برنجیسی ؛ موکاک حین تفویضنده وکیل رسالت صورتیه
تفویض ایلمش اولمسه وکیلک دخی رساله ایفای معاملهیه
مجبوریتدرکه «۱۴۶۰» مادهده ذکر اولندی .

ایکنجیسی ؛ ابتداء تفویضنده وکالت صورتیه و وکالت
لفظیه تفویض ایدیلوب فقط وکیلک او وکالتی رسالت
صورتیه استعمال ایتسندن ناشی وکالت مذکورنک رسالت
ضمننده تحقق ایتسیدر. ایکی صورتده دخی حقوق عقد موکله
عائد وکیل سفیر محض اولور .

مثلا مال موهوب ید موهوب لهده تلف اولدقن صوکره
برمستحق ظهور ایتسه مستحق وکیلک الاتهابدن برشی مطالبه
ایده من. بلکه موکلدن مطالبه ایتسی لازم کلیر رد مختار. نته کیم
مال موهوب وکیلک الاتهاب یدنده بولنسه بیله واهب بو وکیل
علینه هبه دن رجوع دعواسنی ایده من هندیه .

شرحا « رسول اگر عقدی مرسله مضاف قیلار ایسه »
ذیلدی . زیرا رسول عقدی نفسنه مضاف قیلار ایسه
بعض عقدلر کندی اوزرینه نافذ و حقوق عقددن طولای

مسئولیت دخی کندیسنه راجع و بعض عقود غیر نافذ اولور .
 بوکا استقراض و شرایه و بیعه رسولدن اوچ مثال ذکر ایدم :
 استقراضه رسول : بوسول عقد استقراضی نفسنه مضاف
 قبلدقه مقروض اول رسول مال اولاجنی کبی اوده مک
 دخی رسوله لازم کلیر . « ۱۴۶۰ » ماده شرحنه باقی .

شرایه رسول : بوسول عقدی مرسلنه مضاف قلمیوبده
 نفسنه بالاضافه اشترا ایتسه مال مشترک کندیسنه عائد و قبض
 مبیع و تأدیئه ثمن کبی حق و قی عقد دخی او رسول
 راجع اولور جامع الفصولین و حامدیه . « ۱۴۵۳ » ماده شرحنه
 باقی . یعنی ابتداء رسالت صورتیه شرایه مأمور اولان کیمسه مک
 عقدی مرسلنه مضاف قلمیوبده لازم اولوب نفسنه مضاف قیلسه
 « بان اخرج الکلام مخرج الوكالة » مثلاً مال مشتری کندیسنه
 قالب مرسلک اولماز .

بیعه رسول : بوسول « بو مالی سکا صاندم » دیه عقد
 بیع ایتسه جائز اولماز . زیرا وکالت ، رسالت فوقنده اولمغه
 رسالت وکالتی تضمن ایتمز . بلکه رسول « مرسلم فلان بومالی
 شوقدر غروشه سکا صاندم دیور » دیه عقد بیع ایتملیدر بحر .
 بناء علیه بو بیع فضولی اولوب مال صاحبی دیلرسه مجیز اولور
 دیلرسه فسخ ایدر .

وکالت یا رسالته اختلاف

لکن وکالت یا رسالت اولدیغنده اختلاف اولمسه سوز

رسالتی ادعا ایده نکرد . شویله که مثلاً با بیع برکسینه دن « سن
فلان طرفندن عقد شرابه وکیل اولارق بندن فلان مالی
صانوں آلدک ثمن مبیعی ویره و اوکسینه وکیل دکل رسول
ایدم « دیه اختلاف ایتدکارنده سوز اوکسینه نکرد . بناء علیه
با بیع اوکسینه نک وکیل اولدیفنی اثبات ایتسی لازم کلیر هندیه .
لان المشتري ينكر اضافة العقد والبايع يدعى عليه ذلك تكمله
عن النهایه . لکن رسول ، عقدی نفسنه مضاف قیلارق انشای
عقد ایلدکدن صوکره « رسول ایدم وکیل دکل ایدم » یوانده کی
ادعای قبول اولنماز تنقیح . بناء علیه بو صورتده ثمن مبیع
کندایسنه لازم کلیر خانیه . « ۱۴۵۴ » ماده شرحنه باقی .

❦ ماده ۱۴۶۳ ❦

ضابطه : وکیل ، مستودع کی یدنده اولان مالد امیندر .
بناء علیه مستودعه ضمان لازم کلان خصوصاً آنده وکیل ضمان
لازم کلیر ؛ و مستودعك ضماندن بری اولدیفنی خصوصاً آنده وکیل
دخی بری اولور بحر و هندیه . والقول قوله فی دفع الضمان
عن نفسه .

ایدمی (بیع و شرا و ایفا) ی دینه (واستیفای دینه و قبض)
و دفع (عینه وکیل اولان کیمسینه نک جهت وکالتدن
طولایی مقبوضی اولان مال) هم حال وکالتده همده بعد العزل
(کندی یدنده و دیعه حکمنده در) (بوجهته موجود ایسه
عیناً موکنه تسلیم ایتسی لازم کلیر . « ۲۴۳ » ماده شرحیه « ۷۹۴ »

مادهیه باق. یوقسه مثلا قبض دینه وکیل اولان کسنه مقبوضی
 کندیسنتک مدیونده کی آلاجهغه محسوباً توقیف ایده من. شویله که
 برکیمسه مدیونی ذمتنده کی شو قدر غروش آلاجهغه قبضه
 برکسنه یی توکیل ایتمه که اوده بالوکاله قبض ایتدکن صوکره
 « بنم دخی مدیون مرقوم ذمتنده شو قدر غروش آلاجهغه وار
 آکا مقابل طوتارم » دیه اول کیمسه یه ویرمکن امتناع ایده من
 فیضیه .

ینه بو جهته وکیلک مقبوضی اولان مال کندی یا امینی
 یدنده (بلا تعد ولا تقصیر تلف) یا قیمتته نقصان طاری
 (اولسه ضمان لازم کلز) « ۷۷۷ » مادهیه باق . اما تعدی یا
 تقصیر ایله تلف اولورسه ضامن اولور . حتی موکل او مالی
 طاب ایلش ایکن وکیل اعطادن بعد الامتناع یدنده تلف
 اولسه ضامن اولور . « ۷۹۴ » مادهیه باق علی افندی . تفریع
 الامثله والمسائل .

شمدی بونلری تفصیل ایده لم :

وکیل بالیبع یدنده کی مال — بو مال ، یا صاتلمق اوزره
 ویریلان شی ، یاخود نم مبیع اولور؛ ایکیمی دخی امانتدره
 شویله که برکیمسه مثلا بر آتی صاتمغه دیکر کسنه یی توکیل
 و آتی آکا تسلیم ایتدکده مذکور آت یدنده امانت
 اولدینی کی وکیل مرقوم اول آتی آخره بیع وپاره سنی قبض
 ایتسه مبالغ مذکور دخی یدنده امانت اولور . بونلر بلا تعد

ولا تقصير تلف اولسه ضمان لازم گلز. اما وکیل بالبيع، موکلنک
اذنی اولیه رقی برای بیع کندیسنه ویریلان مالی اجنبی به ایداع
یا بعدالبيع ثمنی اجنبی یدیله موکلنه ارسال ایدوبده اول اجنبی
یدنده بونلر تلف اولسه وکیل ضامن اولور. « ۷۹۰ » ماده یه
باق. مکرکه وکیل بالبیعک بالذات صامیوب بیعه عرض ایتک
اوزره مالی دلاله ویرمسی یا ثمن میبی وکیلک امین بیلدیکی
کمنه یدیله موکلرینه کوندرمسی عرف وعادت اولوبده برمعتاد
مالی دلاله ویرسه یا ثمنی امین بیلدیکی کمنه یدیله کوندروبده
آنک یدنده مال ضایع اولوق یاخود امین مرقوم ثمن میبی
آلوب فرار ایتک کی بر وجهله تلف اولسه وکیله ضمان لازم
گلز. لانه بمقتضی العادة یكون ماذونا بذلك. « ۴۳ » ماده یه باقی
تعلیقات ابن عابدین علی البحر. ننه کیم وکیل، بروجه عادت
امینی ایله ثمن میبی کوندردیکنی ادعا ایتدیکی حالده موکل
بعض دفعاتی انکار ایتسه سوز مع الیمین وکیلکدر. ولوکه وکیل
طول مدتدن طولای دفعات مذکوره نکه تفاصیلانی بیلیمسین تکمله
رد مختار.

کذا وکیل بالبيع، موکلنک مالی دکاننه قویوب برایش
ضمننده دکانندن چبقارق قومشوسی بولن ان دکانجی به « بزم
دکانی کوزت » دیه تنبیه ایدوب او مال دکاندن ضایع اولسه بو
قومشو وکیلک امینی ایتسه وکیله ضمان لازم گلز. « ۷۸۰ » ماده نکه

فقرهٔ ثانیه‌سنة باقی . اما امینی دکل ایسه وکیلله ضمان لازم کایر
صره الفتاوی .

و کذا وکیل بالبیع ، مالی بیلمدیکی برکسنه‌یه بیع و تسلیم
ایتمکله ثمن استیفا اولنه میوب مشتری مجهول ذمتنده قالسه وکیل
ضامن اولور . زیرا وکیل مالی بیلمدیکی کسنه‌یه تسلیم ایده من
بحر ورد مختار . نته کیم برکیمسه نک صائمق اوزره دلالة ویردیکی
مال ایچون دلال ، ضایع اولدی اما نصل ضایع اولدیغنی بیلم
دایسه دلال ضامن اولور اقروی .

اما برکیمسه تعمیر ایتدیرمک اوزره دیگر کسنه‌یه مثلا
بر ساعت ویروبده اوده بر ساعتچی‌یه اعطا ایتدیکی حالده کیمه
ویردیکنی اونوتسه او کسنه‌یه ضمان لازم کلز در مختار . زیرا
نسیان تعدی دکلدر .

کذلك وکیل بالبیع ثمن میبئی قبض ایله مجهلا فوت اولسه
ضمان لازم کلیر تنقیح . « ۸۰۱ » ماده‌یه باقی . ولایقبل قول
ورثة انه دفعه فی حیاته بلا برهان لانه بموته مجهلا تقرر فی
ترکته الضمان فلا بد للخروج عن عهده من البیان خیریه .

وکیل بالشرأ بدنده کی مال — بومال دخی یا ثمن یا مشترأ
اولور ، ایکیمی دخی امانتدر . شویله که برکیمسه کندیمی
ایچون برآت آلمق اوزره دیگر کسنه‌یه اون آلتون ویردکده
بومبلغ یدوکیلده امانت و بلا تعد ولا نقصیر تلف ایله ضمان غیر
لازم اولور . فقط او مبلغک تلفیه وکالت دخی باطل اولور .

زیرا « ۳۴۳ » ماده شرحنده ذکر اولندیغی اوزره وکالاتده
نقود تعیین ایله تعیین ایدر . نقود وکیلله کرک تسلیم ایدلمش
اولسون کرک اولسون .

تعیین ایله قبل التسلیم تعیینه مثال : موکل ، وکیلنه «بواون
آلتون ایله بنم ایچون شویله برآت آل» دیوب فقط مذکور
اون آلتونی وکیلله قبل الاعطایا موکل یدنده ایکن سرقت
اولندقدن صوکره وکیل اون آلتونه برآت آلسه بوآت
وکیلک مالی اولارق قالیر . یوقسه موکلک اولمش اولماز .

تعیین ایله بعدالتسلیم تعیینه مثال : موکل ، وکیلنه «بواون
آلتون ایله بنم ایچون برآت آل» دیه اول مبلغی وکیلنه بعد-
التسلیم یدوکیلده سرقت اولندقدن صوکره آرتقی وکیل اول
آتی آلاماز . آلیر ایسه آت کندیسنک اولور . فقط او مبالغ
بعدالشراء یدوکیلده هلاک اولسه شرا موکل ایچون واقع
ووکیل موکلنه ثمن مبیع ایله رجوعه مقتدر اولور . « ۱۴۹۱ »
مادهیه باقی . بو صورتده هلاک قبل الشراء یا بعد الشراء واقع
اولدیغنده اختلاف اولنسه سوز معالبین آمر و موکلک اولور
بحر مع تعلیقات ابن عابدین علیه .

وان اشتری ثم نقده الموکل فهلك الثمن قبل دفعه الى البایع
عندالوکیل یهلك من مال الوکیل تکملة رد مختار .

وکیل بالشرائک آلدیغی مال یدنده امانتدر . « ۱۴۹۲ »
مادهیه باقی . شویله که بر کیمسه کندیس ایچون فلان مملکتدن

شوقدر کيله بغدادی بالاشترا کتیرمکه دیگر کسنه بی توکیل ایتمکه
اوده کندی پاره سی و ثمن مثل ايله بغدادی اشترا و قبض ایدوب
کتیریر ایکن یولده تلف اولسه زیان موکله عاند اولور . وکیل
بغدادی ایچون ویردیکی پاره بی موکلدن آلیر . موکل مجرد بغدادی
بکا واصل اولدی دیه پاره سی ویرمکدن امتناع ایدمهز .

وکیل بالشرأ ، برمالی بعدالاشترا بلا اذن الموکل اجنبی بر
کسنه یديله موکله کوندروبدی او کسنه یدنده مذکور مال
تلف اولسه وکیل ضامن اولور . « ۷۹۰ » ماده یه باقی . مکرکه
وکیللرک مال مشتریانی امین بیلدیکی کسنه لر ايله موکله کوندرو-
ملری عرف و عادت اوله . او حالده وکیل ضمان لازم گلز .
ته کیم وکالت بالیبعده آنفا تفصیل اولندی .

کذلک برکیمسه نک شویله برآت آلیویرمک ایچون دیگر
کسنه یه ویردیکی پاره بی او کسنه خانه سنده ترک ایدرک آت
آلق اوزره بازاره عزیمتله آتی بالاشترا خانه سنه کتیردیکنده
مبلغ مذکور سرقت ایدیلوب آت دخی یدنده بالاعده ولا تقصیر
تلف اولسه ایکیسنکده خساری موکله عاند اولور .

فقط آنک موکل ایچون آلدینی ثابت اولمیدر . بوصورتده
بایع آنک پاره سی وکیلدن طلب ایتدکه اوده موکلندن ایستر .
اما او آتی موکل ایچون آلدینی ثابت اولمینه مجرد وکیلک بویله
ادعایله ثمن مذکور ايله موکله حق مراجعتی اولیوب حیوانک

تلفندن متولد ضرر کندیسنه راجع اولور هندیه . « ۱۴۸۶ »
ماده نك فقره اخیره سنه باقی .

وکیل بالشرا ایله موکل آره سند

مقدار نمده اختلاف

موکل، اون آلتونه برآت آلفه برینی بالنوکیل مذکور اون
آلتونی وکیل مرقومه اعطا ایتدکن صوکره وکیل « اون آلتونه
آدم » و موکل « بش آلتونه آلدک » دیه اختلاف ایتسه لر آنک
دکری اون آلتون اولنججه سوز وکیل کدر . زیرا وکیل امین
و عهده امانتدن خروجی ادعا ایتدکه اولدینی حالد امر بش آلتونک
تضمینی دعوی و وکیل انکار ایلدکه در . اما آنک دکری
بش آلتون اولنججه سوز امر کدر . چونکه امرک امری اون
آلتون دکرده آت آلق ایکن وکیل بش آلتون دکرده برآت
صانون آلمشدر . بناء علیه مذکور آت وکیل مالی اولارق قالب
آمر جمله پاره سنی تضمین ایتدیرر . « ۱۴۷۹ » ماده شرحه باقی .
اگر مذکور اون آلتونی وکیل مرقومه اعطا ایتد مش ایسه
سوز موکل کدر . اگر آنک قیمتی بش آلتون ایسه . اما آنک
قیمتی اون آلتون ایسه وکیل ایله موکل تحالف ایدرک ایکیسیده
یمین ایتدکارنده بیلرنده جاری بولنان عقد حکمی فسخ و آت
مأموره ترک اولنور . زیرا موکل ایله وکیل بایع ایله مشتری
منزله تزیل اولنور که بولر بوجه له مقدار نمده اختلاف
ایتدکارنده تحالف جاری اولور . « ۱۷۷۸ » ماده یه باقی بحر .

ایفای دینه وکیل یدنده کی مال — برکیمسه فلان داینه
ویر دهرک دیگر کمنه یه اون التون ویرسه مبلغ مذکور اوکمنه
یدنده امانت اولور .

بوجهتله مریض، فلان داینه ویرملک یاخود کندیس ایچون
شویله برمال آلتق اوزره برکیمسه یه پاره ویروب اودخی داینکه
ویردم یاخود اوپله برمال آلم دیدکده مریض تکذیب ایتسه بیله
نفسندن ضمانی دفعده وکیلک سوزی قبول اولور . ۱۷۷۴ء
ماده یه باقی واقعات المفتین، والقول قوله فی دفع الضمان عن نفسه
فلو دفع له مالا وقال اقضه فلانا عن دینی فقال قضیته وکذبه
صاحب الدین فالقول لاوکیل فی برائته وللدائن فی عدم قبضه فلا
یسقط دینه ویجب البین علی احدهما فبحلف من کذبه الموکل
دون من صدقه تکمله رد مختار .

بومسئله ده « نفسندن ضمانی دفعده » کی قیدینک فائده سی
۱۴۵۹ء ماده شرحنده کچدی بحر .

استیفای دینه وکیل یدنده کی مال — بومال دخی ید وکیلده
امانت اولور. شویله که مثلا برکیمسنگ آخر دیارده کی آلاجنفی
قبضه و موکلنه ایصاله وکیل اولان کمنه مقبوضنی موکلنه
کتیریرکن یولده قطاع طریق باصوب مبلغ مذکوری اخذ
وزارت ایدهرک وکیل آنلری دفعه قادر اولسه ضمان لازم گلز
قیضیه .

دفع عینه و کِلک بدنده کی مال — بر کیمسه آخر شـخصه
و یرمک اوزره دیگر کیمسه به مال و یرووده او کیمسه ایله اول کیمسه
اول آخرک تعییننده اختلاف ایسه لر سوز او کیمسه نك یعنی
وکیلکدر. زیرا اصل اذنه اتفاق ایتش اولدقلرندن وکیل
امین بولنمشد.

مثلاً امره او مالی زبده و یرمک اوزره امر ایتشیدم و مأمور
یعنی وکیل «عمره و یرمککم اوزره امر ایتشیدک آکا و یردمه
دیه اختلاف ایسه لر سوز وکیلکدر بحر.

صاحب تکمله مقیدسندن نقلاً سوز موکک اولد یعنی ادعا
ایتش ایسه ده بونلر معتبر کتابدن بر نقله استناد ایدمه مش اولسنه
کوره بوادعا شایان قبول اولسه کر کدر.

قبض عینه و کِلک بدنده کی مال — بر کیمسه، بر شخصک
بدنده کی و دیعه سنی قبضه دیگر بر کیمسه یی وکیل ایدوبده وکیل
مرقوم دخی آنی بعد القبض بدنده ایکن بلا تعد ولا تقصیر
تلف اولسه ضمان لازم کلز.

متن ماده ده کی قیوداتک ایضاحی

۱ جهت وکالتدن طولانی ؛ اما وکیل مقبوضی جهت
وکالتدن طولانی اولیوبده غصب و دین کی جهت مضموندن
طولانی اولور ایسه وکیل مرقوم مقبوضی اولان مالد و دیع
حکمنده یعنی امین اولماز.

مثلاً بر کیمسه دیگر کیمسندن بر آتی بالغصب بدنده ایکن

او کس نه اول کیمسه به مذکور آتی فلان شخصه ویر دیه امر
ایدوب اوده آتی اوشخصه ویردم دیدیکی حالده شخص مذکور
آلدم دیسه سوز مع الین اوشخصك اولور. یوقسه اول کیمسه
بجرد او کس نه نك و کیلی اولغله ویردم دیدیکنده تصدیق اولانه ماز
مکرکه ویردیکی بینه یاخود موكلك تصدیق ایله ثابت اوله .
موكل اول آدمه ویردیکنی انکار ایتدکده وکیل ، اول آدمه
ویردیکنی بیلمدیکنه دائر موكله یمن تکلیف ایده بیلیر. یمندن
نکول ایتدکده وکیلدن ضمان ساقط اولور.

نته کیم برکیمسه مدیوننه «سندن آلاچم اولان شو قدر
غروشی فلان شخصه ویر» دیه امر ایتمکه اوده «آکا ویردم»
دیدیکی حالده اوشخص «آلدم» دیسه حکم منوال مشروح اوزره در.
بوکا دائر تفصیلات «۱۴۵۹» ماده شرحنده کجادی تکمله
رد مختار .

ودیعه مقبوضه دخی حکم بوکا مماثلدر. شویله که مستودع،
مودعه «بنده کی اون آلتون و دیعه کی امر گله فلان آدمه ویردم»
دیدیکی حالده مودع امری انکار ایتسه سوز امر ایتدیکنه
یمیلله مودعکدر بحر .

۳ مقبوضی ؟ اما وکیل مقبوضی دکل ایسه و دیعه حکمنده
اولماز. شویله که مثلاً برکیمسه دیگر کس نه به فلان شخصه اولان
اون آلتون بورجی آکا ادا ایت دیمکه او کس نه ادا ایتدم
دیدیکی حالده طالب ایله موكل آتی تکذیب ایتسه لر او کس نه

ادایی اثبات ایدرسه فہا . والا سوز مع الیمین اول کیسہ ایلہ
 اوشخصکدر . وموکل عدم علمہ تحلیف اولنور . فقط موکل
 « اول کیسہ » وکیلی « اوکسنہ نی » شخص مرقومہ ادا ایتدیکنہ
 دائر اولان سوزندہ تصدیق ایدوب فقط طالب « اوشخص »
 تکذیب ایتدکنہ اشبہ اولان وکیلی موکلنہ رجوع یعنی داینہ
 ویردیکنی موکلندن طلب ایدر . « ۱۵۰۶ » مادہ یہ باقی . وفی الجامع
 لارجوع لاوکیلی علی موکلہ ولو صدقہ والا اول اشبہ . لکن
 بوتصدیق ایلہ طالب و داینک استیفاسی ثابت اولیہ جغندن
 طالب آلا جغنی مدیون وکیلدن ایستر بحر . « ۱۴۵۹ » مادہ
 شرحنہ باقی .

(جهت رساندن طولای رسولک یدندہ کی مال دخی کذلک)
 یعنی جهت وکالندن طولای وکیلک مقبوضی اولان مال کھی
 (ودیعہ حکمنده در .) بلا تعد ولا تقصیر تلف اولسہ ضمان
 لازم کلز .

مثلا « ۱۴۵۴ » مادہ ایلہ شرحندہ ذکر اولندینی اوزرہ
 برکیسہ یہ صرافک اقراض ایدہ جکی آچہ نی آلوب کتورمک
 اوزرہ اول کیسہ خدمتکاری مرقوم صرافہ کوندروب صراف
 ویردم و خدمتکار دخی آلدیم و أفندیہ و یردم دیسہ خدمتکار
 برائت نفسی حقندہ تصدیق اولنور . زیرا امین اولوب برائت
 نفسی حقندہ کی قولی قبول ایدیلیر . اما مستقرض خدمتکارینک
 صرافدن قبضہ انکار ایتسہ مستقرض یعنی أفندی اوزرینہ

مجرد بوخدمتكارك قبض ايتدم سوزيله هيچ برشى لازم كلز
تعلقات ابن عابدين على البحر بزيادة وايضاح .

ماده ۱۴۶۴

(مديون بورجنى) يد رسول ايله (دايته كوندروبدنه
قبل الوصول) الى الدائن او بورج (رسول يندنه تلف اولدينى
صورتده اكر مديونك رسولى ايسه) بونك قبضى دايته
قبضى . مقامنه قائم اولمادينى جهتمله (مديونك مالندن تلف)
و خسارى مديونه عانده (اولور .) مديونك بورجنى دايته
اوده مسى لازم كلير . رسولك يندنه كي تلف بلا تعد ولا تقصير
واقع اولنجيه آكاده برشى لازم كلز . ماده آفنهك فقره
اخيره سنه باق . اما تعدى يا نقصيرى ايله تلف اولور ايسه
مديون ، رسوله اضمين ايتديرر . ۷۸۷ ، ماده يه باق .

فقط مديونك رسولى بورجى دايته ~~كتوره~~ رك
يندنه اويله بر پاره بولنديقى خبر ويرديكنده دايته ،
رسول مرقومه « يدكده كي پاره ايله بنم ايچون شويله برشى
آليوير » ديدكدن سوكره او پاره رسول مرقوم يندنه تلف
اولسه دايتهك مالندن تلف اولور . ۱۴۵۳ ، ماده يه باق اقروى .
زيرا شرا ايله امرى آنك قبضى منزلنده در تكمله .

(واكر دايتهك رسولى ايسه) بو رسولك قبضى دايتهك
قبضى مقامنه قائم اولاجنى جهتمله (دايتهك مالندن تلف
اولوب) بناء عليه (مديون بورجندن برى اولور .) و رسولك

یدنده کی تلف بلا تعد ولا تقصیر ایسه آکا دخی ضمان لازم
کمز . اما تلف آنک تعدی یا تقصیری ایله ایسه رسول داینه
ضامن اولور . ماده آفیه و شرحه باقی بهجه .

نته کیم داین «سنده کی آلاجه می فلان کیمسه یه دفع و تسلیم
ایت» دیه مدیوننه امر ایلسه اول کیمسه داینک رسولی اولور .
آنک یدنده تلف اولنجه خساری داینه عائد در . اما داین ،
«سنده کی آلاجه می فلان کیمسه ایله کوندر یا ارسال ایت»
دیدکده اول کیمسه داینک رسولی اولماز صرة الفتاوی فی الوكالة
تکمله رد مختار . بناء علیه بورج ید داینه وصولدن مقدم ید
رسولده تلف اولسه مدیونک مالندن تلف اولور رد مختاره
بوماده ده کی بورج تعبیری احترازی دکدر . عینده کی حکم دخی
بو یله در . شویله که بر کیمسه تاجردن شو قدر غروشه بر مالی
اشترایه «سوم شرا طریقله اخذه» طالب اولفله تاجر مرقوم
دخی مذکور مالی بر کمنه یدیه او کیمسه یه بالارسال آکا
تسلیم اولمندن ید رسولده تلف اولدینی صورتده او کمنه اکر
اول کیمسه نک رسولی ایسه «۲۹۸» ماده حکمنجه ضمان آکا
لازم کلیر ، رسوله کمز . «۱۴۶۳» ماده یه باقی . واکر تاجرک
رسولی ایسه ضرر واقع تاجره عائد اولور .

کذا مقرضک اقراض ایده جکنی وعده ایلدیکی مبلنی
مستقرضه بر شخص یدیه بالارسال قبل الوصول او شخص
یدنده تلف اولدقده باقیلیر : او شخص ، مستقرضک رسولی

و مستقرض دخی آنک قبضی مقر ایسه ضرر مستقرضه عائددر .
 لکن مستقرض ، رسوائک قبضی منکر ایسه سوز مستقرضک
 اولوب رسول قبض ایتدم دیسه بیله اول کیمسه یه ضمان لازم
 یلمز . اوشخص مقرضک رسولی ایسه ضرر مقرض اوزرینه در
 انقروی و صرة الفتاوی فی الوكالة .

سوآل ؟ « ۱۴۵۹ » ماده شرحنده ذکر اولسان قاعده
 نایه یه مبنی رسول ، قبض ایتدم دیدکده بو سوز ایله قبض
 ثابت اولارق مستقرضه ضمان لازم کلمی دکلی ؟ فلیتأمل
 فی الجواب .

فرع

مدیون ، داینه بر مالی بالاعطا « بونی صات و نمندن
 آلاجنکی آل » دیمکله اوده بیع و تمینی مشتریدن قبض ایتدکن
 صوکره یدنده تلف اولسه نظر اولنور : مدیون ، اکر کندی
 نفسی ایچون قبضی احداث و تجدید ایتدکن صوکره تلف
 اولورسه داینک مالندن تلف اولور . و اکر کندی نفسی
 ایچون قبضی احداث و تجدید ایتدن تلف اولورسه مدیونک
 مالندن تلف اولور . « ۳۶۲ » ماده شرحنه باق .

اما مدیون داینه بر مالی بعدالاعطا بونی « حقک مقابلنده
 صات » دیمکله اوده صانوب تمینی مشتریدن قبض ایتدکده الاجنفی
 استیفا ایلمش اولور . حق بوندن صکره ثمن مذکور یدنده
 تلف اولسه خساری داینه عائد اولور خانه .

ماده ۱۴۶۵

قاعده : ایکی کیمسه یه تفویض ایدیلان بر تصرفی یالک
بریسسی یا مغه مقتدر دکلدر . بوکا متفرع مسائل :

برنجی مسئله ؛ وکالندن — (بر کیمسه ایکی کشی بی بردن) تعبیر

دیگرله کلام واحد ایله (توکیل ایتسه وکیل اولدقلری خصوصده

بدل ، معین اولسه بیله) (بالکز بریسسی تصرف ایده من) (زیراموک

ایکسینک رأینک اجتماعه راضی اولوب یوقسه بالکز بریسیند

رأینه راضی اولما مشدر . اجتماع رأیده ایسه موکله فائده واردر

بیعه وکالنده ثمن مبیع ، بیان ایدلمش اولنجه اجتماع رأید

فائده یوقدر دنیلمز . چونکه بیان ثمن ایله برابر ایکسینی

توکیل ایتسندن آکلاشیلیر که موکک غرضی زیاده ثمن واختیا

مشتتری خصوصلرنده ایکی وکیلک رأینک اجتماعیدر بحر

ای التقدير للبدل لمنع النقصان عنه فرما یزداد عند الاجتماع

وربما یختار الثاني مشترياً ملیا والاول لایتهدی الی ذلک رد مختار

بوجهتله معاً توکیل ایدیلن ایکی وکیلدن بری صبی محجو

اولسه بیله ینه بالکز بریسسی تصرف ایده من بحر ورد مختار .

ینه بوجهتله ایکی وکیلدن بالکز بریسسی فوت یا محجو

اولمغه وکالتی « ۱۵۲۷ » ماده موجبیه باطل اولسه دیگر :

ایضای وکالت ایده من بحر . ولوکانا وصیین فوات احد هما

یتصرف الحی الا بامر القاضی تکمله رد مختار .

ینه بوجهتله قبض هبیه یا قبض دینه وکیل اولان ای

ییدن یا لکنز بریسی قبض ایدہ من رد مختار . چونکہ موکلک
کیمسہ بی توکیل ایلہ مسندن مقصدی مقبوضک ایکی وکیل
فندن محافظہ ایدہ سیدرکہ ایکی وکیلک محافظہ سی بر وکیلک
فظاسی کبی دکلدر بحر . بوندہ «تصرف ایدہ من» تعبیرینک
اسی تصرفک نوعنہ کورہ تخلف ایدر . شویله کہ :

بو تصرف بمضاً دیکر وکیلک یا موکلک اجازتنہ موقوف قالیر ؟
آئیہدہ اولدینی کبی :

۱ مثال — ایکی وکیل بالبیعدن یا لکنز بریسی مالی صانوبده
ل دیکر حین بیعہ حاضر بولنہ رق بو بیعی مجیز اولسه
ز و نافذ اولدینی کبی فائب اولوبده بحدہ مجیز اولسه امام
یوسفہ کورہ ینہ جائز و امام اعظمہ کورہ غیر جائزدر .
ثم بیعہ وکیل اولان ایکی کیمسہ دن بری اومالی دیکر وکیلہ
سہ جائز اولمیه جفی کبی بحر . ولو باع احدهما من صاحبه
لم یجز لما فی وصایا الحانیہ لو باع احد الوصیین شیئاً من
کة لصاحبه لایجوز عند ابی حنیفہ و محمد و یجوز عند ابی
ب تکملہ رد مختار .

۲ مثال — بو ایکی وکیل بالبیعدن یا لکنز بریسی او مالی
کسنہ بیع آیاسہ ظاہر اولان بو بیع فضولی و موکل
ط اجازت موجود ایکن مجیز اولسه جائز اولور . ۱۴۹۵
مرخصہ کی ضابطہ رابعہ یہ باقی .

۳ مثال — قبض دینه یا قبض هبیه وکیل اولان ایله کشیدن یا لکنز بریسی قبض ایتداده داینک و موهوب لهله اجازتنه موقوف اولور . ۱۴۵۹۵ ماده شرحنده قبض فصولا عنوانلی مسئلهیه باق بهجه ورد مختار زیاده .

بو تصرف بعضاً وکیلک اوزرینه نافذ اولور ؛ امثال
آتیده اولدینی کی :

۱ مثال — ایکی وکیل بالشرادن یا لکنز بریسی عقدی نفسه بالاضافه اشترا ایتسه ظاهر اولان موکل بو اشتراپی مجیز اولسه بی نافذ اولیوب مال مشترک وکیل بالشرایه قالیر . ۱۴۵۳ ماده شرحنه باق .

۲ مثال — استیجار ماله ایکی کیمسه وکیل اولوبده یا لکنز بریسی استیجار ایتسه عقد اجازه وکیل مستأجر اوزرینه نافذ اولور . بوندن سوکره وکیل مستأجر مأجوری موکله ویرسه اوده قبض ایتسه بینلرنده بالنعاطی اجازه متبدله منعقد اولور هندی بو تصرف بعضاً رأساً باطل اولور ؛ امثال آتیسه
اولدینی کی :

۱ مثال — ایکی وکیل قبض الدیندن یا لکنز بریسی قبض ایدهرک مقبوض قبله اجازه یدنده تلف اولسه موکل دینه بری اولماز انقروی زیاده و بحر .

۲ مثال — بر کیمسه عاریت یا ودیعه یا مقصوب کی بر

مترداده ایکی کشی بی معا توکیل ایلدیکی حالحه او عینی یالکز
یسی استردادایدوبده یدنده تلف اولسه عینک کلیسنی ضامن اولور.
سوآل ؛ بو حالحه قابض اولان وکیل مقبوضک یالکز
نصفی ضامن اولمالی ایدی. زیرا وکیلک هربری نصفنک قبضنه
بوردر.

جواب ؛ هربرینک قبض نصفه مأمور اولسی یعنی نصفی
س ایدیه یلمسی دیگر وکیلک اذنیله اولوب یوقسه حال انفرادده
نصفی دخی قبضه مأمور ومأذون دکلدن بحر ورد مختار.
(فقط) ایکی وکیلدن یالکز بریسی تصرف ایدیه منضابطه سندن
رز مسئله مستنادر:

۱ (خصوصته)، ۲ (یاخود رد و دیعهیه)، ۳ یا رد عاریته،
رد مخصوبه، ۴ یا بیع فاسد ایله میببی رده، ۵ یا تسلیم
ه، ۶ (یاخود قضاء دینه)، ۷ یاخود بغیر مال طلاقه
بل ایسه لر یالکز بریسی ایفای وکالت ایدیه بیلیر.

ایضاح خصوصت — ایتمدی بر کیسه محاکمه و محاصمه یه
دعوی وکیلن توکیل ایتسه یالکز بریسی محاکمه اولاییلیر.
دیگرینک انضمام رأیی لازمدر. حتی بودیگر وکیلک رأیی
اولمقسزین ایکی وکیلدن بریسی محاصمه اولسه جائز اولماز.
بکر وکیلک مجلس حکمده حضوری شرط دکلدن رد مختار.
ایکی وکیلک مجلس حکمده اجتماعلری فائده ویرمز.
که خصوصت هر نه قدر رأیه محتاج ایسه ده ایکیسینکده مجلس

قضاده اجتماعری شرط ایدلد کده یا ایکسینک بردن سویلمه
 شرط ایدیله جکدر. بو صورت امر محاکمه مشوش و مش
 یعنی تهیج شده باعث اولاجقندن حاکم بوکا مساعده ایتیه ج
 جهتله بردن سویلملری ممکن دکدر بجر وتعلیقات ابن عابد
 علیه وتکمله رد مختار. یا علی التعاقب سویلملری شرط اولنه جقه
 بو دخی جائز دکدر. زیرا اولاً بر وکیل محاکمه و مختص
 و ماهیت دعوی منقهم اولدندن صوکره دیکرینک محاکمه
 و مختصه سنه مساعده ایدلسه اوچنجیسنه و دردنچیسنه و هک
 مساعده اولنسنه مؤدی و بو ایسه غیر متناهی مختص
 و فائده سر اشتغالاته بادی اولور. یا خود مجلس محاکمه
 مشاوره لری شرط ایدیله جکدر. حاکم هابت مجلسی محافظه ای
 مجلس محاکمه ده استشاره دن منع ایده جکی جهتله بوده اول
 ولوالجیه. لکن بو ایکی وکیل بالخصوصه قبضه دخی وکیل او
 یالکز بریسنک مدعا بهی قبضه صلاحیتی یوقدر. حتی هم خص
 همده قبض محکوم بهه ایکی کیسه تویکیل ایدلدکن ص
 ایکیمی محاکمه اولوب بعده بو ایکی وکیلدن بری فوت او
 بر حیات بولنان وکیل، شهودی اقامه ایده بیله جکی کی
 ثابت اولنجه موکلی ایچون حکم اولنه بیلیر ایسه ده
 و محکوم بهک بو وکیلله تسلیم ایدلسه یله حکم اولنه ماز.
 وفات ایدن وکیل ایچون بر وصی تعیین اولنه رق
 بر حیات بولنان وکیل ایله وصی مرقومه تسلیم ایدیلیر

ایضاح رد و دیعه الح — و دیعه ایله دیگر لرینک ردینه ایکی
بولنوبده یالکیز بریسنک ایضای وکالت ایدمه بیلیمسی سیدینه
جه بونلر رایه محتاج اولماغله یالکیز بریسنک ردی ایکیسنک
ی کیلدر. مجله ده رد و دیعه بدلنه رد عین دنیلمش اولسه
ی اولی اولوردی. چونکه رد و دیعه ایله رد عاریت
مقصوب و فاسدا متبع بیننده فرق یوقدر بحر.

رد، تعمیری استرداد عین و قبض هبه دن احتراز اولدینی
قضای دین تعمیری اقتضای دیندن احترازدر. چونکه
ایه یعنی قبض واستیفای دینه ایکی کشی وکیل اولنجه
برایسی آنی قبض ایدمه. زیرا بونلرده ایکی کشینک
نده غرض صحیح واردر. شویله که ایکیسنک محافظه سی
برینک حفظندن خیرلیدر. فاذا قبض احدها ضمن
نه قبض بغیر اذن المالك تکمله رد مختار.

سلیم هبه ده دائر تفصیلات «۱۴۵۹» ماده شرحنده مرور

(اما برکیمسه یی برخصوصه وکیل ایتدکن صوکره
ی دخی رأسا او ایشه وکیل ایتدیکی صورتده
انکیسی ایضای وکالت ایتسه جائز اولور.)
و تقدیرده موکل، وکیلاردن هر برینک علی الانفراد رأینه
وکیلنده راضی اولمغله بورضایی تغیر ایلمز درر.

ایکی کشینک توکیلنده صورثلا

شو حالده ایکی کشی اوج صورتله توکیل اولنور :

صورث اولی ؛ معاً توکیلدرکه حکمی بوماده نك فقہ اولیسنده ذکر اولندی .

صورث نانیه ؛ علی التعاقب توکیلدرکه بوفقره ده تفصیل

ایدلی .

صورث نالته ؛ ه ایکیکزدن بریکز بنم ایچون شویله بر

آلیکزه دیه توکیل ایلیمکدره ایمدی بوجهلله مأمور اولانلر

بریمی اولاً، دیگریدیه نانیه برر آت آلسه لر اولاً واقع او

اشترا موکل ایچون اولوب اشترا ی نان وکیلله قالیر . ایکیسه

معاً وبروقنده آلسه لر مشترک ایکیسی دخی موکل او

بجر وانقروی . زیرا بریسی ترجیحده مرجح یوقدر .

کذا برکیسه ایکی کشی یی آری آری فلان مالی

وکیل ایتدکده ایکیسیده صاندقلری تقدیرده هانکیسی

صانارسه جائز وایکنجیسنک بیجی غیرجائز اولور . هانکیسنک

صاندیقی معلوم اولماز ایسه مشتریلردن هربری او مالک

نصف نمن ایله مالک اولورلر . لانه لیس اولی وینخیر کل

لتفرق الصفقة ولا ترجیح الا اذا کان فی بد احدالمشتريین

لترجح جانبه لنا کد شرائه وتمکنه من القبض دلیل سبق

تکمله رد مختار .

ایکینچی مسئله؛ وصایتیدن — ایکی وصیدن یالکیز بریسی تصرف
ایده من. شویله که: بر کیمسه ایکی کشی پی وصی تعیین ایتد کده کرک کلام
واحد ایله و کرک هر برینی مستقل کلام ایله تعیین ایتس-ون
وصی اولدقلری خصوصاً صارد یالکیز بریسی علی الاصح تصرف
ایده من. حال بوکه هر بری مستقل کلام ایله توکیل ایدیلن
ایکی وکیلدن هر بری مستقل صرف ایده بیلیردی. فرق شودر که
وصیلار موصینک حین وفاتنده جملة وصی اولورلر. اما وکالتک
حکمی نفس توکیل ایله ثابت اولور بحر و تکملة ردحار. اشباه
شرحی هوینک کتاب وکالت آخرنده تفصیلات بولنغله صرا-
جعت اولنه.

اوجینچی مسئله؛ ودیعه دن — ایکی مستودعدن بریسی کل
ودیعه پی حفظ ایده من. ۷۸۳ ماده یه باقی.
دردنچی مسئله؛ قضا دن — بر دعوائی معاً استماع و حکم
ایتمک اوزره نصب اولان ایکی حاکم دن یالکیز بریسی اولدعوائی
استماع و حکم ایده من. ۱۸۰۴ ماده یه باقی.
متعدد حکملردن یالکیز بریسی دعوائیه حکم ایده من.
۱۸۴۴ ماده یه باقی.

بشینچی مسئله؛ وقف دن — ایکی ناظر دن یالکیز بریسی امور
وقفده تصرف ایده من. شویله که: لذات واقف یا خود حاکم واحد، وقف
ایچون ایکی ناظری تعیین ایتد کده یالکیز بریسی تصرف ایده من. اما

لوكان كل واحد منهما منصوب قاضى بلديلفرد احدهما بالتصرف
كفافي الوصيين حموى فى آخر الوكالة وتكملة رد مختار .

ماده ۱۴۶۶

(بركيسه وكيل اولدينى خصوصده) يعنى ما وكل فيهده
(باشقه سنى) قصدا (توكيل) ووصيت (ايدمه من) تعبير آخرله
توكيل ايتسه نافذ اولماز ولو كه موكل وكيلنه ثمنى بيان ايتمش
اوله. وفى عامة الروايات لايحوز وان بين الثمن مالم يحز المالك
او الوكيل الاول تكملة رد مختار. زبرا او كيمسه يه تفويض اولنان
امر، خصوص مذ كورك ايفامى اولوب يوقسه آنك ايفاسنه
ديكرينى توكيل دكلدر دررفى القضاء. وبرده موكل، وكيانك
راينه راضى و آرا ايسه مختلف اولمغله ايكنجى وكيانك رايته
راضى عند اولتماز بحر ووصية الوكيل الى آخر عند الموت
كا لتوكيل بحر .

ايضاح القيود

۱ وكيل اولدينى خصوصده — اما وكيل كنديسى ايچون
ثابت اولان حقوقده باشقه سنى بلا اذن توكيل ايدمه بيلير . حتى
موكل وكيلنه حقوق مذ كورده باشقه سنى وكيل ايتمه ديمش
اولسه دنى معتبر اولميه جنى كې وكيل بو حقوقده موكلنى توكيل
ايتسه صحيح اولور بحر . (مكركه) وكيل بالبيع مالى مؤجلا
صانوب ثمنى قبض ايتك ايچون امينى بولنيسان ديكر كسمه يي
بلا امر بانتوكيل ، وكيل ثانى ثمن ميبى مشتريدن قبض

ایتدکدن سوکره یدنده تلف یا مجهلا فوت اولسه عندالامام
الاعظم موکل اول ، ثمن مییی وکیل اوله تضمین ایتدیرر
هامش بهجه وهامش اقرووی .

۲ قصدا — اما وکیل ثانی یا خود فضولی اجنبی وکیل اولک
حضورنده بیع ایتسه یا خود غایبده صائسه ده وکیل اول
حضورا یا غایبا اولان شو بیعه اجازت ویرسه جائز و موکل
اوزرینه نافذ اولور. «۵۵۵» ماده یه باقی، زیرا موکلک مقصودی
وکیل اولک رأینک حصولی اولوب بویکی صورتده آنک رأیی
حاصل و تصرفی صحیح و حقوق عقد عاقد بولنان وکیل ثانی یه
عائد اولور بحر. وظاهر مافی الکتاب الاکتفاء بالحضرة من غیر
توقف علی الاجازة وهذا قول البعض والعامّة علی انه لابد من
اجازة الوکیل او الموکل وان حضرة الوکیل الاول لا تکنی والمطلق
من العبارات محمول علی الاخير بحر . وهو المعتمد لان توکیل
الوکیل المالم یصح التحق بالعدم فیکون الثانی فضولیا لایتم بمجرد
حضرة الاول حتی یحیزه تکمله رد مختار .

بونده بیع ایله تصویر ایدلدی. زیرا بر اجنبی بر مالی اشترا
ایدوبده وکیل اول بونی مجیز اولسه جائز و موکلی اوزرینه
نافذ اولماز. فانه ینفذ علیه ولا یتوقف متی وجد نفاذا در مختار.
هذا اذا لم یضفه الی غیره فان اضافته یتوقف علی اجازته . وهذا
ایضا اذا لم یکن المشتري صبیا او محجورا علیه فیتوقف لانه لم یجد
نفاذا علی العقد تکمله رد مختار . «۱۴۵۳» ماده شرحنه باقی .

نته ايم موكل و كيلنه شو آتی بنم ايجون آل ديوبده و كيل، ديكر
بر شخصي بالتو كيل اوده صانون آلسه بو آت و كيل اولك اولور
بجر .

مسئله نك بيع ايله تصويري عتددن بولنيان خصومت ،
قضاء دين و ابرا عن الدين و طلاق كي خصم و صاندن احتراز
ايجوندرد . زيرا بونلره و كيل اولان كي مسه ديكر ني تو كيل
ايدوبده و كيل ثاني و كيل اولك حضورنده بو خصوصاتي ايشلسه
دخي صحيح اولماز در مختار . شويله كه مثلا بر كي مسه ، مديوني
ابرايه ديكر كمسني ني تو كيل ايدوبده و كيل مرقوم ابرايه ديكر
بر شخصي بالتو كيل اوده مديوني و كيل اولك حضورنده ابرا
ايتسه صحيح اولماز بجر و تكمله رد مختار .

نافذ اولماز — اما موكل بو تو كيلى مجيز اولسه جائز
و و كيل ناني برنجي موكل و كيل اولور . بو صورتده و كيل
اولك بو تو كيلى فضولى عد اولنور . يعلم هذا من قولهم كلما صح
التوكيل به اذا باشره الفضولى يتوقف تعلقات ابن عابدين على
البحر و تكمله رد مختار .

فقط درت مسئله مستثنا اولوب بونلرده و كيل باشقه سني
تو كيل ايدوبيلير :

۱ مسئله ؛ (موكل) باشقه سني تو كيله (آكا) يعنى و كيله
(اذن و ير مش و يا خود) رآينه تفويض ايتك صورتيله و كيلنه
(رآيكه عمل ايت) يا ديلديكك كي ياب و كذا الوقال له الموكل
ما صنعت من شئ فهو جائز (ديمش اولسه اول حالده و كيل

باشقه سنی توکیل ایده بیلیر. (زیرا بو حالده دیکرینی توکیله صراحة اذن و یرمش و علی الاطلاق رأینہ تفویض ایلمش اولمقله آخری توکیله موکلک رضاسی وارددر بحر . ولانه فوض الیه الامر فیما یراه عاما والتوکیل من جملة مارآه . اما بو ایکنجی وکیل ، اوچنچیسینی توکیل ایده من . لان الوکیل الثانی مافوض الیه الامر عاما تکمله رد مختار .

فقط بو وجهله « رأیکله عمل ایت » دیمکله ، وکیل دیکرینی توکیل ایتسه ده بو ایکنجی وکیل مالی برنجی وکیله صائسه جائز اولماز بحر .

ایمدی وکیل بالقبض موکلک اذنیله دیکر کمنسنه بی قبضه توکیل ایتمکله اودخی قبض ایده رک مقبوضی وکیل اوله ویرسه وکیل ثانی بری اولور . حتی وکیل اول ، مبالغ مذکور ی استهلاك ایتسه ضمان آکا لازم اولوب یوقسه وکیل ثانی یه لازم کلز . ۱۴۶۳هـ ماده یه و شرحنه باقی علی افندی .

(و بو وجهله) اذن یا تفویض ایله (وکیلک توکیل ایتدیکی کیمسه موکلک وکیلی اولور . یوقسه اول وکیلک وکیلی اولماز . حتی) موکل اول طرفندن (وکیل اولک عزلیله یاخود) وکیل اولک (وفانیله) ویا مجنون اولمسیله « ۱۵۲۱ و ۱۵۲۹ و ۱۵۳۰ » مادلر احکامنجه وکالتی باطل اولسه (وکیل ثانی منعل اولماز) و ینعزلان ای الوکیل الاول والثانی موت الموکل الاول .

بغل و فرسك اشتراسته توکیل کی . بواج صورتده وکالت
 صحیح و جهالت نوع محبت توکیل غیر مانع در . ولوکه
 بمن بیان ایدلیه . زیرا توکیل استعانه اولمقله مناسبی توسمه
 ایکن جهالت یسیره نك عدمی شرط ایدلمسیده خرج اولوب
 بونك شرطی خالنده توسمه فرض ایدیلن شیتك ضیق و خرج
 اولاجنی و بوایه خلف باطل ایدوکی درکاردر .
 جهالت فاحشه ایله مجهول اولور ایسه بو وکالت صحیح
 اولماز . ولوکه بمن بیان ایدیله . بونك و ذابنه نك اشتراسته
 توکیل کی .

مقصود علیحدن مالیت مقصود اولدانی کی دابده سن و رکوب
 مثلاً مطابق دخی مقصود اولوب بو وکالت اعتباریله مجلس
 مختلف اولارق جهالت مجلس ایله وکالت جائز دکلدر .
 جهالت متوسطه ایله مجهول اولور و مایع نمی یا وصفی
 بیان قیلنر ایسه وکالت صحیح اولور . زیرا تقدیر بمن ایله
 نوع معلوم اولمشدر . او بمن کرک برنوعی مخصص اولسون
 کرک اولسون . بونوع، موکل حاله مناسب اولانه منصرف
 اولور؛ برقوناغك یا براینجوناغك اشتراسته توکیل کی . بوسورتده
 موکل اشترا اولانه حق قوناغك نمی یا نوعی وصفی بیان ایدرسته
 بوجهالت، جهالت نوعه ملحق اولارق وکالت صحیح اولور .
 فقط جهالت، متوسطه ایله مجهول اولمقله برابر بمن یا نوع
 وصفی بیان ایدیلنر ایسه بوجهالت، جهالت مجلسه ملحق

في الزيادة واختيار المشتري تعليقات ابن طابدين على البحر وتكملة رد مختار .

برنجي فقره به متفرع مسائل

اولا — وكيل بقض الدين بلاذن اميني اوليان برنجي قبض دينه توكيل ايدوبده مديون بورنجي بو وكيل ثاني به ويرد كده نظر اولنور: دين مقبوض وكيل اوله واصل اولورسه مديون برنجي اولور؛ والا اولماز . فان هلك المال في يد الثاني كان للغريم تضمينه وللثاني الرجوع على الوكيل الاول بحر وتكملة رد مختار .

ثانيا — معين بر شيك اشتراسته وكيل اولان كيمسه اول شيك آلق اوزره باشقه سني توكيل ايدوبده وكيل ثاني آني اشترا ايتسه مشتراء وكيل اولك اولور . حتى وكيل اول، وكيل ثاني به «فلان مالي موكل ايچون آل» ديسده اوده عقدي نفسه بالاضافه آله موكل اولك اجازته موقوف اولماز . لكونه شراء فضوليا وهو لا يتوقف بحر .

❧ ماده ١٤٦٧ ❧

(اكر وكالته اجرت شرط ايدوبده وكيل دنجي اضافي وكالت ايلر ايسه) اجاره صحیحده مسمى اولان (اجرت) واجاره فاسدهده اجر مثله (مستحق اولور .) « ٥٦٢ » ماده به باقى .

بوجهتله برقریه نك معلوم اها لیسى قریه لرینك امور و مصالحى

تسویه ایچون مقداری معلوم نم، حنطه وشعیر مقابلنده
برکیمسه یی وکیل ایدوبده اوده مصالح مذکورہ یی تسویه ایتسه
وکیل اجر مسہانی اہالیدن آلیر تنقیح .

ینہ بوجہ تله برکیمسه فلانده کی ودیعه سنی قبضہ برکیمسہ یی
توکیل ومقابلنده اجرت شرط ایتسه جائز ووکیل ودیعه یی قبض
ایتدکده اجرتہ مستحق اولور.

ینہ بوجہ تله برکیمسه دیگر کسمہ ایلہ محاکمہ ومخاصمہ یی
برخی توکیل وخصومت ومرافعہ ایچون مدت معینہ یی بیان
وتوقیت واجرت مقاولہ ایتدکده اجارہ صحیح واجر مسمی
لازم اولور. اما مدت خصومت ومرافعہ مجهول قالیرسہ اجارہ
فاسددر . ۴۵۲، مادہ یی باقی .

ینہ بوجہ تله قبض دینہ برخی توکیل واجرت شرط ایدوبده
وقت معین دخی ذکر اولنور ایتسه جائز ووکیل، اجر مسہایہ
مستحق اولور. (واکر) وقت معین ذکر ایدلنز ایتسه اجارہ جائز
اولماز ولوالجیہ وتکلیف رد مختار .

فقط وکالتندہ اجرت (شرط ایدلیوبده وکیل دخی
اجرت ایلہ خدمت ایدر مقولہ دن دکل ایتسه) وکیل (متبرع
اولوب) موکلندن (اجرت ایتسہ منہ) اما اجرت ایلہ
خدمت ایدر مقولہ دن اولدینی تقدیرده اجرت شرط ایدلمسہ
دخی اجر مثل آلیر . ۴۵۳، مادہ یی باقی .

اما وکیل اول ، وکیل ثانی بی عزل ایستد کده نظر اولورده
موکل اول ، وکیلنه اصنع ماشئت « ایستدیککی یاب » دیمش
ایسه وکیل اول ، وکیل ثانی بی عزل ایده بیلیر . لانه لمافوض الی
صنعه فقد رضی بضعه و عزله من صعه بحر . نته کیم بوصورته
موکل اولک دخی وکیل ثانی بی عزل ایتمی جائزدر . وکیل
اول کرک بر حیات و کرک فوت اولمش اولسون تکمله رد مختار .
موکل اول ، وکیلنه « فلان کسنه بی توکیل ایستد » دیمش ایسه
وکیل اول ، ثانی بی عزل ایده من . زیرا وکیل « نائینک » وکالی
توکیل ایله منتهی و بناء علیه « ۱۵۳۶ » ماده حکمنجه وکالتدن
منعزل اولور اقروی .

فقط موکل ، وکیلنه « اصنع ماشئت » دید کده بو وکیل دخی
آخری توکیل ایسه بعض فقها آنی عزل ایده یله چکنی بیان
و بعض فقها ایسه عزل ایده یله چکنی اتیان ایلمش لرددر بحر
و تعلیقات ابن عابدین علیه و تکمله رد مختار .

۲ مسئله ؛ قبض دینه وکیل اولان کیسه کندی امینی
آنق قبضه توکیل ایده بیلیر . بو وکیل ثانی اودینق قبض ایستد کده
مدیون دیندن بری اولور . لان ایده کیده بحر و تکمله رد مختار .
و اباع مقبوض وکیل ثانی یدنده بلا تعد و لا تقصیر تلف اولسه
وکیل ثانی یه دخی ضمان لازم کلز علی افدی . فلو لم یکن فی عیاله
لا یصح النوکیل فلو هلك من یده کلز للآمر الر جوع بدینه
علی المدیون تکمله رد مختار .

٣. مسئله : دفع زكاة وكيل بالشفقة منى او بوجه او بغيره
 « ثم ونجمه توكيل ائده بغيره او بوجه او بغيره ، زكاة بغيره بغيره
 ويرس جاز اولوب موكل اولك اجازته موقوف اولماز انجازه
 وتكملة رد مختار .

٤. مسئله : وكيل اول ، تقدير من ائده بغيره او بغيره
 توكيل ائده جاز اولور . زيرا رايه احتياج تقدير ، من حصول
 صنده اولوب بوايه حاصل اولمشدر بغيره . مثلا وكيل بالبيع
 صائغه مأمور اولديني مالى « شوقدر غروشه سات ، ديه ديكر
 كمسنيه امر و توكيل ائده جاز و وكيل ناپنك بيه صحيح
 اولور .

٥. ١٤٦٥ ، ماده شرحنده ذكر اولنديني اوزره موكل ايكي
 وكيله ثمنى بيان ائده بيله يالكنز بريسي صانامز ايكن وكيل
 اول ، ثمنى وكيل ثانى به بيان ائده وكيل ناپنك بيه بومسئله
 حكمنجه نافذ اولور . يحتاج الى الفرق بين المسئلتين وذلك ان
 عند تقدير الثمن من الموكل لوكيله يظهر ان غرضه حصول رايه
 فى الزيادة واختيار المشتري وان لم يقدروا له كان غرضه فى معظم
 الامر وهو التقدير فى الثمن فقول اذالم يقدر الموكل لهما الثمن
 وقدره الوكيل لاوكيل الثانى فقد حصل غرض الموكل فيصح
 عقده بغيره وان قدره له فباع الثانى بذلك الثمن فى غيبة الوكيل
 الاول لم يحصل غرض الموكل الاول وهو حصول رايه وكيله

اولارق وکالت صحیح اولماز. فیکان جنسا واحدا من وجه دون وجه فالحقناه بالجنس الواحد عند بیان الثمن او الصفة والجنس المختلف اذا لم یبین احدهما عملا بالشبهین تکمله رد مختار ورد مختار وابن عابدین علی البحر .

ایمدی (۱۴۵۹ ماده نك فقره اخیره سی حکمنجه وکالتک ایضاً قابل اولاجق مرتبه موکل بهک معلوم اولمسی لازمدر) زیرا موکل به معلوم اولماز ایسه وکیلک امر موکله اقتفا و موکل بهی ایضا ایلمسی تمتع اولور. بونده موکل بهک دینلمسی نمندن احتراز ایچوندرد . نته کیم قریباً ایضاح ایدیلر جکدر .

استثنا — کرک مضارب و بضاعه و کرک سائر شرکتلرک متضمن اولدقلری وکالتده موکل بهک جنس و نوعنک بیانی شرط دکلدرد. « ۵۴ » ماده یه باقی زیرا بونلرده مقصودا کتساب مالیت اولوب اجناس و انواع ایسه اعتبار مالیتده مساویدر تکمله. بناء علیه رب المال بر کیمسه یه « شومبانی بضاعه یا مضاربیه اولوق اوزره اخذ ایتده برشی آله دیسه صحیح اولور ولوالجبه.

(شویله که موکل) وکیل (اشترا ایتدیره چکی شیک جنسنی بیان ایتلیدر .) دردنجی فقرده بیان اولندیفی اوزره جنسنی بیان ایتیمجه ثمنی بیان ایتسه بیله وکالت صحیح اولماز .

بوصورته موکل، شوقدر ضروشه روبه لوق قماش یا دابهی یا خود محتاج اولدینی شیشی صاتون آلمغه دیکرینی توکیل ایتسه صحیح اولماز. چونکه قماش؛ چوخه، قازمیر، شیاق مثلاً و اجناس

مختلفه یی جامع اولدینی کی دابه نك لغت معناسی وجه ارض
اوزرینه یورویهن حیوان و عرف معناسی دخی فرس، بغل،
هار اولوب اجناس متفاوته یی محتوی بولنمشدره. بوتوکیله مبنی
وکیلک آلدینی شی کندینه عائد اولور .

جنسدن مقصود جنس فقهی اولوب اهل منطق اصطلاحنده کی
جنس دکلدره. نته کیم ۱۴۰۵ء ماده شرحنده ایضاح ایدلشدی
تکمله و بحر .

(و جنسك تحتنده اكر انواع متغایره وار ایسه یالکزر
جنسك بیانی کافی اولیوب نوعی یا خود بهاسنی دخی بیان
ایتمك لازم کلیر) وا کر آله حق شینك جنسی بیان اولماز
ایسه تمی بیان اولنسه بیله (یا خود جنسی بیان اولنوب انحق)
جنسك (تحتنده انواع متغایره اولدینی حالده نوعی یا بهاسنی
تعین قبلماز ایسه) موکل بهك جهالتی سببیله (وکالت صحیح
اولماز .) بوفقره نك قسم اولی بوماده نك فقره ثانیه سنه و قسم
ثانیسی دخی فقره ثالثه سنه متفرع بولنمشدر .

بووجهله وکالت باطل اولنجه وکیلک صاتون آلدینی مال
کندیسنه قالیر . ۱۴۷۰ء ماده شرحنه باقی . شویله که برکیسه
دیگر کمنسه به پارهم ایله بنم ایچون برملک آله سنی وکیلک ایتدم
دیوبده اوکمنسه بونك اوزرینه موکلی ایچون اراضی اشترا ایله
موکلی نامه حجت ایتدیرسه غیر صحیح و اراضی وکیلک اولور
انقروی و تکمله وابن طابدين علی البحر و طحطاوی .

اولان اوانی ولوکه برجس معدنن مصنوع اولسه بيله مخلاف
الجلس عد اولور . بناء عليه برکيمسه کچه آلفه دیکرینی توکیل
ایترکده شارکوی کچه سيله عشاقی کچه سندن هانکیستی آلاجنی
بیان ایتلیدر .

ماده ۱۴۷۰

ضابطه اولی : وکیل بالشرکاء جنسده مخالفت ایده من .
ایدرسه موکلی حقنده نافذ اولماز .

ضابطه نایه : وکیل بالشرکاء اشتراکی هر نه وقت موکل
حقنده نافذ اولماز ایسه وکیل اوزرینه نافذ اولور . صوکره
موکل اجازت ویرسه بيله مشترک موکلک اولماز تنقیص . زیرا
۱۴۵۳، ماده شرحده ذکر اولندیفی اوزره اجازت عقود
موقوفه یه لاحق اولور ، عقود نافذیه دکل . مکرکه وکیل ،
حقوق عقد کندیسنه عائد اولیان صلی اولای . اوخلاده شرا
موقوف اولور . ۱۴۵۸، ماده یه شرحنه باقی .

بناء عليه (وکیل) بالشرکاء موکلنه (اگر جنسده مخالفت
ایدرایسه یعنی موکل فلان جنسدن برشی آل دیوبده وکیل باشقه
برجسندن برمال آلسه هر نه قدر آلدینی شی) موکلنه (ده فائده لی
اولسه بيله موکل حقنده نافذ) و شرا باطل اولمادیفی
کی موکلک اجازتده دخی موقوف (اولماز یعنی وکیلک
آلدینی مال کندی اوزرنده قالب موکل ایچون آلتیش اولماز)
نه کیم موکل ات آل دیمش ایکن وکیل ایچ یا قویروق یاغی

آلسه یا خود موکل قویروق یاغی آل دیوبده وکیل ایچ یاغی آلسه
موکل حقنده نافذ اولماز. و بالعکس موکل، ایچ یاغی آل دیشی
ایکن وکیل قویروق یاغی آلسه موکل حقنده نافذ اولماز هندیه .
و کالت بالبعک و کالت بالشرایه مخالفی (آلسه)

بوماده وجهله وکیل بالشراک اشتراسی هر نه وقت موکل
حقنده نافذ اولماز آلسه وکیل اوز دینه نافذ ایکن وکیل بالبعک
بیشی هر نه وقت نافذ اولماز آلسه موکلک اجازه مووقوف اولور .

بنام علیه ۱۲۷۸ هـ ماده ده کی شروط امواجود اولارق موکل
اجازت ویرسه نافذ اولور . والا نافذ اولوب بیع الحاکم
موکلک ملکی اولوق اوزده قالیر رد مختار و انقروی و ط خطاوی .

نقده کیم ۱۹۴۹۵۰ ماده شش خنده بوضایطه تفاریخ المسائل ایله
ایضاح اولنه لجه قدر این است اطلاق شدی بمسائل و این
ماده ۱۴۷۱ هـ

(موکل قویق آل دیوبده وکیل دیشی قویون آلسه موکل
حقنده نافذ) و موکل مجیز اولسه ادخی کنایسنک (اولوباب
آلان قیون وکیل اولور .) نته کیم موکل دیشی اوغلاق آل

دیدیکی خالده وکیل اُرکک اوغلاق آلسه موکل حقنده نافذ
اولمایه جفی کی موکل اُرکک استر آل دیشی ایکن وکیل دیشی
استر آلسه یا خود بعکس اولسه نافذ اولماز. فقط موکل استر

آل دیوبده دیشی یا اُرکک دیه قعید ایا مسه وکیل اُرکک یا دیشی
استر آلبیلیر هندیه .

ایله دخی جهالت جنس زائل اولمیه جفته بناء وکیل موکلنک مقصودنی تحصیل مقتدر اولماز ولوالجیه .

(فقط بکا برقات روبه لق قاش یاخود چتاری) ویا دابه (آل هر هانکی جنس ونوعدن اولور ایسه اولسون سنک رایکه مفوضدر دیسه وکالت عامه اولوب وکیل هانکی جنس ونوعدن ایسترایسه آلا بیلیر .) هندیه . والنحقیق انه اذا ذکر الثیاب ونحوها من الفاظ العموم یصح التفویض الی الوکیل بخلاف ثوب واثواب لایظهر العموم فیها فیصر شایعا فی جنسه متفاحش الجاهالة فلا یصح تکمله رد مختار .

نته کیم برکیمسه دیکر کسه نه یه اون آلتون ویروبده بونسله کوروب اختیار ایتدیکک شیشی بنم ایچون آل دیسه وکالت صحیح اولور. زیرا آله جق شی وکیلک اختیار یله معلوم اولور ولوالجیه .
قسم ثانی — یعنی معقود بهمه ونمنده جهالت صحت توکیله مانع دکلدر. حتی برکیمسه معین مالنی صاتمفه دیکر نی توکیل ایدوبده ثمنی بیان ایلمز ایسه وکالت صحیح و دیلدیکی ثمن ایله وکیلک صاتمسی جائز اولور. زیرا معقود بهمن مقصود اکتساب مالیت اولوب اجناسک کلیسی مالیتده مساویدر تکمله رد مختار وابن عابدین علی البحر .

❦ ۱۴۶۹ ❦ ماده

(اصلک یا مقصدک ویاخود صنعتک اختلافیله جنس دخی مختلف اولور .)

دیمك كه اختلاف جنس اوج وجهله اولور :

برنجیسی؛ اصلك اختلافيله — (مثلا بموق بزى ايله
كتان بزى) وقویون یوڭی ايله كچی قیلی معمولاتی و اوکوز آتی
ایله قیون و كچی آتی و خلدقل [۱] ایله خلدغب (اصلارینك
اختلافی سببيله مختلف الجنس درلر) نته کیم تیمور (و) قالای
وشبه [۲] مختلف الجنس درلر .

ایکنجیسی؛ مقصدك اختلافيله — (قویون یوڭی ايله
دریسی اختلاف مقصد حسبيله مختلف الجنس درلر . زیرا دریدن
مقصد طولم یا مق (كچی خصوصلر) اولوب یوڭ آلمقدن مقصد
ایسه ایلیلک یا پوب کلیم طقومق كچی آکا مفایر اولان خصوصلر در .)
نته کیم قویون یوڭی ايله كچی قیلی مقصدك اختلافيله مختلف
الجنس درلر . زیرا یوڭدن و قیلدن مقصد باشقه باشقه شیلر در .
اما قویون ايله كچینك آتی (و) سوتی جنس واحد در . چونكه
مقصدده اختلاف یوقدر در مختار و رد مختار .

اوجنجیسی؛ صنعتك اختلافيله — (شارکوی
كچه سیله) یعنی خالیسی (عشاقی كچه سی هپ یوڭدن معمول
اولدقلری حالده اختلاف صنعت حسبيله مختلف الجنس درلر .)
نته کیم ۱۱۳۶ء ماده ده ذکر اولندیفی اوزره مختلف الجنس

[۱] بفتحین اردأ التمر .

[۲] بفتح الشین والباء برنج دینکتری نسنه دركه باقرايله توتیادن
یا پیلیر . آتون کچی صاری اولدیفندن شبه دیرلر . معدنیسی دخی اولور .

(مکرکه) موکل (وکالت عامه ایله توکیل اتمش) ومثلاً
هرمانکی جنس ونوعدن دیلرایسه ک صانون آیدیمش (اولا .)
او حالده ینه صحیح و وکیلک تصرفی موکلی ایچون اولور.
وکالت عامه یه مثال : آتیده فقط برقات روبهلق قماش
آل الخ فقره سیله ذکر اولنیور. انحق ۱۴۵۶ء ماده شریحه
بیان اولندیفی اوزره دیگر صورتله وکالت عامه دخی صحیح
اولوب بونده موکل به معلوم دکل ایکن وکیلک تصرفی موکلی
ایچون نافذ اولور.

مثلاً برکیمسه دیگر کیمسه یه سنی وکالت عامه ایله توکیل
ایتم دیوبده او کیمسه آنک ایچون برات آلسه موکلی اوزرینه
نافذ اولور. یوقسه موکل به غیر معلوم اولمقله ات وکیلک
اولور دینلمز.

(مثلاً برکیمسه بکا برات) یا استر یا بقر صانون (ال دیه
دیگری توکیل ایتسه) یعنی یا وصفی یا آرک و دیشی اولمسی
بیان اتمسه بیله (وکالت صحیح) و ۱۴۷۸ء ماده موجبه
موکل بهک وصفی موکلک حالته موافق اولیق لازم (اولور).
رد مختار. بو، بیان جلسه مثالدر.

(و برکیمسه) کندیشی ایچون (اثوابلق قماش المق اوزره
بری توکیل ایدمک اولدقد جنسی یعنی چتاریمی المق استر
یوقسه باشقه جنس قاشمی) المق (استر بوراسی بیان ایله
برابر) بوحس محتمله انواع متغیره بولمقله (شام یا هند قاشی

ديه نوعی یاخود طوی شو قد و غرض و شلق ديه بهاسنی بیان ایتمی
لازمدر .) بورایه قدر شو ماده نك فقره نایسه منالدر .

(جنسنی بیان ایتمی بده) مثلاً آت ال ديه جك يرد (یا لکنز بکا
بر دابه) یاخود روبه (ال یاخود قماش ال دیسه) پاره سنی بیان
و حتی و کله تسایم ایتمه بیله وکالت صحیح اولماز . بورایه قدر
شوماده نك دردنجی فقره سـ نك برنجی قسمنه منالدر .

والجنس عند الفقهاء هو المقبول علی کثرین مختلفین فی الاحکام
ولاشك ان الدابة فی اللغة ما یدب علی الارض یشمل المكلف
والطاهر ونجس العین ونجس السور وما فی الزكاة وما یحل بیعه الی
غیر ذلك و فی العرف ذوات الاربع وهو قریب منه فاذا جرى العرف
علی غیر ذلك اربع لان المتكلم بقصد المتعارف عنده فالمدنی اذا قال
وكلتك بشراء دابة لا یقصد منها الا الحمار فهو كما لو ساء و فی بعض
الجهات یریدون بالحيوان الحمار ولا یرفون للحيوان معنى سواه
تكملة رد مختار .

(و یاخود مثلاً جتاری آل دیوبده نوعی یا بهاسنی بیان
ایتمسه وکالت صحیح اولماز .) بوده مذکور دردنجی فقره نك
ایکنجی قسمنه منالدر .

قماش، كرك بروجہ مشروح مفرد و كرك قماشلر ديه رك جمع
صیغه سیله ذكر ایلسون ایکی صورتده دخی وکالت صحیح دکلدر .
زیرا قماش اسمی اجناس مختلفه اوزرینه اطلاق اولنه چی و بر
نوع بهاده اجناس مختلفه دن قماشلر بولنه چی جهته اسمیه نمن

اما موکل بوقوزی بی بنم ایچون آل دیوبده وکیل، اوقوزی بی
قویون اولدقدن صوکره آلسه موکلی ایچون آلمش اولور. ۵۶۵۰
ماده یه باق .

فرع — موکل، بش غروشه ات دلمه آلق اوزره برنی
توکیل ایدوبده وکیل قویون یا بقر یا ابله آتی آلسه موکل حقنده
نافذ اولور. « لکن بزم مملکت مزده لطم ابله متعارف اولمامقله
وکیل آتی آلسه آلدینی لطم کندینه طائد اولسه کر کدر. »
ویوصورتده وکیل شاة مسلوخه بی صانون آلسه موکل حقنده
نافذ اولور. شوقدرکه موکلک تسمیه ایتدیکی ثمن، قلیل اولنجه،
بو اشترا موکل حقنده نافذ اولماز .

دینلدی که موکل غریب و یولجی اولنجه توکیل مطبوخ
ومشوی یه منصرف اولوب یوقسه قدید و لطم طیور و وحوش
وشاة حیه و مذبوحه غیر مسلوخه یه دکل بحر و هندیه .

❦ ماده ۱۴۷۲ ❦

ضابطه : موکل به اسمک تبدلی موجب اولاجق صورتده
تغیر ویا تبدل ایتدکه وکیل، وکالتدن منعزل اولور هندیه .
بوکا متفرع مسائل عیدیه :

۱ مسئله : (موکل بکا فلان عرصه بی آل دیوبده اول عرصه
اوزرینه ابنیه یا پلسه آندن صوکره وکیل آتی بالوکاله) السابقه
(آلاماز) زیرا حین توکیلده عرصه ایکن بعده خانه اولمش
واسم تبدل ایلیمشدر. آیر ایسه موکل حقنده نافذ اولمایوب

وکیلہ قالیرہ ۱۴۵۳ و ۱۴۷۰ء مادہ شرح لرینہ باقی .

۲ مسئلہ ؛ موکل « بو ارضی بنم ایچون آل » دیوبده ارض مذکورہ آغاچلر دیکیلرک بستان و باغ حالنہ افراغ اولندقدن صوکرہ وکیلہ آنی بالوکالہ آلاماز ہندیہ .

۳ مسئلہ ؛ برکیمسہ فلان خرما لغندہ کی کُفرئی یی « طلیع النخیلہ » بیع و یاخود اشتراہ دیکرینی توکیل ایدوبده قبلہ البیع والشراء کفری بسر یا رطب یا تمر اولسہ وکالت باطلہ اولور .
لتغیر الاسم .

نتہ کیم برکیمسہ بیع یا شراء بسرہ توکیل ایدلدکن صوکرہ بعض بسر رطب اولدقدہ رطب اولانک بیع یا شراسنہ وکالت باطلہ و بسرہ قالانک بیع و شراسنہ وکالت باقی اولور . شوقدرکہ رطب اولان ایکی یا اوج کبھی شئ قلیل اولنجه وکالت کلده باقی قالیرہ کذا بیع یا شراء رطبہ توکیل ایدیلوبده بعده رطب تمر اولسہ وکالت استحسنانا باقی اولور .

۴ مسئلہ ؛ موکل فلان عنبی صانون آل دیوبده اول عنب زبیب اولدقدن صوکرہ وکیلہ آنی بالوکالہ آلاماز ہندیہ .

(اما) موکل (فلان خانہ یی آل دیوبده اول خانہ صیوادلسہ) یا تلوبن (یاخود آکا بر دیوار علاوہ ایدلسہ بو حالده وکیلہ آنی بالوکالہ آلابیلیر .) زیرا بونلر ایلہ اسم تبدیل ایتہ مشدور .

بقیه سی بشر ضر و شلق آندن دنیادی. زیرا بهر قیه سی
توزر باره لقی آندن بکرمی قیه صاتون الدقه هیچ بر مقداری
موکل حقنه نافد اولوب جمله سی و بیلک اولور. زیرا موکل
امری حم سینه متناول ایکن وکیل مهزولی «ضعیف» الموق صورته
شیره تخالفت ایتمش و موکل مقصودی حاصل اولماشدر.

هیما الیه بوجده حکم باجزاء من اجزاء منقسم اولان مکمل
و اموزون و مقدودا مقارب بکی امثلیاتک اشتراسنه مخصوص
اولوب قیمانده جاری دکادر. شویله که موکل یوز بخر و شه
مکمل بوجده حکم باجزاء من اجزاء منقسم اولان مکمل
تلا یوز تراغش و اش قیه منقسمه ایکی طوطی یوز بخر و شه هیچ
تلا بوجده حکم باجزاء من اجزاء منقسم اولان مکمل
مدلا و آنجق مجزایان ایضا ایتمش و نتیجه این ایله معلوم اولماشدر این امکان
بیلک تو جیدج به مقیوداد و وکل بجا شت و ام ثوب فان نسجی له یقضا فزاد علی
ذلك الثمن لم یلزم بالآمر الاولان فحصل علی ذلك الثمن لم یلزم
بینه بالآمر فان و طیف له صفة و نسجی له نسجی فاشتری له تلك الصفة
یا قبله من ذلك الثمن جائز ذلك علی الامر تکمله و د مختار.

موکل، موکل بهک مقدار فی یا تمنی (بیان ایتمز) ده بالکمز
نفدای آل دیر (ایتمه و کالت صحیح اولان) بناء علیه آلان
نفدای وکیل عاند اولور بحر و طوطی.

ماده ۱۴۷۸

(موکل بهک وصفی بیان اولنق) همت و کالت، استعسانا

(لازم) یعنی جهالت صفت ، وکاتی مفسد (دکدر) زیرا
و کات ، استعاده اوله نوسعه اوزرینه مبنی ایکن بیان وصف
شرط ایدله کده بعض خرج بولوب بواینه مدفوعه کلا .
۱۷۰ ماده به باق بحجرو . و موکل دلالت حالیه موکل بهک وصفی
معلوم اولوب قاله در تفسیر فیض الحقیق (مستحق)

و کذا ای تصریح الوکالة اذا شملی انواع الامتلاء بقان قال نهار
یصح التوکیل بشراء البعیر وان لم یسم الثمن لان الجنس لخاص
معلوم بالتعمیه فلو انما یثبت الجهالة فی الوصف تخصیص الوکالة
بمعلوم التعمیه الثمن وان كانت التعمیه انواعا ایمنه للارکوب اولهها
لاحتمال فان هذا اختلاف الوصف و ذلك لا یضرمع لان ذلك
یصیر معلوما بمعرفة حال الموکل و تکمله و مختار .

تکلیف (مثلا اعلایا اوسط یا ادنی) قیاسان (درم وصفیک بیانی
لازم کله (شوقدر که) موکل بهک وصفی بیان اوله مبنی تقدیر ده
و کات صحیح اولوب (موکل بهک وصفی) موکل حالیه موافق
ن اولیق لازم مدر) چونکه موکل حالیک دلالتیه و کلتیه قعید
بولقی اولوب نصا یا خود دلالة نقید دایمی بولندینی تقدیر ده
اطلاقدن بالاخراج قعید اوزره معامله اولوزره مع ماده موافق
(مثلا بر بار کیر کیرا جسی کندیسنه بر بار کیر المی اوزره
بر می توکیل استبد کده وکیل کندیویدم یکر می تیک عرب و شلق
عرب آتی آلامن) چونکه موکل باز کیر کیرا جسی اولمغله
عرب آتی انک حالیه موافق دکدره حق یکر می تیک عرب و شلق

وكله بشراء دار ببایخ فاشتری خارجها ان الموكل من اهل البلد
لايجوز وان من اهل الرستاق جاز بحر .

❧ ماده ۱۴۷۶ ❧

(بركيسه برتلك اينجو ياخود برقرمزي ياقوت طاشي آلتق
اوزره بريني توكل ايدءجك اولدقده بهاسي قاج خسوشه قدر
اولاجفني بيان ايتمسي لازمدر.) زيرا ايكي اينجو بيتندءكي
تفاوت، مختلف ايكي نوع آره سءنده واقع تفاوتدن اكثردر .
بناء عليه بهاسفي بيان (ايتمز ايسءه وكالت صحيح اولماز) ده
وكللك صانون آلديني اينجو كندينه قالير بحر وهنديه .

❧ ماده ۱۴۷۷ ❧

(مقدراتده موكل بهك مقداري) وهوالكيل في المكيلات
و الوزن في الموزونات (ياخود ثمنى) يعنى بو ايكيءدن برى
(بيان اولنقى لازمدر.) يالكز مقداري بيان اولنديني تقديرده
ثمنى بيان اولنمسه بيله وكالت صحيح اولاجفني كبى ثمنى بيان
اولنوبده مقداري بيان ايدلمسه دنى وكالت صحيح اولور
تكلماء رد مختار .

(مثلا بىغداى آلتق ايجون بريني توكل ايتدكده قاج كيله
اولاجفني سوبلمسي ياخود شوقدر خسوشلق بىغداى ديه مقدار
ثمنى بيان ايلمسي لازم كير) ده بيان اولنديني تقديرده وكالت
صحيح و موكللك بولنديني بلده متعين اولور ؛ و وكيل بىغداى

الاجق اولدقه موكل بولنديني بلدهده اشترا ايمسي اقتضا
يلر طمطاوي .

بونده «ياخوده» افضيله ترديد، قيد احترازي اولمبوب موكل
عم مقداريني همده ثمنی بالبيان مثلا شو قدر كيله بفداي
شو قدر غروشه آل ديدكده وكالت بطريق الاولى صحيح
و مشترا موكل ملكي اولور . مكره و كيله ، موكل تعيين
ييديكي مقدار ثمنن زياده پاره ايله آلا . ۱۴۷۹۰ ماده يه باقي .
ايمدي موكل ، اجزاء ثمن ، اجزاي مشمنه منقسم اولان
بو مثلاو ميكيلات و موزونات و عدييات متقاربهده هم مقدار
و همده ثمنی بالبيان مثلا اون قيه اتي آلي غروشه آل ديديكی
خالده و كيله اون بچي قيه اتي آلي غروشه آلدقه مشتراك
جهله سي موكل اولور . زيرا بو زياده تحت الوزين داخل
اولاجق مرتبه يسير اولمغله زياده نك حصولي متحقق دكلر .
اما بو صورتده و كيله بهر قيه سي بشر غروشلق ائدن آلي
غروشه يكرمي قيه ات آلق كهي زياده كشيروني صاتون آلدقه
عند الامام الاعظم « خلافا لهما معند هما يلزمه العشرون بذلك
المبلغ لانه فعلى المأمور وزاد خيرا » موكل حقنده نصف ثمن
يعني يكرمي بش غروشله صحيح اولوب باقي سي و كيله قالير .
زيرا موكل اون قيه نك اشترا سي امر اينمكله بو مقدار موكل
حقنده نافذ اولور . اما زياده يي اشترا ايله امر ايلمديكي جهته
بو زياده و كيله اوزرنده نافذ اولور .

ماده ۱۴۷۳

(موکل سوت) یا یاغ (آل دیوبده نه سوتی) یا نه یاغی
 (اولدیغنی تصریح ایتسه بلدهده معروف اولان سوتی) یا یاغ
 (محمول اولور.) یعنی بلدهده توکیلده قویون سوتی یا یاغی معروف
 ایسه آکا و صغیر سوتی یا یاغی معروف ایسه آکا معروف
 و وکیلک معروف اولاندن آلمسی مقضی اولور. بو صورتده
 استانبولده سوت آلفه وکیل اولان کیمسه حمار سوتی آلسه
 موکل حقده نافذ اولماز. اما هم قویون و حمده صغیر سوتی
 معروف اولورسه هر هانکیسینی آلسه جائز و موکل ایچون
 آلمش اولور. مادهیه باق.

نته کیم موکل یمش آل دیسهده نه درلو یمش اولدیغنی
 تصریح ایتسه چارشوده صانیلان یمشه محمول اولور هندییه.
 اما موکل یومورطه آل دیسه یالکن طاقی یومورطه سنی
 اشترا ایدمیلیر هندییه.

ماده ۱۴۷۴

(موکل برنج آل دیسه وکیل اولان کیمسه چارشوده
 صانیلان هر نوع برنجدن آلابیلیر.) اما بر نوع برنجی تعیین
 ایتدیکی حالده وکیل باشقه نوعندن آلسه موکل حقده نافذ اولماز.

ماده ۱۴۷۵

(بر کیمسه بر خانه آلمق ایچون دیکرینی توکیل ایدم جک
 اولدقه محله سنی و بهاسنی بیان ایتمیلیر.) ایدر ایسه وکالت

صحیح اولور. او نمن، کړک خانه بی تخصیص ایتسون یعنی
 او نمن ایله آنحق بر نوع خانه آنسی ممکن اولسون، کړک
 تخصیص ایتسون یعنی او نوع نمن ایله بر قاج نوع خانه آنسی
 ممکن اولسون. بوصور تده موکل، فلان محله ده اون بیک غروشه
 بکا بر خانه آل دیمش ایکن وکیل سکن بیک غروشه آلدقه
 خانه نک دگری اون بیک غروش ایسه موکل حقنده نافذ والا
 وکیلک اولور. ۱۴۷۹ء ماده یه و شرحه باقی هندیه و بحر.

محله و بهاسنی (بیان ایتمز ایسه) هدایده بیان اولندینی
 اوزره (وکالت صحیح اولماز .) ده مشترا وکیلله قالیر .
 ۱۴۶۸ء ماده شرحه باقی .

زیرا خانه اضراض ، جیران ، مرافق و بلدانک اختلافیه
 فاحش صورتله مختلف و تسمیه اولنان نمن ایله خانه هر محله ده
 بولنسی ممکن اولدایغندن بونلر بیان اولنجه وکیلک امر موکله
 امتثالی متعذر اولور. والدار ایضا من الجنس و النوع لانها
 تختلف بقلته المرافق و کثرتها فان بین النمن يلحق بجماله النوع
 وان لم یبین یلحق بجماله الجنس و علی تقریر المتأخرین بشرط
 المحله لانها تختلف باختلاف المحال تکملة رد محار .

مثلا موکل بکا یوز آلتونه بر خانه آل دیسه وکالت
 صحیح اولماز .

دیگر قتهایه کوره وکالت صحیح و موکلک بولندینی بلده
 متعین اولور. کور بلیور که محله هدایه نک قولنی قبول ایتشدر.

عرب آتی (آلیر ایسه شراسی موکل حقنده نافذ اولماز
یعنی اول آت موکل ایچون آلمش اولمایوب وکیلک اوزرنه
قالیر) وکذا البقر.

نته کیم حمارلر ایله ابدیه طاش و قوم طاشیان بر کیم
کندیسنه بر حمار آلق اوزره برینی توکیل ایتدکده وک
کیدوبده قرق آلتونلق برهصر حماری آلامز. آلیر ایسه شراس
موکل حقنده نافذ اولماز. واول حمار وکیلک اولور. ۴۶۸۵
ماده شرحنه باقی بحر وهندیه. حتی قالوا ان القاری اذا
انسانا بان یشتري له حمار اینصرف الی ما یرکب مثله حتی
اشتره مقطوع الذنب او الاذنین لایجوز علیه تکمله رد محتار
قید بالفرس و البغل للاختلاف فی الشاة فمنهم من جه
من هذا القبیل و فی التجرید جعلها من المتوسط و جزم به
الجمهره فقال الوكالة باطله و ما اشتره الوکیل فهو لنفسه
فرع — موکل بنم ایچون برآت آل دیوبده وکیل مه
یعنی آت یاورینسی یا کوزلری کور یا آغانی کسیک حیوانی آ
موکل حقنده نافذ اولماز.

❦ ۱۴۷۹ ماده ❦

(وکالت، بر قید ایله تقييد اولندقدده وکیل آکا) جذ
اصلا و قدر و وصفده شرأ (مخالفت ایدمه من.) اوقید،
ثمنه و کره مشتری به راجع اولسون. بوماده «۱۴۵۶» ماده اوز
متفرع بولندیفی اوراده شرحا ذکر اولندی.

مخالفت (ایدر ایسه شرامی موکل حقننده نافذ اولمایوب
یعنی مال کندی اوزرنده قالیر.)

ایمدی مخالفت جنسده اولور ایسه موکل حقننده فائده لی
ایسه بیلله نافذ اولماز. و شرایه وکالتده مشترک وکیلله قالیر
تا متفرع مسائل :

۱ مسئله — موکل بو اون آلتون ایله بنم ایچون فلان
لی آل دیوبده وکیل اون آلتون قیمتنده بولنان بر عرض ایله
ایسه بالاجماع موکل حقننده نافذ اولمایوب وکیلک اولور.
بن آلتون قیمتنده بولنان سیم مجیدیه ایله آلدقده امام محمد
فره کوره ینه موکل حقننده نافذ اولمایوب وکیلک مالی اولارق
بر هندیه. اذ قد یكون عرضه فی الدراهم تکملة رد مختار.

دیگر علمایه کوره موکل حقننده نافذ اولور. امره بان
تیه بعشرة دنانیر فاشترای بمائة درهم قیمتها مثل الدنانیر لزم
کل خلافاً لمحمد وزفر تکملة رد مختار.

۲ مسئله — قبض دینه وکیل اولان کیمسه دین مذکور
بلنده بر مالی اشترا و خلاف جنس دینی استیفا ایده من.
۱۴۵ ماده شرحه باق.

۳ مسئله — گوش پاره ایله ایجاره وکیل اولان کیمسه
نون پاره ایله ایجاره ایتسه صحیح اولماز.

۴ مسئله — بیک غروش گوش پاره ایله صالح اولمغه

چتاری ایله برابر باشمه بر طوب چتاری بی بی ایکی طوبی
یوز غروشه آلسه موکک تعیین ایلدیکی چتاری نمندن حصه
سیله موکک اولور. هندیه و بحر ۱۴۷۷ء ماده شرحه باقی.

۱۴۸۰ء ماده

(برکیمسه اشتراسنه وکیل اولدینی شینک) اول شی
کریک معین اولسون «شراء شی» معینه توکیلده اولدینی کی
وکرک وکالت صحیح اولاجق صورتده توصیف و تعریف ایدمک
اوزره غیر معین اولسون و ثمن کریک تسمیه اولنسون و کرک
اولنسون حکمده مساویدر (نصفی اشترا ایتدیکی صورتده
اگر اول شینک) واحد قیمی اولق کی (تبعیضنده ضرر
وار) و تبعیض، مورت غیب اولور (ایسه) نصفک (شراسی)
وکیلک نصف آخری قبل الخصومه مثل قیمت یا غن یسیر ایله
شراسنه توقف ایدر. اما نصف باقی وکیل اشترا ایتویده
بعد شراء الوکیل اول نصفی موکل اشترا آلسه وکیلک اشتراسی
موکل اوزرینه نافذ اولمایه جفی کی وکیل نصف باقی مذکوری
غن فاحش ایله اشترا ایدر سه موکل حقنده جائز اولماز.
فقط موکل نصفی اشترا ایتدکن صوکره نصف باقی بی
وکیل اشترا ایتسه بو شرا موکل اوزرینه نافذ اولور تکمله
رد مختار. فان استحق النصف الذی اشتراه الموکل اول کان له ان
یرد الباقي لان شراء الوکیل کشرء الموکل خایه.
ایمدی وکیل نصف آخری قبل الخصومه مثل قیمت

بن یسیر ایله اشترا ایدرسه جمله سی موکل حقننده نافذ اولور.
 برا بو حالده ضرر شرکت زائل اولمخله ممنوع اولان قاذ دخی
 بودت ایدر. «۲۴» ماده یه باقی.

وکیل نصف آخری بروجه مشروح اشترا ایتمز ایسه
 (موکل حقننده نافذ اولماز.)

اول شیء مثلیاندن بولنقی یاخود متعدد قیمی اولقی کبی
 تبعیضنده ضرر (یوق ایسه) هر حالده (نافذ اولور.) زیرا
 وکیل، مطلق اولوب مطلق اطلاق اوزره جاری اولمی
 لازم کلیر. وکیل ایچون جمله سی بردن آلمق ممکن اولمایوب
 متفرقا آلمق مجبوریتنده و شراء بعضی، بعضا وسیله امتثال اولور.
 بویله که موزون بر جماعت بیننده مشترک اولارق پارچه پارچه
 شترایه حاجت مس ایدر بحر و درمتمقی.

تبعیضنده ضرر اولانه امثله

۱ — (مثلا) موکل (برطوب قماش آل دیوبده وکیل
 ریم طوب آلسه موکل حقننده نافذ اولمایوب اول مال وکیلک
 وزرنده قالیر) رد مختار. چونکه تبعیضده موکله ضرر واردر.
 بوجه تله که موکلک برطوب قماشدن البسه یاعق کبی بر طاقم
 قاصدی بولنور بو ایسه یارم طوپدن حاصل اولماز.

۲ — موکل فلان آتی آل دیوبده وکیل او آتک نصفی
 آلسه موکل حقننده نافذ اولمایوب وکیلک قالیر. فقط قیل الحصوصه
 المرافعه وکیل او آتک نصف دیگرخی دخی اشترا ایدرسه

اشترا ایت دیوبده وکیل او محله ده سکن بیک غروشه سکن بیک
غروش قیمتی برخانه آلیویرسه موکل حقنده نافذ اولماز .
کذا موکل بیک غروشه بکا برآت آل دیسه ده وکیل
سکن یوز غروشه سکن یوز غروش قیمتی برآت آلیویرسه
موکل حقنده نافذ اولماز .

و کذا موکل اون غروشه بنم ایچون ایکی قیه ات آل
دیمش ایکن وکیل اون غروشه دون فیاتلی آندن اوچ قیه آلسه
موکل حقنده نافذ اولما یوب ات وکیل اولور . لانه خلاف الی شر
لان الامر تیناول السمین و هذا مهزول فلم یحصل مقصود
الامر بحر و هندیه ۱۴۷۷ ماده شرحنه باقی .

بشنجی صورته مثال : (اما) موکل فلان خانہ بنم ایچون
اون بیک غروشه آل دیدکده وکیل (اون بیک غروشدن
آشاغی آلسه موکل ایچون آلتش اولور .) بومثالده «فلان»
قیدیلہ اشترا اولنه جق خانہ تعیین اولندی . زیرا تعیین اولنمیوبده
«فلان» محله ده بنم ایچون اون بیک غروشه برخانه آل دیمش
ایکن وکیل اول محله ده اون بیک غروشدن آشاغی برخانه
آلدقده اول خانه نك دكری اكر اون بیک غروش ایسه
موکل حقنده نافذ اولور . اما اول خانه نك دكری او
بیک غروشدن دون ایسه موکل حقنده نافذ اولماز .
مسئله اخیره ، دردنجی صورته مثال اولور هندیه و بحر زیاده
بوکا دائر ایضاحات ۱۴۷۷ ماده شرحنده کچدی .

در دنجی صورته دیگر مثال: (کذاک ویره سی به آل دیوبده، وکیل بشین اچه ایله آلسه اول مال وکیلک اوزرنده قالیر،)
 آلتنجی صورته مثال: (اما) موکل (بشین اچه ایله آل دیوبده وکیل ویره سی به آلسه موکل ایچون آلمش اولور.)
 زیرا میبع مشتری و موکل ایچون حاصل و ثمن دخی ملکندن زائل اولماز ولوالجیه. ۱۴۵۶، ماده شرحنه باقی.

فروع

موکل، قیمیاندن غیر معین برمالک اشتراسنه برینی توکیل و ثمنی تعیین ایتدکده وکیل او ثمن ایله او مالدن ایکیسنی آلسه هیچ بریسی موکل حقننده نافذ اولمایوب وکیله قالیر بحر.
 مثلاً موکل بنم ایچون یوز غروشه برطوب چتاری بی آل دیمش ایکن هرطوبی یوز غروشلقدن یوز غروشه ایکی طوبی آلسه هیچ برطوبی موکل حقننده نافذ اولمایوب جمله سی وکیلک مالی اولارق قالیر.

اما اومال منلی اولور ایسه یعنی موکل مثلاً اون مجیدیه ایله اون کیله اعلا جنس بغدادی آل دیوبده وکیل دخی اون مجیدیه ایله یکر می کیله اعلا جنس بغدادی آلسه اون کیله بغدادی بش مجیدیه ایله موکلک وفضله سی وکیلک اولور.

نته کیم قیمی مال، معین اولور ایسه یعنی مثلاً موکل «بنم ایچون شو طوب چتاری بی یوز غروشه آل» دیوبده وکیل او

موکل حقنده نافذ اولور. اما وکیل، هنوز باقیسنی اشترا ایتمدن موکلك دعواسی اوزرینه حاکم اونصفک وکیل اوزرنده قالمسیله حکم ایتدکن صوکره وکیل باقیسنی اشترا ایتسه باقی مذکور دخی وکیلک مالی اولور هندیه .

تبعیضنده ضرر اولمایانه امثله

۱ — (اما آتی کیله بغدادی) یا آرپه (آل دیوبده وکیل اوج کیله) بغدادی یا آرپه (آلسه موکل ایچون آلمش اولور .) بناء علیه قبل الحصوصه باقیسنک شراسنه توقف ایتمز هندیه .

۲ — برکیمسه تسمیه ثمن ایتیهرك معین قیمی ایکی شینک اشتراسنه بریخی توکیل ایتدکن صوکره وکیل آنک بریسنی قیمت مثلیه سیله یا غبن یسیر ایله اشترا ایتسه صحیح و موکل اوزرینه نافذ اولور . لان التوکیل مطلق عن قید اشتراهمما متفرقین او مجتمعین فیجری علی اطلاقه تکمله رد مختار . اما غبن فاحش ایله آلیرسه وکیلک مالی اولور . اذلیس لوکیل الشراء الشراء بغبن فاحش اجماعا بخلاف وکیل البیع در مختار هندیه و رد مختار. الغبن الیسیر ، یدخل تحت تقویم المقومین و مالا یدخل تحت تقویم المقومین فاحش لان القيمة تعرف بالحزر والظن بعد الاجتهاد فتعذر فیما یشبهه لانه یسیر لایمکن الاحتراز عنه ولا یعذر فیما لایشبهه لفحشه ولا مکان الاحتراز

عنه لانه لا يقع في مثله عادة الا عمداً وقيل حد الفاحش ما مر في
 ۱۶۵ مادة تكملته رد مختار .

۳ — بر کیمسه بیک غروشه بر خانه آلویرمسنی دیگر
 کسنه یه امر ایدوبده مأمور دخی موکل ایله دیگر شخص
 بیننده مشترک بولان بر خانه نک نصفی شخص مرقومدن بش
 یوز غروشه آلسه موکل ایچون آلمش اولور . زیرا نصف
 ذاتا موکلک اولمقله نصف آخری اشتراده موکله ضرر یوقدر
 ولوالجیه وهندیه .

۴ — موکل، معین بر خانه نک اشتراسه برینی بعدالتوکیل
 او خانه نک نصفی بالذات کندیسی آلدقندن صوکره وکیل
 حسب الوکاله نصف آخرینی دخی آلسه موکل حقننده نافذ
 اولور . زیرا وقتا که موکل اولاً نصفی آلدی وکیلک اونصفده
 وکالتی ۱۵۲۶، ماده یه منتهی اولوب وکالتی نصف آخرده
 باقی قالمشدر و بو باقی بی اشتراده موکله ضرر یوقدر ولوالجیه
 هندیه بزیاده .

اما معین بر خانه نک اشتراسه وکیل اولان کیمسه آنک
 نصفی بعدالاشترا نصف آخرینی موکل اشترا ایتسه وکیلک
 آلدینی کندیسنک اولور ؛ یوقسه موکلک دکل .

۵ — بر کیمسه تسمیه ثمن ایله قیمتده مساوی معین ایکی
 شیئک اشتراسه برینی بعدالتوکیل وکیل ، اول ایکی شیدن
 بریسنی موکلک تسمیه ایلدیکی نمندن حصه ایله یا آندن اقل

ایله آلیر ایسه موکل حقننده نافذ اولور. زیرا قیمتده مساوی
ایکی شی ایچون وقتاکه بر ثمن تعیین ایدلای ثمن دلالة اول ایکی شیئه
تقسیم وکأن هربری ثمن مسماک نصفیله اشترایه امر ایدلای
اعتبار اولننجه ثمندن حصه سیله آلیق امر موکله موافقت
اقل ایله آلیق خیره ، اکثر ایله آلیق شره مخالفت اولور
بحر. بناءً علیه اکثر ایله آلیر ایسه ولوکه اکثر آز اولسون
موکل حقننده نافذ اولماز. مکرکه وکیل او ایکی شیدن دیکرینی
دخی قبل الخصومه باقی ثمن ایله صانون آلا. او حالده ایکسیده
موکل حقننده استحصاناً نافذ اولور. لان شراء الاول قائم وقد
حصل غرضه المصرح بها وهو تحصیل الفرسین وما یثبت
الانقسام الادلای والصریح یفوقها بحر. اما اذا اختصا وفسخ
العقد فلا یعود صحیحاً لان المفسوخ لا یرجع الی الجواز
تکملة رد مختار .

مثلاً موکل ، مساوی قیمتده بولنان ایکی آت ایچون «شوایکی
آتی بکا آل» دیه برینی توکیل ایدوبده وکیل او آتلیک
برینی بش یوز آلی غروشه آلسه موکل حقننده نافذ اولماز.
مکرکه دعوی اولنمزدن اقدم وکیل اول دیکر آتی دخی درت یوز
آلی غروشه آلا. او حالده مذکور آتلیک ایکسیده موکل
اولور رد مختار .

۶ — موکل ، برینک قیمتی بیک و دیکرینک بش یوز
غروش اولان ایکی آت ایچون «شو آتلی بکا بیک بش یوز

غروشه آل، دید آده وکیل آتلیک بهالینسی بیک غروشه یاده
نقصانه آله موکل حقنده نافذ اولور. اما بیک آلی غروشه
آله نافذ اولماز. مکرکه وکیل، دیگر آتی قبل الحصوصمه
درت یوز آلی غروشه آلا. او حالد ایکیسی ده موکل حقنده
نافذ اولور هندیه.

بو ماده نك وكالت بالمیعده نظیری «۱۴۹۹» ماده در.

ماده ۱۴۸۱

«موکل، بکا بر جبهلاک چوخه آل دیوبده وکیلک آلدینی
چوخه دن جبه چیقمه سه شراسی موکل حقنده نافذ اولمایوب
اول چوخه وکیلک اوزرنده قالیر.» نته کیم موکل، بکا بر کوملکلاک
یرلی بز آل دیوبده وکیلک آلدینی بز دن کوملاک چیقمه سه
شراء واقع وکیل حقنده نافذ اولوب موکل حقنده اولماز.
مکرکه نقصان، یسیر اولا هندیه واهروی.

بو ماده، «۱۴۷۹» و «۱۴۵۶» ماده لرك فروعاتنددر. زیرا
بونده وكالت چوخه دن جبه چیقماق قید و شرطیه له مقید
ومشروط بولنمشدر.

ماده ۱۴۸۲

«برشیئک» بوشی کرك معین اولسون کرك اولسون فاولکیل
بشراء شیء بمینه لایکونله ان یشتیه لالموکل بالغبن الفاحش
وان کان لایملک شراءه لنفسه لانه بالمخالفة فيه یكون مشتریا

لنفسه فكانت التهمة فيه باقية تكمله رد مختار . (بهاسی بیان اولنقسزین) اما بهاسی بیان اولنورایسه بونک حکمی ۱۴۷۹ء ماده ده کچمش ایدی (اشتراسنه وکیل اولان کهنه اول شیئی قیمت مثلیه سیله) المراد به ان یشتري بنقد مثل القيمة فلا ینفذ بغير التقدين ککیل و موزون و دین فی الذمة (آلابیلدیکی کبی غبن یسیر ایله دخی آلابیلیر .) یعنی بو ایکی صورتده دخی شرا موکل حقنده نافذ اولور .

ایمدی آتیده بیان اولنه جنی اوزره غبن فاحش ایله شرا موکل حقنده جائز دکل ایکن غبن یسیر ایله جائز اولدی . زیرا غبن یسیردن تحرز ممکن اولمادینی جهتله معفو قیلندی . کورلمز می که اب ایله وصی صغیرک مالنده تصرفلرنده غبن یسیر معفودور . غبن یسیر ایله غبن فاحش ۱۶۵۰ء ماده ایله شرحنده بیان اولندی مجمع الانهر .

بو فقره ده کی « قیمت مثلیه سیله » تعبیری فقره آتیئه نالنده ذکر اولنه حق غبن فاحشیدن احتراز ایچون اولوب یوقسه قیمت مثلیه سندن دون فیئاته المقدن احتراز ایچون دکلدر .

قید بالشراء لان الوکیل بالنکاح اذا زوجه باکثر من مهر مثلها فانه يجوز لعدم التهمة کافی الحموی تکمله رد مختار . (فقط أت وأتمک کبی سمر و قیمت) بین الناس معروف و (معین اولان شیارده غبن یسیر دخی) هر نه قدر بر پاره

کې آز اولسه بيله (معفو اولماز) بحر . زيرا معروف ، مشروط کيدير . ۱۴۳۰ء ماده يه باق . فلا يقبل الزيادة تکمله رد مختار . بناء عليه شراء مذکور وکیل حقننده نافذ اولور . رد مختار .

(اما غبن فاحش ايله) صانون (آليز ايسه هر حالده) يعنى آلمسنة وکیل اولديني نى كرك معين اولسون ه شراء شى معينه وکالنده اولديني كې ه كرك اولسون وسعر وقيمتى ايستر معلوم ايستر مجهول اولسون (موكل حقننده نافذ اولمايوب اول مال کنديسينك اوزرنده قالير .) و نمنى موكلك مالندن ويرهش ايسه وکیل نمان اولور رد مختار . زيرا وکیل اومالی کندى نفسى ايچون اشترا ايتمش اولديني حالده مؤخرآ آلدانديغى آکلاديني جهتله موكل ايچون آلدیغى بيان ايله آکا ترك ايتك فکرنده بولنقى تهمتى واردر . بحر وولوالجيه .

وکیل بوجله غبن فاحش ايله اشترا ايتديكى مال کندينك اولديني حالده مؤخرآ موكل راضى اولارق مشترائى قبول ايتسه موكلك اولمايه جنى ۱۴۵۳ء ماده شرحندن مستفاد اولور .

سؤال — معين بر شيك اشترا سمنه وکیل اولان کيمسه اول شي ۱۴۸۵ء ماده حکمنجه کنديسى ايچون آلاميه جفتندن بونده تهمت يوقدر . بناء عليه غبن فاحش ايله آلسه دخی موكلك اولمى لازم کايير .

جواب — وکیل غبن فاحش ایله آلمق صورتیله مخالفت
ایتدیکندن کندی نفی ایچون آلمش اولمق تهمتی باقی بولنش
اولور. بحر .

بو فقرهده آلیر ایسه تعبیری تفرغدن احتراز ایچون
دکدره. شویله که موکل طرفندن بدل تعیین ایدلمکسزین اجار-
تینلی بر وقف عقارک تفرغنه وکیل اولان کیمسه اول عقاری
بدل مثلندن زیاده فاحشه ایله زائد بر بدل مقایله سنده تفرغ
ایلمسه او فراغ موکل حقنده نافذ اولماز احکام اوقاف. بر شینک
نمن مثلی بیلنمک لازم اولدقده بیفرض اهل و قوفک اخبارلریله
معلوم اولور علی افندی .

۱۴۸۳ ماده

نقود یا خود نقودک غیری دنیلیمکسزین (علی الاطلاق اشترا) به
توکیل (نقود ایله اشترا) توکیل (مصرف اولور) زیرا
معروف اولان بودر. ۴۳ ماده به باق . (بو حالده بر شینک
اشتراسنه وکیل اولان کیمسه آنی) قییمانندن یا مکیلات ومو-
زونات کبی مثلیانندن (بر مال ایله ترانپه ایتسه موکل حقنده
نافذ اولمایوب اول شی وکیل اوزرنده قالیر) هندیه . اما
نقودک غیری برمال ایله اشترا به توکیل ایتسه اومال ایله آلمی
لازم کلیر . شویله که موکل مثلاً فلاک آتی سنک استرک ایله
بکا آلیویره دیوبده وکیل دخی کندی استری ایله ترانپه ایدرک

اول آتی آلسه آت موکلک اولوب استرک قیمتی وکیلنه ویرمی لازم کلیر ولوالجیه .

— ۱۴۸۴ ماده —

(بر موسم معینده لزومی اولان شیء آلق ایچون بر کیسه دیکرینی توکیل ایتسه) شرابه وکالت دلالة (اول موسم مصروف اولور .) بو ماده دخی « ۱۴۵۶ و ۱۴۷۹ » ماده لرك فروعاندندر .

۱ مثال — (مثلاً بر کیسه بر بهار موسمنده شالی جبه آلق ایچون برینی توکیل ایتسه اول یازین قوللانمق اوزره جبه آلسی ایچون توکیل ایتش اولور) بناء علیه (موسم کچدکدن صوکره یاخود کله جک سنه نك بهارنده آلسه موکل حقننده نافذ اولیوب وکیلک آلدینی جبه کندی اوزرنده قالیر .) « ۱۴۷۰ » ماده شرحه باقی .

۲ مثال — بر کیسه قیشین کومور آلق ایچون برینی توکیل ایتسه او قیش ایچون کومور آلفه توکیل ایتش اولور . قیش کچدکدن صوکره یاخود کله جک سنه نك قیشنده آلسه موکل حقننده نافذ اولماز وکومور وکیلک اولور .

۳ مثال — بر کیسه یاز موسمنده بوز آلق ایچون برینی توکیل ایتسه او یازین قوللانمق اوزره بوز آلسی ایچون توکیل ایتش اولور . یاز کچدکدن صوکره یاخود او بر یازده صانون

آلسه موکل حقنده نافذ اولماز هندیه .

۴ مثال — برکیمسه قربان بایرامی قریب بولندینی زمانده کندیس ایچون قربان آلق اوزره برینی توکیل ایسه او بایرام ایچون اشترایه توکیل ایتمش اولور هندیه . او قربان بایرامی کچد کدن صوکره یاخود سنه آینه ده کی قربان ایچون آلسه موکل حقنده نافذ اولماز .

۵ مثال — برکیمسه دیگر کهنه یه شوقدر غروشی بالا عطا زرع ایتمک اوزره بو قدر کیله بغدادی آلیویرلمسنی امر ایدوبده مأمور دخی مذکور بغدادی آلدقده اگر اوان زراعتده آلمش ایسه شرا آمر اوزرینه نافذ اولور . اما مدت زراعت کچد کدن صوکره اشترا ایلمش ایسه آمر حقنده نافذ اولیوب مال مشترا مأموره قالیر . و آلدینی پاره بی آمرینه ضامن اولور خانه .

— ۱۴۸۵ — ماده

((برمعین شینک)) بوشینک ثمنی موکل طرفندن کرک تسمیه اولماسون کرک اولماسون و وکیل ثمنی ایستر کندی ، ایستر موکلک مالندن ویرسین ((اشترا سنه)) یا تفرغنه ((وکیل اولان کیمسه)) موکل اثنای شراده حاضر و وکیل نفسی و کالندن بالعزل موکلنه کیفیت عزلی اخبار ایلمش دکل ایکن ((اول شیشی کندیس ایچون)) یاخود مؤخرا کندیسنی توکیل ایدن دیگر موکلی ایچون ((اشترا)) یا تفرغ ((ایده منی . و اشترا ایدرکن بن بونی کندیم

ایچون آلام دیسه بیله کندیس-نک اولمایوب موکک اولور.)
 تعیین اما باسم الاشارة او باسم العلم او بالاضافة کان وکله ان
 یشتري له هذا المال بثمان مسمى تکمله رد مختار .

یعنی وکیلک کندیس یادیگر موکلی ایچون اشترا و تفرغی
 جائز و متصور اولمازه . زیرا موکل وکیل مرقومه اعتماد و کندیسنه
 آلیوره جکنه امنیت ایتدیگی حالده وکیل آنی بالذات کندی
 نفسنه آلاجه موکک تفریرینی موجب اولور . برده وکیلک
 آنی نفسی ایچون آلمی نفسی وکالتدن عزل دیمک اولوب بو عزلک
 تمامیتی موکک خبر عزلی استماع ایللمسیله اولابیلیر بحر .

بودلیلدن مستفاد اولدینی اوزره معین برشیثک اشترا سنه
 وکیل اولان کیمسه نفسی وکالتدن عزل برله استعفاستی موککله
 بیلدیردکن صوکره اول شیئی کندیس ایچون اشترا ایده بیایر .
 موکل بو عزله ایستر راضی اولسون ایستر اولماسون . اما خبر
 عزلی موککله بالغ اولمازدن نفسی ایچون اشترا ایده من صرة
 الفتاوی وولوالجیه . « ۱۵۲۴ » ماده یه بانی .

بونده « اشترا » تعیری تفرغدن احتراز ایچون دکل ایسه ده
 تزویجه وکالتدن احتراز ایچوندر؛ شویله که :

تفرغ : برکیمسه اجاریتلی معین بروقف عقارک شوقدر
 ضروشه کندیس ایچون تفرغنه دیکرینی توکیل ایتدکن صوکره
 وکیل عقار مذکوری اوله قدر ضروش بدل مقابله سنده باذن
 متولی تفرغ وکندی نامنه سندن استحصا ایللمسه موکل بارای

مثولی اول عقاری وکیل عهده سندن نزع و سندی ابطال
ایتدیروب کندی نامه استحصاال سند ایده بیلیر احکام اوقاف.
ومثل التوکیل بشراء شیء بینہ التوکیل بالاستیجار الا انه لم اره
صريحاً وهي حادثة الفتوى تكمله رد مختار .

ترویجه وکالت : معین بر قادی دیکربنه ترویجه وکیل
اولان کیمسه مرقومه یی کندی نفسی ایچون تزوج ایده بیلیر.
فرق شودر که بوکی نکاحده وکیل عقدی نفسنه مضاف قیلمه
وکلندن منعل اولور بحر وتکمله رد مختار .

« وکیل اولان کیمسه » تعبیری وکیل وکیلندن احتراز
ایچوندر ؛ شویله که :

معین بر شیتک اشتراسنه وکیل اولان کیمسه اول شیتی
اشترایه بلا اذن او تعمیم دیکرینی توکیل ایدوبده وکیل ثانی،
وکیل اول حاضر دکل ایکن آنی اشترا ایلمسه مشترک وکیل اولک
اولور. زیرا وکیل اول، باشقه سنی توکیل ایتک صورتیله موکلنه
مخالفت ایتکله منعل اولور. (مکرکه) وکیل ثانی وکیل اول
حضورنده اشترا ایتسین. بوصورنده مشترک موکلک اولور. لانه
حضر رایه وهو المقصود فام یکن مخالفا بحر .

« اول شیء » تعبیری آنک نصفندن احتراز ایچوندر . زیرا
اول شیتک لصفی اشترا ایتدیکی صورتده کی تفصیلات « ۱۴۸۰ »
ماده شرحنده کجی تکمله رد مختار .

«کنديسی ایچون آلاماز» تعیری موکل آخردن احتراز
ایچون اولمایوب موکل آخرايچون بطریق الاولى آلاماز. شویله که
«مین برشیئک اشتراسنه وکیل اولان کیمسه بی موکلک غیابنده
آنی کنديسی ایچون اشترايه دیگر بر شخصی توکیل ایتمکه
اول کیمسه آنی اول شخص ایچون صاتون آلسه موکل اولک
اولور .

اما اول کیمسه بی موکلک حضورنده کنديسی ایچون اشترايه
اوشخصی توکیل ایلدیکی تقدیرده موکلک تسمیه ایلدیکی ثمندن
غیرینسی تسمیه ایدر یعنی موکل اول مثلا اون آلتونه آل دیدیکی
حالده اوشخص اول کیمسه یه آلی عدد مجیدیه یه آل دیویده
اول کیمسه دخی آلی عدد مجیدیه یه آلی راسه مال مذکور موکل
ثانینک اولور. زیرا وکیل اومالی آلی عدد سیم مجیدیه کنديسی
ایچون آلفه مقتدر اولدینی کبی غیرینسی یعنی موکل ثانی ایچون
آلفه دخی مقتدردر . والا ینسه موکل اولک اولور هندیه
وانقروی . لانه اذا لم یملک الشراء لنفسه فلان یملکه لغيره
بالاولی تکمله رد مختار .

مجله نك بو فقره سی اوزرینه شو مسئله آتیه دخی تفرع
ایدر ، شویله که :

بر کیمسه دیگر کسینه یه «فلانک آتی سنکله بینمزده مشترک
اولقی اوزره آل» دیمسینه اوده بعد القبول دیگر بر شخص دخی

او کسینه به تکلیف سابق مثللو بر تکلیف در میان ایلمسنه مقابل
آکاده پکی دیدکدن صوکره بر شخص ثالث دخی بو یولده کی
تکلیفی قبول ایلمسده مذکور آتی صا تون آله نظر اولنور:
او کسینه نك شخص ثالثه پکی دیسی موکل اول و ناینك حضورنده
دکل ایسه آت موکل اول و نانی بیننده مشترك اولوب موکل ثالث
آنده نصیبی بولماز . زیرا او کسینه آمر اولدن نصفده و کذا
آمر نایدن نصف ثانیده و کاتی قبول ایتمشدر . و آمر اولک
عالمی اولقسزین وکیل کنیدی و کالندن اخراج ایده میه جـکی
جهتله آمر ثالث طرفندن قبول و کالت ایلمسی صحیح اولماز .
و او کسینه نك شخص ثالثه پکی دیسی موکل اول و ناینك حضورنده
ایسه او آت موکل ثالث ایله مشتری آره سنده مشترك اولور .
زیرا آنلرك حضورنده ثالث و کالتی قبول ایتمسی اول و ناینك
و کالتنك ردینی متضمن اولوب بوکا ایسه آنلرك معلوماتلری
اولق شرطیله وکیل مقتدردر ولوالجیه فی الشرکه و مثله
فی الهندیه .

آتی صورتده اول شیء معین وکیل اولور ؛ شویله که :
صورت اولی ؛ وکیل اول شیء معینی (موکلت تعیین ایلدیکی
بهـ اذن زیاده) به آلیر ایسه اول شیء وکیل اولور . ولو که
بو زیاده بش پاره اولق کی آز اولسون . « ۱۴۸۵ » ماده به باقی .
نته کیم معین بر شیدك بیک غموشه اشتراسنه وکیل اولان
کیمسه بیک یوز غموشه اشترا ایدوب بده بایع یوز غموشی

حط و تنزیل ایتسه او شی وکیلک اولور هندیه .
 بوصورته موکل « تعیین ایلدیکم پاره ایله آلدک » و وکیل
 « زیاده ایله کندم ایچون آلدم » دیه اختلاف ایتسه لر سوز وکیلک
 وینه مشترکدر بحر و تکمله رد مختار .

لکن موکلک تعیین ایلدیکی بهادن دون فیئانله آیر ایتسه
 ینه موکلک اولور هاش انقروی .

صورت نایه؛ موکلک تعیین ایلدیکی نمک جنسینک مخالفی
 بولان نم ایله آیر ایتسه وکیلک اولور . ۱۴۵۶ و ۱۴۷۹
 ماده لره و شرح لینه باقی .

صورت نالته؛ موکل خیار شرط ایله یا خود ویره سی یه
 آل دیمش ایکن وکیل خیار شرط سز یا بشین پاره ایله آیر ایتسه
 وکیلک اولور . ۱۴۷۹ ماده شرحه باقی .

صورت رابعه؛ وکیل نقودک غیر برشی ایله آیر ایتسه
 مشترک وکیلک اولور . ۱۴۸۳ ماده یه باقی .

صورت خامسه؛ موکل (و تعیین بها ایتدیکی صورتده غبن
 فاحش ایله آیر ایتسه اول وقت مال وکیلک اولور) ۱۴۸۴
 ماده یه باقی . زیرا صورت مذکور ده وکیل، موکلک امرینه
 مخالف ایتدیکی جهتله عزل ضمنی ایله وکالتدن منعزل « فلا
 یتوقف علی علم الموکل » و بناء علیه وکیل شرابی موکلنه مضاف
 قیلمدینی حالد شرابی کندی اوزرینه نافذ اولور تکمله رد مختاره .

اما وکیل، صور مذکورده عقدی موکانه مضاف قیلهنی
تقدیرده مثلا بایع بومالی موکانه شوقدره صاندم دیوبده وکیل
دخی آنک ایچون اشترا ایتدم دیدکده موکلنک اجازتنه موقوف
اولور. «۱۴۵۳» ماده شرحنه باقی رد مختار وابن عابدین علی البحر
مع زیاده و تکمله.

صورت سادسه ؛ (وبرده) وکیل، نفسی وکالتدن عزل
برله خبر عزلی موکانه ایصال ایتدکن صوکره اول معین
شی' صانون آله مال مشترک وکیل اولور. هذا بالعزل القصدي
اما الضمني کما لو كان لك بمخالفة الموكل فيصح مطلقا تکمله
رد مختار.

مثلا موکل مجلس عقدده (حاضر اولدینی حالد بن بونی
کندم ایچون آلدیم دیر ایسه او مال وکیل اولور.) زیرا
بو تقدیرده وکیل نفسی وکالتدن عزل و موکله دخی خبر عزل
ورود ایلمش و نفسی وکالتدن عزله دخی حقی بولنش اولمغه
شرای بالوکاله اولمدی.

نته کم وکیل، کندینی وکالتدن بالعزل خبر عزلی موکانه
ایصال مکتوب یا ارسال رسول یا اخبار واحد عدل یا اخبار
شخصین ولو غیر عادلین «و یا اخبار واحد ولو غیر عدل عند
الامامین» ایله بیلدیردکن صوکره اومالی کندینی ایچون آله
جائز اولور ابن عابدین علی البحر و تکمله رد مختار.

اما غیر معین بر شیءك اشتراسته وکیل اولان کیمسه نك
آلدینی مال موکل یا وکیلدن کیمه عائد ایدوکنه دائر تفصیلات
ماده آتیه شرحنده بیان ایدیله جکدر .

— ۱۴۸۶ ماده —

بر مالک اشتراسته وکیل اولان کیمسه نك آلدینی مال
موکل یا وکیلدن هانکیسته عائد اولدینی وجوه ثلاثه ایله تفصیل
اولور :

وجه اول ؛ (بر کیمسه بکا) مثلاً (فلانك آتی آل
دیوبده وکیل لاوئم) کی وکالتی قبول یارده دائر (برشی سویلمه کمزین
[۱] کیدوب اول آتی اشترا ایتدیکی تقدیرده اگر آلیرکن موکل ایچون
آدم دیرایسه موکلک اولور .) ثمنی موکل طرفندن وکیلله اولجه
کرك ویرلمش اولسون کرك اولسون . زیرا موکل بهك اجراسنه
تشبث ایتمکله « ۱۴۵۱ » ماده موجبنجیه وکالتی قبول ایتمش
اولوب حتی موکل بوندن صوره مشتری ایسته مم دیسه بیله
حقنده شرا نافذ اولور . بناء علیه بر کیمسه ، بومالی فلان کیمسه
ایچون اون آلتونه بکا صات دیه شرایه طالب اولمغله بایع دخی
صاندقدن صوکره اول کیمسه « اوکیمسه بکا کندیسی ایچون
آلمنی امر ایتدی « دیه وکالتی انکار ایتسه تناقض اولمغله

[۱] فيه ان السكوت قبول كما مر في شرح « ۱۴۵۱ » مادة فكيف
يصح هذه العبارة ؟ فتأمل في الجواب .

« لان قوله بفي لعمرو اقرار منه بانه وكله فان انكر الوكالة بعده
 صار تناقضا فلا يسمع » قبول اولميو ب مشترأ او كمسنه نك
 اولور سه ده او كمسنه امر اتمديكني اقرار ايتديكي صورته
 اومال وكيك اولور. زيرا وكيك اقراري موكلك رد اتمسيله
 مردود اولدى. « ۱۵۸۰ » ماده يه باقى فقط بوندن صوكره ينه
 اول كيمسه مذكور مالى ملكيت اوزره او كمسنه يه تسليم ايتسه
 ثمن ميبى قبض اتمسه بيله او مال ينه او كمسنه نك اولور .
 « ۱۷۵ » ماده يه باقى طحطاوى و بحر و تكمله رد مختار. بوفقره ده
 « آليركن موكل ايچون آلام » عباره سندن مقصد و كيل عقد
 شرايى موكله مضاف قيله مشدر ديمك دكلدر. زيرا « ۱۴۵۳ »
 ماده شرحنده ايضاح اولندينى اوزره بو تعبير عقدك موكله
 اضافه سنى ايجاب ايدن تعبير دكلدر .

(واكر) آليركن (كندم ايچون آلام دير ايسه كنديسنك
 اولور.) زيرا وكالى قبول اتميو ب رد ايلديكي مستبان اولدى.
 « ۶۷ » ماده يه باقى. (اما يالكنز آلام ديوبده كيمك ايچون آلاينى)
 آليركن (سويلمه مش ايكن صوكره) موكل « كندى نفسك
 ايچون آلك » و وكيك (« موكل ايچون آلام » ديدىكي صورته
 اكر آت تلف ياخود) آنده (بر عيب حادث اولمدن)
 موكل ايچون آلام (ديمش ايسه) وكيك مع المين (تصديق
 اولنور.) بناء عليه آت موكلك اولور. زيرا وكيك بر امري
 اخبار ايدور كه او امري فى الحال اجرايه مقتدر در؛

شوجهتله که وکالت عهده وکیلده باقی و میبایست سالمأ موجود
اولمخله فی الحال دخی اومالی حسب الوکاله اشترا ایده بیلیر .
« ۱۴۵۹ » ماده شرحنه باقی . « (واکر) آت (تلف ویا) آنده
(برغیب حادث اولدوقدن صوکره دیمش ایسه تصدیق اولنماز) .
زیرا بوصورتمده وکیل ، استینافنه مقتدر اولدینی امری حکایه
و نمین میبایست ایله موکله رجوعی قصد ایدیور . موکل ایسه
وجوب نمین منکر در .

وجه ثانی ؛ برکیمسه بر آتک اشتراسنه وکیل اولوبده
وکیل ، اتی سنک ایچون آلام دیه موکلنه ترک ایتک و موکل
دخی کندک ایچون آلدک دیه قبول ایتمه مک ایستدکارنده بونده
سکیز صورت واردر ؛ شویله که :

اول آت یا معین یا غیرمعین اولور . بویکی صورتده دخی
آتک پاره سی وکیلله اولجه یا ویرلش اولور ؛ یاخود اولماز . بو
درت صورتده دخی آت یا برحیات یا تلف یا عیب حادثله معیب
اولمش اولور ویاخود اولماز .

بو صور ثمانیه نک خلاصه احکامی شودر :

نمین ، منقود یعنی موکل طرفندن وکیلله ویرلش ایسه
سوز مع الیمین جمیع صورده وکیلک اولور . و منها حالة الهلاك
والتعيب . زیرا « ۱۴۶۳ » ماده حکمنجه نمین یدوکیلده امانت
اولدیفنه و وکیل عهده امانتدن مأمور اولدینی وجه اوزره
چیقدیغنی ادعا ایلیمکده ایدوکنه بناء سوز وکیلک اولدی .

ثمن غیر منقود ایسه باقیلیر: مشترا تلف یا معیب اولمش اولق کبی وکیل فی الحال انشایه مقتدر دکل ایسه سوز آمر و موکل کدر. لانه ینکر الرجوع علیه. و وکیل فی الحال انشایه مقتدر ایسه «بان یکون الشیء المأمور بشرائه بغير عينه موجودا ای واثمن غیر منقود» سوز عند الاماین مأمور کدر. و کذا عند ابی حنیفة فی غیر موضع التهمة. لان عرضه الرجوع بالثمن علی الآمر و هو منکر فالقول قوله و عند ابی حنیفة فی موضع التهمة القول للآمر فلا فرق عندهما فی ان القول للمأمور اذا کان یملک الانشاء بین ان یکون موضع التهمة اولا التهمة مثبت بالرجوع الی اهل الخبرة فان اخبروا ان الثمن بزیء علی القيمة زیادة فاحشة ثبت والا فلا ولعل المراد بموضع التهمة ما اذا کان بعد النعیب فتأمل رد مختار و تکملته و مجمع الانهر و غیرها.

وجه ثالث ؛ برکیمسه غیر معین بر شیک کندی ایچون اشترایه دیگر کسنه بی توکیل ایتدکن صوکره او کسنه مالی صانون آلدقده بونده درت مسئله واردر :

۱ مسئله ؛ وکیل، شرایی موکلک مالنه مضاف یعنی عقد بیع صرہ سنده موکلک مالی بدل مبیع قیلار ایسه — عقد شرایی موکلک مالنه مضاف قیلحق کبی — بدل مذکور ی کرک موکلک مالندن ویرسون کرک آنی آلیقویوبده کندی مالندن ویرسون مشترا موکلک اولور. زیرا غیرک دراهمنه بالاضافه بر

کیمسه نك كندی ایچون مال آلمی شرعا و عرفا مستنکر اولمقله و کیلك حالی کندیسنه شرعا حلال و ایستلنلمک مقتدا بولان صورته حمل ایچون بو مسئلهده موکل ایچون آلتش اعتبار اولندی بحر .

۲ مسئله ؛ وکیل عقد شرایی کندی مالنه مضاف قیلار ایسه مشترک و کیلك اولور . ولوکه اشترا ایدرکن موکل ایچون نیت ایتسین .

۳ مسئله ؛ وکیل شرایی مطلق ماله مضاف قیلار ایسه یعنی کندی مالنده موکل مالنده مضاف قیلمدینی و شرا دخی پشین پاره ایله اولدینی تقدیرده نظر اولنور : وکیل حین اشترا کندی ایچون نیت ایدر و وکیل بووجهله نیت ایتدیکنی موکل تصدیق ایدرسه مال مشترک و کیلك اولور . و موکل ایچون نیت ایدر و موکل بووجهله نیت ایتدیکنی وکیل تصدیق ایلر ایسه مال مشترک موکل اولور . اما پشین پاره ایله اشترا ایتیبوده ویره سی به صاتون آلیر ایسه او مال و کیلك اولور . حتی لوادهی الشراء بعدذلك لاموکل لایصدق الا ان یرصدقه الموکل تکمله رد مختار . لیکن موکل « بنم ایچون نیت ایلمش ایدک » و وکیل « کندم ایچون نیت ایلمش ایدم » دیه اختلاف ایتسه لر نقد ، حکم قیلنیر ؛ شویله که : بدل مبیع اولارق و یریلان مبلغ ، موکل پاره سی ایسه مشترک موکل و وکیل پاره سی ایسه مشترک و کیلك

اولور. لانه دلالة ظاهرة على ما ذكرناه . بدل مبيع هنوز
وبرلمه مش ايسه وكيك بياننه مراجعت اولنور ابن عابدين على
البحر .

و حين اشتراده هيج بر طرفه نيت اولنديفنه موكل ايله
وكيل اتفاق ايتدكلرنده عند محمد مشترا وكيك اولور . زيرا
اصل اولان مركبك كندى نفسى ايجون عمل ايتمسيدر . مكر كه
غيريسى ايجون عمل اولنديفى ثابت اول . و ظاهر مافى الكتاب
ترجيح قول محمد من انه عند عدم النية يكون للوكيل تكمله
رد مختار . وعند ابى يوسف نقد حكم قيلير . زيرا وكيك مطلقا
ايضا ايتديكى عقد ، ايكي وجهه محتمل و بناء عليه موقوف
اولغله بدل ميبى كيمك مالندن ويرر ايسه محتمل اولان ، او
نقد صاحبي ايجون نافذ اولور بحر و تكمله رد مختار .

ع مسئله ؛ وكيك « موكل ايجون آلم » و موكل « نفسك
ايجون آلك » ديه اختلاف ايتدكلرنده سوز آمر كدر . زيرا
بو صورتده وكيك نم ايله آمره مراجعت ايتك ايسه ايتديكى
حاله آمر حق رجوعى انكار ايدييور . سوز ايسه منكر كدر .
فقط آمر مشتراه و بريله جك پاره يي اولجه وكيكه ويرمش ايسه
سوز ، أمور كدر . زيرا بو صورتده مأمور عهده امانتدن خروجى
ادعا ايدين اميندر . بناء عليه قولى قبول اولنور . ايمدى مبيع
موجود اولنجه حكم ، تفصيلات مشروحه وجهله اولديفنه
اتفاق بولنوب اما مبيع تلف اولمش ايسه امام اعظمه كوره

حکم ینه بوجه محرر دره. فقط عندالامامین سوز مأمور گردد.
ولو که نم میباید موکل طرفه دادن و کیلنه ویرایش بولنیه بحر
هندیه و رد مختار و انقروی.

ماده ۱۴۸۷

(بر شی) غیر معینی (آلتی اوزره بر کیسه بی ایکی
کشی باشقه باشقه توکیل ایتدیکی صورتده وکیل اول مالی
آلیرکن هانکیسی ایچون قصده و مراد ایتش ایسه اول مال
آنک) ایچون آلتش (اولور) زیرا برایشدن مقصد نه ایسه
حکم آکا کوره در. بونده کی شی منکرا ذکر می غیر معین
اولدیغنه اشارت ایچون اولوب اما اول شی معین اولنجه بونک
حکمی ۱۴۸۵ ماده شرحنده ذکر ایدیش ایدی.

ماده ۱۴۸۸

وکیل بالشراء دوت نوع مالی موکل ایچون صانون آلاماز:
۱؛ وکیل بالشراء کندی مالی کندی موکلی ایچون آلاماز.
یعنی (وکیل بالشراء کندی مالی موکل ایچون صانسه صحیح
اولماز.) ولو که موکل کندی مالی بنم ایچون صانون آل
دیش اولو. زیرا شخص واحد عقدک ایکی طرفه تولی
ایده من. ۱۶۷۷ ماده شرحنه باق.

۲؛ وکیل بالشراء موکلک صاندینی مالی موکل ایچون آلاماز.
مثلا موکل کندیسی ایچون بر استر یا خانه اشتراسنه برینی

توکیل ایتمدکه وکیل موکلک اولجه آخره صائمش اولدینی استر
یاخانه یی موکل ایچون آلسه آنان مال موکلک اولماز. زیرا موکل
بو مالی ایستمدیکی و آندن معرض بولندیقی صائمسیله
آکلاشلشمدر. فقط موکل بالخاصه او استریا اوخانهک اشترا
سنه امر ایتمش ایسه آنان موکلک اولور .

اما وکیلک آخره صائدینی استری یاخانه یی موکل ایچون
آلسه صحیح اولور انقروی بزیده .

۳ ؛ وکیل بالشراء اصول وفروعی وزوجه سی کبی « وشریکه
فیما یشرکانه » کندی لهنه شهادتی جائز اولمیانلرک وابن صفیرینک
ومفاوضة شریکنک مالی موکل ایچون آلاماز . زیرا مواضع
تهمت وکالاندن مستثنا اولوب بونده دخی تهمت واردر. بدلیل
عدم قبول الشهادة ولان المنافع بینهم متصلة فصار بیعا من نفسه
من وجه .

فقط بو اوچنچی ضابطه دن اوچ فرع مستثنادر :

فرع اول ؛ وکیل بالشراء قیمتندن اقل ایله اشترا ایدرسه
بالاتفاق جائز اولور .

فرع ثانی ؛ موکل وکیلنه کندی لهنه شهادتی جائز اولمیانلردن
صاتون آل دیدکده شرا بالاتفاق صحیح اولور.

فرع ثالث ؛ موکل دیلدیکنک کیمسه دن صاتون آل دیمش

ایسه مثل قیمت ایله وکیل لهنه شهادتی جائز اولیانلردن صاتون
آبیلیر تکمله رد مختار .

۴؛ وکیل بالشرا موکلندن غصب اولنان مالی موکل ایچون
آلاماز. بناء علیه بر آنک اشتراسنه وکیل اولان کیمسه آتی
اشترا ایده رک موکله کتیردیکنده موکلی « بو، بنم آتندر فلان
بندن غصب ایتمش ایدی » وکیل « فلانک آتیدر سنک ایچون
آدمه دیه اختلاف ایتدکلرنده باقیلیر: موکل نمی وکیل ویرمش
ایسه موکلک قولی قبول ایدلز . وئمن ویرلماش ایسه سوز
موکلک اولوب وکیل مدعاسنه اقامه بینه ایتدکجه موکله نمن ایله
رجوع ایده مز . ایکیسیده اقامه بینه ایتسه لر وکیلک بینه سی
اولیدر هندیه .

❦ ماده ۱۴۸۹ ❦

(وکیل) بالشرا (آدینی مالی) کندیس قیض ایتدیکی حالده
(هنوز موکله تسلیم ایتدن) قدیم (عیینه مطلع اولسه آنی
کندیلکندن اولارق) یعنی موکلک امری اولقسزین بایعنه
(رد ایده بیلیر .) زیرا رد بالعیب وکیل ایچون ثابت اولان
حقوق عقددندر. کندیس فوت اولمش ایسه وارثی یا وصیسی
رد ایدر بحر . ۱۴۶۱ ماده یه باقی .

وکیل بالشرا مک عیب ایله ردی ایچون صورت محاکمه :
وکیل بالشراء عیب ایله رد ایتک ایسته یوبده بایع، غائب اولان

موكلك عيبه راضی اولدیغنی مدافعه بیان ایتدکنده وکیل بالشرا دن رضای واقع سو آل اولنور. اقرار ایدرسه اقراری صحیح اولوب آرتق بایع ایله حق مخاصمه سی قالمازه فقط مال مشترا وکیلک ملکندنه قالیر . فقط موکل قبول ایدر ویاخود وکیل اقامه بینه ایله موكلك عيبه راضی اولدیغنی اثبات ایلرسه بوحالده مال مشترا موكلك اولور . وکیل بالشراء موكلك عيبه رضاسنی انکار ایتدکنده یا بعدن بدنه ایسته نیر . اثبات ایدرسه فها . اثبات ایدمه مدیکی کبی موکل دخی غائب اولمغله آکا یمین ویرلک ممکن اولمسه وکیله یمین ویرلز . وکیل بالشراء مییی بایعسه رد ایتدکن صوکره موکل حاضر اولدیغندنه بایع، رضایی ادعا واثبات ایدمه بیلیر . ایدمه مزایسه موکله یمین ویرر . نکول ایدرسه مییی موکله اعاده ایدمه رک پاره سنی ایستر هندیه وخانیه بایضاح .

ایضاح القیود

۱، قبض ایتدکن صوکره — وکیل بالشرا مشترایی قبض ایتزدن اول عیب قدیمنه مطلع اولدقده عیب مذکور کرک فاحش وکرک یسیر اولسون مخیردر: ایسترسه فسخ ایدر؛ اوحالده منفسخ اولور. ایسترسه راضی قالیر؛ اوحالده وکیلک خیار عیب ایله رد ایتک حتی ساقط اولور. فقط بوصورته نظر اولنور: عیب فاحش اولورایسه مشترا وکیله قالیر. مکرکه موکل قبول ایتمسین. وعیب اگر یسیر اولور یعنی میبعده عیب

بولنديني حالده قيمتي ثمن مسمايه مساوي بولنور ايسه مشترا
موكلت اوزرينه لازم كلير هنديه وانقروى عن الحائيه .

۲ ، كنديلكندن اولارق — بو تعبير احترازي اوليوب
موكلت امر واذنيه بطريق الاولى رد ايده بيلير بحر .

۳ ، رد ايده بيلير — اشار الى ان الموكل اجنبي في الخصومة
بالعيب فلو اقربه الموكل وانكره الوكيل لم يلزمها شيء بخلاف
عكسه فانه يلزم الوكيل لا الموكل الا ان يكون عيبا لا يحدث
مثله في تلك المدة لا تطع بقيام العيب عند الموكل وان امكن
حدوث مثله في المدة لا يردده على الموكل الا ببرهانه والا يحلفه
فان نكل رده والا لزم الوكيل بحر وتكملة .

وكيل بالشراء ، مال مشترا يذنده ايكن وفات ايتسه وارثي
ياخود وصيسى رد ايده بيلوب فقط وارثي ياخود وصيسى يوق
ايسه وكيلى متوفى ايچون حاكم طرفندن نصب اولنان وصى
رد ايدر . اشار المصنف الى ان الرد عليه لو كان وكيل بالبيع
فوجد المشتري بالمبيع عيبا مادام حيا عاقلا من اهل لزوم العهدة
فان كان محجورا يرد على الموكل تكملة رد مختار .

« رد ايده بيلير » تعبيرندن مستفاد اولور كه وكيل بالشراء ،
بعد قبض المبيع عيب مذكوره راضى دنخي اولاييلير . بو حالده
خيار عيب ساقط اولور . ۵۱۵ ماده يه باقى هنديه .

فقط بوصورته موكل ديلرسه عيب وجميع ثمن ايله قبول

ایدر؛ و دیلرسه وکیله بالترك پاره نی وکیله ویرمش ایسه تضمین
ایتدیرر. موکل قبولدن بالامتناع وکیلله ترك ایتزدن اول،
ید وکیلده مال مشترا هلاک اولدقده ضرر واقع موکله عائد اولور
۱۶۶۳ مادهیه باقی رد مختار.

(اما) وکیل بالشراء آلدینی مالی (موکله تسلیم ایتدکن
صوکره آنک امر و توکیل اولقسزین) خیاریع ایله بایعه
(رد ایده من.) زیرا وکیل مالی صانون آلاق موکله تسلیم
ایتمسـیله حکم وکالت منتهی وکندیسی دخی وکالندن منزل
اولشد. ۱۵۲۶ مادهیه باقی. برده وکیل بالشراء بعدالتسليم
رد ایده جک اولدقده موکلک ید حقیقیه سنک ابطالی موجب
اولوب بناء علیه بالامرالموکل بوکا مقتدر اولاماژ تکمله رد مختار.
وکیل بالشرا مال مشتری بروجه مشروح موکله بعدالتسليم
موکل آنده عیب قدیم بولدقده موکل وکیلله و وکیل دخی بایعه
رد ایدر خانیه.

واقعا بعدالتسليم وکیل خیاریع ایله رد ایده من ایسه ده
فساد بیعه بناء رد ایده بیایر. شویله که وکیل بالشراء شراء
فساد ایله بر مالی اشترا و غنی ادا ایله میبعی بعدالقبض موکله
اعطا ایتدکن صوکره فساد عقده منی بالارضی الموکل بیی
فسخ و میبعی موکلدن استرداد و بایعه اعادهیه مقتدردر. فرق
شودر که فسخ بالعیب حق عیددن و فسخ بالفساد حق شرعدن
طولاییدر تکمله رد مختار استنباطا. ۱۶۹۴ ماده شرحه باقی.

« امر و توکیلی اولمقسزین » فقره منندن استفاد اولاجنی
اوزره امر و توکیلی اولور ایسه ینه رد ایده بیلیر. زیرا « ۱۴۵۹ »
ماده شرحنده بیان اولندیغی وجهله رد بالعیبه و کالت جائز
اولور .

بایع ، موکلک بوکا امر و توکیلی بولندیغی انکار ایتدکه
وکیل و کالتی اثبات ایتکه مجبوردر هندیه .

ماده ۱۴۹۰

تمنك تأجيل و تعجیلی خصوصنده اعتبار ماوقع علیه العقد در
تکمله رد مختاره. بناء علیه (وکیل) بالشرا (اکرمالی مؤجل
اولارق اشترا ایلسه موکل حقنده دخی مؤجل اولوب وکیل
آنک تمنی پشین اولارق) موکلدن (طاب ایده من .) حق
وکیل بو وجهله مؤجل اولارق اشترا ایتدکن صوکره وفات
ایتمسبله حقنده ثمن معجل اولسه دخی موکل حقنده ینه مؤجل
اولارق قالیر . زیرا عقد مؤجل اوزرینه ایدی تکمله زیاده .
بو جهته اجل حلول ایتدن ورته او پاره یی موکلدن طلب
ایده منزل انقروی . و معجل اولارق اشترا ایتسه موکل حقنده
دخی معجل اولور .

(اما وکیل پشین پاره ایله اشترا ایتدکن صوکره بایع
تمنی) بر مدت معینه دك (تأجيل ایتسه) بو تأجیلدن یالکز وکیل
مستفید اولوب موکل حقنده مؤجل اولماقلا (وکیل تمنی موکلدن
پروجه پشین طلب ایده بیایر .) بو ثمن مبیع موکل حقنده معجل ،

وکیل حقنده مؤجل اولق ایچون، بر حیلدر تکمله رد مختار.
 نته کیم بایع، ثمن مبیعک کلیسی دفعه وکیل بالشرایه هبه
 یا آندن وکیل بالشرای ابرا ایتسه بوندن بالخاصه وکیل بالشرا
 مستفید اولوب وکیل مرقوم ثمنک کلیسیله موکله رجوع ایدر.
 «۲۶۱» مادهیه باقی. اما دفعه هبه یا ابرا ایتوبده اولا مثلاً
 آتی یوزینی هبه یا ابرا ایدوب بعده درت یوزینی هبه یا ابرا
 ایتسه وکیل بالشراء صوک دفعه کی هبه یا ابرا یعنی درت یوز
 غروش ایله موکله رجوع ایدر. اما اولا اولانان هبه یا ابرا
 یعنی آتی یوز غروش ایله رجوع ایده من. زیرا آتی یوز غروش
 حط «۲۶۰» مادهیه باقی. و درت یوز غروش هبه در بحر
 ورد مختار و هندیه.

وهذه المسئلة مبنية على ما تقدم في البيوع ان هبة بعض الثمن
 حط لاهبة كله لان الحط ياتحق باصل البيع وفي حط البعض
 يبقى البيع بالباقي فيرجع به على موكله هنا ولو جعل هبة الكل
 حطاً لصار بيعاً بالثمن فيفسد به البيع فلذلك جعل هبة مبتدئة
 للوكيل فيرجع على الموكل بالثمن للمعقود عليه كله فلو وهبه اياه
 بدفتمين او اكثر كان ما قبل الاخير حطاً وكانت الهبة الاخيرة
 مبتدئة فيرجع على الموكل بقدرها فقط تكمله رد مختار.

— ۱۴۹۱ — ماده

(وکیل بالشراء) ثمن معجل ایله آلسه یاخود ثمن مؤجل
 ایله بالاشترا حلول اجل ایله (ثمن کندی مالندن و یروبد)

میبھی قبض ایتمسه موکانه رجوع ایدہ بیایر، یعنی) بدل مینفع اولق اوزره بایعه (ویردیکی ثمنی آندن آلابیایر .) ولوکه موکک بوکا صراحة امری اولماسین، یعنی موکل وکیل بالشرایه ثمنی بایعه ویرمسی ایله صراحة امری اولماسه دخی وکیل کندی مالندن بایعه پاره یی بعدالاعطا موکله رجوع ایدر. زیرا مادام که موکل حقوق عقدک وکیله راجع اولدینغی بیلیور؛ وکیلک ثمنی کندی مالندن دفع و تسلیم ایتمسنه راضی اولمش دیمکدر رد مختار و تکملاء رد مختار .

موکل ، آله حق مالک پاره سنی وکیله اعطا ایتمش ایکن وکیل مذکور پاره یی بدنده بالتوقیف کندی پاره سندن بایعه ویرسه بوده جائز و وکیلک بایعه ویردیکی پاره ایله موکلندن آلدینی پاره نقاص اولور بحر و ولو الجیه . الوکیل بالشراء اذا اشتری ما امر به ثم انفق الدراهم بعد ما سلم الى الامر ثم نقد البایع غیرها جاز ولو اشتری بدنانیر غیرها ثم نقد دنانیر الموکل فالشراء للوکیل وضمن للموکل دنانیره للتعدي تکملاء رد مختار .

بو فقره ده « ثمن » تعبیری احترازی اولمایوب برکیمسه دیگر کسسنه یه « سنک آتکی بدل قیلارق فلانک قیصراغی بنم ایچون آل » دیمکله مأمور دخی اولوجهله آله قیصرارق موکک اولور . و وکیل ، بدل اولارق ویردیکی آتک قیمتتی موکلندن آلیر بحره . لیکن وکیلک موکله حق مراجعتی اولق

ایچون ویردیکنی ادعا ایلدیکی ثمن مبیعک بایمه ویرلمش اولدینی ثابت اولمیدر . بوده بایمک اقراری ویا یمنیدن نکولی ویا اقامه شهود ایله اولور . اما وکیل بالشرا ثمن مبیعی کندی مانسندن بایمه ویردیکنی ادعا ایتدیکی وموکل دخی بونی تصدیق ایلدیکی حالده بایع تکذیب یعنی ثمن مبیعی آلمدیغنی بیان ایتسه وکیل ، حجود بایعله ضایع اولان ثمن ایله موکله رجوع ایده منر . لان المأمور بقضاء الدین وکیل بشراء ما فی ذمته فاذا لم یسلم له ما فی ذمته لم یرجع المأمور علی الأمر .

نته کیم هم موکل همده بایع تکذیب ایتدیکی حالده رجوع ایده میه جکی کبی بحر مع ابن عابدین علیه . واقعا حجود بایعله ضایع اولان ثمن ایله وکیل موکله رجوع ایده منر ایسه ده وکیل ایچون موکل اوزرینه عقد حکمی ایله ثابت اولان ثمنی مطالبه وکیلک حتی واردر . زیرا وکیل بالشراء صاتون آلدینی مالی موکله صائمش کبی اعتبار اولنور . ولذا یتحالفان اذا اختلفا فی الثمن ویفسخ العقد الذی جرى بينهما حکما تکمله رد مختاره .

مصارف نقلیه ایله حق مراجعت — بو فقره وجهه له وکیل بالشراء ثمن مبیع ایله موکله مراجعت ایده بیلیر ایسه ده مصارف سائر ایله رجوعه کلنجه بونک ایچون تفصیلات آتیله ذکر اولور؛ شویله که: مصرک غیری بر یردن مال آلفه وکیل اولان کیسه بر موجب امر خارج مصرده مال آلوده مصره

یعنی موکک خانہ سنہ نقل ایسہ مصر فیلہ موکلنہ رجوع ایدرہ
اما مصر دہ آلفہ وکیل اولان کیسہ بالذات نقلہ یاخود حاکمہ
مراجعت ایلہ امر آلفہ مقتدر اولاجفندن رجوع ایدہ مزاقرویہ

وکیل بالشراء ایلہ موکل آردہ سندہ مقدار نمندہ اختلاف:

موکل وکیلنہ بش آلتون ویروبدہ « بونیکلہ شویلہ بر مال
اشترایت » دیملکہ اودہ صاتون آلدقندن صوکرہ وکیل
ہاون آلتونہ آلدہ و موکل « خایر » بش آلتونہ آلدک « دیہ
اختلاف ایتدکارندہ او مالک قیمتی اون آلتون ایسہ وکیل
تصدیق اولنور . لانه امین ادعی الخروج عن عہدۃ الامانۃ
والا امر یدعی علیہ ضمان خمسمائے و هو ینکر . و قیمتی بش آلتون
ایسہ آمر بلا تحلیف تصدیق اولنور .

اما ثمن مبیع موکل طرفندن وکیلہ ویرلہ مش ایسہ او مالک
قیمتی بش آلتون اولنجہ ینہ سوز بلا یمین آمر کدر . ۱۶۸۲ء
مادہ یہ باق . لیکن اون آلتون اولنجہ آمر ایلہ مأمور تخالف
ایدہ رک ینلرنندہ کی عقد حکمی فسخ و مبیع مأمورہ ترک اولنور
تنویر و در مختار و تکملہ و بایعک شوقدرہ صاندہ دیمنک بر طرفہ
فائدہ سی یوقدر ۱۶۶۳ء مادہ شرحنہ باق .

(و مال مشترانک) معجلہ اولان (ثمنی) بایعہ وکیل
ویر مش اولنجہ موکلندن طلب و موکل ثمنی وکیلہ ادا ایدنجه یہ دک

مالی حبس ایده بیله جکی کبی (هنوز بایعه ویرمه مش اولسه بیله موکلندن طلب و) مشرانک ثمنی کندی مالندن بایعه اعطا ایتمه مش اولسه بیله (موکل آنی) ثمنی (ادا ایدنجه به دك مالی حبس و توقیف ایده بیلیر.) زیرا وکیل ایله موکل بیننده مبادله حکمیه منعقد اولارق وکیل بایع و موکل مشتری عد قیلنمشدر بحر ولهذا لوا خلفا فی الثمن یخالفان تکملة رد مختار.

بو فقره نك شرحنده «معجل اولان ثمنی» دینلیدی. زیرا وکیل بالشراء مالی ویره سی به آلدقده وکیل حقنده دخی مؤکل اولاجفندن وکیل ثمنی ادا ایدنجه به قدر مالی موکلندن حبس ایده من. ایدوبده تلف اولورسه ضامن اولور.

اما وکیل پشین پاره ایله اشترا ایتمش ایکن بایع تأجیل ایلسه وکیل ثمنی موکلندن حالا مطالبه ایده بیلیر. وهی الحیلة بحر.

نته کیم وکیل، مثلا برآی ویره سی به اولارق اشترا و قبض ایدوب فقط موکل مشتری هنوز وکیلدن طلب ایتندن ثمنك وقت اداسی حلول ایتدکدن صوکره موکل مشتری وکیلدن طلب ایتسه وکیل استیفای ثمن ایچون آنی حبس ایده من. ایدوبده تلف اولسه ضامن اولور. «۷۹۴» ماده به باقی هندیه.

«ثمنی ادا ایدنجه به دك» تمیزندن مستفاد اولورکه موکل ثمنی ویرمه مش ایدیه آراق آنی حبس ایده من. شویله که وکیل، اشترا سنه مأمور اولدینی مالی صانئون آلدقندن صوکره موکل

ثمنی بایعه و یرمک اوزره و کیله و یرمش ایکن وکیل آنی استهلاک
ایتسه بایع، ثمن میبئی استیفا ایدنبجه یه دک حبس ایده بیلیر ایتسه ده
بایع ثمن میبئی ۱۶۶۱ ماده یه مبنی موکلدن مطالبه ایده میه جکی
کبی وکیل دخی ثمن مذکور می آلتق اوزره میبئی حبس ایده مز.
۲۷۸۵، ماده یه باقی .

موکل ایله وکیلک دیگر بلده ده بالتلاق وکیلک موکلدن
پاره طلب ایتمی :

وکیل بالشرا، ثمنی گندی مالندن بالادا مشتریانی قبض
ایتدکن صوکره موکله دیگر بلده ده ملاقی و مشتریا نزدنده غیر
موجود اولوب ثمنی طلب ایتدیکی حالدده موکل میبع، کندیسنه
تسلیم ایدلمدن تأدییه ثمندن امتناع ایتدکده نظراولنور: موکل،
مشترایا نزدلرنده بولندیقی زمان مشتریانی طلب ایتدیکی حالدده
وکیل ثمنی آلمدن تسلیمدن امتناع ایتمش ایتسه موکل، مشتریانی
قبض ایتمدن تسلیم ثمندن امتناع ایده بیلیر. موکل مشتریا نزدلرنده
و حضورلرنده بولندیقی زمان وکیلدن طلب ایتمه مش ایتسه ثمنی
و یرمکدن امتناع ایده مز. زیرا بو ثمن وکیلک موکل ذمتنده
مقرر بر آلاجنی اولمشدر بحر.

فروع — وکالاتده ثمن تعیین ایله تعیین ایدر. « ۲۴۳ »
ماده شرحه باقی .

بناء عليه وكيل بالشرايه موكل طرفندن تسليم اولنان يا خود تسليم ايدلار وده فقط يد موكلده ايكن اشارت ايديله ن فقد ، قبل الشرا تلف اولدقده وكيل منزل اولور؛ علم بها او لم يعلم . الا امر لوقيد الوكالة بالعين منها والدين منها ثم استهلك العين اوسقط الدين بطلت الوكالة تكمله رد مختار . بو صورتده بروجه محرر تلف نقدن صوكره وكيل اشتراسته مأمور اولديني مالي صاتون آلسه وكيله قالير . اما نقد مذکور بعد الشرا و بايعه قبل التسليم يدوكلده تلف اولسه وكيل مشتراك ثمنيله موكله مراجعت ايدر . وقبل الشرا يا بعد الشرا تلف اولديغنده اختلاف اولسه سوز عدم علمه ثمنيله موكله كدر .

نقد مذکور بعد الشرا يدوكلده تلف اولدقن صوكره وكيل موكله ثمن مشتراكيله مراجعت واخذ ايدوبده بو مأخوذ دخي يدوكلده تلف اولسه آرتق آمر وموكله رجوع ايده من هندیه و بحر وتكملة ۱۴۶۳ء ماده شرحه باقي .

۱۴۹۲ ماده

(وكيل بالشرا) مشتراكى استيفای ثمن ايجون حبس ايتمهش ايكن (بندده مال مشتراكضارا) ينى بلانده ولا تقصير (تلف يا ضايع اولسه موكلك مالندن تلف اولور .) زيرا يدوكيل ، موكلك يدي كيدير . بناء عليه موكل مشتراكى وكيلك يديله قبض ايتمش ويدنده تلف اولمش حكمنده در بحر . ۱۴۶۳ء ماده يه باقي .

(و نمندن بر شی ساقط اولماز .) بناء عليه وکیل نمی
کندی مالندن ویرمش ایسه ماده آنفه موجبینجه موکله رجوع
ایدر .

حتی موکل وکیل یکر می آلتونی بالاعطا « بونکله بر آت
آلیور » دیکله اوده میاغ مزبوری خانه سنه براقه رق یکر می
آلتونه بر آت آلوب خانه سنه کتوردیکنده یکر می آلتون سرقت
اولندینی آکلاشلایینی کی آت دخی یدنده تلف اولسه آنک و یکر می
آلتونک خساری موکله عائد اولور ؛ وکیل یکر می آلتونی
تکرار موکلدن بالاخذ بایعنه ویره بیلیر .

بوحکم ، آنک اشترا اولندینی موکل تصدیق ویا وکیل
بالینه اثبات ایلدیکی تقدیرده در . اما بلا تصدیق و لا اثبات وکیل
یالکزر نفسندن ضمانی دفعده تصدیق اولنور بحر و تکمله رد
مختار .

مجله ده « مال مشترک » دنیلیر . علی وجه السوم آلتان
مالده تفصیلات آتیہ جریان ایدر ؛ شویله که :

وکیل بالشراء تسمیه ثمن اولنهرق مالی علی وجه الشراء بالاخذ
یدنده تلف اولدقده ۲۹۸۵ ماده حکمینجه مشترانک قیمتتی بایعه
ضامن اولور . بوندن صوکره باقیلیر ؛ علی وجه سوم الشراء آلفه
موکلك امری وار ایسه وکیل دخی ضامن اولدینی شیله موکلنه
رجوع ایدر . والا ایده من بحر .

(فقط وکیل ، آنی استیفای ثمن ایچون) ماده آنفه

حکمنجه (حبس ایدوبده اول حالده تلف یا ضایع اولسه)
 خسار واقع وکیله عائد اولوب (تمنی وکیلک و بر مسمی لازم کلیر).
 بو مسئله « ۲۷۸ و ۲۹۳ » ماده لر قییلندن اولور . بناء علیه بو
 تقدیرده وکیل، موکلنه رجوع ایدمه من . مشترانک قیمتی ثمنه
 کرک مساوی اولسون کرک اولسون . بو فقره طرفین مذهبنه
 مایلدر . وایهما انه بمنزلة البایع منه فکان حبسه لاستيفاء الثمن
 فيسقط بهلاکه . ولارجوع للوکیل سواء تساوت قیمته مع ثمنه
 او تفاوتاً تکمله رد مختار . ابی یوسفه کوره ضمان رهن ایله
 مضمون اولور . فیهلک باقل من قیمته ومن الثمن حتی لوکان الثمن
 اکثر من قیمته رجع الوکیل بذلك الفضل علی موکله . زفره
 کوره ضمان غضب ایله مضمون اولور بحر و تکمله رد مختار .
 « تلف یا ضایع » تعبیری تعییدن احتراز ایچوندور . زیرا
 وکیل استیفای ثمن ایچون مشترایی حبس ایدوبده یدنده
 عیبلاسه ثمندن برشی ساقط اولمازه زیرا اوصافه ثمندن برشی
 مقابل اولمازه . لیکن موکل مخیر در : دیلر سه جمیع ثمن مسمی
 ایله قبول و دیلر سه وکیله ترک ایدر بحر و طحطاوی و هندیه
 و تکمله رد مختار .

« حبس ایدوبده اول حالده » عبارت سندن مستبان اولور که
 ثمنک وکیل اوزرینه لزومی، مشترایی حبس ایتمه نکی نتیجه سیدر .
 بوصورته بر مالی بیک غروشه اشترایه وکیل اولان کیمسه او
 مالی بالاشترای ثمنی کندی مالندن بایعنه ایفا ایدوبده وکیل استیفای

نمن ایچون مشـترای هنوز حبس ایتدن موکل بش یوزی
وکیل به اعلای مشـترای ایستدیکنده باقیسنی استیفا ایچون
وکیل آنی حبس ایتدکن صوکره تلف اولسه موکلک ویر-
دیکی بش یوز غروش وکیلک اولور . وکیل دیگر بش یوز
غروش ایله موکله رجوع ایده مز . اما وکیل مشترای استیفای
نمن ایچون حبس ایتدکن صـوکره موکل بش یوز غروشی
وکیلنه ویرمش ایکن متباقی بی آلمق ایچون مشترا موکله تسلیم
اولندن یدوکیلده تلف اولسه خسارک کلیسی وکیله عائد اولوب
وکیل آدینی بش یوز غروشی دخی موکلنه رد ایتسی لازم
کلیر هندیه .

« وکیل بالشراء » تعبیری استعمال اولنیور . فقط وکیل
بالاستیجارده دخی حکم وکیل بالشرایه ممانل ایدوکی « ۱۴۵۹ »
ماده شرحنده ذکر اولنش ایدی . ولوکان وکیلا بالاستیجار
وقبض الوکیل الدارلیس له ان یحبسها عن الموکل بالاجرة ولو
شرط تعجیلها فان حبسها حتی مضت المدة فقیل الاجر علی الوکیل
ویرجع علی الموکل وقیل سقط عن الموکل تکملة رد مختار .

— ۱۴۹۳ — ماده

ضابطه : انشای عقده مالک اولان اقاله به دخی مالکدر .
بو ضابطه دن بش مسئله مستنادر :

۱ مسئله — (وکیل بالشراء موکلک اذنی اولمدیجه عقد

بیبی اقاله ایده من . (زیرا وکیل بالشرایع مأمور اولدینی مالی اشترا ایتدکده وکالتی دخی ختام بولور . « ۱۵۲۶ » ماده یه باقی . آندن صوکره اقاله سی فضولی اولور . اما موکل اقاله ایده بیلیر . یعنی موکل ایله بایع عقد بیبی اقاله ایتسه لر اقاله لری صحیحدر . انقروی و رد مختار .

۲ مسئله — وکیل بالاستیجار بعد القبض اقاله ایده من
هندیه .

۳ مسئله — متولی اقل قیمت ایله اشترا یا اکثر قیمت
ایله بیع ایتدکده اقاله ایده من .

۴ مسئله — وصی اقل قیمت ایله اشترا یا اکثر قیمت
ایله بیع ایتدکده اقاله ایده من . « ۵۸ » ماده یه باقی .

۵ مسئله — صبی مأذون اقل قیمت ایله اشترا یا اکثر
قیمت ایله بیع ایتدکده اقاله ایده من اشباه « ۱۹۶ » ماده
شرحنه باقی .



﴿ فصل ثالث ﴾

﴿ بیعه وکالت حقننده در . ﴾

﴿ ۱۴۹۴ ماده ﴾

(علی الاطلاق) یعنی بهای تعیین اولنیه رقی بر مالی
 (بیعه وکیل اولان کیمسه موکلتک مالی) تکمیلأ (آزه
 چوغه) تعبیر آخرله غبن فاحش و غبن یسیر و قیمت مثل
 (یعنی) وکیلک (مناسب کوردیکی بها) و عروض و نقود
 و بیع صحیح و بیع فاسد (ایله) و خیار شرط ایله و خیار
 شرطسز (صائبیلیر) زیرا توکیل بالبیع مطلق اولمغله موضع
 تهمتک غیریسنده اطلاق اوزره جاری اولور . « ۶۴ » ماده یه
 باقی . غبن فاحش و عروض ایله بیع نمه شدت احتیاج و مالدن
 حصول ملال زماننده متعارف اولدینی کبی بیع بالعروض دخی
 بیعک انواعندن بولنوب حق صائمیه جفته یمین ایدن کیمسه
 عروض ایله صاندقده حاث اولور بحر و رد مختار .

مجله ده اختیار ایدیلن بو ماده امام اعظم مذهبی
 و صدر الشریعه نک دخی مختاریدر تکمله رد مختار .

استثنا — بیع صرفده غبن فاحش بالاجماع جائز دکلدرد .
 زیرا بیع صرف من وجه بیع ايسه ده من وجه شرا اولمغله
 مجله نک ۱۴۸۲ ماده سندده ذکر اولندینی اوزره غبن فاحش

ایله اشترا موکل حقننده نافذ اولماز؛ شویله که :

مثلاً وکیل بیع الصرف موکلنک بر عدد یوزلک آلتوننی
دورت عدد سیم مجیدیه مقابله سنده صرافه بوزدیرسه نافذ اولماز
در مختار و تکمله .

اما عند الامامین علی الاطلاق بیعه وکیل اولان کیمسه
موکلک مالنی عین فاحش ویا آلتون یا کومشک غیر یسی ایله
صاتسه نافذ اولماز بحر .

فاسداً بیع — علی الاطلاق بیعه وکیل اولان کیمسه
موکلک مالنی بیع فاسد ایله بیع و مشتری به تسلیم ایتسه ضامن
اولماز . فقط ثمنی مشتریدن بالقبض موکله ویرمش دخی اولسه
وکیل « ۳۷۲ » ماده موجبجه بیعی بالفسخ میبیه مشتریدن
بالاسترداد موکله اعاده و ثمنی موکلدن استرداد ایدر . بونده
موکلک رضای شرط دکلدرد هندیه .

حال بوکه « ۱۵۰۵ » ماده موجبجه وکیل بالبیعک اقاله سی
موکل حقننده نافذ اولماز . فرق شودرکه بیع فاسدک رفی
حق شرعدن طولانی لایک ایکن اقاله بویله دکلدرد . « ۱۴۸۹ »
ماده شرحه باق .

ماده ده کی قیوداتک ایضاحی

علی الاطلاق : اما وکالت بالبیع بر قید ایله تقید اولاندقده
وکیل او قیده مخالفه ایده من . « ۱۴۷۹ » ماده ایله ماده آتیه به

باق . و محل اختلاف عند عدم التقييد من الآ صرفان عين شيئاً
تعيين تکمله رد مختار .

مثلاً موکل بو مالی ألی آلتونه صات دیدکده وکیل خلاف
جلسه و شره مخالفت ایده میه چکی کبی خیار شرط ایله صات
دیمش ایکن خیار شرطسز صاتا ماز .

بو صورتده وکیل خیار شرطسز صاتوبده موکل « خیار
شرطله صاتمقله امر ایتمشیدم » و وکیل « خیار شرطی ذکر
ایتمدک » دیه اختلاف ایتدکلرنده سوز وکیلکدر هندیه .

بیعه : مسـتغلات و قفیه دن بالا جارتین تصرف اولنان بر
عقارک فراغه وکیل دخی آنی غبن فاحش ایله فراغ ایده بیلیر .
نته کیم ۱۴۵۹ ماده شرحنده ذکر اولندی اوزره اجاره اعا دیه ده
دخی حکم بویه در . و کذا التوکیل بالاجارة ومن المشایخ من
قال قولهما کقول ابی حنیفة فی الاجارة تکمله رد مختار .

وکیل : اما بر کیمسه نک بیعه وکالتی اولمادی نی حالده غیرک
مالی صاتمماسی جائز دکلدر . ۳۷۸ ماده یه باقی .

عقارات مملوکه و موقوفه و اراضی امیریه نک بیع و فراغه
و دفتر خاقانی مجلسلرنده تقریر و یرمکه وکیل اولان کیمسه نک
وکالتی بر قطعه حجت شرعیه ایله اثبات ایدلسی اصول متخذ
ایجابنددر . بو حجت شرعیه معامله بیعه نک رسماً اجرا
ایدلیدی دفتر خاقانی دائره لرنده اوراق سائر بیعه ایله معا
محافظه اولنور .

بوکی حجت شرعیہ وکالتی مربوط اولیان کیمسہ مؤخرًا
 موکلک وکالتی انکارینہ محل قالمق ایچون اول کیمسہ نک
 وکالتی محکمہ شرعیہ ده بالینه اثبات اولنور ؛ شویله که : وکیل
 مالی، بعدالبیع مشتری به تسلیمدن امتناع ایدر . مشتری ایسه
 او مالی وکیلدن صاتون آلدینی حالدہ تسلیم ایتمه مکده ایدوکنی
 ادعا و وکیل بیعی اقرار فقط فضولی اولدینی جهتله تسلیم
 ایدمه جکنی درمیان آیلر . بونک اوزرینه مشتری وکیلک
 بیعه وکیل ایدوکنی اثبات ایدر . و بروجہ مشروح وکالت
 ثابت اولدقدن صوکره موکل وکالتی انکار ایتسه اعتبار اولنماز .
 « ۷۸ » ماده به باقی . اما بروجہ مشروح خصم شرعی
 مواجهه سنده دعوای صحیحه اولدینی حالدہ وقوع بولان ثبوت
 وکالتہ اعتبار اولنماز . بناء علیه بر کیمسہ فائب فلانک شومانی
 بو کیمسہ به بیعه وکیل اولدینی ادعا و اوکسنه بونی تصدیق
 ایتسه یا انکار ایدوبده ایکی شاهد وکالتہ شهادت ایدهرک حاکم
 دخی بوشهادت اوزرینه حکم و حجت ایتسه بو حکم کان لم یکندر .
 حتی فائب کلوبده وکالتی انکار ایلدیکنده مشتری اصل وکالتی اثبات ایتسی
 ایجاب ایدوب یوقسه او حجت ایله عمل اولنیه جنی کی حجتک
 مضمونی اثبات ایدملکه دخی عمل اولنماز صرة الفتاوی و هذه
 المسئلة مذکوره فی البحر علی التفصیل .

فروع

۱ مسئله — معین بر طای صاتمغه وکیل اولان کیمسہ

او طای بویود کدن صوکره صائسه صحیح اولور هندیه .
 اما بر عرصه یی صائمه وکیل اولان کیمسه اول عرصه یی،
 اوزرینه ابنیه انشا ایدل کدن صوکره صائسه صحیح اولماز .
 فقط بر خانه یی صائمه وکیل اولان کیمسه مذکور خانه
 صیوانل کدن صوکره صائسه صحیح اولور . « ۱۴۷۲ » ماده
 شرحه باقی .

ولو وکله بالیغ ثم رهنه الموکل او آجره فسلمه فهو علی
 وکالتیه . لو وکله بیع ارضه ثم غرس فیها فهو رجوع عن الوكالة
 بخلاف ما اذا وکله بیع ارضه وزرع فیها فیبیع الوکیل الارض
 دون الزرع لان البناء والغرس یقصد بهما القرار لا الزرع
 تکملة رد مختار .

۲ مسئله — بر کیمسه بر مالی بیعه دیکرینی بعدالتوکیل
 او مالی هم موکل همده وکیل صاندقده هانکیسی مقدم اولدینی
 معلوم اولماز ایسه موکلک بیعی مقدم اعتبار اولنور رد مختار .

۳ مسئله — وکیل بالیغ ایله موکل فعلی وکیلده اختلاف
 ایتسه لر یعنی وکیل مقتضای وکالتی ایضا ایتدیکنی ادعا ایتدیکنی
 حالده موکل انکار ایلسه نظر اولنور . وکیلک اخباری عزل
 ایدل کدن صوکره واقع اولورسه سوز موکلکدر . و اگر
 قبل العزل واقع اولورسه موکل بر حیات و صانیله جق مال
 وکیلده مسلم اولنجه سوز وکیلکدر . او مال مسلم اولنجه
 سوز وکیلک اولماز . موکل وفات ایتمش و صانیلا جق مال

تلف اولمش ایسه سوز وکیلکدر . والا وارث تکذیب ایتدکده
وکیلک قولى قبول ایدلر بحر و تکمله رد مختار .

مثلا وکیل بالیبع، بیعنه مأمور اولدینی مالی صانديغنی و نمى
بعد القبض یدنده تلف اولديغنی مشتریك دعواسنه موافق
اولارق بیان و آمر تکذیب ایتدکده وکیل یمیلله تصدیق
اولنور .

موکل وفات ایتدکدن سوکره ورثه سی وکیلک هنوز
صائمديغنی بیان و وکیل فلانه صاتوب نمى قبض ایدهرك یدنده
تلف اولديغنی اثبات و مشتری دخى ، وکیل تصدیق ایتدکده
مبیع بعینه قائم اولنجه وکیل ، بیع اوزرینه تصدیق ایدلر .
مکرکه وکیلک موکل بر حیات ایکن صانديغنی بالینه اثبات
ایدله . اثبات ایدله مینجه بیع رد اولنور . ضمن الوکیل
المال لامشتری . مبیع مستهلك ایسه وکیل بعدالین مصدقدر .

۴ مسئله — موکل وکیلنه « سنى وکالندن عزل ایتدم »
دیدیکی حالد وکیل او مالی « دون صائمش ایدم » دیسه وکیل
سوزنده تصدیق اولنماز . اما وکیل ، مالی فلانه صاندم ایدی
دیدیکی حالد موکل سنى وکالندن عزل ایتدم دیسه دخى مشتری
بیعی ادما ایدنجه بیع جائز اولور .

۵ مسئله — وکیل مالی بیع و نمى قبض ایتدیکنی و نمى
یدنده هلاک اولديغنی ادما ایتسه مبیع وکیل تسلیم ایدلش

اولنجه وکیل تصدیق اولنور . بیع هنوز ید بایعده بولنجه
وکیل تصدیق اولماز بحر .

۶ مسئله — برکیمسه مانی صائغه جمعه کونی برنی توکیل
ایتمکله جمعه ایرتسی کونی وکیل ، بن آنی دون صاندم دیدیکی
حالده موکل تکذیب ایتسه سوز وکیلک و بیع جائز اولور .
اجارده دخی حکم بویله در .

فقط موکل « بن سنی بوکون وکیل ایتدم » وکیل « دون
وکیل ایتدک بنده دون اقشام اوستی صاندم » دهرک اختلاف
ایتسهر سوز موکلک و بیع غیر نافذ اولور بحر .

۱۴۹۵ ماده

ضابطه اولی : وکیل بالبیع جلس نمنده اصلا یعنی نه خیره
و نه ده شره مخالف ایده مز .

ضابطه ثانیه : وکیل بالبیع قدر و وصف نمنده خیره مخا .
لفت ایده بیلیر .

ضابطه ثالثه : وکیل بالبیع قدر و وصف نمنده شره مخا .
لفت ایده مز .

ضابطه رابعه : وکیل بالبیع مخالفی سببیه هر نه وقت
بیعی نافذ اولماز ایسه بیع واقع موقوف اولور .
بو ضوابطه متفرع مسائل

۱ مسئله — (موکل اگر تعیین ثمن ایتش ایسه یعنی
شو قدر غروشه سات دیمش ایسه وکیل آندن نقصانه ساتا -

مزره) « ۱۴۵۶ و ۱۴۷۹ » ماده لره و « ۱۴۵۶ » ماده شرحنده کی ضابطه نائیه باقی . اما او قدره صانابیلیر . فقط آتی الذکر مسئله ده موکلک تعیین ایلدیکی نمن ایله دخی صاناماز؛ شویله که: موکل، برطانی بیگ غروشه صانغه برینی توکیل ایتدکن صوکره وکیل صانمکن قیمتی ایکی بیگ غروشه ترایدایسه آرتق آنی بیگ غروشه صاناماز. فقط خیار شرط ایله صانوبده مدت خیاردده اولوجهله قیمتی نزاید ایتسه وکیل خیاری اسقاط و بیعه اعطای اجازت ایده بیلیر رد مختار و اقروی . لانه یملک الابتداء فیملک الامضاء وان سکت حتی مضت المدة بطل الیبع عند محمد خلافا للثانی.

۲ مسئله — وکیل آندن نقصاننه (صانار ایسه) وکیلک (بیعی موکلک اجازتنه موقوفا منمقد) و موکل ایستر ایسه « ۳۷۸ » ماده ده کی شرائط موجود اولدینی حالده مجیز (اولور). ایستر ایسه فسخ برله میببی استرداد ایدر . ضابطه رابعیه باقی . شراده دخی حکم بوکا نمازل ایدوکی « ۱۴۷۹ » ماده ده کچدی .

(و) موکلک امر سابق یا اجازت لاحقه سی اولمق سزین (خود بخود نقصاننه صانوبده مالی مشتری به تسلیم ایتدکنده موکل) دیلر سه مشتری دن استرداد ایدر؛ دیلر سه بیعه اجازت ویرر؛ و دیلر سه (آکا) یعنی وکیله (اومالی تضمین ایتدیره . بیلیر) « ۹۰۱ و ۱۶۳۵ » ماده لره باقی . بو فقره ده هم بیع

همده تسليم بولنديني حالده فقره نايدهه يالگزر بيع بولمغله
بو ايكي فقره يكديكردن افتراق ايدر .

۳ مسئله — موكل فلان كيمسه نك كندى اتنى صاندينى
فيئانله بو اتى سات ديمكه وكيلى اول كيمسه دن بالسو آل يكرمى
آلتونه صاندينى سويلديكى جهتله وكيلى دنى يكرمى آلتونه
صانقدن صوكره اول كيمسه نك اوتوز آلتونه صاندينى
آكلاشيلسه وكيلى بيه نافذ اولماز . فقط اول كيمسه نك بر
اتى يكرمى آلتونه وديكر اتى اوتوز آلتونه صاندينى
آكلاشيلسه وكيلى بروجه محرر يكرمى آلتونه بيه استحصانا
نافذ اولور بحر . ضابطه نالته يه باق .

۴ مسئله — موكل بومالى داون عدد سيم مجيديه مقابلنده
سات ديمش ايكن وكيلى اون بش عدد سيم مجيديه ساتسه
محيسح و نافذ و ثمن مبيعك كليسى موكلك اولور . ضابطه نالته يه
باق . طقوز مجيديه ساتسه موكلك اجازتنه موقوف اولور .
ضابطه نالته ورابعه يه باق انقروى .

۵ مسئله — موكل داون عدد سيم مجيديه سات ديمش
ايكن وكيلى ايكي عدد عثمانلى آلتونه ساتسه نافذ اولماز . زيرا
بو مخالفت هر نه قدر فائده لى ايسه ده موكلك تسميه ايتديكى
ثمن كوش ايكن وكيلى صاندينى ثمن آلتون و بناء عليه جنسده
مخالف اولمغله نافذ اولماز . ضابطه اولايه باق بحر .

۶ مسئله — موکل اَلّی عدد سیم مجیدیه سات دیدیکی
حاله وکیل اَلّی عدد سیم مجیدیه ایله بش آلتونه ساتسه جائز
ونافذ وکل ثمن موکک اولور هندیه، ضابطه ثانیه به باقی .

۷ مسئله — موکل «بومالی اَلّی عدد سیم مجیدیه سات»
دیدیکی حاله وکیل، آنک نصفی اَلّی عدد سیم مجیدیه ساتقدن
صوکره نصف آخری دخی اون آلتونه ساتسه نصف
اولده کی بیع صحیح اولور . زیرا موکله فائده لی بر صورتده
مخالفت ایتمش اولدی . [بو مسئله ۱۴۹۹ ماده دن مستثنادر .
نته کیم اوماده شرحنده دخی ذکر اولنور .] اما نصف دیگرده
بیع نافذ اولماز . زیرا جنس ثمنده مخالفت اولندی . لکن بو
صورتده وکیل عقد واحد ایله مالی الّی عدد سیم مجیدیه ایله
اون آلتونه ساتسه صحیح و نافذ اولور انقروی و ولوالجیه
« ۱۴۹۹ » ماده شرحنه باقی .

وکیل ایله موکل آره سنده اختلاف :

موکل ، « بن آلتون پاره ایله سات دیمش ایدم کومش
نقد ایله ساتمش سک » و وکیل « تقید ایتمک » دیه اختلاف
ایتدکلرنده سوز موککدور انقروی .

❦ ۱۴۹۶ ماده ❦

(وکیل بالبیع ، موکک مالی کندیسی) یا صغیر اوغلی
(ایچون آلسه) موکله فائده لی یعنی دکلرندن زیاده بدل ایله

اولسه بیله (صحیح اولماز .) ولوکه موکل بوکا صراحه اذن ویره . زیرا برکیمسه نك هم بايع همده مشتری اولسی صحیح اولماز . شو جهتله که تضاد الاحکامه مؤدی اولور . چونکه مشتری و مستقضى ، قابض و مسلم ، و غیبه مخاصم و مخاصم اولسی لازم کایرکه بونده کی تضاد خفی دکدر ابن عابدین علی البحر و تکمله رد مختار . ۱۶۷۰ ماده شرحه باق .

بو جهتله موکل « بو مالی نفسه که یا صغیر اوغلیکه سات و یا خود دیلدیك کیمسه به بیع ایت » دیمش اولسه بیله وکیل کندیس یی یا صغیر اوغلی ایچون آلسه ینه صحیح اولماز خایه و تکمله رد مختار .

وکیل بالیبعك اشتراسی امرنده برحیله :

فقط وکیل بالیبع موكلك مالی باشقه برینه صاندقن صوکره کندیس آندن اشترا ایتسه صحیح اولور طحطاوی .

« وکیل بالیبع » تعیری وکیل بالفراغدن احتراز ایچون دکدر . زیرا اجارتینلی بر عقارك فراغنه وکیل اولان کیمسه اول عقاری نفسی ایچون تفرغ ایده من احکام اوقاف .

— ۱۴۹۷ — ماده

(وکیل بالیبع ، کندی لهنه شهادتلی جائز اولیانلره) که بونلر « ۱۷۰۰ » ماده ده مذکوردر (موكلك مالی) ثمن مثل

یا غبن یسیر و - بطریق الاولی - غبن فاحش ایله
 (صانامز) زیرا تهمت وارد. مواضع تهمت ایسه وکالاتدن
 مستنادر تکمله رد مختار. بو ماده امام اعظم مذهبیدر. امامینه
 کوره بونلره ثمن مثل و غبن یسیر ایله صانیلیر. زیرا توکیل
 مطلق اولدینی کبی «۶۴» ماده یه باق. املاک، متباینه و منافع،
 منقطعه و تهمت، غیر موجوددر بحر.

اجاره و صرف و سلم دخی بیع کیدر. جمع الانهر.
 «وکیل» تعبیری وصی ایله مضاربدن احتراز ایچوندور. شویله که
 وصی صغیرک مالی مثل قیمت ایله کندی لهنه شهادتلی
 جائز اولمیانلره صائسه صحیحدر. فقط محاببات ایله صاناندینی
 تقدیرده غیر جائز اولور. نته کیم مضارب دخی مال مضاربینی
 مثل قیمت ایله کندی لهنه شهادتلی مقبول اولمیانلره صائسه
 جائز اولور بحر.

«کندی لهنه» تعبیری احترازی اولوب وکیل بالیبع
 موکلک لهنه شهادتلی جائز اولمیانلره صانیلیر هندیه. فقط
 بو تعبیر وکیلک نفسندن احتراز ایچون دکلدور. زیرا وکیل
 بالیبع کندی نفسنه دخی صاناماز. ولو بمثل القيمة فی احدی
 الروایتین عن الامام والحیلة فی جواز بیعه من نفسه ان بیعه من
 آخر ثم یشتریه منه تکمله رد مختار.

(مکرکه) درت مسئله مستنادر؛ مسائل مذکوره ده بونلره
 دخی بیع جائز اولور.

۱ مسئله ؛ وکیل بالبيع موكل مالئى كندى لهنه شهادتلى
جائز اولميانلره (دكرندن زياده صانار ايسه) دردنجى مسئله
وجهله وكالت عامه ايله توكيل ايدلمش اولمسه دخی (بيمى
صحيح اولور .) بوراده كى صائسه تعبيرى شرادن احتراز
ايچوندره . زيرا قيمتدن اكثر ايله اشتراده تهمت و خيانت ظاهر
بولنمقده اتفاقا جائز اولماز تكمله رد مختار .

۲ مسئله ؛ موكل تسميه ثمن ايتمش يعنى « بو مالئى مثلا
بيك غروشه صات » ديمش ايسه وکیل او مالئى بيك غروشه
كندى لهنه شهادتلى جائز اولميانلره دخی صاتابيلير انقروى .
۳ مسئله ؛ موكل وکیله كندى لهنه شهادتلى جائز اولميانلره

صات ديه امر ايتمش ايسه بالاجماع وکیل بونلره صاتابيلير .

۴ مسئله ؛ (و برده موكل اكر ديلديكك كيمسه يه صات
ديه وكالت عامه ايله توكيل ايتمش ايسه اول حالده وکیل آنلره
دخی ثمن مثليه) يا غبن يسير ايله (صائسى جائز اولور .)
اما غبن فاحش ايله بالاجماع صانامز بحر .

« وکیل بالبيع » تعبيرى وکیل بالتفرغدن احتراز ايچون
دكلدر . زيرا اجارتينلى بر وقف عقارك فراغنه وکیل اولان
كيمسه اول عقارى اولاد ، ابوين و زوجه كه كندى لهنه
شهادتلى جائز اولميان كمنهلره فراغ ايده من .

فقط موكل آنلردن برينه فراغ ايتك اوزره وکیل ايدر

و یا خود «هر کیمه دیلر سهك فراغ ایت» دیه و کاتی تعمیم ایلر سه
او صورتده فراغ ایده بیلیر احکام اوقاف .

— ماده ۱۴۹۸ —

بروجه پشین دیه تخصیص ایدیلیرك (علی الاطلاق بیعه
وکیل اولان کیمسه موکلك مالی پشین آچه ایله یا خود)
بیع برای تجارت اولور ایسه (او مال حقننده بین التجار
معروف اولان مدت ایله ویره سی یه صانابیلیر .) « ۶۴ » ماده یه
باقی . بو صورتده « موکل پشین پاره ایله صاتمقلگی امر ایتمش
ایدم سن ویره سی یه صاندك » و وکیل « پشین قیدیه تقید ایتیموب
علی الاطلاق بیعه امر ایتدك » دیه اختلاف ایتدکرلنده سوز
موکلكدر . زیرا امر موکلدن مستفاد اولوب اطلاقه دلالت
ایدن دلیل دخی یوقدر هندیه و بحر .

(اما عرف و عاده مخالف بر مدت طویله ایله) مؤجلا
عند ابی یوسف و محمد (صانامز .) زیرا عرف ایله تعیین
نص ایله تعیین کیدره . « ۴۵ » ماده یه باقی . اما علی قول الامام
مدت طویله ایله مؤجلا دخی صانابیلیر تکمله رد مختار .

(و برده صراحة یا خود) بیع تجارت مقصدیه اولیوبده
مثلا بر قادین اکیردیکی ایپلسکی برای بیع دیکرینه ویرمک
منلو نمه احتیاج ایچون اولق کبی (دلالة بروجه پشین صاتمغه
وکیل اولور ایسه ویره سی یه صانامز .) بحر . زیرا پشین پاره
ایله صاتمقله تقید مفید و معتبردر . چونکه مؤجلا بیعه مجله نك

۲۸۳» ماده سی حکمنجه اولاً مبيعك مشترى به تسليمی لازم اولوب قبض نمى حلول اجله تأخر ايدر . و او حالده مشترى افلاس يا خود مفلسا وفات ايتمكله نمك توى وتلفى محتمل ايكن معجلاً صائشده توانك عدم احتمالى ملايسه سيله نقداً صائمله تقيد مفيد ومعتبر اولدى ولوالجيه . « ۱۴۵۶ » ماده شرحنده كى ضابطه اولى به باق .

(مثلاً موكل بومالى بروجه پشين صات) — بو، صراحة پشين صائمه وكالته مثالدر . — (يا خود شو مالمى صانده بورجى وير) ويا خود بومالمى صات زيرا نفعه به محتاجم يا بنى دايئرلم تعجيز ايديرلر — بو، دلالة پشين صائمه وكالته مثالدر — (ديسه وكيل آنى ويره سى به صائمن .) صائوب تسليم ايدرسه ضامن اولور . « ۹۰۱ » ماده به باق .

نته كيم سفره كيتمكه مهيا ويول مصرفه احتياجى بولسان كيمسه ديكر كمسنه به « بومالى صات ! يول خرجلى ايديم » ديه توكيل ايلديكى حالده وكيل ويره سى به صائسه صحيح اولماز طحطاوى ورد مختار و هندية . اما ويره سى به صائمه وكيل اولان كيمسه مؤجلاً صائا بيلير انقري .

وييره سى به صائمه وكيل اولان كيمسه نك پشين صائسى :
بووجهله ويره سى به صائمه وكيل اولان كيمسه، من بيان اولنماش ايكن پشين پاره ايله بيع ايده بيله جكنده اختلاف فقها

واقع اولمشد؛ شویله که :

بعض فقهای کوره اگر ویره سی به صاتیله جق بر فیثاتله معجلاً صانار ایسه جائز اولور . زیرا موکک نسته بیع ایله امر ایلدیکی ثمن مقابلنده نقدا بیع ایدنجه موکل ایچون فی الحال ثمن زائد حاصل اولمقله برابر مشترینک افلاسی یا ثمن میبی انکاری صورتیله مأمول اولان تلف ثمن مخاطره سی دخی موجود اولماز .

اگر ویره سی به صاتیلاجق بر فیثاتله صاتمیبوده دون بدل ایله بیع ایدر سه جائز اولماز . زیرا نسته بیع ، نقدا بیعدن دها فضله ثمن ایله اولوب نسته بیع ایله امر دن مقصود ثمن زائد ایله بیع اولور که فی الحال ثمنه احتیاج بولنما مقله فی المآل ثمن زائد انفع اولور ابن عابدین علی البحر .

دیگر بعض فقهای کوره علی الاطلاق یعنی ویره سی به صاتیله جق ثمن ایله صاتمسی مشروط اولمقمزین ویره سی به صانه بیلیر که صحیح و مقابله اولان دخی بوقولدر ولوالیه و تکمله رد مختار .

❦ ۱۴۹۹ ماده ❦

(برمالک تبعضنده ضرر وار) یعنی شرکی مورث عیب (ایسه وکیل آنک نصفی) عند الامامین (صانامز) زیر توکیل مطلق متعارفه محمول اولوب متعارف ایسه موکله ضرری موجب اولمایه جق صورتده صاتمقدره ۱۴۵۲ ماده به باقی . لضرر

الشركة وهي عيب تنقص القيمة فلا يبرأ بالطلاق تكمله ودمختار.
صانار ايسه موقوف اولوب موكل ايسترسه اجازت ويرر
وايسترسه فسح ايدر. «۱۴۹۵» ماده شرحنده كي ضابطه رابعه يه
باق ولوالجيه و بجر .

مثلا بر كيمسه شو آتي سات ديد كده و كيل او آتاك نصفني
صا تامر . فقط بويله نصفني صا تدقن صوكره قبل الخصومه
وقض البيع نصف آخرى دخی صا تاسه صحيح و نافذ اولور .
«۲۴» ماده يه باق . زيرا و كيل بعضا جمله ميبی اشترا ايد جاك
مشتري يي بولاميه جني جهتله تفريقه محتاج اولوب بيع اولك
تقضندن اول باق يي صا تبه آكلاشلا ديكة مقدما نصفني صا تاسي
باقك يبي ايچون بر وسيله در هنديه و بجر . اما قبل الخصومه
صا تامر ايسه صحيح اولماز .

امام اعظمه كوره نصفني صا تمق جائزدر . زيرا صورت تو كيل
قيد افتراق واجتماعدن مطلقدر . «۹۴» ماده يه باق بجر .

استثنا — بوماده دن بر مسئله مستثنا در ؛ شويله كه :
بر كيمسه آتي بيك غروشه صا تمغه ديكر كمسني تو كيل
ايدوبده او كمسني دخی مذكور آتاك نصفني بيك غروشه صا تاسه
صحيح و كوزل يامش اولور . اما طقوز يوز طقسان طقوز غروش
ايله اون كبله بغدايه صا تاسه نافذ اولماز بجر . «۱۴۹۵» ماده
شرحنه باق .

اما بر مالك تبعيضنده ضرر (يوق) يافى شرکته عيبي
 مورت دکل (ايسه صانابيلير .) رد مختار . اول مال ، مکيلات
 وتبعيضنده ضرر اوليان موزونات وعدديات متقاربه اولمق کي .
 زيرا صورت توکيل مطلقدر . « ۶۴ » ماده يه باقى . مثلا اون کيله
 بغدادى صائمه وکيل اولان کيمسه مذکور بغدادىک بش کيله سنى
 صانابيلير . اما ايکي استرى صائمه وکيل اولان کيمسه يالکز
 بريسنى صائدقده بونده ايکي صورت واردر :

صورت اولى ؛ موکل طرفندن تسميه ثمن اولنمش اولمقدر .
 مثلا موکل « بو ايکي استرى بيک غروشه سات » ديمش ايکن
 وکيل يالکز بريسنى درت يوز غروشه صائدقده باقيلير : مذکور
 درت يوز غروش اگر او استرک نمندن حصه سى يا زياده يا خود
 غبن يسير ايله آز ايسه جائز اولور . والا اولماز .

صورت ثانيه ؛ تسميه ثمن اولنماقدر . مثلا موکل « بو ايکي
 استرى سات » ديمش ايکن وکيل بريسنى صائدقده بوييمده
 ضرر يوق ايسه جائز اولور . اما مذکور استرلردن بريسى اعلا
 ديکرى ادنى اولمق کي ضرر وار ايسه جائز اولماز بحر . زيرا
 عادت تجار ردینک جیده ضميمه برلکده صائمقدر . بوماده نک
 وکالت بالشراده نظيرى « ۱۴۸۰ » ماده در .

❦ ماده ۱۵۰۰ ❦

(وکیل) بالبيع (ويره سى يه صاندينى مالک ثمنى مقابلنده

رهن یا کفیل (آلا بیلیر .) زیرا وکیل ، حقوق عقدده اصیل اولوب ثمن میبی قبض حقوق عقددن اولدینی کی کفالت قبض ثمنی توثیق وارتهان دخی جانب استیفا ایچون وثیقه بولمقله وکیلک بوکا صلاحیتی واردر .

بورهن ، موکل ایچون واقع اولمقله برابر وکیل ، آنی رد ایتدکده جائز وموکل ایچون رهنک قیمتیه نمندن اقلنی ضامن اولور . وعند ابی یوسف لایصح رده بحر .

« وکیل بالبیع » تعیری وکیل بقبض الدیندن احتراز ایچوندرکه بووکیل ، رهن آلاماز . زیرا بونک وکالتی قبض دینه منحصر اولوب یوقسه اخذ رهنه دخی شامل دکلدرد . والوکیل بالبیع یقبض اصالة ولهذا لا یملك الموکل حجره عن قبض الثمن جمع الانهر .

« فقط رهن » وکیل یا موکل یدنده « تلف » اولارق ثمن میبیع ساقط « یا کفیل مفلس اولسه » ده استیفای ثمن ممکن اولماسه « وکیل » ثمن میبی موکله « ضامن اولماز . » « ۷۴۰ » مادهیه باقی . یعنی بلا امرالموکل وکیل مثلا رهنی آلمش وتلفیه سقط دینه سبب اولمش دنیلرک وکیل ضامن لازم کلز . ورهنک قومتی مقدارنجیه دین ساقط اولور . « ۷۴۱ » ماده وشرحه باقی .

ایا وکیل بقبض الدین رهن آلوده یدنده تلف اولسه

موكلك آلاچقندن هيچ برشي ساقط اولمايه چقي كهي وكييله دخي ضمان لازم كلز بحر . ۱۴۵۹ء ماده به باق .

❦ ماده ۱۵۰۱ ❦

﴿موكل رهن ايله يا كفيله ايله سات ديدكده وكيل بلارهن وبلا كفيله ساتامز .﴾ ساتوبده مشتري به تسليم ايتسه موكل آكا تضمين ايتديره بيلير . ۱۴۵۶ء ماده شرحنده كي ضابطه اولايه باق . نته كيم موكل بوييچي مجيز اولاييله چكي كهي . ۱۴۹۵ء ماده شرحنده كي ضابطه رابعه به باق .

بوصورتده موكل ، رهن يا كفيله شرط اولندي و وكيل اولندي ديه اختلاف ايتدكارنده نسوز موكلكدرد . ۱۴۹۸ء ماده شرحنده باق بهجه و فيضيه .

موكل ، رهن اطلاق ايتسه يعني «معمد» قيديله ققيده ايتسه وكيل قيمتي ثمن مبيعه مساوي رهن ايله ساتايله چكي كهي عندالامام قيمتي تمندن آز اولان رهن ايله دخي ساتايلير . ۶۴ء ماده به باق . وعندهمالا فيما يتعابن فيه بحر . اما موكل «رهن معمدايله سات» ديه امر ايتدكده وكيل آنجق قيمتي ثمن مبيعه مساوي رهن ايله بيعه مقتدر در . ۱۴۵۶ء ماده شرحنده كي ضابطه اولايه باق هنده و اقروي .

بوماده وجهله بالكفاله ساتمغه وكيل اولان كيمسه باشقه سني كفيله آلق لازم كلير . يوقسه كنديسي يعني وكيل بالبيع ساتديني مالك ثمنه مشتري به كفيله اولسه كفالت هيج دكدر .

انقروی . لانه یصیر عامه لانسفله لکون حق القبض له فیکانه
کفل مطلوبه لنفسه فان ادی بحکم الضمان کان الا داء باطلا
ایضا لان المنی علی الباطل باطل و لکن لو ادی بدون الضمان
فلا یرجع لکونه متبرعا در مختار . « ۶۳۰ » ماده شرحه باقی .

ماده ۱۵۰۲

(وکیل بالبیع ، صاندینی مالک ثمنی مشتریدن آلمادینی
حاله کندی مالندن موکله ادا ایتک اوزره) وکیل (جبر
اولماز .) ۱۱۱۲ ماده شرحنده کی خاتمک یکرمی ایکنجی
مسئله سنه باقی . حتی وکیل بالبیع ، صاندینی مالک ثمنی کندی
مالندن بلا امر المشتري موکله ویرسه متبرع و مشتری به حق
رجوعی مفقود اولور . « ۱۵۰۶ » ماده شرحه مراجعت اولنه .
مثلا وکیل بالبیع ، موکک مانی بیک غروشه بعدالبیع
ثمن مییه قبض ایتدیکی حاله کندی مالندن بلا امر المشتري
موکله ویرسه متبرع اولور . نته کیم وکیل بالبیع موکله بر مال
صا تویده مشتریدن هنوز آلمیان بورجه تقاص ایتسه ینه متبرع اولور .
لکن وکیل بالبیع ، مشتری ذمتنده اولان ثمن میبع کندینک
اولمق اوزره کندی مالندن موکله ویرسه صحیح اولیوب ویتنه ،
او ثمنی استرداد ایده بیلیر . یعنی وکیل بالبیع مثلا بالاده مذکور
بولنان مثاله مشتری ذمتنده کی بیک غروش کندینک اولمق
اوزره یعنی بو وجهله مقاوله و شرط ایده رک مبلغ مذکور

موکله و پرووده اوده بویله جه راضی اولسه ینه بیع دکل
ایسه ده بو صورتده وکیل ، موکله ویردیکي نمی استرداد
ایده بیلیر، و ثمن میبی مشتریك ویرمسی لازم کلیر. طعطاوی
و اقروی .

و کذا برقاج کسنه لر برای بیع بر تاجره ماللرینی براقلریله
اودخی مؤجلاً صاتارق هنوز پاره لری مشتریلردن آلامش ایکن
مشتریلر ذمتنده کی مطلوبات کندینک اولق اوزره او کسنه لره
ماللرینک پاره لرینی تأدیه ایتدکن صوکره مشتریلر مفلس
اولسه لر او تاجر پاره لری او کسنه لردن استرداد ایده بیلیر
طعطاوی و تکمله رد مختار .

« آلامدینی حالد » دینلدی . زیرا وکیل بالیبع ثمن میبی
مشتریدن آلامدینی حالد موکله ویرمسی لازم کلیر . « ۱۴۶۳ »
و « ۷۹۴ » ماده لره باقی .

فقط وکیل بالیبع مشتریدن ثمن میبع آلامایوبده آنک
مقابله سنده متاع اشترا ایله سه آلامدینی متاع کندینک اولوب
ثمن میبی موکله ضامن اولسی لازم کلیر . یوقسه موکل او
متاع آلیرم دیده اقروی .

استثنا : آتی الذکر مسئله ده وکیل نمی موکله ادایه جبر
اولنور ؛ شویله که :

وکیل بالیبع معجلاً بعد البیبع مشترینی امهال و تأجیل

ايتسه ايهال وتاجبلى صحيح اولوب موكله مالندن پشين اولارق
ويرمكه مجبوردر . بعد حلول الاجل ثمن ميبى كنديسى
ايچون مشتريدن قبض ايدر صرة الفتاوى .

ماده ۱۵۰۳

(ثمن ميبى) مشتريدن (قبض ايتك وكيلاك) اصالة
حقيددر . موكل كرك برقيات و كرك بعد العقد فوت يا مجنون
اولسون . ۱۶۶۱ مادهيه و شرحنه باق .

بو جهته وكيلى بالبيع صاتمغه مأمور اولدينى مالى كندى
دايننه صالحه مجرد عقد بيع سببيله داييك آلاجنى ايله تقاص
واقع اولورده وكيلى ، مذكور ثمنى موكلنه ضامن اولور . زيرا
وكيل ، كندى بورجنى موكلك ماليله اوده مشدر . وهذا عند
هما وقال ابو يوسف لا تقع المقاصة بدين الوكيل وهذا مبنى على
ابراء الوكيل بالبيع من الثمن فعندهما يجوز ابراءه فتقع المقاصة
وعنده لا يجوز فلا تقع ولكن لو هلك المبيع فى يد الوكيل قبل
التسليم بطلت المقاصة اجماعا ولا ضمان للموكل على الوكيل لانه
انفسخ البيع من اصله .

اما مشتريتك موكلدن مطلوبى اولسه مشتري موكلده
اولان بو آلاجق ، ثمن مبيع ايله تقاص اولاجنى كهي هم
موكلك همده وكيلاك مشتريه بورجى اولسه وكيلاك بورجى
ايله تقاص اولور . زيرا موكل مشتريدن ثمنى مطالبه ايدمن
ولواليه و هندية و رد مختار و طحطاوى .

فقط قبض ثمن وکیل (حق اولسه دخی موکل قبض ایدیورسه) یعنی مشتری کندی رضاسیله موکله ویرسه (محبیح اولور) ده آرتق وکیل ثنیا ثمن میبی مشتریدن مطالبه ایده من. زیرا ثمن مقبوض، حق موکل بولنش واوده کندیسنه واصل اولش ایکن آندن استرداد ایله تکرار دفع و تسلیمده فائده یوقدر بحر. حق وکیل، ثمنی موکله تسلیمدن مشتری بی نی و منع ایتسه بیله تسلیم ایده بیلیر. فقط مشتری، ثمن میبی موکله دفع و تسلیم ایتدکن صوکره مال مشتری بالاستحقاق ید مشتریدن ضبط اولسه مشتری ثمن ایله موکله رجوع ایدر. اما وکیله تسلیم ایتش ایسه وکیله رجوع ایلر هندیه.

«موکل» تعبیری یتیمدن احتراز ایچوندر. شویله که وصی، مال یتیمی صانوبده مشتری ثمن میبی یتیمه صانوبده مشتری ثمن میبی یتیمه ویرسه مشتری بورجندن برأت ایده میوب ثمن میبی تکرار وصی به ویرسی لازم کایر. زیرا یتیمک مالنی قبضه اصلاحق اولمادیغندن دخی قبضه دخی صلاحیتی یوقدر. بو صورتده مشترینک یتیمه پاره ویرسی تضییعدر رد مختار. «قبض ایدیورسه» تعبیری دلالت ایدر که مشتری کندی رضاسیله ویرمشد. یوقسه مشتری ثمن میبی موکله دفع و تسلیمه جبر اولنه ماز. مکرر وکیل بالیبع قبض ثمنه موکلنی توکیل ایتسین. اول حالده ثمن میبی موکله تسلیمه مشتری جبر اولنور طحطاوی.

استثنا — بیع صرف بوماده نك حكمندن مستثنا اولوب بدل صرفی آنحق وکیل قبض ایده بیلیر یعنی وکیل بالصرف عقد صرف ایتدکدن صوکره بدلنی موکل قبض ایتسه عقد صرف باطل اولور. زیرا بو صـ ورتده عاقدین من غیر قبض افتراق ایتش اولور. حال بوکه بونده کی قبض ایجاب و قبول منزلده در. بوا یسه متعاقدینه متعلق اولدینی کی قبض دخی متعاقدینه متعلقدر بحر و تکمله رد مختار.

قبض نمن حق وکیل اولسی اوزرینه مسأله آتیہ تفرع ایدر:

۱ مسئله — وکیل قبض نمنی انکار ایتسه مشتری وکیل قبضی اثبات ایتدکه نمندن بری اولور. و او حالد وکیل نمن میببی موکلنه ضامن اولور انقروی.

۲ مسئله — وکیل بالبیع موکل طرفندن برای بیع کندیسنه تسلیم اولنان مالی بعد البیع موکل نمن میببی مشتریدن قبض ایتدیکنی یا او نمنك مثانی مشتریدن استقراض یا غصب ایتسه موکیله مشتری یا مقرض یا منصوب منه پیننده تقاص ایدلدیکنی اقرار و موکل انکار ایتسه سوز مع البین وکیلکدر. و لایضمن الوکیل للموکل شیئا لانه لواقر بذلك بنفسه لایضمن. و صورت تخلیف بتانه اولورده موکل نمن میببی قبض ایتدیکنه یمین ویریلیر. بو، فعلی غیره تخلیف اولوب بوکی تخلیف عدم علمه.

اولاجنی ۱۷۴۸ء مادہ دہ مصرح ایسہ دہ وکیل، موکل قبض
 ایلدیکنی بیلدیکنی ادعا ایدیور . ایلدی وکیل بروجہ مشروح
 یمین ایدرسہ آنک اوزرینہ نسنہ لازم کلز . نکول ایدرسہ
 ثمن مبیعی موکلنہ ضامن اولور . زیرا موکل ثمنی اتلاف
 ایلدیکنی اقرار ایتشددر اقروی وخانیہ .

۳ مسئلہ — وکیل بالبیع مبیعی مشتری بہ هنوز تسلیم
 ایتدن بن اومالی فلان کسنہ یہ صاندن وموکل ثمنی آندن قبض
 ایلدی یا بن قبض ایدوب موکلہ ویردم یا ثمن مذکور بعدالقبض
 یدمدہ بلااعدولانقصیر تلف اولدی دیدیکی حالہ موکل وکیلانی
 ہم بیع ہمدہ قبض ثمنہ تکذیب ایتسہ یاخود بیعہ تصدیق
 ایدوب یاالکز قبض ثمنہ تکذیب ایلسہ نظر اولنور : موکل ،
 اومالی وکیلہ اگر تسلیم ایتش ایسہ ثمن مبیعدن مشتری بری
 اولوب سوز یمیلہ ہر حالہ وکیلکدرہ وکیل ادعائی اوزرینہ
 یمین ایدرسہ وکیل دخی ضامدن بری اولور . ۱۷۷۴ و ۱۴۶۳ء
 مادہ لہ باقی . نکول ایدرسہ ثمنی موکلہ ضامن اولور . مسئلہ
 آفہیہ باقی . لانہ غیر مضطر الی النکول لاحاطۃ القبض اوعدمہ
 لعلمہ ولکونہ اما باذلا اومقرا و علی التقديرین یضمن بخلاف
 ما لو اقيمت دعوی عیب علی الوکیل بالبیع فیکل فقصی علیہ
 فانہ یرد المبیع علی موکلہ « ۱۴۸۹ » مادہ یہ باقی . لانہ مضطر
 الی النکول لعدالعیب عن علمہ باعتبار عدم ممارستہ المبیع تکملہ .
 وا کر موکل صاتیلہ حق مالی وکیلہ تسلیم ایتہ مش ایسہ باقیلیر .

و کیانی تکذیب ایللمسی هم بیعه همده قبض نموده ایسه وکیل
بیعه تصدیق اولنور. زیرا وکیل، بر امری اخبار ایتشد که
حال اخبارنده انشاسنه مقتدر در. اما موکلی علیهنه اولان
قبض ثمن حقنده کی اقرارنده تصدیق اولنه میه جفتدن مشتری
ایسترسه ثمنی مجددا موکله بالا عطا میبی قبض ایدر. ایسترسه
بیعی فسخ ایلر. بویکی حالده وکیل «مقدما بیع ایتدم ثمنی
بالقبض موکله ویردم یا یدمده بلا تعد ولا تقصیر هلاک اولدی»
دیمش اولدینی صورتده ثمنی مشتری به ویرر. وکیل «مقدما
بیع ایتدم ثمنی موکل آلدی» دیمش اولدینی صورتده ثمنی
مشتری به ویرمسی لازم کلز. موکل وکیل بیعه و قبض
نمده تصدیق ایدوب لکن ثمنی کندیسنه ویردیکی یا یدنده تلف
اولدینی ادعا سنده تکذیب ایسه سوز یمینله وکیلدر. بو
صورتده وکیل ثانیاً ثمنی مطالبه به حق اولمیه رق میبی مشتری به
تسلیم ایتمه مجبور در انقروی.

ماده ۱۵۰۴

(وکیل، اجر تسز ایسه صاتیق مالک ثمنی استیفا
و تحصیل)، صاتون آلدینی میبی قبضه، عیب ایله مخصوصه به
و ثمن مستحق ایله رجوعه (مجبور دکلدر.) زیرا بو وکیل
متبرع اولوب تبرعه ایسه جبر جائز اولماز بحر بزیاده.
بو جهتله وکیل، استانبولده بولنان موکلی طرفندن آتی
بالوکاله ادرنده معجلا بیع ایتدکده موکل «ادرنه به کیتده

صانديفك آتک تمنی تحصیل ایت ديه وکيلی جبر ایدمه من صرة الفتاوی
 (فقط) استيفای تمن و حقوق سائرہ مذکورہ وکيلک
 حق اولوب موکل بو حقوقه تولى ایدمه جکندن وکيلی
 (کندی رضاسيله) تمنی وسائر حقوق عقدی (تحصیل) وایف
 (ایتدیکی تقدیرده موکلنی قبض و تحصیل منه) و حقوق
 سائرہ ی ایفایه (توکیل) یا قبض تمن ایچون موکلنی مشتری
 اوزرینه حواله (ایتسی لازم کلیر .) طحطاوی .

وکیل، قبض تمن ایچون بحکم الحاکم موکلنی توکیل ایتدکده
 آرتق آنی عزل ایدمه من . اما بلا حکم الحاکم کندی رضاسيله
 توکیل ایتسه عزل ایدمه بیلیر تکمله و اقروی .

« کندی رضاسيله تحصیل ایتدیکی » قهیرندن مستفاد
 اولورکه کندی رضاسيله تحصیل ایدمه جک اولدقده توکیلله اجبار
 اولنه ماز . موکل « بنی توکیل یا بکا حواله ایتده تمنی مشتریدن
 بن قبض ایدمه » و وکیل « بن قبض ایدرم » ديه نزاع ایلدکلرنده قبض
 تمن حق وکیل اولغله موکلنی توکیلله یا حواله یه جبر ایدلمز هندیه .
 (اما دلال و سمسار کی اجرت ایله بیعه وکیل اولان

کیمسه مبيعک تمنی) مشتریدن (استيفا و تحصیل مجبوردر .)
 زیرا بونلر متبرع اولیب عملاری مقابلنده اجرت آلاجلرندن
 و تحصیل تمن دخی تمام عملدن بولندیغندن تحصیل مجبوردرلر
 بحر زیاده . وقد صرحوا به فی المضاربة بعد التفاسخ انه اذا کان
 فی المال ربح یجبر المضارب علی تقاضی الديون والا لا یوکل رب

المال بتقاضه تکمله رد مختار .

ماده ۱۵۰۵

(وکیل بالبیع) میبک ثمنی قبض ایتزدن اول (خود بخود) یعنی موکک اذنی اولسه بیله (بیی اقاله ایده بیلیر .) چونکه حقوق عقد ، عاقد اولان وکیله عانددور . (فقط بو اقاله موکل حقند . نافذ اولیوب وکیلک موکله) میبک (ثمنی ویرمسی لازم کلیر .) زیرا وکیل ، مالی بیع ایتسیله ۱۵۲۶۵ مادهیه بناء وکالتی منتهی اولوب بوندن صوکره اقاله مشتری ایله وکیل آره سنده بیع جدید حکمندهدر ولوالجیه وانقروی . نتهکیم موکل ایله مشتری دخی بیی اقاله ایتسلر صحیح اولور .

سوال — « ۱۴۹۳ » مادهده وکیل بالشراء بلا اذن الموکل بیی اقاله ایده من ایکن وکیل بالبیع اقاله ایده بیلیر . بو مادهده شرحا مذکور اولان دلیل « ۱۴۹۳ » مادهده ومذکور « ۱۴۹۳ » مادهده شرحا ذکر اولنان دلیل بو مادهده جاری بولمشدور . بناءعلیه فرق بولق لازم کلیر . فلیتامل فی الجواب ؟

« میبک ثمنی قبض ایتزدن اول » ذیلدی . زیرا وکیل بالبیع میبک ثمنی مشتریدن بعدالقبض بیی اقاله ایده من . چونکه مقبوض موکک ملکی اولدینی کبی مقبوض مذکور اوزرینه وکیلک بالوکاله وضع ید ایتسه بیله موکک یدی ثابت اولمشدر خانیه استنباطاً وهندیه ورد مختار .

« بواقاله موكل حقنده نافذ اولماز » دنيلمسي خيار شرط،
 خيار رؤيت، خيار عيب وفساد بيعه بناء وددن احتراز ايچوندر كه
 بونلر موكل حقنده دخی نافذ اولور . شويله كه مشترى ميبی
 خيار شرط يا خيار رؤيت ايله وکیل بالييعه رد ايتدكده اوده
 موكلنه رد ايده بيلير. مشترينك ردی كرك حاكم ايله كرك
 بلا حاكم الحاكم اولسون. نته كيم مشترينك وکیل بالييعدن صانون
 آلوبده هنوز قبض ايتديكي مال، غيبلی اولديغندن بحث ووكيلك
 معيب اولديغنی اقرار ايله وکیل رد ايتسه اوده موكله رد ايده بيلير.
 مشترينك رد مذكوری كرك حاكم حاكم ايله و كرك بلا حاكم
 الحاكم اولسون « ۱۴۶۱ » ماده شرحنه باقي طحطاوی .

فساد بيعه بناء رده كلنجيه ، وکیل بالييع فاسدا بيع
 و مشترى يه تسليم و ثمنی بالقبض موكله اعطا ايتسه دخی بيهی
 فسخ و ثمنی موكلدن استرداد ايده بيلير. ولو كه راضی اولماسون.
 زیرا بو رد و فسخ حق شرعدر بحرح. « ۳۷۲ » ماده يه و شرحنه
 باقي تكملة رد مختار .

« وکیل بالييع » تعيرى وکیل بالاجاره دن احتراز ايچون
 دكلدر . زیرا وکیل بالاجاره دخی قبل استيفاء المنفعة و قبل
 اخذ الاجرة اجاره يي اقاله ايتسه جائز اولاجنی « ۱۴۵۹ » ماده
 شرحنده كچدی .



﴿ فصل رابع ﴾

﴿ مأموره دائر اولان مسائل بیانده در ﴾

مأمور ، کندی مالندن مصرف ایدرک مأمور بهی ایفا
ایتدکن صوکره مصرفیه آمره رجوع ایدر بیامسی حقنده
کتب فقهیهده بعض قواعد بیان ایدلشد .

مذکور قواعد منفردا اخذ ایدلکده بعض مستثنیات
بولنسی جهتیه کلیتیرینه خللی کلمش اولدیفندن قواعد مذکور
رمدن بعضارینک مزجی صورتیه قواعد آتیهنک سرد
وایضاحنه ابتدار اولنور :

قاعده اولی — برکیمسه دن حبس وملازمتله مطالب یاخود
آنک اوزرینه ایفاسی وجوب دنیوی ایله واجب یاخود مدفوع
ایله ملک ماله مقابل مدفوعه مالک اولدینی شیء آنک امریه
دیگر کمنه کندی مالیه ایفا ایتدکده شرط رجوع اولسه
بیله آمره ، مأموره رجوع ایدر . نفقه اولاد وعیال وادای دین
وانشای دار واعطای بدل غصب وتکفین متوفی و هبه بشرط
الموضه اعطای عوض ایله امر کی .

ایضاح القيود والامثله

حبس وملازمت : بوقید ایله اعطای نذر وکفارت وزکات
واجاج ایله امر خارج قالیر . زیرا هر نه قدر کندیسنه لازم

اولان کیمسه بونلرله مطائب ایسه ده حبس و ملازمت ایله
مطالب و وجوب دنیوی ایله اوزرینه واجب دکلدر. نته کیم
هبه و صدقه نك اعطاسیله امر دخی خارج قالیر. زیرا هبه و صدقه
حبس و ملازمتله مطالب دکلدر. نفقه اولاد و عیال «۱۵۰۸»
وادی دین «۱۵۰۶» الشای دار کذلک «۱۵۰۸» ماده لردہ
مذکوردر. اعطای بدل غصب، غاصب غصب و استهلاک
ایدرك اوزرینه اعطای بدل لازم کلکله دیگر کسنهیه «بدل
غصبی مغضوب منه مالکدن ویر» دیوبده اوده ویرسه آمره
رجوع ایدر. زیرا مدفوع الیه بولنان مغضوب منه آلدینی بدله
مال مغضوب مقابله سنده مالک اولور.

تکفین متوفی: احد ورثه متوفانک تکفینی برکسنهیه امر
ایدوبده اوده تکفین ایتسه سر حسینک بیانسه کوره مأمور
آمره رجوع ایدر تنقیح. زیرا تکفین ورثه اوزرینه واجبدر.
و ظاهره ان الهبة لو كانت بشرط العوض فامرہ بالتعویض عنها
یرجع بلا شرط لوجود الملك بمقابلة مال تکملة رد مختار فی الهبة.

قاعده ثانیه — آمر مأموره «فلانه شو قدر غروش ویر»
دیدکده مأمور طرف یا آمرک شریکی یا خلیطی یا خود مأمور
آمرک عیالنده یا آمر مأمورک عیالنده ایسه و یا خود آمر «بندن
ویر» دیمش ایسه بلا شرط الرجوع دخی رجوع ایدر.
و تفسیر الخلیط ان یكون بينهما اخذ و اعطاء او

مواضعة على انه متى جاء رسول هذا او وكيله يبيع منه او يقرضه فانه يرجع على الامر اجماعا اذ الضمان بين الخليطين مشروط صرفا اذ العرف انه اذا امر شريكه او خليطه بدفع مال الى غيره باسمه يكون ديننا على الامر والمعروف كالمشروط. وافاد التعليق بال ضمان صرفا ان ما يرى به العرف في الرجوع على الامر يرجع وان لم يكن خليطا ولا في عياله ولذا انبتوا الرجوع للصيرفي .

قاعدة ثالثة — فلانه شوقدر غروش هبه يا اودنج يا فلانك بكا ويرديكي هبه به عوض يا قسمه كفارت يا مالكم زكاتى مالكدن وير يا فلان آدمى بنم ايچون بدل حج اولارق كوندر ديدكده شرط رجوع ايدلمش يعنى بن صوكره سكا ويرهم دنيلمش ايسه رجوع ايدر. والا رجوع ايده من . ولو كه مأمور خليط يا خود آمر بندن وير ديمش بولنه تكمله رد مختار في الهبة وتنقيح في الكفالة ودر مختار ورد مختار قبل كفالة الرجلين .
 ٨٦٨ ماده شرحنده وعهد ايتديكمز ايضاحات بوراده اعطا اولنمشدر .

ماده ١٥٠٦

ضابطه : مأمور باداء الدين بعد الاداء آمرينه رجوع ايدر. ولو كه شرط رجوع ذكر ايدلمه سين. زيرا مأمور باداء الدين ، آمر ك ذمتده دابن ايچون ثابت اولان بورجى دايندن صاتون آلفه مأمور ووكيل بالشرادر. ١٤٩١ ماده به باقى بحر .

بلا شرط رجوع ایچون اقتضا ایدن شرائط ثلاثه :

شرط اول : مدیونك امریدر . بناء علیه برکیمسه بلا امر
المدیون انك بورجی ایضا ایتسه متبرع اولور . مدیونه رجوع
ودایندن دخی استرداد ایده من .

بوجهتله برکیمسه نك دیگر کیمسه نندن بیک غروش آلاجنی
وبر شخصه دخی بیک غروش دینی اولوبده اوکیمسه خود بخود
اول کیمسه نك اوشخصه اولان بورجی ادا ایلسه متبرع اولوب
اول کیمسه یه اولان دیننه محسوب ایده من صرة الفتاوی .

ینه بوجهتله امر فلان کیمسه یه اولان بیک بش یوزغروش
بورجندن بیک غروشك اعطاس یله امر ایتدیکی حالده مأمور
بیک بش یوزغروشی ویرسه امره یالکوز بیک غروشله رجوع
ایدر . متباقی بش یوزغروشده متبرع اولور صرة الفتاوی .

ینه بوجهتله برکیمسه دیگرینه بر استر ویروبده « بونی
صانده ثمنی فلانه اولان بورجم ایچون ویر » دیدیکی حالده مأمور
آنی صاتمندن مقدم ، کیمسه سندن او بورجی داینه ویرسه متبرع
اولور هندیه . بوکا دائر بعض ایضاحات « ۷۲۵ » ماده شرحنده
ذکر ایدلمش ایدی .

شرط ثانی : دیندر . ایمدی دین بولنسه رجوع ایده من .
« ۱۵۰۹ » ماده ده اولدینی کی .

شرط ثالث : ایفادر . ایضا ایتندن رجوع ایده من . ایضا ،

یعنی ادای دین داینتك اقرارى یا یمیدن نگولی یاخود یدنه عادلہ
ایله ثابت اولور. مجرد آمرک اقرار و مأموری تصدیق ایلمسیله
اداء نه مأمور، نه ده داین حقننده ثابت اولماز .

بوجهتله آمر، امرى وجهله مأمورك ادای دین ایلدیکنی
تصدیق ایتدیکی حالده داین المدیغنه یمین ایدهرک آلاجنی آمردن
آلسه جامعده بیان اولندیغنه کوره مأمور آمره رجوع ایده من.
زیرا آنفا ذکر ایلدیکی اوزره مأمور آمرک ذمتنده کی اشترايه
مأمور اولوب مشترک بولنان ذمتنده کی مال آمره سالم قالیرایسه
اول وقت رجوع ایدره. کالمشتری انما يؤمر بتسليم الثمن الى الامر
اذا سلم الامر ما اشترى اما اذا لم يسلم فلا بحر .

امره بقضاء دينه من ماله فادعاه وكذبه الطالب والموكل
ولا يئنه فالقول قولهما مع اليمين ويحلف الموكل على نفي العلم وان
صدقه الموكل دون الطالب رجوع عليه بما ادعاه ويرجع الطالب
عليه ايضا بدينه ذكره القدورى وفي الجامع لارجوع للوكيل
على موكله ولو صدقه والاول اشبه كما في البدايع تكمله رد مختار.
ایمدی مأمور قضای دین اوزرینه یدنه اقامه ایتدکده یدنه سی
مقبول و آمر دین طالبدن بری و مأمورك آمرینه حق رجوعی
ثابت اولور ابن عابدین علی البحر . و داین غائب اولسه دخی
مأمورك بو یدنه سی مدیون مواجهه سنده قبول اولنور. لان الدائن
وان كان غائبا لكنه عنه خصم حاضر فان المدعى على الغائب سبب
لما يدعى على الحاضر لانه ما لم يقض دينه لا يجب عليه شيء و یدنه ما

اتصال ایضا وهو الامر وبعد السببية والاتصال يتصب خصما بحر .
 فقط مأمورك ایضای دین ایندیکنی آمر تصدیق ایدوبده
 داین غائب اولنجه آمر ، مبلغ مذکوری مأموره ویرمه
 مجبوردر . آمر « جائز که داینم حاضر اولدیعنده قبضنی انکار
 ایدوب ینه بندن آلیر » دیه مبلغ مذکوری مأموره ویرمکن
 امتناع ایدمز . « ۷۴ » مادهیه باقی . لکن داین مؤخر اکلوبده
 مأموردن قبضنی انکار ایله آمردن آلسه آمر دخی ویردیکنی
 مأموردن استرداد ایدر بحر و طحطاوی و فناوای ابن نجیم .
 مقدا تصدیق ایلرسی مانع رجوع اولماز .

مثلا (برکیمسه بر شخصه یا) خود (میری به اولان دینی
 ادا ایتک اوزره دیگر کمنه به امر ایدوبده اودخی کندی مالندن
 ایفا ایتسه صوکره آمره رجوع ایدر) تعیر دیگرله ویردیکنی
 آمردن آلیر . (آمر کرک رجوعی شرط ایتسون و کرک شرط
 ایتسون یعنی کرک صوکره بندن آلق اوزره) فلان شخصه
 یا میری به اولان شوقدر غروش (بورجی ویر یاخود سن
 ویرده صوکره بن سکا ویرهیم دیمک کبی . تعیر ایله مأمورك
 کندیسنه رجوع ایتسنی شرط ایتسون و کرک یالکز بورجی
 ویر دیمش اولسون .) نته کیم بر شخص ، برکیمسنگ « فلان
 کمنه به بندن بیک غروش ویر » دیه واقع اولان امرینه بناء
 آکا ویرسه مأمور آمره رجوع ایدر . زیر بواصر اوکمنسنگ

اول کیمسه دن آلاجنی اولدیفی اشعار ایتمه که ماده آنه موجبنجه
مأمور آمره رجوع ایدر صرة الفتاوی .

قاعده : مأمور بالا نفاق کندیسنه برای مصرف آمری
طرفندن ویریلن مال یدنده موجود ایکن او مالی امساک ايله
کندی مالندن صرف ایتسه عقدی کندی مالنه مضاف قیلمدینی
وچین صرفنده آمرینه رجوعی نیت ایلدیکی حالده متبرع اولیوب
تقاص واقع اولور .

قاعده ده کی قبودانک ایضاحی

۱ « مأمور بالا نفاق » — دیگر کمنه طرفندن آنک اهلنه
یا بناسنه یا قضاء دینه یا تصدقه یا شراء ماله صرف ایچون مأمور
اولان کیمسه در .

۲ « یدنده موجود ایکن » — اما مأموره ویریلان مال مستهک
ایسه مأمور مصرفنده متبرع اولور . ولو که او مالک مستهک
اولسی مأمورک کندی حوایجنه صرف ایتسندن طولایی بولنه .
شویله که مثلا فلانه اولان بورجنه ویرمک اوزره بر کیمسه یه
اون آلتون ویروبده اوده مذکور اون آلتونی کندی امورینه
بالصرف استهلاک ایتدکدن صوکره او مدیونه کندی مالندن
اون آلتون ویرسه تأدیه ده متبرع اولوب آمر مأمورینه ویردیکی
اون آلتونی تضمین ایتدیرر .

۳ « عقدی کندی مالنه مضاف قیلمدینی » — اما مأمور

عقدی کندی مائه مضاف قیلدینی حالدہ مأمور به اشتراک مال اولنجه مال مشتری وکیلک اولوب وکیل، موکلندن آلدینی مالی آکا ضامن اولور. ۱۴۸۶۵ ماده شرحنه باق تکمله رد مختار.

حق رجوع ثابت اولان دیگر مسائل :

۱ مسئله — بر کیمسه دیگر کسینه دن شو قدر غرض جبرا طلب و ازعاج ایتکله او کسینه «مبالغ مذکوری اول کیمسه یه ویره» دیه بر شخصه امر ایده رک اوده بر موجب امر ویرسه آمره رجوع ایدر. ولو که رجوع شرط ایدلیه صرة الفتاوی. نته کیم بر جماعت مصادره یعنی قطاع طریق دتللو بعض ظلمه طرفندن آنلردن اموال طلب اولنغله اول جماعت بر کسینه یه «اودنج آله» بومصادره یه صرف آله» دیه امر ایتلریله او کسینه دخی بر موجب امر استقراض و صرف ایتسه مقرض قرضی او کسینه دن و او کیمسه دخی جماعت مرقومه دن آلیر. بونده شرط رجوع لازم دکلدرد انقروی .

۲ مسئله — ورته دن بری یا وصی متوفانک بورجی کندی مالندن ادا ایلسه ترکه یه رجوع ایده بیلیر. یعنی ویردیکی پاره یی متوفانک ترکه سندن آلیر علی افندی وهامش بیجه .

۳ مسئله — وصی، متوفانک وصیتی کندی مالندن تنفیذ ایتسه هر حالدہ ترکه متوفایه رجوع ایدر طعطاوی .

۴ مسئله — مال یتیم غائب و آله غیر موجود اولسی جه تیله

وصی کندی مانندن یتیمه صرف ایتسه علی قول رجوع ایده بیلیر.
 کرک حین انفاقده انفاق صی اوزرینه قرض اولارق بعده
 مراجعت ایده جکنه ائمه ایتسون کرک ایتسون در منتقی
 و تکمله رد مختار.

— ماده ۱۵۰۷ —

(کندی مانندن مسکوکات مغشوشه ایله ایضای دینه
 مأمور اولان کیمسه داینه مسکوکات خالصه ویرسه آمردن
 مسکوکات مغشوشه آلیر.) ده مذکور خالصیت وصفنده متبرع
 اولور. زیرا نفس ادا امر بله خالصیت وصفی بلا امر
 اولغله بلا امر اولان جهت تبرع عد اولنور.

(و مسکوکات خالصه ایله ایضای دینه مأمور اولان کیمسه
 مسکوکات مغشوشه ایله ادای دین ایتسه آمردن مسکوکات
 مغشوشه آلیر.) زیرا داین مغشوشه بی قبول ایلیمسیله خالصیت
 حقندن مدیوننی ابرا ایلیمش اولغله بو ابرادن مدیون مستفید
 اولور.

حق و میری به اولان دینه شو قدر غروش مسکوکات خالصه
 ویره دیه دیگر کسینه به اول قدر غروش مسکوکات خالصه
 ویروبده دینی مسکوکات مغشوشه ایله بالادا مسکوکات خالصه بی
 کندی مصرفه صرفله استهلاك ایتسه اول کیمسه او مقدار
 غروش مسکوکات مغشوشه نك مثلی مأمور بالا عطا مسکوکات
 خالصه سنی آندن آلیر علی افندی.

خلاصه کلام ، مؤدی مأمور بهدن اجود ایسه مأمور ،
مأمور به اینه رجوع ایدر . بالعکس مؤدی ، مأمور بهدن ایسه
مؤدی ایله رجوع ایدر .

(اما بر دینک اداسنه مأمور اولان کیمسه داینه کندی
مانی صانوبده آمرک دینه نقاص ایسه دینک مقداری نه ایسه
آمردن آنی آلیر .) یوقسه صاندینی مالک بدلی و قیمتی مقدار
دیندن آز اولغله مدیون آنی ویریرم دیه من . زیرا بوصورته
حاصل اولان کار و ضرر عقد بیعه تولی و مباشرت ایدنلره
راجع اولوب دیکرلری ضرردیده اولمایه جفی کی فائده مند دخی
اولمازلر .

(و) بناء علیه (کندی مانی داینه دکرندن زیاده صاتمیش
اولسه بیله آمر مدیون ، اول زیاده یی دینندن تزییل ایتدیره من .)
نته کیم دراهم یرینه دنانیر یا دنانیر بدلنه دراهم ویرسه اداسنه
مأمور اولدینی جنسی آلیر ؛ شویله که : آمر « فلانه اولان اون
بش عدد سیم مجیدیه بورجی مالکدن آکا ویره دیه بر کیمسه یه
امر ایدوبده اوده دین مذکوره بدل ، مدیونه رضاسیله ایکی
عدد یوزلک آلتون ویرسه اول کیمسه آمرینه اون بش عدد
سیم مجیدیه ایله رجوع ایدر . آمر ایکی آلتونی ویریرم
دیه من بهجه .

اما کفالتده مؤدایه اعتبار اولنماز . اعتبار ، مأمور بهه دره
یالکنز بعض دین اوزرینه صلح مستثنا اولوب بوصورته کفیل

بدل صلح ايله رجوع ايدر . فرق ۶۵۷ ماده شرحنده بيان اولنش ایدی .

ماده ۱۵۰۸

(بر کیمسه کندیس و یا خود اهل و عیالی ایچون مصرف ایتک اوزره آخر کسنهیه امر ایتدکده صوکره مصرفکی بن ویرهیم دیه رجوعی شرط ایتسه بيله اول کسنه) کندیس و یا خود فوت اولسی ایسه وارنی (قدر معرف مصرفی آمردن) و آمر فوت اولش ایسه ترکه سندن (آلیر .) و آمر اول وجهله صرف ايله او کسنهیه امر ایتدیکنی اقرار و فقط مأمورك صرفی انکار یا بر مقدارک صرفی اقرار ايله برابر باقیسنک صرفی انکار ایتدیکی حالده مأمور آمرک امری وجهله صرف ایتدیکنی اثباته مجبوردر . ایدمیدیکی تقدیرده صرف ایتدیکنی بیلمدیکنه یمنله سوز آمرکدر . « ۸ » مادهیه باق . نته کیم هم امری همده صرفی انکار ایتدکده ایکیسیده بالینه اثبات ایدلک و یا یمن ايله حله مسئله اولنق لازم کله چکی کبی .

مأمور، آمرک امری وجهله صرف ایتدیکنی ادما ایندکده صرف ایتدیکی جهانی بیان و منفرد تفصیل ایللمسی لازم دکلدر صرة الفتاوی . اما آمر اولجه مصرفی یعنی مثلا بیک غروش مأموره ویردکن صوکره آمر « بش یوز غروشی صرف ایلدک » و مأمور « تماما بیک غروشی صرف ایلدم » دیه

اختلاف ایلدکرنده سوز مع الیمین مأمور کدره. ۱۷۷۴ و ۱۴۶۳ هـ
ماده لره باقی صرة الفتاوی و فیضیه و هامش بهیجه .

(کذلک خانهمی یاپدر دیه امر ایدوبده مأمور دخی
یاپدر دینی صورتده رجوعی شرط ایتهمش اولسه بیله صرف
ایتدیکی قدر معروف میلنی آمردن آلیر .)

قدر معروف دینلیر صرفیاتک مقدارنده طرفین متفق ایسه
مأمور او قدر آلیر . امر نقصان و مأمور زیاده ادعا ایله
اختلاف ایتدکرنده بنا اهل خبره و ارباب وقوفه کشف
ایتدیریلیر . اهل خبره هانکی سنک قولنده اتفاق ایدرلر ایسه
سوز آنکدر . اختلاف ایتدکاری تقدیرده سوز مع الیمین
زیاده بی انکار و بینه زیاده بی ادعا ایده نکدر .

خانهمی یاپدر امرینک ایضاحی :

بر کیسه سنک دیکرک خانهمی یا بمقدده دوت صورت واردر :

۱ صاحب خانهمک امریله صاحب خانهم ایچون یا بمقددر —
شویله که مثلا بر کیسه زوجهم سنک خانهمی یا باغ و باغچه کی
دیکر ملکنی زوجهم سی ایچون تعمیر یا بنا ایتدیکی تقدیرده
تعمیر و بنایه زوجهم سنک امری اولنجه بنا و تعمیر زوجهمک
ملکی اولوب زوج بو ماده موجبنجه مصرفی زوجهمدن آلیر .

۲ صاحب خانهم وعصه سنک امریله پایان کیسه کندیمی
ایچون یا بمسیدر — شویله که زوج کندیمی ایچون زوجهم سنک

عرصه سنده آنک اذنیله خانه یابدقده بو اذن یا اعاره، یا اجاره
اولور که حکملری « ۵۳۱ و ۸۳۱ » ماده لرده کچدی . واقعا
مجمع الانهر صاحبی، کتاب الفرائض قیلنده « ففی الفرائض یفی ان
تکون العمارة فی هذه الصورة له العرصه لها ولا یؤمر بالتفریع
ان طلبته » دیمش ایسه ده محله نك مارالذ کر ماده لرینه مخالف
اولغله شایان عمل اولسه کر کدر .

۳ بر کیمسه صاحب خانه نك امری اولقسزین خانه یی
صاحب خانه ایچون یاقمدر — بنا و تعمیر، صاحب عرصه
و خانه نك اولوب یان مصرفدن متبرع اولور .

۴ بر کیمسه صاحب عرصه و خانه نك امری اولقسزین
خانه یی کنیدی ایچون انشا یا تعمیر ایتکدر — شویله که مثلا
زوج ، زوجه سنك امری اولقسزین کندی الات و ادوات
ولوازمیله زوجه سنك عرصه سنده نفسی ایچون بنا یاسه بنا
زوج کدر ؛ و زوج ، زوجه سنك عرصه سفی غصب ایتمش
دیمك اولسیله زوجه نك طلبیله زوج عرصه یی تفریفه مجبوردر .
« ۹۰۶ » ماده یه و شرحه باقی . لان الآلة التي بنی بها ملكه
فلا یخرج عن ملكه بالبناء من غیر رضاه فیبقى علی ملكه ویكون
خاصا للعرصة وشاغلا ملك غیره بملكه فیؤمر بالتفریع ان طلبت
زوجته ذلك كما فی التبيين مجمع الانهر . اكر زوج و زوجه
بنا و تعمیره امر اولوب اولدیغنده اختلاف ایدوبده طرفینك
بینه لری اولسه سوز مع الیمن امری انكار ایده نکدر . زوج

«نفسم ایچون بنا و تعمیر ایلدم» و زوجه «بنم ایچون بنا و تعمیر ایلدک» دیه اختلاف ایتسه لر سوز زوجکدر رد مختار انقروی.

مستأجره تعمیر مأجوره اذن ویرمکک ایضاحی :

خانه صاحبی مستأجره «خانه بی بنا و تعمیر واجرت» محسوب ایت «دیه امرایتدکن صوکره مستأجر «تعمیر و بنا ایتدیردم» دیه ادعا و آجر انکار ایتسه سوز آجرکدر و مستأجر اقامه بینه ایتدیکجه ادعای قبول ایدلر . نته کیم هر مدیون و ضایعکه بعدالاذن دخی ادعا ایده آنجق بینه ایله بری اولور. اما دفعه مأذون امین دخی ادعا ایتدکده سوزی قبول اولنور بحر . آجر بنا و تعمیری اقرار ایدوبده فقط مقدار مصرفده اختلاف ایتسه لر بنا اهل خبره یه کشف ایتدیریلیر. هانکیسنک قولنده اهل خبره اتفاق ایدر ایتسه سوز آنکدر . اما اهل خبره اختلاف یعنی بعضیسی تعمیرات مستأجرک ادعا ایلدیکی و بعضیسی دخی آجرک ادعا ایتدیکی مصرف ایله بایلیر دیرلر ایتسه سوز مع الیمین زیاده بی انکار و شاهد زیاده بی ادعا ایده نکدره علی افندی .

بلا امر صرفیاتک تبرع اولدیفنه متفرع دیگر مسائل :

۱ مسئله — بر کیمسه دیگر کسنه نک دوکونه امری

اولقسزین صرف ایتسه متبرع اولوب اوکسنه دن برشی طلب

ایده من هاشم بهجه .

۲ مسئله — بر کیمسه بلا امر دیگر کسسه نك بار کیرینی

انفاق ایتسه متبرع اولور هاشم بهجه .

مثلا مستأجر ، مأجور حیوانه بلا امر المو جر آنک
نفقه سی یولنده مصرف ایدر ایتسه تبرعدر . صوکره صاحبندن
اچقه سنی آلامز . « ۵۶۱ » ماده یه باقی .

۳ مسئله — راهن و مرتهندن بریمی دیگرینه عائد اولان

مصرفی خود بخود ایفا ایتسه تبرعدر . صوکره مطالبه ایده من .
« ۷۲۵ » ماده یه باقی .

۴ مسئله — مستودع حاکم امری اولق سزین تزدنده

ودیه اولان حیوانانه مودع غائب اولدینی بر زمانده انفاق
و مصرف ایدر سه تبرعدر . صوکره مودع دن آلامز . « ۷۸۶ »
ماده یه باقی .

ماده ۱۵۰۹

(بر کیمسه فلانه) شوقدر (اودنج اچقه یاخود بخشیش
ویاخود صدقه) ویا فلان کسسه نك بکا ویرمش اولدینی هبه سنه
عوض (ویر صوکره بن سکا ویرهیم دیه آخر کسسه یه امر
ایدوبده او دخی ویرسه صوکره آمره رجوع ایدر .) صرة
الفتاوی . بو هبه آمر طرفندن واقع اولوب بنشاء علیه آمر
هبه سندن رجوع ایده بیلیر . یوقسه مأمور رجوع ایده من خانیه .

بو صورتده بر کیمسه دیگر کمنه یه «فلان شخصه هر کون
اونز غروش ویر سوکره بن سکا ضامن اولورمه دیمکله او کمنه دخی
او شخصه اونز غروش ویروب بر چوق مبلغ تراکم ایتسه
اول کیمسه ضامن اولور. او کیمسه «بوقدر چوق مبلانی ویر
دیه امر ایتک مرادم دکل ایدی» دیمسنه التفات اولماز هندیه
فی الکفالة فی الفصل الاول من الباب الثاني.

نته کیم بر کیمسه دیگر کمنه یه «شو خدمتکاریمه کندی
کیمک ایچون درت ذراع چوقه ویر بعده قیمتتی سکا ویرهیم»
دیمکله او کمنه دخی ویرسه چوقه نک قیمتتی اول کیمسه دن
آلیر. یوقسه خدمتکاردن آلاماز علی افندی قییل فیما یصح
من الکفالة و مالا یصح.

(اما سوکره بن سکا ویرهیم یا خود سوکره بندن آل)
ویا بن آنی سکا ضامنم یا کفیل ویا او مبلغ بنم اوزریمه اولسون
(دیمک کبی بر سهوز ایله رجوعی شرط ایتمکسزین یا لکز
ویردیکی صورتده مأمور آکا رجوع ایده من.) و بخشیش
و هبه آمر طرفندن واقع اولور. بناء علیه آمر هبه دن رجوع
ایده بیلیر. مأمور رجوع ایده من صرة القناوی و انقروی
و فیضیه.

(شو قدر وارکه مأمور) زوجه یا ابن یا اجیر اولمق کبی
(اگر آمرک) ویا آمر مأمورک (عیالنده بولمق یا خود شریکی)
یا خود صراف یا خلیطی (اولمق کبی بر وجهه له بو مثللو

خصوصاً آمده آمره رجوعی صرف و طاعت ایسه رجوعی شرط
ایتمه مش اولدینی صورتده دخی رجوع ایلر. ۳۶ ماده یه باقی.
بونده خلیطدن مقصود آمر ایله کندایی یعنی مأمور
آره سنده اخذ و اعطا و اقراض و استقراض و ایداع ایلماک
و هر نه وقت برینک رسولی و کیلی دیگرینه کیمسه او و کیله یار سوله
بیع و اقراض ایتمک پندلرنده معتاد بولنمش اولان کیمسه در
صره الفتاوی و فیضیه.

نته کیم بر کیمسه دیگر کیمسه یه « فلان شخصک فلان آدمه
اولان بورجنی سن ادا ایله بن ضامنم » دیمکله او کیمسه ادا
ایلدیکنده آمره رجوع ایدر. اما بن ضامنم دیمک کیم بر وجهله
رجوعی شرط ایتمسه رجوع ایده من.

کذا بر کیمسه دیگر کیمسه یه « فلان شخصک فلان آدمه
اولان بورجنه کفیل اولم » دیمکله اوده کفیل اولسه او کیمسه
اول کیمسه یه رجوع ایده من صره الفتاوی.

ماده ۱۵۱۰

(بر کیمسه نیک امری آنجیق کندی ملکی حقنده جاری
اولور.) اما غیرک ملکی حقنده جاری اولماز؛ باطلدر. ۹۵۵
ماده یه و شرحه باقی.

بناء علیه بر کیمسه کندی مالنه بالاشاره شو مالی دکنزه آت
دیوبده مأمور دخی آتسه صوکره آمر نادم اولوب آتانه
تضمین ایتدیره من.

اما (مثلاً بر کیمسه شو مالی د کزه آت دیوبده مأمور دخی
 آنی باشقه سنک مالی اولدیفی بیلرک آلسه صاحبی) «۹۱۲»
 ماده یه مبنی (او مالی آتانه تضمین ایتدیرو. مجبر) تعبیر دیگرله
 اکراه معتبر ایله مکره (اولمادجه آمره برشی لازم گلز.)
 نته کیم داین مدیوننه بنم سنده کی آلا جفمی کیمه ایستر ایسه
 آکا ویر یا د کزه آت دیه امر ایدوبده مدیون دخی بو امره
 بناء دینی برینه ویرسه یا د کزه آلسه بو امر صحیح اولمایوب
 مدیون، دیندن بری اولماز. زیرا مدیونک صویه آتدینی
 یاره بی داین هنوز قبض ایتمه مش اولغله داینک ملکی اولماز.
 شو جهتله امری معتبر دکدر بهجه.

فقط مأمور باشقه سنک مالی اولدیفی بیلیموبده آمرک مالی
 و بناء علیه امرینک صحیح اولدیفی ظن ایتمه کله د کزه آتمش
 اولسه مال صاحبی ینه آتانه تضمین ایتدیروب فقط آتان دخی
 آلدالمش اوله جفی جهتله آمره رجوع ایدر.

« مجبر اولمادجه » دنیلمسيله اشارت اولنیور که مجبر اولور
 ایسه « ۱۰۰۷ » ماده ده بیان اولندینی وجهله ضمان آنحق مجبره
 لازم کلیر. مکره بونده آلت کیدر رد مختار.

ماده ۱۵۱۱

(بر کیمسه « بنم شو قدر فروش دخی سن کندی مالکدن
 ادا ایله » دیه آخر کسنه به امر ایدوبده) کرک صو کره بن سکا
 و پریم کبی رجوعی شرط ایتسون کرک ایتسون (اردخی وعد

ایشد کدن سوکره ادادن امتناع ایسه مجرد وعد ایتمش اولمسیله
اول کمنه ادای دینه جبر اولماز. چونکه «۸۴» ماده شرحنده
ایضاح اولندینی اوزره صور تعلیق اکتسا ایتمه وعد مجرد
لازم اولماز بهجه وتکمله رد مختار.

— ماده ۱۵۱۲ —

(آمرك مأمورده آلاجنی یاخود امانت آچمسی اولوبده
آندن) آمرك بر کمنه اولان (دینی ادا ایتمك اوزره
امر ایسه مأمور ادای دینه جبر اولنور.) امر كرك ضابط
و كرك حاضر اولسون تنقیح. مأمورك قبولی بونده شرط دكلدر.
زیرا مأمور، بونده آمرك وکیلی دكلدر که وکالنده بعدالایجاب
قبول لازمدر دنیله یلسین چونکه مأمورده آمرك آلاجنی
یار ایسه مأمور، آنی امره ویرمهک مجبور اولدینی کی آمرك
این امر طرفندن وکیل بالقض اولاجقندن داین مرقومه دخی
کیلی بالقض اولق اعتباریله اعطایه جبر اولنور. نته کیم
مأمورده آمرك امانت آچمسی وار ایسه اول آچمیی «۷۹۴»
اده موجبجه مأمورك امره رد ایتمسی لازم کله جکی کی
مرك دایی که وکیل بقض الودیع در آکا دخی رده مجبوردر.

لکن مجله مك « ۶۸۰ » ماده سیه مواد تالیه سننده ذکر
لندینی اوزره حواله ده — ولو که مقیده بالدين یا بالعين الامانه
لسون — محال علیک قبولی شرط ایکن بونده شرط اولمور.

فرق شود که حواله ده محال علیه مدیون اولاجفندن حواله یی قبول ایله التزام دین اولمقجه لزوم دین اولاماز ایکن بو ماده ده مأمور مدیون اولمور. مع ذلك ایکی سنکده ادای دینه مجبوری مالا سیه سیله نتیجه و حکم اعتباریله مساویدر. بناء علیه مدیون اولوبده ویرمهک مجبور اولمق ایله مدیون اولمدن ویرمهک مجبور اولمق آره سنده ماده بر فرق وارمیدر؟ رجل اکرى جمالا الى بائع وحمل حمولات على الجمال وامر الجمال بتسليم الحمولات الى وكيله ببلخ ويقبض الكراء منه فجاء الجمال بالحمولات الى الوكيل ببلخ فقبل الوكيل الحمولات وادى بعض الكراء وامتنع عن اداء الباقي قال ان كان لصاحب الحمولات دين على الوكيل وهو يقر بالدين والامر يجبر على دفع الباقي من الكراء وان انكر الامر يخلف بالله ما يعلم ان صاحب الحمولات امره بالقبض وان لم يكن له دين على الوكيل لا يجبر تكمله رد مختار.

سوال — وکیل بقبض الدینک خصوصته حق اولمدینی
 « ۱۵۲۰ » ماده ده مصرح ایکن بونده کی « جبر اولنور. تخلیف
 ایدیلیر. » عبارله حاکم جبر و تخلیف ایدر معناسنده ایسه او ماده یه
 مخالفت اولمازمی؟

(اما آمر فلان مالی صانده) فلان کسنه یه اولان
 (دینی ادا ایت دیدیکی صورته) مأمور ، وکیل بالیغ
 اولاجفندن وکالتی قبول ایتنبجه بر شی لازم کلمه جکی کبی

قبول ایتدکده (مأمور اکر وکیل متبرع ایسه) بیعه (جبر اولنماز.) چونکه متبرع اوزرینه اجبار یوقدر. فقط مأمور او مالی صانوبده پاره‌سی قبض ایتیش ایسه داینک آلاجهنی او پاره‌دن ایضایه جبر اولنور. بو مسئله بو ماده‌نک برنجی فقره‌سی فروعاتندن اولور.

(واکر وکیل بالاجاره ایسه اول مالی بیع ایله امرک دینی ادا ایلیمک اوزره جبر اولنور.) زیرا وکیل بالاجره اجیر اولوب اجاره ایسه عقد لازم اولمقله اجیرک ایضای عملدن امتناعی اوزرینه اجبار اولنور بهجه و فیضیه و صرة‌القتاوی وردمختار بزیاده.

لکن شو ایضا حائدن آکلاشلدیکه وکیل حق جبر مدیون موکله حائد اولوب داینه دکلدر. بناء علیه داین بو وکیل مالی صانده بداندن آلاجهنی ویر دیه‌مه‌مک لازم کلیر.

— ماده ۱۵۱۳ —

(بر کیمسه فلان داخمه ویر دیه آخر کسمنه‌یه بر مقدار آچه ویردیکی صورته امرک باشقه داینلری آندن) قسمت غرما طریقله (حصه آلفه صلاحیتلری اولیوب مأمور اول آچه‌ی آنجق امرک امر ایتدیکی داینه ویرر.) چونکه برمدیون حال محتنده ومرض موت ایله غیرمریض ایکن بعض داینلرینی ترجیح ایده‌بیلر چکی کی آمر دیلرسه آنی مأموردن استرداد ایده‌بیلیر. اکر امر ایتدیکی شخصه ویرمه‌مش ایسه. یعنی

بر کیمسه فلان دایمه ویر دیه آخر کسنه یه بر مقدار آچه
 وبرد کدن صوکره او کسنه هنوز داینه ویرمدن مدیون، یعنی
 اول کیمسه او پاره یی او کسنه دن استرداد ایده بیلیر. زیرا
 او کسنه مدیونک وکیلی اولمغله عزل ایلیه بیلیر جامع الفصولین
 فی ۳۴ فصلا.

❧ ماده ۱۵۱۴ ❧

(بر کیمسه) فلان داینه اولان (بورجنی تادیه ایتمک اوزره
 باشقه سنه بر مقدار آچه ویروبده مأمور هنوز اول مبلنی داینه
 اعطا یا ارسال وایصال ایتدن آمرک فوت اولدنی معلوم اولسه
 اول آچه آمرک ترک سنه رجعت ایدر.) و مأمور آرتق اول
 مبلنی داینه اعطا ایده مزه ایدر ایسه ضامن اولور. چونکه
 « ۱۵۲۷ » ماده وجهله موکلک وفاتیه وکیل منعل اولور.
 بو کی امانتک بعد وفات الموکل کیمه ویرلسی لازم کله جکی
 « ۸۰۲ » ماده ایله شرحنده ایضاح ایدلشیدی.

(وداینک) استیفای دین ایچون (ترکیه مراجعتی لازم
 کلیر.) یوقسه داین، مأموردن او پاره یی آلاماز بهجه.

❧ ماده ۱۵۱۵ ❧

(بر کیمسه داینه ویرمک اوزره آخر کسنه یه بر مقدار
 آچه ویروب آنجق داینده کی سندیمه ظهریه ایتدکجه ویاخود)
 آچه تسلیم اولندیقی مبین (علم و خبر آلدکجه) ویاخود فلان
 کیمسه حاضر یا شاهدلر موجود بولمکجه (آچه یی تسلیم ایتدکجه)

دیه نهی ایتمش ایکن مامور ظهریه ایتدیر مکسزین و علم و خبر
 (المقسزین) و یا اول کیمسه حاضر و یا شاهدلر موجود بولنقسزین
 (آچیهی داینه و یروب بعده داین آنی انکار ایتسه و) داینک
 (قبضی اثبات اولنه میوبده) داین مقبوضی اولمدیفنه یمین دخی
 ایتمکله (تکرار اول پاره یی آمردن آلسه آمر آنی مأموره
 تضمین ایتدیرر.) «۱۴۵۶» مادهیه و شرحنه باقی. فقط مأمور
 اول کیمسه یا شهود حاضر ایکن و یرمش ایدم دیدیکی حالده
 داین قبضی انکار ایتدکده و کیل یعنی مأمور، شهود محضرنده
 و یردیکنه تحلیف اولنور. یمین ایدر ایسه ضمان لازم کلز
 تکمله رد مختار. مأمورک «علم و خبر آلدیم فقط یدمده ضایع
 اولدی» دیسنک فائده سی یوقدر صرة الفتاوی. مالفرقی
 بین المسئلتین فلیحور ؟

مجله قییدی خلافتدن نهی ایله برابر کتیردی. زیرامدیون
 آچیهی تسلیم ایتده سندیمه ظهریه ایت و یا علم و خبر آل دیه
 امر ایتسه ده فقط ظهریه ایتدیرمدکجه و یرمه دیه نهی ایتسه
 و مأمور ظهریه ایتدیرمدن و یا علم و خبر آلدن و یرسه یا علم و خبر
 آلدیم فقط یدمده ضایع اولدی دیسه ضمان لازم کلز. «۱۴۵۶»
 ماده شرحنه باقی تنقیح و صرة الفتاوی و بهجه .



﴿ فصل خامس ﴾

﴿ خصوصتہ یعنی صرافہ وکالت حقندہ در ﴾

خصوصت، لغتاً جدل و منازعہ و عبارت ایسہ شرعاً
خصمنہ اقرار یا انکار یا جواب و یرمکن عبارت در . « ۶۱ »
مادہ شرحہ باقی .

وکالت بالخصوصہ نک حکمی :

حق مدعاہ، موکلی اوزرینہ ثابت اولدقده وکیل اوزرینہ
لازم کلمہ . و بوندن طولای وکیل حبس ایدیلہ منہ . ولو کہ وکیل
حام اولاً . زیرا وکالت بالخصوصہ وکیلک ادای حقہ و ضمانہ
مجبوریتی مستلزم دکلدر بحر بتغیر .

﴿ ۱۵۱۶ ﴾ مادہ ﴿

﴿ مدعی و مدعی علیہدن هر بری دیلدیکی ﴾ حقوقده
﴿ خصوصتہ توکیل ایدہ بیلیر . ﴾ یعنی توکیل ایتسی جائز اولور
درر . موکل ، کرک صریض یا مدت سفر بعید یا مخدرہ قادین
اولسی کی محکمہ یه حضورده عذر و بناء علیه آخری توکیلده
مجبوریت موجود اولسون کرک اولماسون
« هر بری دیلدیکی » دنیلمسبلہ مسائل آتیہ یه اشارت
اولنیور ؛ شویله کہ :

اولا — مسلم غیر مسلمی و غیر مسلم مسلمی و تبعہدن
بری تبعہ اجنبیہدن دیگرینی توکیل ایدہ بیلیر .

ثانیاً — بر کیسه صبی عیسی وکیل ایتسه جائز اولدینی
 کبی قاضی بی وکیل ایتسه دخی جائز اولور. و بو وجهله قاضی بی
 وکیل ایتدکن صو کره قاضی مومی الیه انفصال ایتسه خصومه
 وکالتی باقی قالیر بحر.

ثالثاً — هم مدعی و همده مدعی علیه وکیل تعیین ایده بیلوب
 بو ایکی وکیل محاکمه اولور لر تنقیح. زیرا هر کس وجوه
 خصومات و مرافعانه مهتدی اولامیه جنی جهتله باشقه سنی توکیلله
 محتاج اولور. ۳۲۵ ماده یه باقی.

«حقوقده» دنیلدی. جمیع حقوقده وکیل تعیین ایده بیله جکی
 کبی بعض حقوقده دخی وکیل ایده بیلیر بحر.

خصومه لزوم توکیلده اختلاف فقها :
 هر کس دیلدیکنی خصومه توکیل ایده بیله جکنه «ولا اختلاف
 فی الجوازه شبهه و اختلاف یوق ایسه ده بدون رضی الخصم
 — خصم لفظی طالبه ده مطلوبه ده شاملدر. — لزوم توکیلده
 اختلاف اولمشدر تکمله رد مختار.

عندالامام موکده مرض و سفر کبی عذر اولدجه بدون
 رضی الخصم وکالت بالخصومه لازم اولمایوب خصم رد ایتدکده
 وکالت مردود اولور. زیرا مدعی یه جواب ویرمه خصم مجبور
 و شو مجبوریته بناء محکمه یه آنک احضاری لازم و ناس خصومته
 متفاوت اولمقله خصمک رضای اولدن لزوم وکالته قائل اولمق

آنك ضررينى موجب اولور بحر . ضرر ايسه ممنوعدر .
 « ۱۹۵ » ماده يه باقى . قرب مبطل يحسن التعبير ويصور الباطل
 حقا ورب محق لا يحسن التعبير لحصول حقه فتوجه الخصومة
 عليه تكمله رد مختار .

وعند الامامين خصم راضى اولسه بيله خصومته وكالت
 لازم وبناء عليه رد خصم ايله غير مردود اولور . زيرا موكل
 كندى خالص حقه « لانه وكله اما بالجواب او بالخصومة
 وكلاهما حق الموكل » تصرف ايتيمكده اولمغله غيرك رضاسينه
 توقف ايلمز . نقاضى ديونه توكيله كه بحر وتكملة رد مختار .
 وعند المشايخ المتأخرين ، قبول وعدم قبول وكالت رأى
 حاكمه مفوض اولوب حاكم ، خصمك قبول توكيلده تعلق
 اولديغنه عالم بولنور ايسه وكالتى قبول ايدر . اما موكل ،
 خصومته ديكرينى توكيله ايله خصمنه اضرار ايتيمك ايتديكده
 عالم بولنور ايسه بلارضى الخصم وكالتى قبول ايلمز .

ايمدى (ديكرينك رضاسى شرط دكلدر .) دنيلمسييله
 امامين مذهبي اختيار ايدليكى آكلاشيلير كه ائمة ثلاثه دخی
 بوكا قائل اولدقلرى كه فقيه ابوالليث دخی فتوى بونك اوزرينه
 ايدوكنى بيان ايلمشدر .

خصومته وكالت ايكي درلو اولور :

۱ تسجیلدر — بودخی یادعوانك عرض اولندينى محكمه ده

ویا خود دیگر محکمه ده بالتسجیل صورت تسجیل مین اعطا
اولان حجت شرعیه فتواخانه دن مصدق اولارق دعوانک عرض
ایلدیکی محکمه یه ابراز ایله اولور .

خصوصته توکیلک تسجیل صورتی بروجہ آتی ایضاح
اولور؛ شویله که: موکل نصب ایده جکی وکیل ایله برلکده
حضور حاکمه واروبده فلان شیخ ایله مرافعه یه بوکیمسه یی
توکیل ایتدم دید تده اوشخص دخی حاضر و حضور حاکمه موجود
بولور ایسه حاکم موکلک اسم و نسبنی بیامسه دخی وکالتی
قبول و تسجیل ایلر. اما اوشخص غائب اولنجه حاکم، موکلک
اسم و نسبنی بیلیر ایسه ینه توکیلی قبول ایدر . و اگر بیلمز
ایسه اسم و نسبنی اثبات ایچون موکلدن ایکی شاهد ایستر . بو
ایکی شاهد ایله اثبات ایدرسه وکالتی قبول ایلر . والا ایتمز .
زیرا جائزدر که موکل صنیعه ایده رک غیرک اسم و نسبنی طاقنوب
غیرک مالنی آلق ایستمش اولا مایخالفه فی البحر .

۲ اثبات وکالتدر — شویله که وکیل، موکلک عین یا دین
کبی بر مطلوبی بولن ان کمنه مواجهه سنده بن فلان شخص
طرفندن بوکمنه ده کی آلاجنی یا ودیعه یا مقصوب کبی برعنی
طلب و دعوا یه وکیام دیه دعوی ایدر . و اوکمنه وکالتی کرک
اقرار کرک انکار ایتسون وکالة اقامه بنیه ایده بیلیر طحطاوی
واقروی . و وکیل موکلک مثلا درسعادته هر حقنی طلب
و قبضه و آنده خصوصته کندیسنی توکیل ایلدیکنی موکلک

مطلوبی بولنان بر کسنه مواجهه سنده اثبات ایتدکده وکالت ايله حکم اولنهرق بوندن صوکره وکیل موکلت دیگر بر شخصده کی حقنی طلب ایدم جک اولدقده تکرار اقامه بینه ایتمکه مجبور دکلدرد. اما بروجہ بالا خصم حاضر اولمدقجه وکالتہ بینه قبول اولنہ ماز طحطاوی و بحر .

الوکیل بقبض الدین اذا احضر خصما فاقرب بالتوکیل وانکر الدین لاثبت الوكالة حتى لو اراد الوکیل اقامة البينة على الدین لا قییل و اذا ادعی ان فلانا وکله یطلب کل حق له بالمکوفه وبقبضه والخصومة فيه وجاء بالبينة على الوكالة والموکل غائب ولم یحضر الوکیل احدا للموکل قبله حق فان القاضی لا یسمع من شهوده حتى یحضر خصما جاهدا ذلک او مقرابه فحينئذ یسمع ویقرر الوكالة فان احضر بعد ذلک غریما یدعی علیه حقاً للموکل لم یحتاج الى اعادة البينة تکملة رد محتار . اما خصمک تصدیق ايله خصومتہ وکالت ثابت اولاماز . شویله که بر کیمسه دیگر کسنه ايله حضور حاکمه واروبده «بو کسنه غائب فلانک خصوصه منه وکیلیدره دیهرک آنکده تصدیق ایتمی اوزرینه بو وکیل مواجهه سنده غائب مرقومدن آلا جفنی ادعا ایتدکده صحیح اولماز. حتی مدعی آلا جفنی اقامه بینه ايله اثبات ایدم جک اولسه قبول ایدلر واقعات المفتین و فیضیه .

وکیل ادعای وکالتده بولمدینی حالده اثبات وکالت :
بر کیمسه نیک دیگر کسنه طرفندن وکیل اولدیفنه ایکی

شخص شهادت ایتدکده اول کیمسه کندیمی وکیل اولدیفنی
انکار ایتدیکی صورتده وکیل مذکور مدعینک وکیل ایسه بو
شهادت قبول ایدلیوب بونکله اول کیمسه نک وکالتی ثابت
اولماز. واکر مدعی علیک وکیل ایسه باقارز: شاهدلر اکر وفلان
کمنه بو کیمسه پی بوذات ایله خصومه توکیل و بوده وکالتی
قبول ایلدی، دیه شهادت ایدرلر ایسه قبول اولنوب اول کیمسه
ایضای وکالته مجبور اولور. واکر اول کیمسه نک وکالتی قبول
ایلدیکنه شهادت ایتسه لر ایضای وکالته جبر اولنه ماز انقروی.
وکیل بالخصوصه، وکالته اقامه بینه ایتدن ماله اقامه بینه
ایده جک اولسه قبول اولماز. فقط هم ماله همده وکالته یعنی
ایکیمسه بردن اقامه بینه ایتسه عندالامین قبول اولنوب هم
مال یعنی مدعا به همده وکالت ثابت واولا وکالت ثانیاً مال ایله
حکم ایدلک لازم اولور. اما عندالامام بو بینه ایله آنجق وکالت
ایله حکم اولنه بیلوب صوکره دین ایچون تکرار اقامه بینه ایدلک
لازم کلیر. یوقسه برنجی بینه ایله هم وکالت همده دین ایله
حکم اولنه ماز طحطاوی وعلی افندی وبحر.

و کذا وصی اقرالمیدیون بوصایت و انکرالدین فایت الوصی
وصایته بینة قبله ابن عابدین علی البحر.

خصومه وکالتک تعمیم ویا تخصیصی :

خصومه وکالت، موکلتک تعمیمی ایله تعمیم ایده جکی کبی

تخصیصی ایله دخی تخصص ایدر. شویله که بر کیمسه لهنه اولان
 مرافعهیه دیگرینی توکیل ایدوب وعلیه اولان مرافعهیه وکیام
 دکلکسک دسه صحیح اولوب بووکیل موکلنک حقنی ادعا ومدعا
 سنه اقامه بینه ایده بیلیر ایسه ده مدعی علیه دفع دعوی ایده جک
 اولدوقده بودنی وکیل مرقوم مواجهه سنده استماع اولنه ماز رد مختار
 و ولوالجیه. بل یحکم علی المدعی علیه بالمال و يتبع الدائن بدفعه
 تنویر و غرر و تکمله رد مختار. نته کیم موکل، فلان بلده اها-
 لیسنده یا کافه ناسده اولان هر بر حقمده خصومت و دعوایه
 سنی توکیل ایلدم دیدیکننده وکیل وقت توکیلدن اول موجود
 و وقت توکیلدن سوکره حادث اولان موکلک او بلده اها لیسنده کی
 هر بر حقنی طلب و دعوی ایده بیلیر. بونده مخاصم و مخاصمه
 و مخاصم فیهک تعینی شرط دکلدر. تنقیح و هندیه و بحر.
 اما موکل فلان کیمسه ده اولان هر بر حقمده خصومت
 و دعوایه سنی وکیل ایتدم دیه بر کسنه یی توکیل ایتدکده او
 کسنه وقت توکیلده موجود اولان موکلک اول کیمسه ده کی
 هر بر حقنی طلب و دعوی ایده بیلوب وقت توکیلدن سوکره
 حادث اولان موکلک اول کیمسه ده کی حقنی دعوی ایده مزه ندیه.
 موکل، کندیس ایچون حادث اولمش واولاجق هر حقلک
 قبضنه و بونلرده خصومته دیگر کسنه یی توکیل ایتدکده بونده
 دین و ودیمه و عاریت و موکلک مالک اولدینی هر حق داخلی
 اولور بحر مع زیاده.

توکیل باخصوصه نك شروطی :

۱ — برکیمسه دیگر کمنه بی خصوصته توکیل ایده جك اولدوقده کیمك ايله خصوصته توکیل ایتدیکنی بیان و یا تعمیم ایلیمسی لازمدر .

بو جهتله برکیمسه فلانی خصوصته توکیل ایتدم دیوبده هانکی خصوصت ایدوکنی بیان ایلیمسه وکالت صحیح اولماز ولوالجیه و بحر و هندیه . زیرا خصوصت اجناس مختلفهده واقع اولور . تعمیم صورتیهله توکیلله مثال آفا کچدی .

۲ — خصوصته توکیلده مدعا بهك بیانی شرطدر . بو جهتله برکیمسه بن غائب فلان طرفندن بو کمنه ايله دعوايه وکیلیم دیه ادعا ایده جك اولسه قبول اولنیوب نه کبی شیء دعوايه وکیل اولدیفنی یعنی مدعا به نه ایدوکنك تصریحی لازمدر .

اما مدعا بهی تعمیم ایدرسه مثلاً هر بر حقنی طلب و دعوايه وکیل ایدرسه صحیح اولوب آفا ذکر اولندینی اوزره مخاصم به و مخاصم فیهك تعیین لازم دکلدر . انقروی .

فرع — وکیل باخصوصه ، مدعی علیه دن موکلك شو قدر غرض و آلاجنی اولدیفنی ادعا ایتسی اوزرینه مدعی علیه مبالغ مذکور . ری موکله ایفا ایلیمش اولدیفنی مدافعه درمیان ایتدیکی حلاله اثبات ایدمه مکه محکوم اولوب مبالغ مذکور حاسب الوکاله

وکیل قبض ایتدکن صوکره یدنده تلف اولسه ده بعده مدیون اولجه تأدیه ایتدیکنی اثبات ایلسه محکوم علیه موکله مراجعت ایدر. یوقسه وکیل «سکا ویرمش ایدم» دیه آندن طلب ایده من جمع الانهر.

— ماده ۱۵۱۷ —

وکیل بالخصومه ، خصوصات آتیه به مقتدر دکلدر ؛ شویله که :

اولا — حضور حاکمک غیریسنده اقرار ایده من . یعنی علی الاطلاق مرافعه و (خصومه وکیل اولان کیمسه نك) کرک مدعینک کرک مدعی غلیهک وکیل اولسون (موکلی علیه) حدود و قصاصک غیرینسی (اقراری اکر حضور حاکمه ایسه) استحصانا (معتبر اولور .) وجه استحصان شودرکه موکل اقراره مقتدر اولدینی کی خصومه وکالت خصمه جواب ویرمک معناسنه و اقرار دخی جواب اولغله وکیل دخی اقراره مقتدر اولور . و وجه التخصیص بمجلس القاضی انه انما وکله بالخصومه و حقیقتها لاتکون الا عندالقاضی فلم یکن وکیلا فی غیره لان غیرمجلس القاضی لیس محلا لالخصومه اتی هو وکیل فیها تکمله رد مختار . لکن قیاس اولان اقرار مذکورک عدم اعتباریدرکه امام زفر وشافی دخی بوکا قائل اولمشلردر . زیرا خصومت منازعه اولوب اقرار ایسه مساله و آنک ضدیدر . بر شی ایسه ضدینه تناول ایتمز .

مثلاً مدعی‌نک وکیل حضور حاکمه مدعا بهی استیفا
ایتدیکنی ویا مدعی علیک وکیل مدعا بهک ثبوتی اقرار ایتسه
صحیح اولور .

استثنا — وکیل بالخصومه‌نک موکلی علینه حد و قصاصی
اقرار ایتسی صحیح اولماز للشبهة تکمله رد مختار .

« خصومه وکیل » دنیلدی . زیرا خصومتک غیر یسنه مثلاً
صلحه یا قبضه وکیل اولانک اقراری صحیح دکدر . سواء
بمجلس القاضی او غیره تکمله . مکرکه « ۱۴۵۶ » ماده شرحنده
ذکر اولندیفی اوزره وکالت عامه ایله وکیل اولا رد مختار
و جمع الانهر .

بونده کی « اقرار » تعبیری انکاردن احتراز ایچون دکدر .
چونکه وکیل بالخصومه انکار ایتسه بطریق الاولی صحیح اولور
جمع الانهر .

شرحاً « علی الاطلاق » دنیلدی . زیرا اقرار استثنا ایدلسه
ماده آتیه حکمنجه صحیح اولماز .

اگر (حضور حاکمه دکل ایسه معتبر اولماز .) زیرا
اقرارک معتبر اولسی خصمه جواب اولسندن طولایی اولوب
جواب ایسه آنجق مجلس حاکمه اولور . مجلس حاکمک
غیر یسنده جواب مجادله و مجاذبه دن عبارتدر . بوکا ایسه

وکیلک وکالتی یوقدر مجمع الانهر . بناء علیه ایکی شاهد ایله
وکیلک حضور حاکمک غیریده کی اقراری اثبات اولنه حق
اولسه قبول اولنماز . وصحیح ابوسف اقراره مطلقا و ابطاله
زفر مطلقا تکمله . (و) فقط حضور حاکمک غیریده وقوع
بولان اقرارک اقرار یا یننه ایله تحقق حالنده (کندیس) یعنی
وکیل (وکالتدن منعزل اولور .) زیرا اقرار مذکور ایله
وکیل دعواسنده مطلق اولدیغنی تعبیر آخرله کندیسک موکلی
نامنه خصومته حق اولمادیغنی اعتراف ایتمش اولاجنی جهتله
نفسی حقنده موآخذه اولنور . ۱۶۴۸۵ مادهیه باقی . اما بو
اقرارک موکلی علیه تأثیری اولامیهجنی جهتله موکل بالذات
یا باشقه وکیلی واسطه سیهله دعوایی تعقیب ایده بیلیر صرة الفتاوی
اما اب ووصینک حضور حاکمه دخی اقراری صحیح
دکدر . لان ولایتها نظریه ولا نظر فی الاقرار علی الصغیر واما
التفویض من الموکل حاصل مطلقا غیر مقید بشرط النظر فیدخل
تحتہ الانکار والاقرار جمیعا تکمله رد مختار ۵۸۵ مادهیه باقی .
مثلا اب یا وصی صغیر ایچون بر مال ادعا و مدعی علیه
انکار ایدوبده اب یا وصی مدعی علیه انکارده تصدیق ایتسه
بو تصدیقی صحیح اولماز . فقط اب ایله بووصی آرتق مذکور
دعوایی اقامه ایده میوب دیگر بر وصی نصب اولنهرق آنک
دعواسی استماع و فصل ایدیلیر مجمع الانهر . وینغزلان فی تلك الحادثة

فلا يدفع المال اليهما للتناقض لانه زعم انه مبطل في دعواه
تكملة.

ثانيا - وكيل بالخصومه ابرا ایده من . یعنی خصومت
و مصرافه به وكيل اولان کیمسه موکک اذنی اولمدینی حالد
مدعی عابری دعوان ابرا ایده من . ایدر ایسه ابراسی صحیح
اولیوب موکل بو ابرایی مجیز اولمدینی حالد مدعی علیمدن
دعوی ایده بیلیر . علی افندی .

ثالثا - هبه ایده من . یعنی وکیل بالخصومه مصالحه و هبه
ایده من . ۸۵۷۰ ماده به باقی . زیرا بونلر خصومت قیلندن
اولمدینی جهتله تحت توکیلده داخل اولماز ولوالجیه و تکمله
رد مختار .

❧ ماده ۱۵۱۸ ❧

(برکیمسه آخری خصومته توکیل ایدوبده) وکیلک
بو وکیل کرک مدعینک و کرک مدعی علیک وکیلی اولسون
(کندی علیه اقراری استئنا ایسه) کرک طالبک مواجهه سنده
و کرک غیابنده استئنا ایلسون « عند محمد » هم توکیل ، همده استئنا
(جائز اولور .) هندیه و مجمع الانهر و بحر و تکمله .

(بوصورنده موکک علیه وکیلک اقراری) موصولا
کان او مفصولا (صحیح اولماز . ۱۴۵۶) ماده نک فقره اخیره
سنه باقی .)

بونده اقراری تعبیری انکاردن احتراز ایچون دکدر .
 زیرا برکیمسه آخری خصومه توکیل ایدوبده انکاری استنا
 ایلسه عندمحمد صحیح اولور . کړک مدعینک وکړک مدعی علیه
 وکیل اولسون . زیرا انکار بعضا موکانه مضراولور . چونکه
 مدعا به مثلا امانت اولوبده وکیل امانتی انکار یعنی موکلی
 آلمادیغنی بیان ایدر ایسه بوندن سوکره موکله اعاده ایلدیکنی
 ادعا ایتسی مسموع اولماز . اما قبل الانکار اعاده ادعای
 مسموعدر بحر . وبوصورته اقراره وکیل اولور هندیه .

(و) وکیل (بویله اقراره مأذون دکل ایکن حضورحا کده
 اقرار ایتدیکی صورتده وکالتدن منعل) و آرتق خصومت
 ومرافعه سی غیر صحیح (اولور) « ۱۶۴۸ » ماده یه باقی رد مختار .
 نته کیم مدعی علیه ، وکیلک حضورحا کده مدعا بهی صاتون
 آلمغه طالب اولدیغنه اقامه بینه ایتسه وکیل و موکل آرتق آنی
 دعوی ایده منزل . اما مدعی علیه ، وکیلک حضور حا کک
 غیر یسنده مساومه یه طالب اولدیغنه اقامه بینه ایتسه وکیل وکالتدن
 منعل اولور . لکن موکل ینه دعوی ایده بیلیر .

خلاصه ؛ وکالت بش وجهله اولور :

۱ خصومه توکیل ایتکدر . بو وکیل اقرارده انکارده
 ایده بیلیر .

۲ خصومه توکیل ایله برابر انکاری استنا ایتکدر .

- بووکیل یا لکنز اقراره وکیل اولور.
- ۳ خصوصته توکیل ایله برابر اقراری استثنایا ایتمکدر.
- بووکیل یا لکنز انکاره وکیل اولور.
- ۴ خصوصته جائز الاقرار اولارقی وکیل ایتمکدر. بووکیل اقرارده انکارده ایده بیلیر.
- ۵ خصوصته غیر جائز الاقرار والانکار توکیل ایتمکدر.
- بو توکیل بعض علمایه کوره غیر صحیحدر. لعدم بقاء فرد تحتہ و بعض علمایه کوره صحیح اولور. لبقاء السکوت تکمله رد مختار بتغییر.

فروع — موکل، فلان حاکم حضورنده مخاصمه یه دیگر کمنه یی توکیل ایتدکده وکیل، دیگر حاکم حضورنده دخی مخاصمه اولاییلیر. اما فلان فقیه حضورنده مخاصمه یه دیگر کمنه یی توکیل ایتدکده فقیه آخر حضورنده مخاصمه اولاماز. زیرا فلان فقیه حکم تعیین قیاسمش و موکلک امری اولدن فقیه آخرک حکم اولمسی غیر صحیح بولنمشدر. اما حاکمک ولایت موکلک امری اولمسه دخی نابتدر ابن عابدین علی البحر.

ماده ۱۵۱۹

(خصوصته) یعنی بر مالی دعوا یه (وکالت) مال مدعا بهی (قبضه) و صلحه (وکالتی) عند زفر (مستلزم اولماز.)

۱۵۴۲ ماده یه باقی. زیرا موکل انجیق وکیلنک خصوصته

راضی اولوب قبض ایسه خصومتک غیریدر . واقعا دیگر ائمه حنفیه عندنده خصومته وکالت قبضه وکالتی مستلزم ایسه ده بعض وکلای دعاوینک خیانتاری ظاهر اولدیفنه وخصومته امنیت اولنان هر کیمسه یه تسلیم مال خصوصنده امنیت اولنه میه جفته وموکل قبض دینه آمن الناسی وخصومته دخی الح الناسی اختیار ایده جکنه مبنی عند الفقهاء امام زفرک قولى مقتا به طوتلديفنندن مجله ده دخی قول مذکور ترجیح ایدلمشدر بحر و رد مختار و مجمع الانهر .

(بناء عليه دعوى وکيلی) مدعا بهی (قبضه دخی وکیل دکل ایسه محکوم به اولان مالک) بالوکاله محکوم علیه دن (قبضه صلاحیتی اولاماز .) علی افندی . اما قبضه دخی وکیل ایسه مدعا بهی قبض ایده بيله جکی کې وکالت عامه ايله توکیل ایدلمش ایسه بوجهله وکیل اولان کسنه هم دعوايه هم ده قبض دینه وکیل اولور . « ۱۴۵۶ » ماده شرحه باقی .

نته کیم وکیل بالخصوصه یدنده موکلک مالی اولسه بيله موکل بهی خصمنه دفع وتسلیمه جبر وتضییق اولنه ماز . کرک وکالت عامه ايله وکرک وکالت خاصه ايله وکیل اولسون .

بناء عليه مديون طرفندن خصومته وکیل اولان کیمسه بلا امر موکلک بورجی تأديه ایتسه متبرع اولور . « ۱۵۰۶ » ماده یه باقی هندیه .

فقط وکیل بدفع الودیعه دفع الودیعه به جبراً و لنور. «۱۵۱۲»
ماده به باقی تنقیح .

ماده ۱۵۲۰

اصل اول — عین حق استیفا به توکیل خصوصت توکیل
اولماز. زیرا توکیل انحق استیفا و قبض ایله واقع و بلا خصوصه
حصول قبض ممکن اولمغله وکیل ایدلیهن شینه وکیل قیلغه
حاجت یوقدر .

بناء علیه (قبض) یعنی قبض عینه بالا اتفاق و کذا قبض دینه
عند الامامین (وکالت خصوصت وکالتی مستلزم اولماز .)

اختلاف المجتهدین

قبض عینه وکالت خصوصت وکالتی مستلزم اولمدیفنه اختلاف
المجتهدین واقع اولمشدرد. زیرا بوکبه عین موکک قبضنه وکیل،
رسوله شبهدرد. قبض دینه وکالت دخی عند الامامین خصوصت
وکالتی مستلزم دکلدرد. کرك داین طرفندن وکیل اولسون
و کرك مفقود ایچون حاکم طرفندن وکیل ایدلش اولسون .
زیرا قبض خصوصتک غیریدرد. و مال کندیسنه امنیت اولئان
هر کیمسه خصوصاته مهتدی اولامیه جفته مبنی قبضه رضا،
خصوصت رضا دکلدرد. فالصاحبان جعلالوکیل بقبض الدین وکیلا
باستیفاء عین حقه حکما ولذا لو قبض احد الشریکین شیئاً من
الدین کان للآخر ان یشاركه فیه ومعنی التملك ساقط حکما حتی

كان له ان يأخذہ بلا قضاء ولا رضاء كما في الوديعة والنصب فلا
يتنصب خصما كما في الوكيل قبض العين تكمله .

اما عند الامام قبضه وكالت خصومته وكالت مستلزم اولور
مجمع الانهر . حتى لو اقيمت عليه البينة على استيفاء الموكل او ابرائه
تقبل عنده تكمله رد مختار .

مجله نك اطلاقندن ظاهر اولان بوماده ده امامين مذهبك
اختيار ايدلش اولميسيدر كه ذاتا « والحق ان قولهما اقوى وهو
رواية عنه » ديه بومذهب ترجيح ايدلشدر تكمله رد مختار .

برعينك قبضه وكالت او عينك خصومته وكالت مستلزم
اولمديغنه تفريعات :

بوجهتله موكل ، فلان كمسنه يدنده كي آتي قبضه بر كيمسه يي
وكيل ايتكمله آندن طلب ايتديكندده او كمسنه غائب موكل اول
آتي كنديسنه شو قدر غروش صاتيغنه اقامه بينه ايتدكه بويينه
ايله بيع ثابت اولماز . شو قدر كه بويينه يي مبنى حضور غائبه قدر امس
يعني قبض خصوصى موقوف قالير طحطاوى .

ينه بوجهتله بر كيمسه قبض عينه وكيل اولدندن صوكره
قبل القبض بر يسي اول عيني واضع اليددن اخذ واستهلاك ايتسه
بو وكيل ، مستهلك عليهنه اقامه دعوى برله اول عينك بدلنى
طلب ايده مز . لكن وكيل اول عيني قبض ايتدكدن صوكره
هنوز يدنده ايكن بر يسي استهلاك ايتسه مستهلك عليهنه دعوى

و بدانی طلب ایده بیلیر . ۱۶۳۷۰ء ماده یه باقی هندیه .

دینی قبضه وکالت او دینده خصومه وکالتی مستلزم اولمادیغنه تفریعات :

بوجهتله وکیل قبض الدین مدیوندن دینی طلب ایتدکده مدیون انکار ایتسه وکیل حضور حاکمه مدیون ایله مرافعه اولاماز . وغائب اولان داینگ حضورینه دکین امر موقوف قالیر بحر .

ینه بوجهتله غریب یعنی مدیون ادا و ابرا کبی بوجهله موکک حقتک سقوطی بیانیله دفع دعوی ایتدکده یعنی مثلاً مبلغ مزبوری تماماً داینه ایفا ایلمش یاخود بورجه مقابل شویله برمالی صائمشم ایدم یاخود دایم بنی آندن ابرا ایتمش ایدی دیه دفع دعوی ایتدیکی صورتده بودفغنه بینه سی یوق ایتسه بورجه وکیل تسلیم ایله مدیونه امر اولنور . لان جوابه اقرار بالدين وبالوكالة . و الوكالة تثبت ولم یثبت الافاء بمجرد دعواه فلا يؤخر حقه تکمله رد مختار .

فقط مدیون ، موکک استیفا ویا ابراسنی اثبات ایتدکده بونکله مدیونک برائی لازم گلزایسه ده غائب اولان موکل حاضر اولنجه یه دکین امر موقوف و وکیل یدی قصر ایدیلیر تکمله رد مختار . یعنی بو بینه غائب کلنجه یه دک وکیل طلب دین ایده مه مسنه سبب اولور .

ینه بوجهتله مشتری، قبض نم مبیعه وکیل اولان کیمسه
مواجهه سنده مبیعک عینیه ادعا برله ردینی ایستدکده استماع ایدلمز.
ینه بو جهتله مدیون، وکیل قبض الدین مواجهه سندن
فلان جهتدن طولایی موکلدن آلاجنی بولنمقله تقاص و محسوبی
ادما ایتمه استماع اولنماز تکمله رد مختار.

ینه بو جهتله مفقودک قیمتی مفقودک مدیونلرینک معترف
اولمادقلری آلاجقلرینی حضور حاکمده دعوی ایده میه جکی کبی
مفقودک ید غیرده بولنان عروضی و عقارینی دخی اول غیردن
دعوی ایده من بحر.

اصلی ثانی — تملاک توکیل خصومه توکیل اولور. زیرا
تملاک انشاء تصرف و حقوق عقد ایسه عاقدہ عاقدور. لانه لا
یملک التحصیل الایها و الخصومة من جعلها تکمله رد مختار.
بناءً علیه « ۱۴۶۱ » ماده ایله شرحنده ذکر اولندی
اوزره بیع و شرایه وکیل بعض خصوصاتده خصومه دخی
وکیل اولور.

بو ماده ده « قبضه وکالت » تعبیری درت نوع وکالتلردن
احتراز ایچوندور. بو وکالتلر خصومه وکالتی مستلزم اولور. شویله که:
اولا — وکیل بطلب الشفعه نک هم قبضه همده خصومه
حق واردر. مثلاً وکیل بطلب الشفعه، مشتریدن مشفوعی
طلب ایلدیکنده مشتری « موکلک شفعه پی بکا تسلیم ایلدی »

دیه دفع و بو دفعنه اقامه بینه ایتسه قبول اولنور و تسلیم شفعه
بینه عادلله ایله ثابت اولدقدنه شفعه باطل اولور .

فقط بعدالاحذ بالشفعه بو وکیلک خصومته حتی یوقدر .
شویله که وکیل بطلب الشفعه عقار مشفوعی بالشفعه اخذ ایتدکن
صوکره مشتری بو وکیل علیهنه موکلک اسقاط شفعه ایلمش
ایدی دیه ادعا ایدم جک اولسه قبول ایدلمز . ۱۵۲۶۵ مادهیه باقی .
ثانیا — میبعک خیار عیب ایله بایعه ردینه مأمور اولان
کیمسه نك خصومته حتی وار .

بنده علیه بو وکیل مواجهه سنده بایع موکلک عین راضی
اولدیفنی ادعا و اقامه بینه ایتسه استماع اولنور .

ثالثا — وکیل بالرجوع عن الهبه نك خصومته حتی واردر .
مثلا هبه دن رجوعه وکیل اولان کیمسه مواجهه سنده
موهوب له، هبهیه مقابل واهبه عوض ویردیکنی ویا مال موهوب
زیاده لندیکنی ادعا ایتسه استماع اولنور . و ثبوتی حالنده حق
رجوع باطل اولور .

رابعا — وکیل بالقسه نك خصومته حتی واردر .
مثلا قسمته وکیل اولان کیمسه مواجهه سنده یعنی احد
شریکین شریک دیگر ایله ملک مشترکی تقسیم ایتک اوزره
برخی وکیل ایدوبده موکلک حصه سننی استیفا ایلدیکنه حصه دار
یعنی شریک ادعا و اقامه بینه ایتسه استماع اولنور هندیه وجمع
الانهر و تکمله رد مختار .

﴿ فصل سادس ﴾

(عزل وکیلہ دائر اولان مسائل بیانندہ در .)

ضابطہ: وکالت، عقود غیر لازمہ دن اولمغلہ موکل وکیلنی
عزل ایدہ بیلہ جکی کبی وکیل دخی نفسی عزل واستعفا ایدہ بیلیر.
۱۵۲۱ و ۱۵۲۲ ماده لرہ باق . ۱۴۵۱ ماده شرحندہ بوکا
دائر بعض ایضاحات کچمش ایدی.

بو ضابطہ نک بعض مستثنیاتی دخی وارد رکہ بو فصلک
مطالعہ سندن مستفاد اولور بحر .

اذا اقام الخصم الیئنه ان الموکل عزله عن الوكالة فانها تقیل
فی حق قصر الید لافی ثبوت العزل استیحسانا وجه الاستیحسان
انه خصم فی قصر یدہ لقیامہ مقام الموکل فتمصریدہ فی القبض
تکملہ رد مختار .

﴿ ۱۵۲۱ ماده ﴾

وکیل ، اون آلتی سبیلہ منعل اولور ؛ شویله کہ :

اولا — (موکل وکیلنی) دیلدیکی وقت (وکالتدن عزل
ایدہ بیلیر .) ولو کہ وکالت مذکورہ دوریہ ویا وکیلک عدم عزلی
مشروط اولسون . ویا خود ابدأ ویا مدت حیاتندہ وکیل اولمق اوزره
توکیل ایدیلسین بو حالده وکیل منعل اولور . زیرا وکالت ، موکلک
حق اولوب آنی ابطال ایدہ بیلیر جمع الانهر وتکملہ رد مختار .
جحدود وکالت دخی عزل ایدوکی چونکہ نکاحک ماعداسنک

جھودی فسخ بولندینی وقتوی دخی بونک اوزرینه اولدینی
بیان اولمشدر بناء علیه موکل، وکالتی انکار ایله وکیلنه سنی
توکیل ایتدم دیسه قول صحیحه کوره وکیلنی عزل ایتمش اولور
جمع الانهر و تکمله رد مختار .

بو جهتله قبض دینه وکیل اولان کیمسه دینک بر
مقدارینی قبض ایتدکن صوکره موکل آنی عزل ایدهرک
متبای آلاجنی بالذات کندیسى مدیوندن طلب ایلدیکنده
مدیون مبلغ متبای مذکوری وکیله ویره جکم دیه موکله ایفادن
امتناع ایدهر فیضیه .

نته کیم موکل ، وکالت دوریه ایله توکیل ایتدیکی وکیلنی
دخی عزل ایدهر بیلیر . یعنی مثلاً بر کیمسه دیگر کسنه یی هر
نه وقت عزل ایدر ایسه م وکیل م سگ عباره سیله بعدالتوکیل
عزل ایتک ایستدیکنده وکالت معلقه دن رجوع و وکالت
منجزه دن عزل ایتدم دیه عزل ایدهر بیلیر . لان مالا یگون لازما
یصح الرجوع عنه والوكالة منه تکمله رد مختار . یعنی اولاً ،
وکالت معلقه دن رجوع و صوکره ده وکالت منفذه دن عزل
ایتملی . زیرا منفذه دن عزلی تقدیم ایدرسه وکالات معلقه دن
وکالت اخری تنجز ایلر . اندن صوکره وکالت معلقه دن رجوع
ایتدم دیملکه منعزل اولماز بحر و رد مختار .

(فقط غیرک) ولوکه بو غیر وکیل اولسون (حق
تعلق ایلمش ایسه) موکل وکیلنی وکالتدن (عزل ایدهر م) .

حق غیرک تعلق دوت مسئله ده اولور :

۱ مسئله ؛ (نته کیم بر مدیون مالی رهن ایدوبده حین عقد رهنده یا خود صوکرده دن دینک وعده سی حلولنده رهنی صائمق اوزره برینی توکیل ابتدیکی صورتده مرتهنک رضایی اولدقجه موکل راهن او وکیلی عزل ایده من) بحر .

۲ مسئله ؛ « ۱۵۰۴ » ماده شرحنده ف کر اولندیفی اوزره وکیل بالبیع موکلنی قبض ثمنه با مصالحا کم توکیل ایتسه عزل ایده من .

۳ مسئله ؛ موکل دایته — دین معجل ایسه — فلان مالی صانده سکا اولان بورجه مقابلنده ثمنی آل دیسه موکل بو وکیلی عزل ایده من بحر . اما دین مؤجل ایسه قبل الاجل عزل ایده بیلیر ابن طابین .

۴ مسئله ؛ (کذاک مدعینک طلبی اوزرینه مدعی علیه) مدعینک حضورنده (برینی خصومه توکیل ایتدکده) یا مدعینک طلبی اوزرینه (مدعینک) غایبنده مدعی علیه برینی خصومه توکیل ایدوبده بو توکیله مدعینک علمی لاحق اولدقدن صوکره (غایبنده آنی عزل ایده من .) زیرا مدعی مدعی علیه ک وکیلی مواجهه سنده حقنی دیلدیکی وقت اثبات ایده جکنه اعتماد ایتدیکنه منی مدعی علیه ک سببانی تخلیه ایتمش ایکن عزل ایتسی جائز اولسه مدعی علیه ک اختفاسی

تقدیرنده مدعینک ضرر دیده اولماسنی موجب اولور. ۱۹۵.
ماده یه باقی.

بو مسئله ده درت قید احترازی موجود بولمیشدر:
برنجیسی — طلبی اوزرینه تعبیریدر. بناء علیه مدعینک
طلبی اولمقیزین مدعی علیه برینی توکیل ایتسه مدعینک
حضورنده یا غیابنده هنوز مرافعه اولمادن عزل ایده بیلیر.
زیرا بو صورتده کی وکالته مدعینک حتی تعلق ایتمه مشدر.
شو جهتله که بو توکیلده مدعینک طلبی مسبوق دکلدر بهجه.
ایکنجیسی — مدعینک غیابنده تعبیریدر. بناء علیه
مدعینک حضورنده مدعی علیه بو وکیلی عزل ایده بیلیر. مدعی
بو عزله کرک راضی اولسون کرک اولسون. لعدم الضرر
تکمله رد مختار.

اوچنجیسی — مدعی علیه تعبیریدر. بناء علیه مدعی
برینی خصومه توکیل ایتسه آنی عزل ایده بیلیر. زیرا مدعی
صاحب حق اولوب دیلرسه وکیلنی بالعزل خصومه بنفسه
مباشرت ایدر دیلرسه حقنی بالکلیه ترک ایدر بحر وهندیه.
دردنجیسی — مدعینک حضورنده تعبیریدر. بناء علیه
مدعینک طلبی اوزرینه آنک غیابنده مدعی علیه برینی خصومه
توکیل ایدوبده بو توکیله هنوز مدینک علمی لاحق اولمادن
موکل وکیلنی عزل ایده بیلیر انقروی. اما مدعینک حضورنده
آنک طلبیله توکیل ایتسه یاخود مدعینک غیابنده مدعینک

طلب والتماسنه بناءً وکیل ایلسمده وکالتہ مدعی واقف اولوب
رد ایلسمه آرتق مدعینک غیبتی حالنده موکل بو وکیل عزل
ایده منر تکمله رد مختار .

فرع — وکیل فائب اولان موکل بنی عزل ایتدی دیدیکی حالده
مدعی تکذیب ایتسه اول وکیل قولى قبول ایدلر بحر .
ثانیاً — وکیل نفسی عزل ایتدکده منعزل اولور . ماده
آتییه باق .

ثالثاً — موکل بهک ختاميله وکیل منعزل اولور . «۱۵۲۶»
مادهیه باق .

رابعاً — موکل وفاتيله وکیل منعزل اولور . «۱۵۲۹»
مادهیه باق .

خامساً — وکیل وفاتيله وکالتک حکمی قلماز . «۱۵۲۹»
مادهیه باق .

سادساً — موکلک یا وکیلک تجنن ایتسميله وکالت باطل
اولور . «۱۵۳۰» مادهیه باق .

سابعاً — موکل بهک اسمنک تبدیلیه وکالت باطل وکیل
منعزل اولور . «۱۴۷۲» ماده شرحه باق .

تاسعاً — وکیل بالشرایدنده بولنان موکلک پارهسی تلف
اولغله وکیل منعزل اولور . «۱۴۹۱» و «۱۴۶۳» و «۲۴۳»
مادهلرک شرحلرینه باق .

حاشرا — وکیل بالخصوصه نك اقرار اینجی مستثنی ایکن
وکیل مرقوم حضور حاکمه اقرار ایتمسه منعزل اولور .
۱۵۱۸۰ ماده یه باقی .

حادی عشر — وکیل الوصی و وکیل الالب ایفای وکالت
ایتمدن اول اول صبی بالغ اولدقده وکیل وکالتدن منعزل اولور .
هندییه و انقروی « ۱۴۴۹ » ماده شرحنه باقی .

ثانی عشر — بر کیمسه مدیونی ذمتمده کی مطلوبنی قبضه
برینی وکیل ایتدکدن صوکره مذکور آلاجنی حواله برینک
اوزرینه قبول ایتمسه وکیل منعزل اولور انقروی . بناء علیه
وکیل آرتق مطلوب مذکوری او آدمدن ایستیه من .

ثالث عشر — وکیل موکلنه مخالفت ایتدکده عزل ضمنی
ایله منعزل اولور . مثلاً موکل اون آلتونه بر مال آلمقه وکیل
ایتمش ایکن آلی درت مجیدییه یاخود بر عرض اعطاسیله صاتون
آلسه وکیل منعزل و مال مشتری کندینه قالمش اولور تکمله
رد مختار .

رابع عشر — وکیل بالنکاح عقدی نفسنه بالاضافه اجرا
ایتدکده وکالتدن منعزل و عقد نکاح نفسی ایچون واقع اولور
تکمله رد مختار . « ۱۴۸۵ » ماده شرحنه باقی .

خامس عشر — افتراق احد شریکین ایله وکیل منعزل
اولور . شویله که ایکی کیمسه عقد شرکت ایتدکلرنده بونلر

يكديكر ك وكيلى اولور . صوكره مالينك ياخود يالكز بريسك
مالنك يعنى سرمايه سنك قبل الشراء هلاكيه شركت باطل اولاجنى
كي وكالت ضمنيه دخى باطل اولور . هلاك ماله شركا كرك
واقف اولسونلر وكرك اولماسونلر . لانه عزل حكى اذا لم تكن
الوكالة مصرحاً عند عقد الشراكة .

نته كيم ايكي شريكدن بريسى يا ايكيسى مال شركتده تصريف
ايتك اوزره بريى توكيل ايدوبده بعده شركا افتراق ايتسه
بو وكيل افتراقى بيلمسه بيله حق غير موكلده منعزل اولور .
اذا لم يصرحا بالاذن فى التوكيل تكمله رد مختار .

سادس عشر — مأذون، بريى توكيل ايدوبده بعده اوماذون
حجر ايدلسه وكيلى منعزل اولور . اذا كان وكيلا فى العقود
والخصومة . وكيلى حجره كرك عالم اولسون كرك اولماسون . لانه
عزل حكى در مختار وتكملة رد مختار .

❧ ماده ١٥٢٢ ❧

(وكيل، كندى وكالندن) بلا رضى الموكل دخى (عزل)
و موكل حضور يا غيبته استعفا (ايدوبيلير .) زيرا وكالت
عقد غير لازمدر بحر . فقط خبر عزلى موكله ايصال ايتك
شرطدر .

بو جهته وكيلى موكل بهى ايفادن امتناع ايتد كده جبر
اولنه ماز . ووكيل، امتناعى سبيله ترتبايدن زيانى ضامن اولماز .
مثلا كندى كالندن ياخود موكلنك پاره سندن ادائى دينه

وکیل اولان کیمسه ادای دینه جبر اولنه میه جفی گی مدیون
سفره کیدرکن بر کسنه یه «بومالی صانارق تمنی فلان دایمه ویره دیه
امر ایلوب او کسنه دخی بعدالبیع تمنی یدنده بالامساك
بلا تعد ولا تقصیر مذکور تمن تلف اولسه اول کیمسه یه ضمان
لازم گلز.

نته کیم قبض دین و بیع ائماره وکیل اولان کیمسه تهاون
وتکاسل ایدرک دینی قبض و ائماره بیع اتمه مکه مدیون مفلس
و ائمار چوریوب تلف اولسه وکیل ضمان لازم گلز تنقیح.
کذلک بر کیمسه بو مالی فلانه هبه ایت یا فلاه صات
ودینی ادا ایت دیه دیگرینی توکیل ایتدیگی حلاله وکیل او مالی
هبه یه یا بالبیع ادای دینه جبر اولنه ماز.

(فقط بوجه بالا) ماده آنفدهده مرور ایتدیگی
اوزره (غیرک حتی تعلق ایتش ایسه) او غیرک رضاسی
اولدجه (عزل ایدمه یوب ایفای وکالت مجبور اولور.) که بوده
بش مسئله دن عبارت ایدوکی «۱۸۶۰» ماده نک قیلنده کی شرحده
بیان اولندی.

«اول غیرک اذنی اولقسزین» دیلدی. زیرا غیرک اذنی
اولنجه نفسی عزل ایدمه یلیر. شویله که بیع رهنه وکیل اولان
کسنه نفسی مرتهن حضورنده وکالتدن عزل ایدوبده اوده
راضی اولسه منزل اولور.

نته کیم «۱۵۲۱» مادهده مذکور وکیل بالخصوصه نفسی

خمسك رضاسيله وگالتدن عزل ايدمه بيلير رد مختار علي افندی .

ماده ۱۵۲۳

عزل قصديده وکیلک انزالى علمنه توقف ايدره . بوجهته
(موکل وکیلنى عزل ايتدکده) عزل ایلدیکنى غیبت وکیلده
اشهاد ایتسه بيله (وکیلله خبر عزلى واصل اولنجیه دك وکالتى
اوزرنده قالير . و) بناء عليه (اول وقته قدر تصرفى صحيح)
وموکل اوزرينه نافذ (اولور .) زیرا وکیلک علمى اولقسزین
انزالنده وکیلله اضرار واردر . شو جهته که وکیل کندیسینه
غير منعزل ووکالتده باقى ظنيله تصرف ايدمه دك کندیسینه عهده
ومسئولیت لاحق اولور بجمع الانهره . انما لا ینعزل اذا لم یبلغه
لانہ نهى بعد الاصر فلا یعمل بدون العلم تکمله رد مختار .

بناء عليه اجارتینلى بر وقف عقارک فراغه وکیل اولان
کیمسه یی موکل وکالتدن عزل ایدوب فقط خبر عزلى هنوز
کندیسینه واصل اولقسزین وکیل اول عقارى باذن متولى
آخره فراغ ایلسه فراغى صحيح و معتبردر . اما خبر عزلک
کندیسینه وصولدن صوکره فراغ ایدرسه او صورتده فراغى
صحيح و معتبر دکلدر احکام اوقاف .

استثنا — مسئله آتیده خبر عزلک وکیلله ایصالی شرط

دکلدر؛ شویله که :

بر کیمسه بر غایبى بر خصوصه توکیل ایدوبده خبر وکالت

فائده هنوز بالغ اولدن موکل آنی عزل ایتدکده همان منزل اولور. خبر عزل وکیله ایصالی شرط دکدر. زیرا بو حالده وکالت هنوز منعقد اولمایوب موکلك عزلی ایجابدن رجوعدن عبارتدر. ۱۴۵۸ء ماده شرحنه باقی. اما خبر وکالت کندیسینه واصل اولدقدن صوکره عزل ایتدکده خبر عزلک وصولی شرطدر درمختار وردمختار بزیاده و تکمله.

خبر عزلک کیفیت وصولی

خبر عزلک وکیله وصولی صور آتیله ایل اولور؛ شویله که :

اولا — موکل سنی عزل ایتدم دیه بالمشافهه وکیلنی عزل ایدم بیلیر.

ثانیاً — عزل ایتدیکنه دائر وکیلنه مکتوب کوندرمکله اولوب بو مکتوب وکیلنه واصل اولدیفنده منزل اولور. ۶۹۵ء ماده یه باقی. اما قبل وصول المکتوب منزل اولماز لانه عزل قصدی یشرط فیه العام و علمه بوصول الکتاب الیه تکمله.

ثالثاً — موکل عزلی اخبار ایچون وکیلنه عاقل و ممیز برکیمسه بی رسولا کوندروبده اول کیمسه دخی مرسل طرفندن رسول اولدیفنی بال بیان خبر عزلی وکیلنه تبلیغ ایلدیکنده وکیل منزل اولور. بو رسول ولوکه غیر عادل یا صغیر ممیز بولنه. وکیل بو خبره کرک اینانسون کرک اینانماسون.

رابعاً — فضولی برکیمسه موکلك کندیسینی عزل ایلدیکنی

اخبار ایلدیکی تقدیرده وکیل منزل اولور. فقط اخبار فضولیده
اوج شرطک برینک و حودی لازمدر. شوبله که شهادتک ایکی
شرطندن یعنی عدالت یا نصابدن بری یا خود وکیلک بو خبری
تصدیق ایلرسی لازمدر. ایمی فضولی مخبر عادل اولورسه
وکیل وکالتدن منزل اولور. نتهکیم فضولی نصاب شهادت
اولور ایسه « ۱۶۸۵ » مادهیه باقی ینسه بو خبر مقبول و وکیل
معزول اولور. و هذا علی قول الامام الاعظم فلا یثبت یحبر
المرأة و الصبی وان وجد العدد او العدالة. العدالة لا تشترط
فی العدد تکمله رد مختار.

کذا عادل اولیان بر فضولی خبر و یروب بو خبری وکیل
تصدیق ایدرایسه ینه وکالتدن معزول اولور رد مختار و مجمع الانهر.

« عزل قصدی » تعیری عزل حکمیدن احتراز ایچوندر که
بونک تفصیلی « ۱۵۲۷ » ماده ایله شرحنده کله جکدر.

« وکیلنی » تعیری رسولدن احتراز ایچوندر که رسولک
ولو قصدا عزلنده، عزله حقوق عامی شرط دکلددر. زیرا
رسول، مرسلنک عبارده سنی مبالغه و اغله عزلی ایجابدن رجوعدر
تکمله رد مختار و بحر.

❦ ماده ۱۵۲۴ ❦

(وکیل) بالخصوصه و بالشراء الشئ المعین (کندیسنی)
وکالتدن « عزل ابتدکده عزلی موکانه بیلدیرمی لازم کلیر .

وعزلی موکک معلومی اولنجیه دک وکالت کندی عهده سنده
 قالیر.) زیرا موکک معلومی اولدن نفسی عزله موکله ضرر
 واردر. شویله که موکل، خصوصته وکیلم دعوائی تعقیب ایدیور دیه
 بالذات تعقیب دعوی ایتمز و بو حالده مرور زمان کبی احوالک
 وقوعیله موکل ضرر دیده اولور. نته کیم وکیل بالشراء الشیء
 المعین نفسی موکک علمی اولمقسزین عزل ایتدکده
 اول شیء وکیل کندیس ایچون آلارق موکلی اضرار ایتمز
 اولور. بو جهته وکیل، خبر عزل موکله وصولدن مقدم
 وکالتی عهده سنده باقی قالاچقندن تصرفی موکل ایچون صحیح
 اولور.

مثلا شیء معینک اشترا سنده وکیل اولان کیمسه نفسی
 وکالتدن بعد العزل خبر عزلی موکله ایصال ایتدن اول شیء
 نفسی یاخود مؤخر وکالتی درعهده ایتدیکی دیگر موکلی ایچون
 اشترا ایتسه شراء واقع موکل اولک اولور. لانه لایملاک عزل
 نفسه عند غیبة الامر الا اذا اشتری باکثرما وکل به او بخلاف
 ما وکل به تکملة.

اما وکیل بالبیع یا بالشراء الشیء الغیر المعین یا وکیل بالنسکاح
 نفسی عزل ایتدکده موکله بیلدیر مکسزین وکالتدن منعل
 اولور. لعدم تضرر الموکل.

بناء علیه برکیمسه غیر معین شویله بر آتی آلبویرمک اوزره
 دیگر کسنه پی وکیل ایدوبده او کسنه نفسی وکالتدن بعد العزل

موكله بيلديرمدن اومالى آلسه آلان مال موكلك اولماز . لانه
لايقع للموكل في غير المعين مالم ينوّه او ينقد الثمن من ماله او
يضيف العقد الى دراهمه والحاصل ان الوكيل له ان يعزل نفسه
في هذه الاشياء وان لم يعلم الموكل لعدم تضرره تكمله رد مختار .

— ۱۵۲۵ — ماده

(مديونك غيابنده قبض دينه وكيل اولان كيمسه يي)
خبر وكالت مديونه واصل يعنى وكالنه مديونك علمى لاحق
اولماش ايسه (موكل عزل ايده بيلير .) زيرا بو عزله
مديونه بركونا ضرر يوقدر . اما خبر وكالت مديونه واصل
ومديونك عامى وكالت مذكوره لاحق اولمش ايسه ظاهر
اولان فقره آتيده اولدني كهي مديونك علمى لاحق اولدجه
عزلى صحيح اولماز . تكمله رد مختار .

(اما داي ، آنى مديونك حضورنده توكل ايتمش ايسه
مديونك علمى لاحق اولدجه عزلى صحيح اولماز .) زيرا
بلا علم المديون عزله مديونه مضرت وتضرر لاحق اولور .
شوجهتله كه مديون ، وكالتى باقيدر ظيله آكا بورجنى ويرير
و بو تأديه معتبر اولمايه جفتدن بورجنى تكرر دايته اعطايه
مجبور اولور تكمله رد مختار . (بو صورتده مديون آنك عزلى
اوكرنمدن آكا دينى اعطا ايتسه ديندن برى اولور .) لكن
بو تقديرده مديون وكيك عزلى اوكرندكه منعزل اولاجفتدن

آندن سوکره آکا دینی اعطا ایتسه دیندن بری اولماز رد مختار
و مجمع الانهر .

— ماده ۱۵۲۶ —

(موکل بهک ختامیه وکالت نهایت بولور . وکیل دخی
بالطبع) عزله محتاج اولمق سزین (وکالتدن منعزل اولور .)
زیرا بو حالده وکیل موکلک امرینه امتثالدن عاجز قالمشدر .
موکل بهک ختامی ایکی صورتله اولور :

صورت اولی — موکل بهی بالذات موکل ایضا ایتسمیه
اولور . ایتمدی موکل ، توکیل ایتدیکی خصوصده شول وجهله
تصرف ایتسه که بو تصرفدن سوکره وکیل آنده اهر فدن
عاجز قالسین وکیل منعزل اولور در مختار . بوکا متفرع مسائل :
بیع — برکیمسه مالی بیعه دیگر کسنه یی توکیل ایتدکن
سوکره وکیل هنوز بیع ایتدن موکل او مالی آخره بیع یا هبه
و تسلیم ایتسه وکیل منعزل اولور در مختار و فیضیه . بو صورتده
هم وکیل همده موکل صانوبده سابق معلوم اولماسه یا خود
معا صائسله ر عند محمد بیع مالک اولیدر . و غند ابی یوسف
مشتریلر مشترک و تفرق صفقه دن طولای خیر اولور در مختار
لکن موکل بر مالک بیعنه دیکرینی بعد التوکیل او مالی آخره
رهن یا ایجار و تسلیم ایتسه ظاهر روایت کوره وکیلک وکالتی
باقیدر مجمع الانهر .

اجاره — برکیمسه ، خانه سنی آخره ایجاره برینی وکیل
ایتدکدن صوکره وکیل ایجار ایتدن اول موکل اوخانه بی بالذات
ایجار ایتسه وکیل وکالتدن منعزل اولور .

قبض دین — موکل مدیونی ذمتده کی آلاجه فی قبضه
برینی توکیل ایتدکدن صوکره وکیل قبض ایتدن موکل قبض
ایتسه وکیل منعزل اولور تنویر .

قضاء دین — برکیمسه فلامه اولان اون آلتون بورجی
تأدیه ایتک اوزره دیگر کمنه یه اون آلتون ویردکدن صوکره
مذکور دینی اولا آمر و موکل و صوکره مأمور و وکیل ادا
ایتسه نظر اولنور : وکیل ، موکلک اولجه دینی تأدیه ایتدیکنه
واقف ایدیه ضامن اولور . والا ضامن اولمایوب موکل داینه
مراجعت و وکیلندن آلاجه فی آندن استرداد ایدر . و سوز
موکلک اولجه تأدیه سندن معلوماتی اولمادیغنه یمیلله وکیلک
اولور هندیه . والوکیل بقبض الدین لوقبضه و هلك فی یده بعد
ماوهبه الموکل للمدیون ولم یعام الوکیل لم یضمن تکمله رد مختار .
یشکل علی هذا ان هذا العزل عزل حکمی ینبی ان لایتوقف
علی عام الوکیل واجیب بان الوکیل بقضاء الدین مأمور بان
یجعل المؤدی مضمونا علی القابض لان الديون تقضى بامثالها .
وذلك لایتصور بعد اداء الموکل ولذا یضمنه القابض لو هلك
بخلاف الوکیل بالتصدق اذا دفع بعد دفع الموکل فلم یضمن

الوكيل يتضرر الموكل لانه لا يتمكن من استرداد الصدقة من
الفقير ولا تضمنه تكمله رد مختار بتصرف .

اذا باع الموكل ماوكل ببيعه ولمالم يعلم الموكل فباعه وقبض
الثن فهلك في يده وهلك المبيع قبل التسليم ورجع المشتري على
الوكيل رجع الوكيل على الموكل ونذا لو استحق لانه صار مفرورا
من جهته تكمله رد مختار .

اشترا — بر كيمسه بر مالك اشترا سته تو كيلي ايدل دكن
صو كره هنوز اشترا ايتدن موكل اشترا ايتسه و كيلي منزل
اولور . لانه حيا نذ يعجز الوكيل عن اتمام ماوكل به تكمله .

بو ماده وجهله و كيلي تصرفدن عاجز اولد دن صو كره
ملك تصرفك عودتي :

بيع واجاره به وكالت بعد العجز بعضا عودت ايدر . شويله كه
بر كيمسه مالى بيعه ديكر كمنه يي تو كيلي ايتد دن صو كره موكل
صائسه ده بعده اومال ، ملك قديم وفسخ اولان بر طريق ايله موكل
ملكه عودت ايتسه وكالت دنخى عودت ايدر . خيار رؤيت
وشرط وفساد بيع وخيار عيب بقضاء رد ايله فسخ كهي .

مثلا او مالى موكل صانوب بعده خيار رؤيت ايله رد
اولسه بوندن صو كره و كيك بالوكاله صائمه حق اولور .

نته كيم بر كيمسه خانه سنى آخره ايجاره و كيلي تعيين ايدوب
بعده او و كيلدن مقدم كنديسى ايجار ايتسه ده صو كره اجاره

منفسخ اولسه وکیلک وکالتی عودت ایدر . کذا «۱۴۵۹» ماده
 شرحنده ذکر اولندینی اوزره موکل آلاجهنی دیگر بر شخص
 اوزرینه حواله آلمسیله وکیل قبض الدین تصرفه غیر مقتدر
 اولور . فقط بوندن صوکره محال علیه مفلساً وفانیله دین عحیله
 عودت ایتدکده وکیل بالقبض ینه قبض دین ایده بیلیر اقروی .
 کذا بر کیسه دیگرنی قبض دینه توکیل ایتدکن صوکره
 مدیوندن آلاجهنه مقابلی بر مال صاتون آلوب بعده او مال
 بالاستحقاق ضبط اولسه یاخود عیب ایله بقضاء بعدالقبض رد
 اولسه یاخود عیب ایله قبل القبض بغير قضاء یاخود بخیار رد
 ایدلسه وکیلک وکالتی باقی عد اولنور . وکذا لو قبض الدراهم
 فوجد هازيوقا تکمله رد مختار .

اما مبيع موکله فسخ اولمیان بر طریق ایله رد اولسه
 وکالت عودت ایتز .

مثلاً بر کیسه مالی فلان کسنهیه هبه ایتکه بر شخصی
 وکیل ایدوبده وکیلدن اول مذکور مالی موکل اوکسنهیه هبه
 و تسلیم ایتدکن صوکره هبه سندن رجوع ایتسه وکیل آرتق
 اومالی اوکسنهیه هبه ایده مز . «۸۶۴» ماده شرحنه باقی . وکذا
 اذا اشترى ماوکل فی بیعه من مشتریه فلا يعود التوکیل لعدم
 عود قديم الملك وانما هو ملك مستألف تکمله رد مختار .

صورت ثانیه — موکل بهی وکیلک ایضا ایتسیله اولور .

مثلاً قبض دینه وکیل اولان کیمسه دینی قبض ایلدیکندمه وکالت منتهی و وکالتدن منزل اولور رد مختار و فیضیه .

۱۵۲۷ ماده

(موکلک و فاتیله وکیل منزل اولور .) ولوکه موکل وصی الصبی اولسون و وکیل موکلک و فاتی بیلمه سین . زیرا توکیل تصرف غیر لازم اولغله دوامی ایچون حکم ابتدا اولدینندن امرک قیامی لابد ایکن امر ، موت موکل ایله باطل اولدی بحر و هندیه . لان العلم شرط للعزل القصدی لالعزل الحکمی مجمع الانهر .

بو جهته قبض دینه وکیل اولان کیمسه موکلک و فاتیندن سوکره و فاتی بیلمیه رک دینی قبض ایتسه مدیون بری اولماز .
ینه بو جهته بر صینک وصیسی کن دیسنک تصرفه مقتدر اولدینی امور یتیمده برینی توکیل ایتدکن سوکره فوت اولسه وکیل منزل اولور . نته کیم صبی فوت اولدقه وکیل منزل اولاجنی کی . زیرا وصی او وکیل صینک ملکنده تصرفه وکیل ایتمش ایکن صینک و فاتیله ملک ورثه سنه انتقال ایدر واقعات .

موکل ، ولی الصغیر اولنجه دخی حکم بویله در .
رجل غاب وجعل داراله فی ید رجل لیعمرها فدفع الیه
مالا لیحفظه ثم فقد الدافع فله ان یحفظه ولیس له ان یعمر

الدار الا باذن الحاكم لانه لعله قد مات ولا يكون الرجل وصيا
للمفقود حتى يحكم بموته تكمله رد مختار .

(فقط غيرك حتى تعلق ايتش ايسه) موكلك وفاتيله
وكيل (منزل اولماز . ۷۶۰ ماده به باق .)

تعلق حق غيردن طولاي وكيك ، وفات موكل ايله منزل
اولماسى بعض مسائله در :

۱ مسئله — رهن ، مرهن يا عدلى عند حلول الاجل
بيع رهنه توكيل ايتدكن صوكره موكل فوت يا مجنون اولسه
وكيل منزل اولماز مجمع الانهر .

۲ مسئله — وفاء ميبى صاتمغه وكيل اولان كيمسه موكل
وفاتيله منزل اولماز رد مختار لتعلق حق المشتري تكمله .
لكن مسئله آتيده حق غير تعلق ايلديكى حالده موكل
وفاتى يا مجنونيتى ايله وكيل منزل اولور ؛ شويله كه :

مدعينك طلبى اوزرينه مدعى عليه طرفندن خصومته برى توكيل
اولندقدن صوكره موكل فوت يا مجنون اولسه وكيل منزل اولور .
زيرا بعدالموت والجنون موكل خصومتى متعذر اولدينى كي بعد
الموت حق منازع فيه ورثه انتقال ايتمكه خصومت موكل
خلفيله تجدد ايدر . وكيل ايسه بو خلفك وكيلي دكلدر تكمله
رد مختار .

❧ ماده ۱۵۲۸ ❧

(موكلك وفاتيله) وکیل منزل اولدینی کی (وکیلک وکیل دخی منزل اولور. «۱۴۶۶» مادهیه) یعنی «بو وجهله وکیلک توکیل ایتدیکی کیمسه موكلك وکیل اولور» فقره سنده (باق.) اما وکیل اولك وفاتيله یاخود عزلیله وکیل منزل اولماز.

❧ ماده ۱۵۲۹ ❧

(وکالت موروث اولماز. یعنی وکیل، فوت اولدقده وکالتک حکمی قالماز. بوجهتله وکیلک وارثی آنک) یعنی وکیلک (مقامنه قائم اولماز.) فقط وکیل فوت اولدقده خیار عیب ایله رد مبیع حق وارثک یاخود وصیسنک اولور. و وارث یاخود وصی یوق ایسه علی روایه موكلك وعلی روایه اخی وصی القاضینک اولور جمع الانهر. بو وجهله حق رد وارثک اولماسندن وکالتک موروث اولماسی لازم کلز. زیرا حق رد وکیل ایچون اصالة ثابت اولان حقوقدندر «۱۴۶۱» ماده شرحنه باقی.

❧ ماده ۱۵۳۰ ❧

(موكلك یاخود وکیلک) مطبقاً (تجنن ایتسیله وکالت باطل اولور.)

ایمدی موكلك تجننی بطلان وکالتی مستلزم اولدی. زیرا

«۱۵۲۷» ماده شرحنده ذکر اولندیفی اوزره توگیل کی تصرف غیر لازمک دوا می ایچون حکم ابتدا اولمغه امرک قیامی لابد ایکن جنون موکل ایله امر باطل اولمشدور.

وکیلک تجننله دخی وکالت باطل اولدی . زیرا مجنونک تصرفات قولیه سی معتبر دکلدور . «۹۶۰» ماده یه باقی .

حق وکیل ، جنون مطبق ایله تجنن ایتدکن صوکره کسب افاقات ایتسه وکالت عودت ایتمز درمنتقی و تکمله «۱۵۲۶» ماده شرحنه باقی .

لکن وکیلک تجننیه وکالت غیرک حق تعلق ایتسه بیله باطل اولور . چونکه وکیلک تصرفه اهلیتی قلمادی . اما موکلک تجننه کلنجه حق غیر تعلق ایتمه مش ایسه باطل اولور . فقط حق غیر تعلق ایتمش ایسه موکلک تجننیه وکالت باطل اولماز . رد مختار «۱۵۲۷» ماده یه باقی .

جنوندن مقصود ، جنون مطبقدر . زیرا جنون قلیلی اغما «بایغینلق» منزلنده اولوب وکالت اغما ایله باطل اولمادیفی کی قلیلی جنون ایله دخی باطل اولماز . جنون مطبق مدتی عندابی یوسف شهر کاملدرکه امام اعظمک بر قولی دخی بویه در . عند محمد بر سنه کاملدرکه امام اعظمک دیگر قولی دخی بویه در . حق تصرفانده مختار اولان قول دخی امام محمدک قولیدر . لسقوط جمیع العبادات فقدر به احتیاطا تکمله رد مختار . زیرا بر سنه کاملده جنون مستوعب اولدقده جمیع عبادات وحتی

زکات ساقط اولدینی کبی مجنون اوزرینه فصول اربعه حولان
ایتدیکی حالدہ افاقت بولماسی ایلہ استحکام جنون معلوم اولور
مجمع الانهر و شرح الاشباء للغزی . ۹۴۴ء ماده شرحه دخی
باقی .

ارادۂ سلیه تاریخی فی ۳۰ جمادی الاولی سنہ ۱۲۹۱
تمت الوكالة ویلیها الصالح والابراء
الحمد لله تعالى

فصل در باب ثالث

احکام وکالت

حکم اول

توکیلانک شامل
شرایه وکالت
(فصل ثانی)

اولدین خدو صانده وکیلانک حق تصرف واردور :
علی الاطلاق اولورسه نفود ابله اشتراپه معروف اولور (۱۴۸۲) . فقط ایغای وکالت قابل
اولا بیاهجک صیبه موکل بیک معلومتی اقتضا ایدر . بناء علیه موکل اشتراپه ایتدیرجه چکی شایانک جنس
و نوعی و براسنی (۱۴۶۸) و مقدارانده مقدار یا ثمنی (۱۴۷۷) — وکالت عامه ابله توکیل ایتدیرجه
— بیای ایتدیر . وصفانک بیاننه احتیاج یوقدر ، زیرا موکل بیک وصفی موکلانک حالنه موافق
اولا ایدر (۱۴۷۸) .

۲

۲

۱

وکیل بالشرایه ، کندی مالی ، موکلانک صاآدنی مالی ، کندی لهینه شهادتلی جانز اولمایانلرک مالی ،

۳

موکلانک منصوب مالی موکلی ایچورق آلاماز . کندانک بلا اذن الموکل اقاله بیع دخی آبله من .
فقط وکیل بالبیع ایده بیلیر (۱۵۰۰)

خسومته وکالت
(فصل خاص)

خسومته توکیلده

یا تعمیم بولنور .
یا تخصیص بولنور . بو تقدیرده
اولا خسومته
ثانیا مدعا جهله

بیانی لازمدر .

وکیل بالمخسومته تک حضور حاله غیریده واقع اولال اقراری . باطلدر . حضور حاله —
حدود و تعاصمه غیرایستنده لالشیبه ه — اقراری هیچیز (۱۵۱۷) ، خسومته توکیل قبض
وصلحه توکیل تضمن ایتز (۱۵۱۹) . عین حق استیفایه توکیل خسومته توکیل اولال ؛ فقط
تاکه توکیل ، خسومته توکیلدر .

بیعه وکالت

(فصل ثالث)

علی الاطلاق اولورسه موکله مالی مناسبت کردیگی بیا ابله [مرجهلا] ویا بی التجار معروف
اولان مدت ابله وبره سی به ۱۴۹۸ صاا یا ایلر فقط بیع صرفنده عین فاحش بالاجاع جائز دکلدور .

تأدیة دینه وکالت

کندی مالندی تأدیة دینه وکیل اولال کیسه تک موکلنه رجوع ایده بیلمسی ایچور اولال
مدیر تک اصمی ، ثانیا دینه وجودی ، ثالثا ایضاً تک تحقق لازمدر .

وکیل جنسده اصلا مخالفت ایده مانه قدر ویا وصفتده خیره ایلر ، شره ایده مانه . مخالف جائز اولایال
خصوص بیعه واقع اولنجه بیع موقوف ، شراده اولنجه شرا وکیل اولنجه نافذ اولور .

حکم ثانیا

وکالت عقد غیر لازم در . مستثنی :

- ۱ مدیون راهن ، رهق بیمه توکیل است - یکی کیسه بی صحت است رضاسی اولاد چیه عزل ایده ماز . (۱۵۲۱ ماده)
- ۲ مدعیانک طلب اوزرینه حضورنده مدعی هایه برقی خصوصته توکیل اینسه مدعیانک قیابنده آتی عزل ایده ماز . (۱۵۲۱ ماده) فقره اخیرسی)
- ۳ وکیل بالاجره ابغای وکالتیه جبر اولتور . (۱۵۰۴ و ۱۵۱۲ ماده لر)
- ۴ وکیل بالبیع موکلنی قبض نمه با اصاطا کم توکیل اینسه عزل ایده ماز (۱۵۰۴ ماده)
- ۵ دین معبده مدیون داینی و تسویه دین ایچورق شو مالی صات ه دیه توکیل اینسه آرتق عزل ایده ماز .
- ۶ وکیل برداراییل موکالت قیوبندیک سو کرده و دهینه جبر اولتور .
- ۷ مأمور آسره مدیون اولنجه آصه ک دینی ادایه جبر اولتور .

عربی حقیقه لازم

وکیل حقیقه لازم

وکیل حقیقه لازم

— وکیل و رسول بندرنده کی مالکد ایستدرکر (۱۴۶۳ ماده و شرحی) . بلا تعدی تلقی تقدیر بنده ضامک لازم کنه .

وکیلک ضرر (فصل سادس) صور آتیہ ابلہ اولور :

- ۱ — حق غیرک اتفاق ابدیکی خصوصاتده } موکله عزایله
وکیلک استغفاسیله
- ۲ — موکل یا وکیلک وفات یا جنینایه (۱۵۲۹ . ۱۵۳۰ ماده لر)
- ۳ — موکل بیکه خنای (۱۵۲۶) ، ویا اسنیک تبدیلی (۱۴۷۲ ماده شرحی) ابله
- ۴ — وکیل بانسرا بدنده اولورده موکله عائد بولانق نفوذک تلف اولسیله
- ۵ — انقراده غیر مأذون بر وکیلک حضور حاکمه انقرا ببله
- ۶ — وکیل الوصی صبیئک بلوغیه

بر خصوصه نوکیل ابدیلر ایکی کیسه دلی بالکنز برایی خصوص مند کورده تصرف ابدیه ماز . زیرا
ایکی کیسه به تقویض ابدیلر بر تصرفی بالکنز برایی پاینده مقدر دکلدور . (۱۴۶۵ ماده و شرحی)

جهه ، اعاره ، رهن ، ابداع ، اراض ، شرکت ، مضاربہ و من انکار صلحده علاله له وکیل عقدی
موکله امانه ایسی لازمدور . علاله وکیل ایستر موکله ایستر نفسنه مضاف فیلار . فقط بیع ، شراء ، اجاره
و من انقرا صلحده وکیلک عقدی موکله مضاف فیلسی شرط دکلدور . وکیل عقدی نفسنه امساله
ایسه بیله ملکیت موکلی ایچوری ثابت و فقط حقوق عقد (۱۴۶۱ ماده شرحی) کندینه عائد اولور .
رسالنده حقوق عقد ضرساله عائدور . وکالت ویا رساننده اختلاف اولنسه سوژ رسالتی ادعا ابدیه نکلدور

فہرس

صفحہ	
۲	کتاب حادی عشر ؛ وکالت حقیقہ در .
۲	وکالتک ادلہ مشروعیتی .
۳	مقدمہ ؛ وکالتک لغت و شرع معناری .
۷	رسالتک تعریفی .
۸	وکالتک رسالت بینندہ کی فرقہ .
۹	باب اول ؛ ارکان وکالت .
۱۱	کندیسیلہ وکالت منعقد اولان الفاظ .
۱۶	اجازت لاحقہ نک حکمی .
۱۷	اجازتک عقود مفسوخہ و نافذہ لاحق اولمایہ جغہ .
	متفرع مسائل .
۱۸	مشتری فضولینک عقد شراستندہ کی احتمالات ثلاثہ .
۲۱	اجازتک ہم اقوال و ہم افعالہ حقوقی واستثناسی .
۲۲	رسالتک وکالت قبیلندن اولمادینی .
۲۶	امرہ کی صور ثلاثہ (وکالت ، رسالت ، مشورت) .
۲۸	رکن توکیلہ کی صور اربعہ (مطلقہ ، معلقہ ، مضافہ ، مقیدہ) .
۳۲	وکالت مقیدہ عائد ضوابط خمس و مسائل متفرعہ سی .
۴۰	موکل بہ اعتباریلہ تقسیم وکالت .
۴۲	مخصوصہ باب اول .

باب ثانی ؛ شرائط وکالت .	۴۵
موکله حائذ شرط .	۴۵
وکیلہ حائذ شرائط ثلاثہ .	۴۸
موکل بہہ راجع شرائط .	۵۳
ایفانک ایضاح و تقسیمی .	۵۵
ایفای دیونہ وکالتک اوج نوع اولدینی .	۵۶
استیفانک ایضاح و تقسیمی .	۶۰
توکیل جائز اولمایان خصوصاً (مباحات، استقراض، یمین) .	۶۴
توکیل جائز اولان اوتوزیدی عقد و معاملہ نک ایضاحی .	۶۹
وکالت قبض الدین جائز اولمایان مسائل .	۹۱
وکیل قبض الدین ایله بیعه و قبض ثمنه وکیل آره سندہ کی فرقہ .	۹۲
وکالت بالقبض بینہ ایله ثبوت بولمادی حالدہ وکیلہ	۹۳
تسلیم دین لازم کله جکی .	
وکیل قبض الدینک مدیونہ ضامن اولدینی مسائل .	۹۵
وکیل قبض الدین مواجہہ سندہ مدیونک دفع دعوی ایتیمی .	۹۷
مخصوصہ باب ثانی .	۱۰۵
باب ثالث ؛ احکام وکالت .	۱۰۸
فصل اول ؛ وکالتک احکام عمومیہ سی .	۱۱۰
مملک لہ جانبدن تعیین ایدیلهن وکیلک عقدی موکانه	۱۱۰
اضافہ ایتیمی لازم کلہن عقود .	

- ۱۱۵ وکیلک عقدی موکله مضاف قیلمسی شرط اولمایان عقود.
- ۱۱۶ شرایه وکالتده اختلاف فقها .
- ۱۱۷ ثمره خلاف .
- ۱۱۸ وکیلک حقوق عقدده اصل اولماسی اوزرینه متفرع مسائل .
- ۱۱۹ وکیلک هائ حقوقک ایکی قسم اولدینی .
- ۱۲۱ وکالت بالبعده کی حقوق عقد .
- ۱۳۰ وکالت بالشراده کی حقوق عقد .
- ۱۳۲ اجاره ده کی حقوق عقد .
- ۱۳۳ رسالتده کی حقوق عقد .
- ۱۳۵ عقدک وکالت یا رسالت اولدیغنه دائر واقع اولان اختلافک صورت حلی .
- ۱۳۶ وکیلک ، یدنده کی مالده امین اولماسی .
- ۱۴۲ وکیلک بالشرا ایله موکل آرسنده متکون مقدار ثمن اختلافک صورت حلی .
- ۱۴۶ رسولک ، یدنده کی مالده امین عد ایدلسی .
- ۱۴۹ سؤال وارد .
- ۱۵۰ ایکی کیمسه یه تفویض ایدیلن بر تصرفی یالکیز بریسی
- یاغنه مقتدر دکدر قاعده عمومیه سنه متفرع مسائل .
- ۱۵۸ وکیلک باشقه سنی توکیل ایدمه مسمی ؛ مستثنیات .
- ۱۶۶ فصلی ثانی ؛ شرایه وکالت .

- ۱۶۶ جهالتك متعلق اعتباريله قسیمی .
- ۱۶۸ موكل بهك معلومیتی شرط اولدینی .
- ۱۶۸ استثنا .
- ۱۷۲ جنسك اسباب مخالفی .
- ۱۷۴ وکیل بالشرايه عائد ایکی ضابطه .
- ۱۷۵ وکالت بالبیعك وکالت بالشرايه مخالفی .
- ۱۷۶ موكل بهك اسمك تبدیلی ایله وکیلك منعزل اولاجغنه متفرع مسائل .
- ۱۸۰ مقدارنده موكل بهك مقدار یا ثمنی بیان اولنق لازم اولدیغنه متفرع مسائل .
- ۱۸۴ وکالت مقیده عائد تفصیلات .
- ۱۸۶ مخالفتك انواع سته سی و مثالر .
- ۱۹۰ موكل بهك تبعضنده ضرر اولوب اولماغك نتایجی .
- ۱۹۶ غبن یسیر وفاحشه اشترانك جائز اولوب اولمادینی خصوصات .
- ۱۹۸ علی الاطلاق اشترایه توکیلك نقودله اشترایه مصروف اولدینی .
- ۱۹۹ شرایه وکالتك دلالة تقید ایتدیکی خصوصات .
- ۲۰۰ شیء معینك اشتراسنه وکیل اولان کیسه او شیء کندیسی ایچون آلامه جنی .

- ۲۰۴ شیء معینک وکیلہ قالدینی صورت .
- ۲۰۷ وکیلک اشترایلدیکی مال موکل ویا وکیلہ عائد اولدیفنک وجوه ثلاثه ایله تفصیلی .
- ۲۱۰ وجه ثالثه متفرع مسائل اربعه .
- ۱۱۳ وکیل بالشرانک موکلی ایچون اشترا ایدمهجهکی اموال .
- ۲۱۵ وکیل بالشرانک عیب ایله ردی ایچون صورت محاکمه .
- ۲۱۹ نمک تأجیل و تمجیلندمهکی اعتبارک ماقع علیه العقده عائد اولدینی .
- ۲۲۵ وکالاتده نمک تعیین ایله تعیین ایدمهجهکی .
- ۲۲۹ انشای عقده مالک اولان اقاله عقده دخی مالکدر ضابطه سنک مستثنیات .
- ۲۳۱ فصل ثالث ، بیعه وکالت .
- ۲۳۱ بیع صرفده غبن فاحشک جائز اولمادینی .
- ۲۳۷ وکیل بالبیعک مخالفته متعلق ضوابط اربعه و مسائل متفرقه سی .
- ۲۴۰ وکیل بالبیعک موکلنک مالنی صانامیهجهکی کیمسه لر .
- ۲۴۱ وکیل بالبیعک اشتراسی امرندهکی حیلہ .
- ۲۴۲ مستثنیات .
- ۲۴۴ وکالت بالبیعدهکی قیودات .
- ۲۵۷ وکیلک اجرکمز اولماسنک تولید ایتدیکی نتایج .

- ۲۵۹ وکیل بالبيعك عقد بیعی اقاله ایدہ بیلمسی .
- ۲۶۱ فصل رابع ؛ مأموره متداثر مسائل .
- ۲۶۱ قواعد ثلاثه .
- ۲۶۳ مأمور باداء الدینك بعد الاداء آمرینه رجوع ایدہ بیلمسی .
- ۲۶۴ شرائط ثلاثه .
- ۲۶۸ حق رجوع ثابت اولان دیگر مسائل .
- ۲۷۴ بلا امر صرفیانك تبرع اولدیتنه متفرع مسائل .
- ۲۷۷ برکیمسه نك امری آنجق کندی ملککنده جاری اولاجنی .
- ۲۷۹ آمرک مأمورده کی مطلوبندن دینی ادایه امر ایللمسی .
- ۲۸۰ سؤال وارد .
- ۲۸۴ فصل خامس ؛ خصومه وکالت .
- ۲۸۴ خصومتك لغت وشرع معناری .
- ۲۸۵ خصومه لزوم توکیلده اختلاف فقها .
- ۲۸۶ خصومه وکالتك ایکی درلو اولدینی .
- ۲۸۸ وکیل ادعای وکالتده بولمادینی حالدہ اثبات وکالت .
- ۲۸۹ خصومه وکالتك تهمیم ویا تخصیصی .
- ۲۹۱ توکیل بالخصومه نك شروطی .
- ۲۹۲ وکیل بالخصومه نك مقتدر اولمادینی خصوصیات .
- ۲۹۶ خصومه وکالتك بش وجهله اولاجنی .

- ۲۹۷ خصوصتہ وکالت قبضہ وکالتی مستلزم اولمایہ جی .
 ۲۹۹ خصوصتہ توکیلی استلزام ایدوب ایتیمہن وکالت .

- ۳۰۴ فصل سادس ، عزل وکیلہ دائر مسائل .
 ۳۰۴ وکیلک اون آلتی سبیلہ منزل اولاجنی .
 ۳۰۶ حق غیرک تعلق ایتدیکی مسائل اربعہ .
 ۳۱۲ عزل قصدیدہ وکیلک انفرالی علمنہ توقف ایدہ جکی .
 ۳۱۷ وکالتک نہ ایله ختام بولاجنی .
 ۳۲۶ خصوصتہ باب ثالث .



۲۹۰ ویدیا

۲۹۲ وکیل



3 1761 07358575 4